

F. АБДУРАҲМОНОВ, С. МАМАЖОНОВ

ЎЗБЕК ТИЛИ ВА АДАБИЁТИ

Ўзбекистон Республикаси Олий ва ўрта маҳсус таълим вазирлиги олий ўқув юртларининг дарслар ўзбек тилида олиб бориладиган ноғилологик гурӯҳ талабалари учун дарслик сифатида тасдиқлаган

ТОШКЕНТ – “ЎЗБЕКИСТОН” – 2002

81.2 Уз
А 15

Ўзбекистон Республикаси Фанлар Академиясининг ҳақиқий аъзоси, академик А. Р. РУСТАМОВ ва филология фанлари доктори, профессор Т. М. МИРЗАЕВЛАРНИНГ умумий таҳрири остида

Тақризчилар:

ЎзРФА ҳақиқий аъзоси, академик А. РУСТАМОВ, ЎзРФА Тил ва адабиёт институтининг директори, филология фанлари доктори, профессор Т. МИРЗАЕВ, ЎзРИИВ Академиясининг тиллар кафедраси мудири, филология фанлари кандидати М. А. РУСТАМОВ, Тошкент Ирригация ва қишлоқ хўжалигини механизациялаш инжинерлари институти “Ўзбек тили ва адабиёти” кафедраси мудири, доцент К. Н. РАҲИМОВА

ISBN 5-640-03005-4

A 4602000000-129
M351(04)2001 2002

© “ЎЗБЕКИСТОН” нашриёти, 2002 й.

МУҚАДДИМА

Мустақиллик шарофати билан Ўзбекистон халқи ўзлигини аңглаш, минг йиллик тарихини, анъаналарини, маданиятини, урф-одатларини тиклаш баҳтига эга бўлди. Халқимизнинг асрий орзулари, озодлик деб жонини фидо қилган ўзбек зиёлиларининг мақсадлари рӯёбга чиқди. Тилимизга Давлат тили мақоми берилиб, тарбия ва маориф соҳалари ҳам юксак талабларга жавоб бера оладиган янги бир тизимни ташкил этди.

Тарихдан маълумки, халқни ўзига тобе қилишни истаган кучлар аввало уни ўзлигидан, тарихидан, маданиятидан жудо қилишга интилади. Мустамлакачилик даврида чор Россияси амалдорлари маҳаллий халқни тарихидан, буюк маданиятидан маҳрум қилиш учун қимматбаҳо тарихий қўлёзмаларни ташиб кетдилар, ўзлари эса маҳаллий аҳоли учун хат-савод ўргатиш мактабларини очишидан нарига ўтмадилар. Бу сиёsat Советлар ҳокимияти даврида давом этди: ватанпарварлик, инсонпарварлик, сабр, кечиримлилик, яхшилик каби юксак гояларни тарғиб қилган буюк олимларни йўқقا чиқардилар, ислом динини таъқиб қилдилар. Инсоний гояларни куйлаган адилларни қораладилар, камситдилар. Улар яратган адабий асарларда шариатга тааллуқли буюк гояларни зълон этиш мумкин бўлмай қолди. Бундай юксак гояларни ўз асарларида тараннум этган адабиёт эса клерикал, сарой адабиёти деб қораланди (Яссавий, Фазлий каби), ўрнига коммунистик ғоя сингдирилди. Мустақилликка эришгач, Президентимиз И. А. Каримов таъкидлаганидек, “...биз ўз миллий табиатимиз ва минг йиллик анъаналаримиз, урф-одатларимизга зид бўлган сохта комму-

нистик ғоялардан воз кечдик. Лекин ... бўш қолган мафкура майдонидан бизга бегона, орзу-интилишларимизга мутлақо ёт ғоялар ўрин эгаллашга уриниши шубҳасиз. Ҳозирги пайтда рўй берадиган айрим салбий ҳолатлар, ножуя хатти-ҳаракатлар, ёвуз ишлар аввало мафкуравий бўшлиқ туфайли содир бўлмоқда". И. А. Каримов "бундай мафкуравий таъсиirlар салбий оқибатларга олиб келмаслиги учун нима қилиш керак?" деган савол қўйиб, бунга шундай жавоб беради: "Бунинг йўли — одамларимиз, аввалимбор, ёшларимизнинг иймон-эътиқодини мустаҳкамлаш, иродасини бақувват қилиш, уларни ўз мустақил фикрига эга бўлган баркамол инсонлар этиб тарбиялаш". Ҳозирги кунда ёш мутахассис, қандай соҳада меҳнат қилишидан қатни назар, ўз касбини чукур эгаллаши билан бирга, ўз тарихини, урф-одатларини, қадриятларини яхши ўзлаштирган, омма билан яқин алоқада бўла оладиган мутахассис, олим, адаб, муаллим, жамоат арбоби бўлишига, «мен ўзбек фарзандиман деб, ғурур ва ифтихор билан яшашига эришиш» зарур.

Ана шундай комил инсонни тарбиялашни кўзлаб, Ўзбекистон Олий ва ўрта маҳсус таълим вазирлиги дарслар ўзбек тилида олиб бориладиган олий ўкув юртларининг нофилологик факультетларида ҳамда ўрта маҳсус мактаблар (лицей ва коллежлар)да ўзбек адабий тилини ва адабиётини маҳсус курс сифатида ўқитиш тўғрисида икки марта (1992 йилнинг 25 октябрида ва 1996 йил 14 ноябрда) буйруқлар қабул қилди. Бу буйруқлар асосида маҳсус дастур тузилиб, вазирлик томонидан 1998 йили тасдиқланди. Ушбу дарслик мана шу буйруқ асосида ёзилди.

Дарсликнинг ўзбек тилига оид қисмида Ўзбекистонда ўзбек тилига Давлат тили мақомини бериш тўғрисидаги Қонуннинг моҳияти, ўзбек тилининг ва халқининг шаклланиш жараёни, ҳозирги ўзбек адабий тили ва ёзувининг хусусиятлари ва услуби ҳақида маълумот берилади ва расмий ёзма ҳужжатларни тузиш йўллари ўргатилади.

Дарсликнинг ўзбек адабиёти қисмида эса мумтоз ўзбек адабиётига асос бўлган Ўрхун — Энасой битиклари, XI—XIII аср адабиёти ("Девону лугатит турк", "Кутадгу билиг", "Ҳибатул ҳақойиқ") ҳақида маълумот берилиб,

Алишер Навоий ва ундан сўнгти давр адабиёти таҳдил этилади. Алабий асарларда инсонпарварлик, раҳм-шафқат, дўстлик, кечиримлилик, меҳр-оқибат, мардлик ва одиллик ғоялари талқин этилади ҳамда талаба ва ўқувчиларни ана шундай олий хислатга эга бўлишга даъват қилинади.

Ўзбек тилида дарс олиб бориладиган нофилологик олий ўқув юртлари ва факультетлари талабаларига ўзбек тилини ўқитишдан асосий мақсад уларнинг ҳозирги ўзбек адабий тилининг янги алифбосини ва имлосини яхши ўзлаштириб олиши ҳамда адабий тилнинг турли услубларидан боҳабар бўлиши ва уларни амалда қўллай билиши, шунингдек, расмий ҳужжатлар тузишни яхши эгаллаб олишига эришишдан иборат. Шу мақсадларни кўзлаб мазкур дарсликда грамматик қонуният ва қоидаларга ба-тафсил тўхталиб ўтирмай, алифбо, имло, талаффуз, тиниши белгиларини тўғри қўллаш билан боғлиқ бўлган тил қоида ва қонунларигина изоҳлаб ўтилди, муншаот бобида энг зарур бўлган расмий ҳужжатларни тузиш тартиби-гина берилди.

Ёзувимизнинг лотин алифбосига асосланган янги ўзбек алифбосига ўтишини ҳисобга олиб, дарсликнинг алифбо ва имло қисмларида ҳарфлар ва мисоллар янги ўзбек алифбосида берилди.

Албаттa, бу дарсликда айrim камчилик ва нуқсонларнинг бўлиши табиийдир. Мазкур дарслик бўйича мулоҳаза ва таклифларни қўйидаги адресга юборишингизни сўраймиз.

Toшкент, Навоий кўчаси, 30-уй, “Ўзбекистон” нашириётни.

Биринчи бўлум

ЎЗБЕК ТИЛИ

I б о б

ТИЛ — ИЖТИМОИЙ ҲОДИСА

Тил инсонга ва жамиятга хос бўлган ҳодисадир. У инсонлар орасидаги ўзаро алоқа воситаси бўлган бир қуролдир.

Тил маълум бир фикрни ифодалайди, шунинг учун инсонлар сўзлашганда ўз фикрларини билдирадилар, фикр алмашадилар. Шу билан бирга, сўзлашув орқали, фикр олишув йўли билан инсон ўз фикрини тўлдиради, чукурлаштиради ҳам.

Тил фикр билан чамбарчас боғланган. Тил онг қадар эскидир. Онг, фикр пайдо бўлиши билан тил ҳам пайдо бўлган. Аммо ибтидоий тил тузилиши томонидан содда, мазмун жиҳатдан мураккаб, қоришиқ (диффуз) бўлган. Фикр, тушунча ривожланиши, табақаланиши билан тил ҳам ривожланади, ҳар бир тушунчани, фикрни ифодалаш учун айрим сўз, ибора ва гаплар қўллана бошлади.

Тил ягона тизимни ташкил этади. Унинг турли соҳалари товушлари, сўzlари, кўшимчалари, гап қурилиши бир-бiri билан узвий боғланади. Сўз ва товушдаги ўзгарини гап ва қўшимчалардаги ўзгиришга олиб келади.

Тарихда ўз товуш тилига эга бўлмаган бирорта ҳам ибтидоий жамоа бўлмаган.

Тахминий ҳисобларга кўра, дунёда 1300 та халқ ва элат бўлгани ҳолда, 3000 га яқин тил мавжуд. Суданда яшайдиганлар 117 тилда, Догистонда 100 дан ортиқ тилда сўзлашадилар. Айрим тилларда ниҳоятда кам (камасинлар — 200, қарагаслар — 600) киши сўзлашса ҳам, улар ўз тилларини кўз қорашибидай авайлайдилар, унинг истиқболи учун курашадилар.

Хитой аҳолиси — 1 миллиард 200 миллион киши бўлиб, бу ерда инглиз, ҳинд, испан, рус, француз тил-

ларида ҳам жуда кўп кишилар сўзлашадилар. Англия, Америка, Канада халқлари, асосан, инглиз тилида сўзлашадилар. Мексика, Куба, Чили каби 20 дан ортиқ лотин мамлакатларида испан тилида гаплашадилар. Демак, бир тил икки ё ундан ортиқ миллатга хизмат қилиши мумкин. Тилларнинг яна бир ижтимоий-маърифий моҳияти шундаки, улар бир-бирларига таъсир этади, бир-бирнига сўз ва иборалар ўтади; бир миллат ёзуви асосида бошқа миллат ёзуви келиб чиқади.

1-§. ДУНЁ ТИЛЛАРИ

Дунё тилларининг таснифи

Олимлар қадимги даврлардан бошлаб дунё тиллари ва уларнинг тарихи билан қизиқиб келадилар. Турли ва ранг-бараанг тиллар ўртасидаги яқинлик (ўхшашиблик) ва бунинг аксини кўрсатувчи мисолларни кўплаб келтириш мумкин.

Масалан: а) *мать* (рус), *майка* (булғор), *матка* (поляк), *матіна* (литва), *Mutter* (немис), *mere* (француз), *модар* (тожик); б) *ер* (ўзбек), *жер* (қозок), *жер* (қирғиз), *ер* (озарбайжон), *йэр* (уйгур), *йер* (туркча).

Кузатишлар натижасида тилларни қиёсий-тариҳий йўл билан ўрганиш услуби шаклланади (XVIII аср, Ф. Бопп, Я. Гримм, Р. Раск, А. Х. Востоков ва б.)

Шу асосда дунё тилларининг икки хил таснифи берилади:

1. Генеологик тасниф.

Тиллар орасида фонетик, лексик, грамматик ўхшашибликка асосланади.

2. Морфологик тасниф.

Бу тасниф тилларнинг тузилиш томонидан ўхшашиблигига асосланади.

1. Дунё тилларини генеологик тасниф бўйича кўпчилик олимлар 16 оиласа, баъзилар эса 20-25 оиласа бўладилар:

а) ҳинд-европа тиллари (бу тиллар оиласи ўз ичидаги 11 та грухга бўлинади); б) хом-сом тиллари; в) кав-

каз тиллари; *г*)угор-фин тиллари; *д*) тунгус-манжур тиллари; *е*) хитой-тибет тиллари; *ё*) дравид тиллари; *ж*) полинезия тиллари; *з*) австралия тиллари; *и*) папуас тиллари; *к*) африка тиллари; *л*) полесиё тиллари; *м*) эскимос тиллари; *н*) шимолий америка тиллари; *с*) мўғул тиллари; *п*) туркий тиллар.

2. Дунё тиллари морфологик таснифга кўра тўртта гурухга бўлинади:

1) аморф тиллар.

Бу турга хитой, тай, бирма, тибет ва б. тиллар мансуб, уларда сўзлар ёлғиз ўзакдан иборат бўлиб, аффикслар қўлланмайди. Грамматик маънолар сўз тартиби, ургу, оҳанг билан ифодаланади. Масалан: *во жэнъши чжэсэжсань* — мен бу одамни танимайман, *чжэсэжсань во жэнъши* — мен танийдиган киши шу.

2) агглютинатив тиллар.

Бу гурухга туркий, фин-угор, корея, япон, манжур ва б. тиллар киради. Бу тилларнинг хусусияти шуки, аффикслар бевосита ўзак ёки негизга қўшилади, асосан бир грамматик маънони ифодалайди, префикслар ўрнида кўмакчилар қўлланади, грамматик жинс категорияси бўлмайди ва б.

3) флектив тиллар.

Бу хил тилларга ҳинд-европа ва хом-сом тиллар оиласи киради. Флектив тилларда сўз ясаш ва турлаш асосан ички флексия йўли билан амалга ошади.

Масалан, инглизча: *see-saw-seen-see* (кўрмоқ) феълининг ҳозирги, ўтган ва келаси замон шакли; немисча: *Bruder-Brüder*, биродар ва биродарлар, арабча: *Китоб-котиб-кутуб-катаба-кутиба*.

4) полисинтетик тиллар.

Бу гурухга Америка ҳиндолари, чукот, коряк ва бошқа тиллар киради. Полисинтетик тилларда гап бўлаклари бирикиб, бир сўз шаклида ифодаланади. Масалан: *ты-ата-каа-нмы-ркын-мен* — семиз бугуларни ўлдиряпман.

Туркий тиллар оиласи

Бу назария тарафдорлари фақат туркий тилларга мансуб тилларни бир оиласа киритадилар.

Туркий тиллар бўйича В. А. Бородицкий, В.В. Радлов, Ф. Е. Корш ва бошқаларнинг таснифи маълум. Бу таснифлар ичida Н. А. Баскаков таснифи кўпчилик томонидан тан олинган.

Н. А. Баскаков таснифига кўра, туркий тиллар икки катта тармоққа бўлинали: туркий тилларнинг ғарбий ва шарқий тармоғи.

1. Туркий тилларнинг ғарбий тармоғи қўйидаги гуруҳларга бўлинали:

а) булғор тиллари гуруҳи. Бу гуруҳга қадимги ўлик ҳазар ва булғор тиллари ва ҳозиргичуваш тили киради.

б) ўғуз ва қипчоқ тиллари гуруҳи. Бу гуруҳга қараӣ (Литва, Украина, Кримда), қумиқ (Дофистонда), қарачай, балқор (Кавказда), қрим-татар, бошқирд, нўғай, қорақалпоқ, қозоқ каби тиллар киради.

2. Туркий тилларнинг шарқий тармоғига қўйидаги туркий тиллар киритилади:

а) уйғур-тукю тиллари гуруҳи. Бу гуруҳга қадимги ўрхун-энасой битикларининг тили, ҳозирги тува, туфалар (карагас) тили киритилади;

б) ёқут тиллари гуруҳи;

в) ҳакас тиллари гуруҳи. Бунга Сибирдаги ҳакас, камасин, шўр, чулым, олтой, сари уйғур каби тиллар киради;

г) қирғиз-қипчоқ тиллар гуруҳи. Бу гуруҳни қирғиз, олтой тилининг жанубий шевалари ташкил этади.

Туркий халқлар сон жиҳатдан собиқ СССР ҳудудида-ги славян халқлардан кейин иккинчи ўринни эгаллайди.

Туркий тилларда сўзлашувчи халқларнинг сони 200 миллиондан ортиқ (1992 йил 4-8 майда Анқарада бўлиб ўтган туркий халқларининг конгрессида мажлис ташкилий қўмитаси раиси Айла Кутлу туркий тилда сўзлашувчи халқларнинг сонини 200 миллион деб эълон қилди) ҳисобланади.

2-§. ЎЗБЕКИСТОНДАГИ МИЛЛИЙ ТИЛЛАР

Ўзбекистон Республикаси кўп миллатли давлат бўлиб, унда 130 дан ортиқ миллатлар, халқлар ва этник грухлар истиқомат қиласи.

Республика аҳолиси 1989 йилда 20 млн га яқин бўлган бўлса, ҳозир 25 миллиондан ошиб кетди. Ўзбекларнинг сони 1989 йили 15 миллион атрофида бўлса¹, ҳозирги кунда уларнинг сони 20 миллионга етиб қолди.

Ўзбекларнинг асосий қисми Хоразм, Қашқадарё, Андижон вилоятларида яшайди. Қорақалпоқ аҳолисининг учдан бир қисми ўзбеклардир².

Бошқа республикаларда ва хорижда ҳам ўзбеклар истиқомат қиласи: Тожикистонда 1 миллионга яқин, Қирғизистон, Туркманистон, Қозоғистонда ярим миллионга яқин ўзбеклар яшайди³.

Ўзбекларнинг маълум бир қисми хорижда яшайди. Улар беш миллионга яқин бўлиб, маълум қисми баъзи сабаблар билан Ўзбекистон (эски Туркистон)дан кетиб қолишган. Уларнинг кўпчилиги Афғонистон, Туркия ва Саудия Арабистонида ва собиқ республикаларда яшайди.

Расмий маълумотларга қараганда, Афғонистонда 2 миллионга яқин, Саудия Арабистонида 500 мингдан ортиқ ўзбек истиқомат қиласи.

Ўзбекларнинг хорижга кетиб қолиши 3 даврга бўлиб кўрсатилади.

1. Октябрь тўнтаришига қадар бўлган давр. У вақтларда Афғонистоннинг Балх, Қундуз, Айбек, Ҳулм, Маймона, Сарипул, Шипирғон, Андхўй, Ахча каби ўлкалари Бухоро амирлигига қарашли бўлиб, уларнинг асосий аҳолиси ўзбеклар эди. Қобулда XIX асрнинг 90-йилларида Фарғона ва Тошкент водийсидан кўчиб борган 2500 ўзбек яшаган.

2. Октябрь тўнтариши ва XX асрнинг 20 — 30 йилларидаги зўравонлик туфайли кўп ўзбеклар қамалди, отилди, осилди, Сибирга сургун қилинди. Бир қисм ўзбеклар

^{1,2,3} Госкомстат. Т., 1990: «Аргументы и факты» газетаси. 1990 йил, 33-сон.

хорижга қочиб кетди. Маккага қочиб кетган ўзбеклар ичидаги Бухоро Ҳалқ социалистик Республикаси Марказий ижроия қўмитасининг биринчи раиси У. Пўлатхўжаев, миллий қўшин қўмондони М.Кулмуҳаммедов, ҳарбий вазир А.Орипов бор эди.

3) Иккинчи жаҳон урушида асирикка тушиб ёки бошқа сиёсий ва маънавий сабаблар билан кўп ўзбек ҳарбий асиirlари Оврупо ва АҚШни ўз ватани қилиб олдилар.

Ўзбекистон мустақилликка эришгач, республикадаги тинчлик, барқарорлик туфайли, айниқса, ўзбек тилига давлат тили мақомини бериш тўғрисидаги қонун қабул қилингач, Ўзбекистон Республикасида турли миллат вакилларининг ҳамкорликда истиқомат қилиб яшаш ва ишлашларига шароит вужудга келди.

Мустақил Ўзбекистон Республикаси Конституциясининг (1992 йил 8 декабрда қабул қилинган) I боб 4-моддасида Давлат «барча миллат ва элатларининг тиллари, урф-одатлари ва анъаналари ҳурмат қилинишини таъминлайди, уларнинг ривожланиши учун шароит яратади» дейилиши республикада турли миллат ва халқларнинг бир-бирига дўст бўлиб яшаб меҳнат қилишларига шароит туғдирди. Ўзбек тилига давлат тили мақомини бериш тўғрисидаги Қонун 1995 йил 21 декабрда янги таҳрирда қабул қилинди. Бу қонунга кўра, республикадаги ҳар қандай миллат, халқ ёки элат вакили ўз тилида таълим олиши (6-модда), ўзаро муомалада бўлиши (3-модда), ариза, шикоят, таклиф бериши (18-модда), монография, мақола ёзиши (17-модда), исм, ота исми, фамилиясини ёзиши (15-модда) мумкин. Қонунда Давлат қонун ва фармойишлари бошқа миллат вакиллари зич яшаётган жойларда уларнинг тилига таржима қилиб берилиши (5-модда) керак. Бундай халқлар ўз тилларида мактабгача ўқув юртларини очишлари мумкин (5-модда).

Давлат Конституцияси ва Давлат тили ҳақидаги Қонунлардаги бундай шароит ва имкониятлар бошқа миллатларининг республикамиизда бемалол яшаб, меҳнат қилишларини таъминлади.

Адабиёт:

1. Усмонов С. Умумий тилшунослик. «Ўқитувчи», 1972.
2. Баскаков Н. А. Введение в изучение тюркских языков. «Высшая школа», 1969.
3. Легай А. Хориждаги ўзбеклар. «Фан», 1992.
4. «Ўзбекистон аҳолисигин рўйхатга олиш». 1989 йил. Марказий статистика бошқармаси, 1990.
5. Ҳайитов Ш, Собиров Н. Хориждаги ўзбеклар. «Фан ва турмуш» журнали, 1992 йил 3,4-сонлари.

II б о б

**ЎЗБЕК ХАЛҚИ ВА ТИЛИНИНГ
ШАКЛЛАНИШИ ҲАҚИДА**

Бизнинг миллатимиз, халқимиз кўҳига Хоразм заманинида «Авесто» пайдо бўлган замонлардан бўён яшаб келади.

И. А. Каримов

1. Ҳақиқатан ҳам, академик Б.А. Аҳмедов айтганидек, «Ўзбек халқи Ўрта Осиёning қадимий халқларидан бири бўлиб, деярли 3000 йиллик тарихга эга¹. Ўзбек тилининг шаклланиши унинг ижодкори ўзбек халқи тарихи билан бевосита боғланган. Ўзбек халқи ва унинг тили туркий халқлар оиласига ва тилига мансуб бўлиб, унинг шаклланиши туркий халқлар ва тилларининг шаклланиш тарихи билан боғлиқ бўлади. Бунда тарихий, археологик, антропологик манбалардан ташқари, лингвистик (топономик, этнографик) маълумотларнинг ҳам қиммати катта, зеро, ҳозирги шаклланган халқ ва унинг тили узок ўтмишда рўй берган мураккаб жараённинг ҳосиласидир.

Ўзбек халқи этник жиҳатдан жуда ҳам мураккаб туркий халқлардан биридир. Ўзбек халқининг шаклланишида 92 туркий ва туркий бўлмаган уруғларнинг иштирок этгани тарихий, илмий ва адабий асарларда кўрсатиб ўтил-

¹ Аҳмедов Б. А. Ўзбек улуси. «Нур», 1992, 121-бет.

ган¹. Шайбоний ҳукмдорларидан Абдуллахон (1583 — 1598) Ҳиндистон подшоси бобурий Жалолиддин Ақбарга (1542 — 1605) йўллаган бир хатида «Биз 92 Ўзбек қавми устидан ҳукм юргизиб турибмиз», деб ёзган эди.

XVII асрда ўтган шоир Турдий Фароғий ўзбеклар 92 қабила ва уруғдан иборатлигини таъкиллаб, аҳил бўлиб яшашига чақириб, шундай ёзади:

Тор кўнгиллик беклар, ман-ман деманг, кенглик қилинг.
Тўқсон икки бори ўзбек юртидир, тенглик қилинг.
Бирини қипчоқ-у, хито-ю, бирини юз, наиман деманг,
Қирқу юз, минг сон бўлуб, бир жон ойинлик қилинг.

(«Ўзбек шеърияти антологияси», III жилд, Т., 1961, 105-бет)

Марказий Осиё ҳалқларининг қадимги ва илк ўрта асрлар давридаги авлодлари ва уларнинг тил хусусиятлари ҳақида

Қадимги ёзма манбаларда кўрсатилишича, милодгача Марказий Осиёда, хусусан Мовароуннаҳр, Хоразм, Олтой, Тоҳаристон, Суғдиёна ва Орол бўйни худудида эронзабон ва туркийзабон уруғ ва қабилалар (суғдийлар, скиф ёки саклар, массагетлар, хоразмийлар², шунингдек, қанглилар, уйшинилар, қарлуқлар, қипчоқлар, уйғур, аз ва бошқалар) яшаганлар³. Ҳар бир қабила мураккаб бўлиб, таркибида ўнлаб кичик гуруҳлар бўлган. Масалан: қангли

¹ «Насабномаи ўзбак» (ЎРФА ШИ, кўлёзма, иш № 3386, 183a-183б-бетлари). Яна «Мажмӯъ ат таворих», «Асомийи навади фирмайи ўзбак». Яна қаранг: Аҳмедов Б.А. Ўзбекистон ҳалқлари тарихи манбалари. «Ўқитувчи», 1991. Шаниязов К.Ш. К этнической истории узбекского народа, «Фан», 1974 год. Введение. с. 9-24 ва бошқалар. Шунни ҳам қайд этиш керакки, XVI ва сўнгти асрга оид бўлган кўлёзмалар Шайбоний-хоннинг Мовароуннаҳрни забт этган давридан (XVI асрнинг биринчи ярми) кейинги давридаги туркий ва туркийлашган мўғул уруғлари тўғрисида маълумот беради. XI асрда Маҳмуд Кошғарий қайд этган кўп туркий уруғларнинг айримлари бу қўлёзмаларда кўрсатиб ўтилган 92 уруғ таркибида учрамайди (Маҳмуд Кошғарий. Девону лугатит турк. Ўзбекча таржимаси, Т., 1960, 64-бет)

² Фрейман А.А. Хорезмский язык. 1. Москва-Ленинград, 1951.

³ Шаниязов К.Ш. К этнической истории узбекского народа. Введение. с. 9-24.

қабиласи таркибида уйшин уруғлари, қарлуқлар таркибида чигил, халаж, яғма уруғлари, қипчоқлар таркибида манғит, минг, қўнғирот, сарой ва бошқалар. Массагет, скиф (сак) сүғд қабилалари ҳам мураккаб таркибли бўлиб, бир қатор эронзабон ва туркийзабон уруғлардан ташкил топган эди.

Эронзабон уруғлар сабиқ СССРнинг Европа қисмидан, Қозогистон, Ўрта Осиёдан Олтойгача бўлган ҳудудда скиф (сак)лар, Каспийорти текислигида массагетлар, ҳозирги Қашқадарё, Тоҳаристон, Самарқанд, Зарафшон волийсида сүғдлар, Хоразмда хоразмийлар яшаганлар.

Туркийзабон қабилалар эса Сибирда, Мўгулистон, Олтой ўлкаларида, қисман Мовароуннахрда (қанглилар ва қарлуқлар), Олтойнинг жануби-ғарбий қисми, Қозогистон, Тяншандан ва Шимолий Мўгулистонда (қипчоқлар), Еттисувда (уйшинлар), Шарқий Туркистон ва Олтойда (уйгурлар) истиқомат қилганлар. Милодгача эронзабон ва туркийзабон қабилалар алоҳида ёки биргаликда қудратли давлат тузганлар (Суғдиёна, Қанғ, Қашха, Хоразм, Бақтрия, Паркан ёки Довон давлатлари каби). Туркий давлатларда сўзлашув ва расмий тил туркий бўлган. Аммо Аҳамонийлар (милодгача 350-140 йил) ҳукмронлиги даврида расмий тил форсий (аромий) ва юнон тиллари эди. Милодий I асрнинг биринчи ярмида Марказий Осиёда Кушонлар давлати барпо бўлди (I — IV асрлар) ва туркий тил асосан сўзлашув ва расмий тил бўлиб қолди.

Илк ўрта асрлар даврида айрим археологик қазилмалардан топилган ашёлар ва улардаги айрим сўзлардан ташқари, туркий тида тўлиқ матнли ёзма ёдномалар топилган эмас. Аммо ҳозиргacha сақланиб келган афсона ва дostonлар, шунингдек, антик давр ёзма манбалари ҳамда «Авесто» достони (VII — VI асрлар) Марказий Осиё халқларининг бой оғзаки ижоди бўлганлигидан дарак беради (Тўмарис, Широқ қаҳрамонликлари, Зарина ва Странтия, Зариадр ва Одатида, Рустам, Сиёвуши, Алп эр Тўнга афсоналари ва бошқалар).

Марказий Осиёда ўрта асрларда истиқомат қилган уруглар ва уларнинг тиллари ҳақида (VI — IX асрлар)

Маълумки, VI асрнинг ўрталарида (552 йили) Шарқда, Олтой ўлкасида Турк хоқонлиги барпо бўлди. Бу хоқонликни барпо қилишда ерли (Саян — Олтойда) яшаган қарлук, қирғиз, тургаш, теле, чик, аз ва бошқа қабилалар иштирок этди. «Қипчоқлар,— деб ёзади К.Ш. Шонин ёзов,— Олтой аҳолиси сифатида турк хоқонлиги таркибida бўлганлар, аммо, афтидан, унда фаол роль ўйнамаганлар». Турк хоқонлиги ташкил этишда туркий ашин уругининг асосий роль ўйнагани таъкидлаб ўтилади¹. Аҳвол шундай бўлганда ҳам ашин, ашид уругларининг ўзи қипчоқ эмас, ўғуз уруғига мансуб бўлган.

Олтой ўлкасида қарлук, ўғуз, қирғиз, туркеш, теле, чик, аз каби қабилалар иштироки билан шаклланган Турк хоқонлиги кейинроқ 563 — 567 йиллар ғарбга юриши қилиб, бутун Марказий Осиё, Еттисув ва эфталитлар қўл остидаги ҳудудни эгаллади. Бу ҳудудда истиқомат қилган туркийзабон ва эронзабон уругларни бирлаштириб, ягона қудратли давлатни ташкил этди. Шу билан турли туркий уругларнинг уюшмалари шаклланди. Бу уюшмаларни қадимги туркий уюшмалар деб номлаш мумкин. Бу уюшманинг асосини қарлуклар (қисман, ўғуз ва қипчоқлар) ташкил этди.

Бу уюшмани ташкил этган туркий уруглар яратган ёзма манбалар (битиклар) Турк хоқонлиги хукм сурган ўлкалардан топилган, улар VII — IX асрларга оидdir. Бу ёзма ёдномалар турли давр ва турли ҳудудда бунёдга келган бўлсалар ҳам, умумий хусусиятларга эга эди. Бу ёдномалар тилини қадимги умумтуркий тил деб номлан мум-

¹ Туркий халқлар (жумладан, ўзбеклар)ни шакллантирган туркий уруглар VII — VIII асрларда куйидагича жойлашган эдилар: Қантлилар Сирдарёнинг қуйи оқимида, ҳозирги Қозогистон ва Қирғизистон ҳудудларида, ўғузлар Орол бўйларида, Сирдарё ҳавзасида, қарлуклар шимолда — Каспий деңгизидан Уралгача, Талас ва Чу дарёлари атрофида. Ўрта Осиёда қипчоқлар билан қўшни яшадилар. Уйшинлар (усунлар) Фарбиј Турк хоқонлиги ҳудудида истиқомат қилдилар ((Шаниязов К. Древние элементы..., с. 2-13; К этнической истории узбекского народа гл. I. и ст. 43).

кинки, унинг асосини қарлуқлар шеваси (бўлгуси ўзбек тили) ташкил этди.

VI асрнинг ўргаларига келиб (639—645 йиллар) Турк ҳоқонлиги Фарбий ҳоқонликка (маркази Еттисув) ва Шарқий ҳоқонликка (маркази Мўгулистон) бўлиниб кетди.

Асосан, қарлуқ ва дулу, нушиби қабилаларидан ташкил топган Фарбий ҳоқонлик кейинроқ мустақил ҳокимликларга бўлиниб кетди (Хоразм, Суғд, Бухоро, Чаганиён, Тоҳаристон, Чоч, Фарғона каби). Бу парокандаликдан фойдаланган араблар фарбий ҳоқонликни забт этдилар (674—715 йиллар). Араблар даврида ислом дини қабул бўлди ва араб тили илмий тил сифатида жорий қилинди. Араб ёзуви туркий ёзувларни сиқиб чиқара бошлади. Аммо туркий ёки «уйгур» ёзуви XV асргача қўлланиб келди. Араблар даврида Мовароуиннаҳрда ҳукмрон бўлган Сомон Ҳудоднинг ўғиллари IX асрнинг биринчи ярмида ҳокимиятни кўлга киритдилар. Сомонийлар давлати даврида (819—1005 йиллар) араб тили билан форс-тожик тили ҳам расмий тил бўлиб қолди. Аммо туркий қабилалар жойлашган Еттисув, Шош, Фарғона, Қашқадарё, Сирдарё воҳаси, Хоразм ва умуман Амударёнинг чап томонларида чигил, қарлуқ, яғма уруғлари жойлашиб, уларнинг тили туркий тил эди. Шу билан бирга Зарабшон водийси ва сомонийларнинг бошқа ҳудудларида эронзабон уруғлар ҳам истиқомат қилиб, аҳоли турк ва форс-тожик тилида сўзлашган эди. Сомонийлар даврида илмфан тараққий этиб, Форобий, ал-Хоразмий, Рудакий, Ибн Сино, Беруний, Фирдавсий, ал-Фарғоний каби олимлар етишиб чиқди. Улар анъанага кўра араб тилида ижод қилдилар.

Қадимги туркий битиклар Ўрхун ва Энасой дарёлари бўйидагина эмас, Шарқий Туркистонда, Қозогистоннинг Талас дарёси ва Фарғона водийларида, Олтой ўлкаси ва Лена дарёси бўйларида, ҳатто Венгриянинг Надъсентмиклош қишлоғида, Новочеркасска ҳам топилган. Уларнинг сони 200 дан ортиб кетди. Шунинг учун ҳам бу битикларни «ўрхун-енисей» ёки «турк-рунн ёдномалари» демасдан (чунки улар рунн ёзувидагина эмас, «уйгур», тўғрироғи, Маҳмуд Кошғарий айтгандай, «туркий», суғд, брахма, моний ёзуvida қабр тошларига, қояларга, со-

пол ёки ёғоч идишларга, пергаментларга битилган), қадимий туркий битиклар деб аташ тўғри бўлади.

Туркий битиклар аниқ бир тил қоидалари асосида ёзилиб, ўзига хос услуб ва штамп (қолип)га эга бўлган умумтуркий тил эди. Улар турли даврларда ва ҳудудларда ёзилган ва турли хил ёзувларда битилган бўлса ҳам, уларда маҳаллий уруғларнинг тил хусусиятлари ҳам ўз аксини топган. Аммо, умуман олганда, битиклар қаерда ёзилишидан қатъи назар, умумтуркий тил қоидалари асосида ёзилган. С.Г. Кляшторный битиклар тили «...ягона қадимги туркий тил бўлиб, VII—X асрларда Мўғулистон, Жанубий Сибирь ва Еттисувда (турк ҳоқонлигининг асосий ҳудудида) тарқалган эди», деб ёзади. Қадимги туркий тил туркий қарлуқ, ўғуз, қипчоқ уруғлари тил хусусияти асосида шаклланган бўлиб, турк ҳоқонлиги емирилгач ҳам X асрдагча сақланган умумтуркий тил эди¹. Бу ёзма адабий тил оғзаки эпик адабиёт асосида турк ҳоқонлигидан бир неча аср аввал шаклланган тил эди. Афсуски, бу умум ёзма адабий тилининг дастлабки даврларига оид ёзма ёдномалар сақлангай эмас. Қадимги ёзма умумтуркий тил кейинроқ Ўрта Осиё ва Қозогистон ҳудудида шаклланган шарқий умум туркий тил (жумладан, қадимги ўзбек тили)нинг ҳамда эски ҳамда ҳозирги ўзбек тилининг шаклланишига асос (база) бўлди.

**Ўрта Осиё ва Қозогистон ҳудудидаги этник жараёнлар
ва шарқий (Ўрта Осиё ва Шарқий Туркистон) туркий
уюшма — қадимги ўзбек ҳалқининг ва шарқий эски
туркий тил — қадимги ўзбек тилининг шаклланиши
(Х — XII асрлар)**

Х асрнинг иккинчи ярмида қарлуқ, чигил, яғмо туркий уруғларининг иштироки ва раҳбарлигига Шарқий Туркистон, Еттисув ва Қашқадарё, Тяншанда барпо бўлган қораҳонийлар давлати 999 йили Мовароуннаҳри

¹ Қадимги туркий тилда ёзилган битиклар, уларнинг транскрипцияси, таржимаси ҳақида қаранг: *Малов С.Е. Памятники древнетюркской письменности. М.Л., 1951 год. Абдураҳмонов F., Рустамов A. Қадимги туркий тил., «Ўқитувчи», 1982. Кононов A.Н. Грамматика языка тюркских, рунических памятников. «Наука», Ленинград, 1980.*

У.5866/5

эгаллаб, ички низолар билан заифлашган сомонийлар ҳукмроилигига барҳам берди. Шундай қилиб, Шарқий Туркистон, Еттисув, Мовароуннаҳр – Шош ва Фаргона водийиси, собиқ Суғдиёна ва Тяншанда ягона туркий давлат барпо бўлди. Қораҳонийлар давлати 400 йилга яқин ҳукм суриб (1130 йили салжуқий давлатига шаклан бўйсунди), Қашғар хони Қодирхон (Томғач)нинг Фазнавиййлар билан биргаликда бўлган 1025 йилдаги ҳужумига ҳам бардош бериб, шу ҳудудда истиқомат қилган турли туркий ва бошқа уруғларни ягона давлат атрофида бирлашиди¹.

Мовароуннаҳр, Хоразм, Шарқий Туркистон ва Қозоғистон ҳудудида истиқомат қилган туркий уруғларнинг руҳий яқинлашиши, хўжалик ва тилдаги умумийлик, ягона давлат атрофида бирлашиш ва X – XII асрларда кўплаб туркий қабилалар (қарлук, чигил, яғмо, аргу ва бошқалар) бу ҳудудга келиб, маҳаллий қабилалар билан бирлашиб, қўшилиб кетиб, ягона давлат (Қораҳонийлар давлати) атрофида жипсланиши уларнинг қадимда катта ҳудудда (Олтой, Марказий Осиё, Кавказ, Шарқий Европа)да барпо бўлган қадимги туркий уюшмадан ажралиб, Ўрта Осиё ва Шарқий Туркистонда алоҳида *шарқий туркий уюшмалар* ташкил бўлишига сабаб бўлди. Бу уюшмалар қадимги (ўзбек, қозоқ, қирғиз, туркман, уйғур каби) *халқларнинг ўзаги* (асоси, ядроси)² – эди.

Мазкур ҳудудда шаклланган шарқий туркий уюшмалар (ёки ўзбек ва қозоқ, туркман, уйғур ва бошқа халқларнинг асоси, «ядроси»)нинг умумёзма тили (ёки ўзбек, қозоқ ва бошқа тилларнинг асослари) ҳам шаклланди. Шаклланган бу умум тилни *шарқий умум туркий тил* деб аташ мумкин. Шаклланган бу ёзма тил «қадимги ўзбек

¹ Қораҳонийлар 1001 йили Фазнавиййлар билан сулҳ тузиб, ҳар икки давлат орасида Амударё чегара қилиб олинганди эди.

² Ҳақиқатан ҳам, ўзбек халқининг асоси («ядроси»)гина бу даврда шаклланиди. Бу асос ўзбек халқигагина эмас, шу ҳудудда истиқомат қилган бошқа туркий халқлар (қозоқлар, қирғизлар, туркманлар, уйғурлар, қорақалпоқлар)нинг ҳам асоси («ядроси») эди. «К XI веку при караканидах процесс формирования узбекского народа достиг большой интенсивности», деб Э. Наджиб тўгри кўрсатади. Қаранг: Э.Н. Наджиб. Кипчакско-огузский литературный язык мамлюкского Египта XIV в., АДД. Москва. 1965, с.6.

тили» ҳам бўлсада, бу даврда яратилган ёзма ёдномалар «Кутадгу билиг», «Девону лугатит турк», «Ўғузнома», «Муқаддиматул адаб», «Ҳибатул ҳақойиқ», «Тафсир» ва бошқа ёдномалар — Ўрта Осиёда ҳозир истиқомат қилаётган барча туркий халқарнинг ҳам қадимги тили, қадимги ёзма ёдгорлигидир. Аммо бу ёдномаларда қарлуқ тил хусусиятлари асосий ўринни эгаллади.

X—XII асрга келиб шаклланган умумтуркий ёзма тил — қадимги ўзбек тили асослари, бир томондан, қадимги туркий тил хусусиятларини ҳам ўзида саклаш билан бирга, XIII—XVI аср охирига келиб шаклланган эски ўзбек тилига ҳам асос бўлди.

Юқорида айтилганидек, XI ва XIII аср бошларида ёзилиб, шу давр тилини ўзида акс эттирган «Кутадгу билиг», «Девону лугатит турк», «Ҳибатул ҳақойиқ» каби асарлар тил хусусиятига кўра таҳлил қилинса, бу асарларда асосий ўринни қарлуқ тил хусусиятлари эгаллаши маълум бўлади.

Мазкур асарлар қадимги умумтуркий тил билан X асрдан ажralиб, мустақил шаклана бошлаган ўзбек, қозоқ, қирғиз, туркман, турк, уйғур ва бошқа тилларни боғловчи бир ҳалқа, кўприкдир.

X—XIII аср бошларида ижтимоий ҳаётда содир бўлган сиёсий-давлат ўзгаришлари, давлат ва ҳокимииятларнинг барпо бўлиши, алмашиши, яъни қораҳонийлар давлати (840—1212), салжуқийлар ҳокимияти (1138 йили қора хитойлардан мағлуб бўлди), мустақил Хоразм (1127—1221 йиллар) давлати хукмронлиги даврида умум ёзма туркий тилда катта ўзгариш бўлмади, чунки бу давлатлар туркий давлатлар бўлиб, тиллари ҳам туркий эди. Аммо баъзи ёзма ёдгорликларда маҳаллий туркий уруғ тилларининг хусусияти ўз аксини топган эди.

Ўрта Осиё ва Қозогистон ҳудудидаги туркий халқлар ва эски ўзбек тилининг шаклланиши (XIII—XVI асрлар)

X—XIV асрларда ва ундан кейин ҳам Мовароуннахр ва Хоразмга Еттисув ва Орол денгизи бўйларидан қипчоқ ва бошқа туркий уруғларнинг кўчиб келиши, Шарқий Сал-

жуқ султонлигининг емирилиши билан (XII аср бошлари) қангли ва бошқа туркий уруғларнинг бу ўлкада кўпайиши, XI—XII асрларданоқ Хоразмла туркий тилнинг ҳукмрон бўлиши натижасида XIII—XIV асрларда мўғул уруғлари (жалойир, барлос, қавчин, арлат, дуглат, минг, салдуз, манғит, қўнғирот, найман ва бошқалар) турклashiб ва уларнинг ўтроқлашиб, маҳаллий туркий уруғлар билан аралашиб, қўшилиб, уларга сингиб кетди. Шу билан Мовароуннаҳр ва Хоразмда XII асрга келиб, шу ҳудудда истиқомат қилган туркий уруғлар бирлашиб, алоҳида ҳалқ — ўзбек ҳалқи бўлиб шаклланиш жараёни тугалланди. Ўзбек ҳалқининг қарлук тил хусусиятлари асос бўлган ўз ёзма тили — эски ўзбек тили XIII асрдан шакллана бошлади. Амир Темур (1336 — 1405) Ўрта Осиё ва Қозоғистон ҳудудида ягона туркий давлатни барпо этиб, туркий уруғларни бирлаштириди, бунинг натижасида ўзбек ҳалқи шаклланишин жараёни ниҳоясига етди.

XV асрнинг охири XVI асрнинг бошланишида Даشتி Қипчоқдан кўчманчи ўзбек-қипчоқ, қипчоқ-ўзбек, қипчоқ-мўғул, ўзбек-қозоқ уруғлари Мовароуннаҳр ва Хоразмга келиб, маҳаллий туркий уруғларга қўшилиб, сингиб кетди ва ҳалқ бўлиб шаклланган маҳаллий туркий уруғларга ўзининг ўзбек номини берди, холос. Академик И. А. Каримов кўрсатишича: «Ўзбек миллати Ўзбекхон номидан тарқалган эмас, балки Ўзбекхон ўзбек миллати номини ўзига исм қилиб олган бўлса ажаб эмас».

Эски ўзбек тили ўзининг аниқ бир меъёрлари бўлган адабий тил эди¹. Шоир ва ёзувчилар қаерда яшашларидан қатъи назар (Навоий — Ҳиротда, Бобур — Фарғонада, Муҳаммад Солиҳ — Хоразмда), ушбу умумий қоидаконунлар асосида ижод этганлар². Эски ўзбек адабий ти-

¹ Эски ўзбек тилининг хусусиятлари ҳақида қаранг: Щербак А.М. Грамматика староузбекского языка. М-Л, 1962. Фазылов Э. Староузбекский язык, т. I. «Фан», Т., 1966; т. II, «Фан», Т., 1971 ва бошқалар.

² Аммо айрим асрларда маҳаллий уруғ тил хусусиятлари ўз аксини топган: «Муҳаббатнома» ва «Таашшуқнома»да ўгуз тил хусусиятлари учрайди. Эски ўзбек тилининг хусусиятлари бу тилининг Шарқий Туркистан тилига («восточно-туркестанский язык») ва шеваларига муносабати А. М. Щербакнинг «Грамматика староузбекского языка» (М-Л, 1962) асарида батағфисил изоҳланган.

лининг қонун-қоидалари (нормалари) чекка ўлкаларга (Туркманистон, Озарбайжон, Шарқий Туркистон) тарқалди. Бу адабий тил қонун-қоидалари узоқ даврларгача, насрий асарлар соҳасида ҳатто XIX аср охиригача сақланди.

Мовароунихар ва Хоразмдаги этник жараёнилар ва янги ўзбек тилининг шаклланиши (XVII—XX асрлар)

Ўрта Осиё ва Шарқий Туркистон ҳудудида истиқомат қилаётган халқлар — ўзбек, қозоқ, қирғиз, қорақалпоқ, туркман, уйғурларнинг таркиб топишида ва тилларининг шаклланишида иштирок этган асосий қабилалар, уруғ ва уруғ бирлашмалари — қанглилар, қарлуқлар, ўғузлар (ёки «Нурота туркмайлари» — К. Шониязов), уйғурлар, азлар, узлар, арғин ёки арғулар, турклар, уйшин ёки уйсуналар, теленгутлар, тиркаш ёки туркаш қабилаларининг кўплари XVII ва кейинги асрларгача, ҳатто XX асргача Ўзбекистон ҳудудида яшаб келдилар, ўзларининг айрим тил хусусиятларини ва номларини сақлаб қолдилар, баъзилари қангли-ўзбек, ўзбек-қипчоқ бўлиб (ҳар икки уруғ хусусиятларини ўзида акс эттирган ҳолда) истиқомат қилдилар, баъзи уруғлар ўзбеклар таркибига сингиб кетдилар.

Алишер Навоий асос соглан адабий тил, адабий услуб XVII асрларгача қўлланиб келинди, аммо бу даврдан бошлаб, мумтоз адабий тилининг баъзи томонларидан узоқлашиш, замонасининг сўзлашув тилига яқин бир тилда ижод қилиш жараёни бошланган эди. XVII асрда яшаб, ижод этган Абулгози Баҳодирхон: «Туркларга туркона айтмоқ керак, то аларнинг барчаси фаҳм қилғайлар бизнинг айтган сўзимизни», — деб ёзган эди.

Навоий яратган ёзма услуб XIX асргача (айниқса, насрий асарларда) давом этади (Гулханий, Фурқат, Муқими, Огаҳийларнинг насрий асарларига қаранг).

XVII асрдан бошлаб ёзувчи ва шоирлар мумтоз эски ўзбек тилининг оммабон томонларини ўзига сингдирган ва сўзлашув тилига хос бўлган хусусиятларни акс эттирган тилда — янги ўзбек адабий тилида ижод қила бошладилар. XVIII—XIX аср ёзувчи ва шоирлари — Бобораҳим

Машраб, Мұхаммад Ҳоксөр, Ҳувайдо, Фозий, Паҳлавонқули Равнақ, Нишотий, Мунис, Гулханий, Махмур, Нодира, Увайсий, Оғаҳий янги ўзбек тилида ижод қилиб, уни мұккаммаллаштирилдилар. Аммо сўзлашув тилида қипчоқ, ўғуз, қарлук уруғлари айрим тил хусусиятларини деярли сақлаб қолдилар. Ижтимоий ҳаётда бўлган кескин ўзгаришлар, воқеалар шакллана бошлаган янги ўзбек тилига таъсир этмай қолмади, шоир ва ёзувчиларнинг ижодида ўз аксини топди. Шайбонийхон ўлдирилгач (1510 йил), янги сулола Аштархонийларнинг ҳукмронлиги (1601—1756), эрон шоҳи Нодиршоҳнинг босқинчилик ҳаракатлари (1736—1747 йил) оқибатида ижтимоий ҳаётда маълум ўзгаришлар рўй бериб, маҳаллий уруғ ва қабилаларнинг мустақиллик учун кураши бошланиб кетди. Самарқандда юз қабиласи, Шаҳрисабз ва Қаршида кенагас, мангит қабилалари бош кўтарди. Натижада XVII асрнинг бошидаёқ икки хонлик — мангит уруғлари бош бўлган Бухоро хонлиги ва қўнгирот уруғи ҳукмрон бўлган Хоразм хонлиги (1756—1920), кейинроқ минг уруғи бош бўлган Кўқон хонлиги (1709—1876) барпо бўлди.

Бу хонликларда асосий адабий тил янги ўзбек тили бўлиб, бу ҳудудда яшаган турли уруққа мансуб ёзувчи, шоир, тарихчилар шу тилда ижод этдилар. Аммо Бухоро ва Самарқандда асосан эронзабон ва эронзабонлашган туркий уруғлар бўлгани учун тожик тилида сўзлашгандар, девонхонада хужжатлар асосан тожик тилида юритилар эди.

XVIII асрда жунгарлар (қалмиқлар)нинг тўхтовсиз хужумидан безиган қозоқларнинг Катта жуз уруғи Россияга, Ўрта жуз уруғи Бухоро хонлигига, Кичик жуз уруғи Хоразмга бўйсунди. Аммо 1730 йили Ўрта ва Кичик жуз Россия қўл остига ўтди. Бу билан Чор Россиясининг эскидан Ўрта Осиё ва Қозоғистонни босиб олиш ниятлари амалга оширила бошлади. 1853 йили Қизил Ўрда (Оқ маҷит) қўлга олинди, ҳарбий истеҳкомлар кўпайтирилди. 1865 йили Тошкент, 1868 йили Самарқанд ва Бухоро, 1873 йили Хива эгалланди. Бухоро ва Хива хонлиги Россия қўлида вассал бўлиб қолди. Кўқон хонлиги 1875—1876 йиллари тугатилди ва 1876 йили бутун Туркистонда Туркистон генерал губернаторлиги ташкил этилди.

Мустамлакачилик даврида чекланган бўлса-да, саноат ва савдонинг ўсиши, маориф ва маданиятда бўлган ўзгаришлар маҳаллий зиёлиларнинг янги йўналишининг шаклланишига сабаб бўлди. Бу эса жадидлик каби миллий оқимнинг келиб чиқишига олиб келди. Жадидлар (Мунаввар қори, Беҳбудий, А. Авлоний, Чўлпон, Фитрат, Закий Валидий ва бошқалар) янги усулдаги мактаблар очиб, дунёвий илмларни, рус тилини ўқита бошладилар. Самарқандда 1870 йили, Чимкентда 1874 йили биринчи рус-тузем мактаблари очилди. «Асримизнинг бошларида жадидларнинг ўз ҳисобидан мактаблар, кутубхоналар, қироатхоналар, театрлар, рӯзномалар ташкил этганликларини, дарслик, қўлланмалар нашр қилганликларини, уларни Туркистон болаларига бепул тарқатганликларини бир эслайлик» (И. А. Каримов)¹. Албатта, бу даврда нашр этилган газета ва журнallар («Турон», «Тараққий», «Хуршид», «Садои Фарғона», «Самарқанд», «Нажот», «Улуғ Туркистон», «Садои Туркистон», «Оина», «Туркистон эли», «Хуррият» ва бошқалар) чор амалдорларининг қаттиқ назорати остида бўлиб, дам очилиб, дам ёпилиб турди.

XIX асрнинг иккинчи ярмида рўёбга чиққан сиёсий оқимлар (зиёлилар) маърифий-сиёсий масалалар билан бирга миллатнинг умум тили ҳақида ҳам маълум бир сиёсат юргиза бошладилар. Бир томондан, 1883 йилдан бери Богчасаройда нашр этила бошлаган «Таржимон» газетасининг муҳаррири Исмоилбей Гаспирали Озарбайжон, Туркия, Татаристон, Туркманистон, Кримда яшовчи туркӣ аҳоли учун, турк ва крим-татар тили асосида умумий ёзма адабий тилни жорий қилиш фоясини Озарбайжон, Крим, Туркистон газета ва журнallарида тарғиб қила бошлади². 1906 йили Бутун Россия мусулмонлари съезди мактабларда ягона турк тилини ўқитиш тўғрисида қарор қабул қилди. Иккинчи томондан, маълум бир гурӯҳ зиёлилар эски «чигатой» тилига қайтиш, уни тиклаш фоясини қўйдилар.

¹ И.А. Каримов. Ўз келажагимизни ўз қўлиминиз билан қурмоқдамиз. «Адолат» газетаси, 1999 йил 5 февраль соғи.

² XIX аср охири XX аср бошларидаги тил сиёсати тўғрисида қаранг: Боровков А. К. Узбекский литературный язык в период 1905—1917 годов. Учпедгиз, Т., 1941.

Октябр тўнтарилишидан сўнг Шўро ҳукумати «бўлиб ташлаб ҳукмронлик қилиш» учун энг маккор усусларни ишга солган, бир миллат вакилларини бир-бирига қарши қайраб, аловат ва низо уруфини сочган» эди. Бу сиёсатни амалга ошириш учун тўнтаришининг дастлабки йиллари маҳаллий миллатларга ён беришга ўтгандек бўлсало, Туркистон Компартиясининг I съезди (1918 йил 18 июн)да маҳаллий аҳоли тилини рус тили билан бир қаторда «расмий тил» деб эътироф этиш тўғрисида қарор қабул қилиши¹, эски услуб мактабларининг 1927 йилгача сакланиши большевикларнинг 20-йиллардаги колективлаштириш, қатағон 30-йиллар халқининг бошига кулфатлар солди: миллатни деганлар миллатчи, мустақиллик учун курашганлар «босмачи», «жадид», «қулоқ» бўлди, кўплаб яхши инсонлар, биринчи навбатда, зиёлилар йўқ қилинди.

XX асрнинг 20-йилларида, айниқса, асрнинг бошларида матбуотда, ёзма адабиётда ўзбек тилида ёзилган мақола ва адабий, илмий асарлардаги турлилик (истеъмолдан чиққан мумтоз адабий тил шаклларини қўллаш, туркча, татарча сўз ва қўшимчалардан фойдаланиш, шевачиликка йўл қўйиш, сўзлашув тилига ёт бўлган сунъий ибораларни ишлатиш) миллат учун ягона адабий тил бўлишини талаб этди. Ягона адабий тил ва унинг нормаларини (қонун-қоидаларини) белгилаш фақат жонли сўзлашув тили асосида бўлиши керак эди. Шунинг учун 20-йилларда ўзбек тили шеваларини чукур ўрганиш бошланиб кетди. Мураккаб ўзбек шеваларини (уруғ тилларини) ўрганишда Е.Д. Поливанов, К.К. Юдахин, А.К. Боровков, Фози Олим Юнусов, профессор Чўпонзода, В.В. Решетов, С. Иброҳимов, Т. Иброҳимов, Ф. Абдуллаев, Ш. Шоабдураҳмоновларнинг хизмати катта бўлди. Натижада 1930 йилга келиб ҳозирги ўзбек адабий тили шаклана бошлади. Бу тилнинг асосига асосан қарлуқ уруғ тили олинди. Шу билан бирга, ўғуз ва қипчоқ тилларининг хусусияти ҳам адабий тил нормаларидан жой олди. Асосан қарлуқ уруғлари жойлашган Тошкент шеваси адабий тилнинг фонетик тизимига, Фаргонга шевалари эса

¹ «Иштирокион» газетаси, 1918 йил 14 август; «Улуг Туркистон» газетаси, 1918 йил 27 июл.

морфологик тизимиға асос қилиб олинди. Адабий тил ёзувин минг йиллаб араб ёзувига асосланган бўлса-да, бу ёзувга 1918 йили айрим ўзгаришлар киритилди. 1926 йил ёзида Бокуда умумтуркиёт имло қурултойи чақирилиб, унда лотин алифбосига ўтишга қарор қилинди. Узбекистон Республикаси Ижроия Кўмитасининг 4-сессияси 1926 йил июн ойидаёқ бу қарорни маъқуллади ва лотин алифбосини жорий қилиш бўйича Й. Охунбобоев раислиги ва А. Икрамов, Ф. Хўжаев, Элбек, Фитрат ва бошқалар аъзолигида маҳсус комиссия ташкил этилди. 1940 йилга келиб рус (кирилл) алифбосига ўтилди. Мустақил Ўзбекистоннинг Олий Кенгаши эса 1995 йил 24 августда «Лотин ёзувига асосланган ўзбек алифбоси»ни қабул қилиш тўғрисида қарор қабул қилди.

Ўзбек халқининг мустақилликка эришуви, аввало, унинг тилига давлат тили мақомини (статусини) беринишдан бошланди (1989 йил 21 октябрь), орадан озгина вақт ўтгач (1991 йил 31 августа) Ўзбекистон Мустақил Давлат (Республика) эканлиги расман эълон қилинди ва дунёning бутун давлатлари томонидан тан олинди. Ўзбек тилига давлат тили мақоми (статуси, мартабаси)нинг берилиши билан ўзбек тилининг ҳар соҳада мавқеи кўтарилди. Шу билан баробар, 1995 йил 24 августда Ўзбекистон ҳудудидаги ҳамма миллат, халқ ва элатга ҳурмат, уларнинг тилларини расмий ва амалий тил сифатида тан оловчи Конун қабул қилинди.

Адабиёт:

1. Каримов И.А. Ўзбекистон буюк келажак сари, Т., «Ўзбекистон», 1998.
2. Каримов И.А. Ўз келажагимизни ўз кучимиз билан қурмоқдамиз. «Адолат» газетаси, 1999 йил 5 феврал.
3. Каримов И.А. Донишманд халқимизнинг мустаҳкам иродасига ишонаман. «Фидокор» газетаси, 2000 йил 8 июнь.
4. Абдураҳмонов F. Ўзбек халқи ва тилининг шаклланиши ҳақида. Тошкент шарқшунослик институти нашриёти, Т., 1999.
5. Аҳмедов Б. Ўзбекларнинг келиб чиқиши тарихидан. «Фан», Т., 1962.
6. Аҳмедов Б. Ўзбекистон халқлари тарихи мақбалари. «Ўқитувчи», Т., 1991.
7. Боровков А.К. Очерки истории узбекского языка. Учёные записки института востоковедения. М.-Л., 1958.

-
8. Жабборов И. Ўзбек халқи этнографияси. «Фан», Т., 1964.
 9. Кононов А.Н. Грамматика языка тюркских румических памятников, «Наука», 1980.
 10. Толстов С.П. По следам древнехорезмской цивилизации, М.-Л., 1948.
 11. Шаниязов К.Ш. К этнической истории узбекского народа. «Фан», Т., 1974.
 12. Шаниязов К.Ш. Қарлуқ давлати ва қарлуқлар. «Шарқ матбуот консерни», 1999.
 13. Шербак А.М. К истории узбекского литературного языка древнего периода. Сб.акад. В. Гордлевскому, 1953.
 14. Шербак А.М. Грамматический очерк языка тюркских текстов X—XIII в.в. из восточного Туркестана, М.-Л., 1961.

III боб

ҲОЗИРГИ ЎЗБЕК АДАБИЙ ТИЛИ – ЎЗБЕКИСТОН РЕСПУБЛИКАСИННИГ ДАВЛАТ ТИЛИ

Масаланинг тарихи

Ҳар бир халқ мустақиллигининг асосий белгиларидан бири ўз она тили билан, унга бўлган ҳурмат ва эътибор билан белгиланади, 1980 йилларнинг охиirlарида ўзбек халқининг мустақилликка интилиши, аввало, ўз она тилига иззат-ҳурмат талаб қилиш билан бошланди. 1988 йилнинг охиirlари ва 1989 йилнинг бошларида давлат тили масаласи матбуотда кескин кўтарилди. 1989 йил бошларида ўзбек тилига давлат тили мақоми бериш тўғрисидағи Қонун лойиҳаси эълон қилинди. Лойиҳа жамоатчилик орасида, ташкилот, корхона, ўқув юртлари жамоаси орасида кенг муҳокама қилинди, матбуотда бу муҳим миллий масала кескин мунозараларга сабаб бўлди. Кўпчилик ўзбек тилига давлат тили мақомини беришни ёқлаб чиқса ҳам, аммо баъзилар ўзбек тилини фақат расмий тил деб ҳисоблаш зарурлиги, баъзилар ўзбек тили билан баробар рус тилига ҳам давлат тили мақоми берилиши масаласини қўйдилар. Баъзилар эса ўзбек тили неча юз йиллардан бери Ўзбекистон (собиқ Туркистон) ўлкасининг тили бўлиб келди, ҳеч қайси тилга давлат тили мақомини бериш керак эмас, дея даъво қилдилар.

Мустамлака даврида миллий тилларга давлат тили мақоми бериш ҳақида гап бўлиши мумкин эмас эди. Агар рус тилига давлат тили мақоми берилса, миллий тиллар аста-секин йўқолишга юз тутар эди. Ҳозирги кунга келиб Ўзбекистон мустақил бўлгач, унинг тили ҳам давлат тили мақомини олиши қонуний бўлгани маълум бўлди. 1989 йилги аҳолини рўйхатга олиш маълумотига кўра, Ўзбекистон аҳолисининг тўртдан уч қисми ўзбек бўлиб, улар ўзбек тилини ўз она тиллари деб биларди (2 фоиз ўзбекларгина ўз она тили сифатида бошқа тилини — рус тилини кўрсатган). Республика аҳолиси ичida ўзбек тилини яхши биладиган рус, тоҷик, қозоқ, арманӣ, корейслар ва бошқа миллат вакиллари эса 10 фоиз атрофида эди. Шунинг учун ҳам ўзбек тилига Ўзбекистон Республикасининг давлат тили мақомининг берилиши ва тегишли Қонун қабул қилиниши табиий эди¹. Давлат тилини белгилаш бўйича ташкил этилган Ишчи Комиссия «Давлат тили ҳақида»ги Қонун лойиҳасининг муҳокамаси бўйича берилган фикрларни ва Комиссия номига келган мингдан ортиқ хатлардаги таклифларни ўрганиб, 1989 йилнинг баҳорида «Давлат тили ҳақида»ги Қонуннинг иккинчи лойиҳасини эълон қилди. Қайта ишланган янги лойиҳа ҳам кенг муҳокама қилиниб, 1989 йил 21 октябрда ўзбек тилига давлат тили мақоми бериш тўғрисида Ўзбекистон Олий Совети II сессияси Қонун қабул қилди.

Бу қонун Ўзбекистон Республикаси ҳали СССР таркибида бўлган вақтда қабул қилинган эди. Ўзбекистоннинг собиқ Министрлар Совети Қонунни амалга ошириш чоралари тўғрисида Давлат Дастурини қабул қилиш тўғрисида 1990 йил 19 февралда қарор қабул қилди ва ўзбек тилига давлат тили мақомини бериш тўғрисидаги Қонунни қабул қилган кунни ҳар йили алоҳида нишонлашни белгилаб чиқди, мазкур Қонуннинг ҳар бир моддасини бажариш бўйича жавобгар бўлган вазирлик,

¹Аммо тарихий-ижтимоӣ шароитга, аҳолининг сонига қараб бир давлатда икки, ҳатто уч тил ҳам давлат тили мақомини олиши мумкин: Ҳиндистонда ҳинди ва инглиз тиллари, Канадада инглиз ва француз тиллари, Швейцарияда (16 миллион аҳолиси бор) уч тил (немис, француз, итальян) давлат тили саналади.

ҳокимликлар, идора ва муассасаларни белгилаб чиқди ва тадбирларни бажариш муддатлари кўрсатилди.

1991 йил 31 августда Ўзбекистоннинг мустақил давлат сифатида собиқ Советлар Иттифоқидан ажralиб чиқиши, БМТга аъзо бўлиши (1992 йил 2 марта), Мустақил давлатлар Иттифоқига таъсис этувчи ва аъзо бўлиб кириши (1991 йил 21 декабрь), ўзининг миллий пули («сўм»)нинг муомалага киритилиши (1994 йил 1 июль) муносабати билан, шунингдек, Мустақил Ўзбекистоннинг мустақиллигини янада мустаҳкамлаш, Ўзбекистон Республикаси ҳудудидаги ҳамма миллат, халқ ва элатлар ўртасида яқинлик, ҳамжиҳатликни ўрнатиш ниятида Ўзбекистон Олий Кенгаши 1995 йил 21 декабрда «Давлат тили ҳақида»ги Қонунда Совет Иттифоқи билан боғлиқ бўлган айрим сўз-ибораларни чиқариб ташлаб, янги таҳрирдаги Қонунни қабул қилди. Янги таҳрирдаги Қонуни амалга ошириш бўйича Ўзбекистон Республикаси Вазирлар Маҳкамаси 1996 йил 10 декабря маҳсус давлат дастурини тасдиқлади. Дастурга кўра, жумладан, ўзбек тилига давлат тили мақоми берилган кунни (21 октябрь) ҳар йили Тил байрами сифатида намойиш қилиш тўғрисидаги қарор ўз кучида қолди.

Қонуннинг ижроси бўйича белгиланган тадбирларни амалга ошириш тегишли ҳокимлик, вазирлик, қўмита, бошқа идоралар зиммасига юкланди.

Ўзбек тилига давлат тили мақомининг берилиши Ўзбекистон Республикаси Олий Кенгашининг 2-чақириқ ўн биринчи сессиясида (1992 йил 8 декабрь) қабул қилинган «Ўзбекистон Республикасининг Конституцияси»да ҳам ўз аксини топди. Конституциянинг 4-моддасида «Ўзбекистон Республикасининг давлат тили ўзбек тилидир» деб ёзил кўйилди. Конституциянинг 90-моддасига кўра, Ўзбекистон Республикаси Президенти лавозимига сайланадиган шахс «давлат тилини яхши биладиган» киши бўлиши керак.

Ўзбек тилига давлат тили мақомининг берилиши Ўзбекистон (собиқ Туркистан) тарихида биринчи марта рўй берган тарихий-ижтимоий воқеа бўлди. Тарихда ўзбек тилининг мавқеи дам кўтарилиб, дам пасайиб борган бўлса ҳам, бу тил давлат тили даражасига кўтарилиб, «Давлат тили» мақомини олган эмас эди.

Милоддан аввал Мовароуннахрда, бутун Ўрта Осиёда муқим яшаб келган ва ҳозирги ўзбек халқи ва тили учун асос бўлган туркий уруғлар маҳаллий эронзабон уруғлар (асосан, суғдийлар) билан бирга истиқомат қилганилар. Бу даврда муомала ва расмий тил туркий бўлган, эронзабон суғдий уруғлар билан бирга ёки ёнма-ён яшаган туркий уруғлар икки тилли бўлиб, туркча ва суғдча муомала қилганилар ва уларнинг расмий ҳужжатлари икки тилда — туркий ва суғдий тилларида олиб борилган. Туркий уруғлар ичida туркий тил билан суғдий тилни ҳам билувчилик, Маҳмуд Кошғарийнинг гувоҳлик беринича, XI асрда ҳам бўлган¹. Қадимги суғдий ва бошқа эронзабон уруғлар асосида шаклланган тожик халқи ва тилининг тъсири билан кейинти даврларда ҳам (Сомонийлар давлати, айниқса, Темур давлатининг сўнгги даврларида, Бухоро хонлиги замонларида) тожик тилининг тъсири сезиларли бўлган. Айниқса, Мовароуннахр ҳудудида тожик уруғларининг бўлиши (Бухоро, Самарқанд, Чуст ва Поп шаҳарлари, Фарғона вилоятининг айрим туманлари в.б.) тожик тилининг ўзбек тилига тъсирини кучайтирган. Тожик аҳолиси зич яшаган ёки туркий уруғлар билан бирга яшаган ҳудудларда муомала тили ҳам туркий, ҳам тожикча, расмий ҳужжатлар эса асосан туркий тилда ёки ҳар икки тилда тузилган (Бухоро хонлигига расмий ҳужжатлар тожик тилида бўлган). Ҳозирги кунда Бухоро, Самарқанд, Поп, Чуст каби асосан тожикзабон аҳоли орасида муомала тожик тилида, расмий ҳужжатлар ўзбек ва тожик тилларида қабул қилиниади.

XIX асрнинг иккинчи ярмида Ўрта Осиёни забт этган рус амалдорлари ҳам рус тилини тарғиб ва ташвиқ қилиш билан бирга, маҳаллий тилларга ҳам аҳамият берганлар. Рус — Осиё банки маъмурияти ўзининг Кўқондаги башкига, хизматчиларидан маҳаллий тилни билишни, бу тили билмаганларга бир-бир ярим йилгача маҳаллий тилни ўрганиш зарурлигини талаб этган (ЦГИАЛ, Ленинград, Ф. 1396, оп. 5, д. 210, л. 11-18).

¹Қаранг: *Маҳмуд Кошғарий*. Девону лугатит турк. I-жилд, «Фан», Т., 1960, 66-бет. Қадимги суғдий тилининг хусусиятлари Тожикистонининг яғиоб шевасининг айрим лаҳжаларида ҳозир ҳам сақланган.

1905 йили Тошкентда «Сборник материалов по вопросу об изучении туземных языков» нашр этилди. Туркистан губернатори генерал-лейтенант Д.И. Субботичнинг 1906 йил 7 февралдаги буйруғига мувофиқ, идора хизматчилари, бошлиқлар, ҳарбий раҳбарлардан маҳаллий тилларни билиш талаб этилган ва бунинг учун зарур шартшароитлар яратиб бериш кўзда тутилган. Туркистанда иш кўрган В.Н. Наливкин, З.А. Алексеев, Лапин, М. Андреевлар ўзбек тили (у вақтда сарт тили деб номланган) грамматикаси ва қўлланмаларини ёздилар, лугатларини туздилар. Маҳаллий тилларни ўрганиш учун тўгараклар ташкил қилинди, рус-тузем мактаблари 1917 йил октябрь тўнтарилишидан сўнг Туркистан Компартиясининг I съезди (1918 йил, июнь) «Кенг мусулмонлар оммасини янги жамият қуришга жалб қилиш учун маҳаллий аҳоли тилини давлат тили деб эътироф қилиш керак» деган қарорга келди ва бу қарор «Иштирокион» газетасининг 1918 йил 14 августида (19-сон) эълон қилинди.

1924 йили Бутунтуркистан съезди ўзбек, рус, туркман, қирғиз тилларини расмий тиллар деб ҳисоблаш тўғрисида қарор қабул қилди. Ўзбекистон Республикаси Умумтуркистан республикасидан ажralиб, алоҳида республика деб эълон қилиниши билан ўзбек ва рус тиллари расмий тиллар деб тан олинди («Правда Востока» газетаси, 3.04.1989)

Шунга қарамай, ўзбек тили ўзбеклар орасида муомала тили бўлиб қолаверди, расмий ҳужжатлар, асосан, рус тилида қабул қилинди. Руслаштириш сиёсатининг жадал суръатлар билан амалга оширилиши туфайли раҳбарий идораларда ҳам амалдорлар орасида ўзбек ва бошқа маҳаллий миллат вакиллари кам эди¹. Натижада Ўзбекистон Марказий Ижроия Комитети (ЦИК) ва Ўзбекистон Министрлар Совети (СНК) 1928 йил 18 февралда «Давлат аппаратини ўзбеклаштириш тўғрисида» ва шу йил 20 декабрда «ЎзССРдаги идора, корхона ва ташкилот хизматчилари томонидан ўзбек тилини мажбурий ўрганиш тўғрисида» маҳсус қарорлар қабул қилинди. Қарорларга

¹Маориф комиссариатида 68 рус, 4 қозоқ ва қирғиз, 1 ўзбек ишлаган («Ўзбекистон адабиёти ва санъати» газетаси. 1989 йил 6 октябрь.)

кўра, идора, корхона ва ташкилотларга ўзбек тилини биладиган кишиларни қабул қилиш ва ишлаб турганларга ўзбек тилини ўрганиш учун алоҳида тўгараклар ташкил этиш топширилади. Бу қарорларни бажариш учун маҳсус комиссия ва унинг Низоми тасдиқланди (1928 йил 21 май қарори) ва ўзбек тилини ўрганиш муддатларини (1933 йил 1 апрелгача) белгилаб чиқди (ЎзССР Халқ Комиссарлари Советининг 1932 йил 7 март қарори). Қарорларда ўзбек тилини яхши ўрганиб олганлар алоҳида тақдирланиши кўрсатиб ўтилди.

Афсуски, 1937 йил март ойида ВКП(б) ва СССР Министрлар Советининг рус тилини мажбурий ўрганиш тўғрисидаги қарори қабул қилингач (қаранг: Известия КПСС журнали, 1989 йил 3-сон), ЎзССР Марказий Ижроия Кўмитаси ва Халқ Комиссарлари Совети 1938 йил 17 июл қарори билан мазкур қарорларни бекор қилди.

Рус тилини мажбурий ўқитиш ва ўргатиш тўғрисидаги ВКП(б) ва СССР ХКСнинг қароридан сўнг, айниқса И. Сталиннинг Компартиянинг XVI съездидан миллӣ тиллар йўқолиб, зонал тилларга, зонал тиллар ягона бир тилга қўшилиши тўғрисидаги «назария»сидан сўнг, миллӣ тиллар аста-секин камая ва йўқола бошлади. Рус тилига ажратилган соатлар икки баробар оширилиши муносабати билан, ўзбек мактабларининг юқори синфларидаги ўзбек тили дарслари олиб ташланди, ҳатто олий мактабларнинг миллӣ гуруҳларида ҳам маъruzalар рус тилида ўқиладиган бўлди. Мажлис ва йиғинларни рус тилида ўтказиш одат тусиға кирди. Расмий ҳужжатлар рус тилида тузилиши ва ёзилиши шарт эди. Рус тилини ўрганиш боғчалардан бошланди. Миллӣ тиллардаги мактабларнинг сони ҳам тобора камайиб борди. Агар улар собиқ СССР ҳудудида 30-йиллари 80 та бўлса, 1972—1973 ўқув йили — 52 тага, 1986 — 1987 йиллари 39 тага тушиб қолди. Агар чоризм даврида Россия империяси даврида 146 миллат, халқ, элат бўлган бўлса, 1979 йилга келиб уларнинг сони 101 тага тушиб қолди (қаранг: «Коммунист» журнали, 1988 йил, 15-сон).

Таркибида 100 дан ортиқ миллат, халқ ва элатлари бўлган Ўзбекистонда дарслар аюсан рус ва ўзбек тилларида ва баъзи жойларда (бошқи миллат вакиллари гав-

жум бўлиб яшаётган ҳудудларда) яна 5 тилда ўқитилар эди. Қозоқ, тожик тиллари ва адабиёти факультетлари Тошкент ва Самарқанддагина очилган эди. Рус тилини билмаган маҳаллий ёшлар марказий олий ўқув юртларига кириб ўқишидан маҳрум эдилар. Рус мактабларида ўзбек тили хўжакўрсинга ўқитилар, бу фандан бирор имтиҳон ҳам, синов ҳам йўқ эди. Монография, мақолалар, дарслар, кўлланмалар рус тилида ёзиладиган бўлди. Рус тилини тарғиб ва ташвиқ қилувчи конференция, симпозиум, семинарлар тез-тез ўтказиб турилди. Бирор амални эгалламоқчи бўлганлар рус тилини яхши билиши керак эли. Кўча, туман, шаҳар номлари асосан рус тилида эди. Мафкура соҳасида ҳар қандай миллий манфаатларга қаратилган интилишлар миллатчилик номи билан қораланди, шафқатсиз жазога маҳкум этилди, бутун дунё илмига ҳисса кўшган миллий-маданий бойлик йўққа чиқарила бошлади.

Бундай вазиятда, албатта, ота-оналар, биринчи навбатда, зиёлилар ўз фарзандларини рус мактабларига бердилар, ўзаро муомала ҳам рус тилида бўларди. Узбек тилида гаплашини қолоқлик, маданиятсизлик нишонасига айланиб қолди.

Рус тилининг айниқса ўзбек тилига таъсири кучли бўлди: ўзбек тилига ёт бўлган щ, и товушлари ва ҳарфлари кириб келди, ўзбек тилининг ўзига хос товушларини ифодаловчи қ, ғ, ҳ ҳарфлари алифбо сирасининг охирига кўчирилди. Ўзбек тили талаффузига мос келмаган хусусиятлар (унли ва ундошларнинг қатор келиши ва б.), рус-байналманил сўз ва кўшимчалар, рус тилига хос бўлган сўз ва иборалар (калькалар) ўзбек тилига сингдирла бошлади («КПСС қарорлари — ҳаётга!»—«Решения КПСС — в жизнь!», «ёқимли иштаҳа!» — «приятного аппетита!» ва б.).

Бу ҳол айниқса атамалар соҳасида яққол кўринди: ижтимоий-сиёсий атамалар 1924 йили тилимизда 0,9 фоиз бўлса, 1980 йилга келиб 20 фоизни ташкил этди. Аник фанлар соҳасида, масалан, химияда илмий атамалар сони 90—95 фоиздан орлиб кетди.

Ўзбек тилини давлат тили мақоми берилгач ва Ўзбекистон мустақиллиққа эришгач, саноат, қишлоқ хўжали-

ги, маданият ва мафкура соҳаларида катта ўзгаришлар рўй берди. Ўзбекистон мустақил ҳаракат қила бошлади, турли халқаро ташкилотларга аъзо бўлиб кирди, деярли бутун дунё мамлакатлари Тошкентда ўз элчихоналарини очдилар, Ўзбекистон давлати ҳам бошқа давлатларда ўз элчихоналарини ташкил этди. Маориф тизими тамоман янгилан тузилди.

Ўзбекистонда йил сайн лингвистик муҳит ўрнатила борди: миллий ўрта мактаб, лицей, коллежларда, олий ўқув юртларида дарслар ўзбек тилида ўтиладиган бўлди. Рус мактабларида ўзбек тили ва адабиётини ўқитиш бўйича муаллимлар тайёрлана бошлади. Ўзбек тилида китоб нашр этиш, мақолалар, диссертациялар ёзиш ва ёқлаш жорий қилинди. Ўзбек тилида сўзлаш ва муомала қилиш энди миллий фууруга айланди. Кўча, туман, шаҳарларга машҳур ўзбек олимлари, шоирлари, саркардаларининг номи кўйилди.

Идора ва корхоналарнинг расмий иш қоғозлари ҳамда мажлис ва йигинлар ўзбек тилида олиб борилди, исм ва фамилиялар миллий анъаналарга мувофиқ ёзила бошлади, почта ва телеграфлардаги ёзувлар, ариза ва таклифлар ўзбек тилида қабул қилина бошлади.

Айни пайтда Ўзбекистон ҳудудида яшаётган бошқа миллатларга, уларнинг маданияти ва тилига ҳурмат ва эътибор камаймади.

Ижтимоий-сиёсий ҳаётда бўлган бу ўзгаришлар, албатта, 1989 йили қабул қилинган «Давлат тили ҳақида»ги Қонунни қайта кўриб чиқишини талаб этар эди. Чунки 1989 йилги қонунга мувофиқ, 8 йил ичида ўзаро муомалани ва расмий иш қоғозларини ўзбек тилида олиб бориш (4-, 7-, 8-моддалар), конференция, сессияларни ўзбек тилида ўtkазиш ва жой номларини ўзбекчалаштиришни 3 йилда тугаллаш (5- ва 24-моддалар) кабилар республикада нотинчлик, норозилик туғдириши мумкин эди.

Ҳақиқатан ҳам, республикамиз миллий таркиби мурakkab бўлиб, нозик сиёсат олиб боришни талаб этади: 1989 йилги аҳолини рўйхатга олиш маълумотларига кўра, республикада ўша пайтда 20 миллионга яқин (ҳозир 25 миллионга яқин) аҳоли яшаб, уларнинг 14 миллиондан ортиғи (ҳозир 20 миллионга яқини), аҳолининг умумий

сонига нисбатан 70 фоиздан зиёди ўзбеклар бўлиб, рус, украин, белорус, қозоқ, тожик, татар, қорақалпоқ, озарбайжон, қирғиз, уйғур, турк, корейс, немис, яхудий, нўғай, арман, бошқирд, латиш каби миллат, ҳалқ, элатлар ҳам анча кўпчиликни ташкил этади.

«Давлат тили ҳақида»ги Қонуннинг мазмуни ва моҳияти (янги таҳрирда)

«Давлат тили ҳақида»ги Қонуннинг янги таҳрири ҳам Президент И.А. Каримовнинг «Ҳеч ким ўз миллатини бошқалардан устун қўймаслиги керак» деган принципига асосланади. Қонуннинг 2-моддасида кўрсатилганидек: «Ўзбек тилига давлат тили мақомининг берилиши республика ҳудудида яшовчи миллат ва элатларнинг ўз она тилини қўллашдан иборат конституциявий ҳукуқларига монелик қилмайди». Ўзбекистон Республикаси Конституциясининг 4-моддасида: «Ўзбекистон Республикаси ўз ҳудудида истиқомат қилувчи барча миллат ва элатларнинг тиллари, урф-одатлари ва анъаналари ҳурмат қилинишини таъминлайди, уларнинг ривожланиши учун шароит яратади», деб ёзиб қўйилган.

«Давлат тили ҳақида»ги Қонун 24 моддадан иборат бўлиб, унинг мазмуни ва моҳияти қўйидагича:

*Ўзбекистон ҳудудидаги миллат, ҳалқ ва элатларга ва
уларнинг тилларига ҳурмат*

(Тилни эркин танлаш ҳукуқи)

1) «Фуқаролар миллатлараро муомала тилини ўз хоҳишлирага кўра танлаш ҳукуқига эгадирлар» (3-модда).

Республикадаги ҳар бир миллат ўзаро муомала қилганда, қандай тилда сўзлашишни (ўзбекчами, русчами, қозоқ ёки тожикчами в.х.) ўzlари танлаб олади. Бунда, албатта, суҳбатдошларнинг қайси тилни яхши билишлари ҳисобга олинади.

2) «Ўзбекистон Республикаси... ҳудудида яшовчи миллатлар ва элатларнинг тилларига иззат-ҳурмат билан муносабатда бўлиш таъминланади, бу тилларни ривожлантириш учун шарт-шароит яратилади» (4-модда).

Республика Фанлар академияси Тил ва адабиёт институтида рус ва бошқа туркй тилларни ўрганиш, ҳозирги ўзбек тили ва шевалари, луғатшунослик каби бўлимлари иш олиб бормоқда. Бундан ташқари, республика педагогика илмий-тадқиқот институтида рус ва бошқа тилларни ўқитиш методикаси устида тадқиқотлар ўтказилади. Республиканинг барча олий ўқув юртларида ўзбек тили билан баробар рус тили, Европа халқлари тиллари, айримларида қозоқ ва қрим-татар тили, тожик тиллари, Осиё халқлари тиллари ўрганилмоқда ва илмий тадқиқотлар олиб борилмоқда.

3) Қонуннинг 5-моддасида «...миллий гуруҳлар зич яшайдиган жойларда уларнинг тилларида фаолият кўрсатадиган мактабгача тарбия, болалар муассасаларини ташкил этиш таъминланади» дейилган. Ўзбекистоннинг Поп, Чуст, Фарғона, Риштон туманларида, Бухоро, Самарқанд каби шаҳарларида тожик аҳолиси, Тошкент, Ангрен, Чирчик, Навоий каби шаҳарларида рус аҳолиси, Тошкент, Бухоро, Жиззах вилоятининг айрим туманларида қозоқ аҳолиси, Андижон, Фарғона ва Жиззах вилоятларининг айрим шаҳарларида қирғизлар, Тошкент шаҳри ва вилоятида татар ва корейс аҳолиси нисбатан зич яшайди. Шунинг учун ҳам бу туман ва шаҳарларда тожик, рус, қозоқ, қирғиз, татар, корейс тилларида мактаб ва мактабгача тарбия муассасалари ташкил этилган.

Бу ерда «бошқа тиллар» деганда маълум ҳудудда кўпчиликни ташкил этган рус, тожик, қозоқ, татар, қирғиз, корейс ва бошқа тиллар тушунилади.

4) «Ўзбекистон Республикасида яшовчи шахсларга таълим олиш тилини эркин танлаш ҳуқуқи берилади» (6-модда).

Шунга асосан, Ўзбекистон ҳудудида 7 дан ортиқ миллий тилларда мактаблар, лицей, коллежлар очилган. Тошкент Давлат педагогика университетида қозоқ, қрим-татар тили ва адабиёти, Самарқандда тожик тили ва адабиёти факультетлари очилиб, уларда мазкур мактаблар учун ўқитувчилар тайёрланади.

5) Қонуннинг 11-моддасида «суд ишлари юритилаётган тилни билмайдиган шахслар... судда она тилида сўзлаш ҳуқуқи таъминланади», дейилган.

6) 14-модда. Ўзбекистон фуқароларига «...аризалар, таклифлар, шикоят билан давлат тилида ва бошқа тилларда мурожаат қилиш ҳуқуқи таъминланади».

Бунда ҳар икки тилда — ҳам давлат тилида, ҳам бошқа тилларда эмас, бир тилда мурожаат этиш тушунилади.

7) 15-модда: «Ўзбекистон Республикасида яшовчи шахслар, ўз миллатидан қатъи назар, ўз исмини, ота исми ва фамилиясини миллий-тарихий анъаналарга мувофиқ ёзиш ҳуқуқига эгадирлар».

Албатта, бу ўринда араб, арман, грузин, яхудий тили ва ёзувида ёзиш мазкур идора ходимларининг имконияти (тилни ва ёзувни билиши)га боғлиқ бўлади.

8) 16-модда: «Телевидение ва радио эшииттиришлари давлат тилида, шунингдек бошқа тилларда олиб борилади».

Бунда айни бир материалнинг давлат тилида ва унинг таржимасини бериш билан баробар, давлат ва бошқа тилларда турли эшииттиришлар берилиши мумкинлиги кўзда тутилади.

9) Шунингдек, 17-модда кўрсатилганидек, «Ноширик фаолияти давлат тилида, эҳтиёжаларни ҳисобга олган ҳолда эса, бошқа тилларда ҳам амалга оширилади».

Маълум бир мақола, монография, тўплам давлат тилида бўлиши ва унинг таржимаси берилиши ёки бир тилда (давлат тили ва бошқа тилларда) бўлиши мумкин.

10) Шунингдек, 18-модда кўрсатилишича, «Почта-телеграф жўнатмалари давлат тилида ёки фуқароларнинг хоҳишига кўра, бошқа тилда амалга оширилади».

Бу моддада фуқаролар истагига кўра, ўз тилида (ҳам давлат тилида, ҳам ўз тилида эмас) почта жўнатмалари ни (хат, телеграмма в.б.) юбориши мумкин.

Давлат тили ва бошқа тилларни қўллаш ҳуқуқи

Қонуннинг қўйидаги моддаларида Давлат тили билан бирга бошқа тилларни ҳам қўллаш мумкинлиги кўрсатилган:

1) 8-модда: «Маҳаллий ҳокимият ва бошқарув органдарининг (жамоа, туман, шаҳар ҳокимиятлари.— А. F.) ҳужжатлари давлат тилида қабул қилинади ва эълон қилинади».

нади. Муайян миллат вакиллари зич яшайдиган жойларда...(бу хил) ҳужжатлар давлат тилида ҳамда мазкур миллат тилида қабул қилинади ва эълон қилинади»¹.

2) 9-модда «...халқаро анжуманларда давлат тили, шунингдек қатнашчиларнинг ўзлари танлаган тиллар анжуман иш тили ҳисобланади».

3) 10-модда: «Корхоналар, муассасалар, ташкилотлар ва жамоат бирлашмаларида иш юритиш, ҳисоб-китоб, статистика ва молия ҳужжатлари давлат тилида юритилади, ишловчиларнинг кўпчилиги ўзбек тилини билмайдиган жамоаларда давлат тили билан бир қаторда бошқа тилларда ҳам амалга оширилиши мумкин».

Мазкур 8- ва 10-моддаларда кўрсатилган Давлат тили билан баробар бошқа тилларни ҳам қўллаш ҳукуқи, маълум бир ҳудудда бошқа миллат ва халқлар зич яшайдиган, шунингдек «ишловчиларнинг кўпчилиги» (50 фоиздан ортиғи) давлат тилини билмайдиган бўлса, шундагина амалга оширилади.

4) Одатда судлов ишидаги расмий ҳужжатлар Давлат тилида олиб борилади. Аммо Давлат тилини «...билмайдиган шахсларга таржимон орқали ишга оид материаллар билан танишиш, ...судда она тилида сўзлаш ҳукуқи таъминланади» (11-модда).

5) 11-модда: «Хўжалик низолари тарафларнинг розилиги билан бошқа тилларда ҳам амалга оширилиши мумкин».

6) 12-модда: «Ўзбекистон Республикасида нотариал ҳаракатлар давлат тилида амалга оширилади. Фуқароларнинг талабига кўра, расмийлаштирилган ҳужжат матни... рус тилида ёки имконият бўлган тақдирда -- бошқа мақбул тилда берилади».

7) 21-модда: «Корхоналарда ишлаб чиқариладиган маҳсулот давлат тилидаги ва бошқа тиллардаги ёрликлар, йўриқномалар, этикеткалар билан таъминланади».

8) 23-модда: «Ўзбекистон Республикасининг халқаро шартнома матнлари, агар шартноманинг ўзида бошқача қоида назарда тутилмаган бўлса, давлат тилида ва аҳдлашувчи томоннинг (томонларнинг) тилида ёзилади».

¹ Бошқа миллат ва халқларнинг жойлашиш ўринлари юқорида кўрсатиб ўтилди.

Давлат тилида ва унинг таржимаси билан иш юритиши

1) 8-модда: «Ўзбекистон Республикасининг қонунлари, давлат ҳокимияти ва бошқарув органларининг бошқа ҳужжатлари давлат тилида қабул қилинади ва эълон қилинади. Бу ҳужжатларнинг таржималари бошқа тилларда ҳам эълон қилинади».

Демак, қонунлар, фармон ва бошқа давлат аҳамиятига молик ҳужжатларнинг истисносиз бошқа тилларга таржимаси берилади.

2) 9-модда: «Давлат ҳокимияти ва бошқарув органларида иш давлат тилида юритилади ва заруриятга қараб бошқа тилларга таржима қилиниши таъминланади».

Бу ерда «заруриятга қараб» деганда мазкур ҳужжатларнинг ижро этувчи ташкилот ходимларининг миллий таркиби (давлат тилини билмовчилар кўпчиликни ташкил этиши) тушунилади.

3) 11-модда: «...суд ишлари юритилаётган тилни билмайдиган шахсларга таржимон орқали ишга оид материаллар билан танишиш... ҳуқуқи таъминланади».

4) 13-модда: «Фуқаролик ҳолатини қайд этувчи ҳужжатлар, шахснинг ким эканлигини ва унинг ҳуқуқларини тасдиқловчи ҳужжатлар давлат тилида расмийлаштирилади, заруриятга қараб бошқа тилда таржимаси такрорланиши мумкин».

5) 19-модда: «Ўзбекистон Республикаси ҳудудида жойлашган ҳалқаро ташкилотлар ва муассасалар, қўшма корхоналарнинг, шунингдек миллий маданият жамиятлари ва марказларининг муҳрлари, тамғалари, иш қоғозлари матнларининг таржимаси давлат тилида такрорланади».

6) 20-модда: «Лавҳалар, эълонлар, нархномалар ва бошқа кўргазмали ҳамда оғзаки аҳборот матнлари давлат тилида расмийлаштирилади ва эълон қилинади ҳамда бошқа тилларда таржимаси берилиши мумкин».

Давлат тилида иш олиб бориш

1) «Давлат тили ҳақида»ги Қонунда давлат тилида муомала қилиш (3-модда), таълим олиш (6-модда), унинг

нормалари ва қоидалари устида ишлаш, бойитиш, ривожлантириш (7-модда), давлат қонунлари ва хужжатларини қабул қилиш (8-, 19-моддалар), иш юритиш, статистика ва суд, нотариал ва фуқаролик хужжатларини тузиш (10-, 11-, 12-, 13-моддалар), расмий хужжатлар тайёрлаш (14-, 15-моддалар), телекўрсатув, радио, ноширилик, почта-телеграф муассасаларда (16-, 17-, 18-моддалар), кўргазмали қуроллар (20-модда), маҳсулот ёрликлари (21-модда) ижтимоий аҳвол ва фуқаролар хоҳишини ҳисобга олган ҳолда давлат тилида олиб борилади.

Шу билан бирга,

2) 19-моддага кўра, «Муассасалар, ташкилотлар ва жамоат бирлашмалари мухрлари, тамгалари, иш қозозларининг матнлари давлат тилида бўлади».

3) 22-моддага асосан, «Республиканинг маъмурий-худудий бирликлари, майдонлари, кўчалари ва географик обьектларининг номлари давлат тилида акс эттирилади».

«Давлат тили ҳақида»ги Қонунни бажариши

Қонуннинг 24-моддасига кўра, «Ўзбекистон Республикасида давлат тилига ёки бошқа тилларга менси-май ёки хусумат билан қарашиб тақиқланади. Фуқароларнинг ўзаро муомала, тарбия ва таълим олиш тилини эркин ташлаш ҳуқуқини амалга оширишга тўсқинлик қилувчи шахслар қонун ҳужжатларига мувофиқ жавобгар бўладилар».

«Давлат тили ҳақида»ги Қонунни ижро этиши

Ўзбекистон Республикаси Вазирлар Маҳкамаси «Давлат тили ҳақида»ги Қонунни (янги таҳрирда) амалга ошириш учун Давлат дастурини тасдиқлаш тўғрисида 1996 йил 10 сентябрда қарор қабул қилди.

Давлат дастурида вилоят, шаҳар, туманлар ҳокимлари ёки уларнинг ўринбосарлари раислигига тузилаётган комиссияга мазкур «Қонунни жорий этиш бўйича жавобгарлик юкланди».

Бундай комиссия вазирликларга қарашли ҳар бир корхона, ташкилот, муассаса ва ўқув юртларида ҳам ташкил этилди.

Қонунни тарғиб ва ташвиқ этиш ЎзР ФА, ҳокимликлар вазирликлар, қўмиталарга ва олий ва халқ таълими вазирликларига, радио, телекўрсатув, газета, журналлар ва улар қошидаги комиссияларга топширилди.

Ҳар йили 21 октябрда — Давлат тили тўғрисидаги Қонун қабул қилинган кунни нишонлаш қарор қилинди.

Давлат тилини ўқитишни ташкил этиш, бу тил бўйича мутахассислар тайёрлашни кенгайтириш, янгича дастур ва дарсликлар тайёрлаш ва нашр этиш, рус ва бошқа тилдаги мактаб, ўрта маҳсус ўқув юртларида ўзбек тилини асосий фан сифатида ўқитиш, ҳамма жойда давлат тилини текин ўқитиш, ҳамма ўқув юртларида ўзбек тили ва адабиёти кафедраларини очиш, давлат тили бўйича олимпиадалар, конференция ва семинарлар ўтказиш топширилди.

Давлат дастурида расмий ҳужжатлар намунасини ишлаб чиқиш ва жорий этиш кўзда тутилган.

Бундан ташқари, кўп жилдли академик «Ўзбек тилининг изоҳли лугати»ни ҳамда терминологик лугатлар тузиш, давлат тилида иш юритиш бўйича қўлланма нашр этиш мўлжалланган.

Иш юритиш бўйича Қонунда кўрсатилган талаблар асосида ишлаш, Қонунни амалга ошириш учун керакли техник воситалар билан таъминлаш, қонунни амалга оширишга «тўсқинлик қилувчи мансабдор шахсларга нисбатан маъмурий чоралар кўрилиши назарда тутилган».

Давлат дастурининг ҳар бир мoddасини бажариш бўйича жавобгар бўлган вазирлик, қўмита, Фанлар академияси, ҳокимиюятлар ва конкрет муассаса, ташкилот ва идоралар ҳамда Дастурдаги тадбирларни бажариш муддатлари кўрсатиб ўтилган.

Атамаларни тўғри танлаш ва қўллаш, уларни бирхиллаштириш (унификация қилиш) ва стандартлаш (бир қолилга солиш) муҳим аҳамиятга эга. Тўғри танланган атама (термин) фанни эгаллашда ҳам, тилни ривожлантиришда ҳам катта роль ўйнайди. Шунинг учун ҳам Ўзбекистон Республикаси Вазирлар Маҳкамаси (собиқ Ми-

нистрлар Совети) ҳузурида 1989 йил 26 декабрда маҳсус Атамашунослик (терминологик) қўмита тузди.

Қонун қабул қилинган вақтдан бери бу соҳада анча ишлар амалга оширилди. Ўзбек тилини ўқитиш соатлари кўпайтирилди, янги дарслик ва қўлланмалар нашр этилди, ҳар бир идора ва ташкилотларда иш юритиши (оғзаки ва ёзма) Қонун асосида амалга оширила бошланди, мақбул бўлмаган жой номлари ўзгартирилди, почта ва телеграф жўнатмалари, расмий хужжатлар тузишда ҳам Қонун асосида иш олиб борилди, атамаларни танлаш ва ишлатиш тартибга солина бошлади, ўзаро муомала ва таълим олишида тилларни танлашдаги эркинлик амалга оширила бошлади. Идора ва ташкилотларда давлат тилини бепул ўрганиш тўгараклари ташкил этилди ва ҳоказо.

«Давлат тили ҳақида»ги Қонуннинг ижросида Республика Вазирлар Маҳкамасида ва жойларда ташкил этилган комиссияларнинг фаолияти Қонуннинг бажарилишини таъминлашда катта рол ўйнали ва ўйнамоқда.

Адабиёт

1. Ўзбекистон ССРнинг Давлат тили ҳақида. Т., «Ўзбекистон», 1989.
2. Ўзбекистон Республикасининг Қонуни. Давлат тили ҳақида (янги таҳрирда). «Халқ сўзи» газетаси, 1995 йил 29 декабрь.

IV б о б

ҲОЗИРГИ ЎЗБЕК АДАБИЙ ТИЛИ. СЎЗЛАШУВ НУТҚИ ВА ШЕВАЛАРИ

1-§. ЎЗБЕК АДАБИЙ ТИЛИ

Ўзбек адабий тили – ўзбек халқининг маълум бир қонун-қоидалар асосида тузилган тили. Адабий тил расмий хужжатлар, ёзма адабий, илмий, хуқуқий, радио, телекўрсатувлар, матбуот, мактаб, ўрта ва олий ўқув юртларидаги маърузалар тилидир. Бу тил давлат тили мақомини олган расмий тилдир. Адабий тил сўзлашув тилидан, шевалардан, турли тоифалар тилидан маълум

норма (меъёр, қонуниятлар) асосида тузилгани билан фарқланиб турали. Шу билан бирга, бу тил жонли сўзлашув нутқига, шевалар ва турли тоифа тилларига асосланади, улардан озиқланади, тобора такомиллашади. Адабий тилнинг шаклланиши, такомиллашишига анъанавий ёзма мумтоз (классик) адабий тил, бошқа тиллар (араб, форс, тожик, рус ва европа тиллари) ҳам катта таъсир кўрсатади.

Маълум қонун-қоидалар орқали шаклланган адабий тил нормалари (меъёрлари) ёзма адабий, илмий асарлар ва дарсликлар, радио, кино ва телекўрсатувлар, мактаб ва матбуот орқали тарғиб қилинади.

Адабий тил билан шева, сўзлашув нутқи ва турли тоифалар тили ўртасида тафовут доимо сақланади. Оғзаки нутқнинг ўз фонетик, лексик, грамматик нормалари (меъёрлари) бўлади.

Адабий тил мезонлари, меъёрлари (нормалари) ҳамма давр учун бир хил бўлмайди: ҳар даврнинг ўз адабий тил мезонлари бўлади. Масалан, қадимги туркӣ тил, эски туркӣ тил, эски ўзбек тили, янги ўзбек тили, ҳозирги замон ўзбек тилининг ўзига хос адабий тил мезонлари (нормалари) бор.

1. Қадимги туркӣ адабий тили VI — X асрлар мобайнида амалда бўлган, бу тилда қадимги туркӣ ёзма ёдгорликлар яратилган.

2. Эски туркӣ адабий тили XI — XIII асрлар давомида яратилган «Кутадғу билиг», «Ҳибатул хақойиқ», «Ўғузнома», «Мұҳаббатнома», «Қиссан Рабғузий» каби буюк адабий асарлар тилидир.

3. Эски ўзбек адабий тили XIV — XVIII асрлар мобайнида шаклланиб, бойиб, такомиллашган адабий тилдир. Бу тилда Лутфий, Саккокий, Дурбек, Атоий, Навоний, Бобур, Муҳаммад Солиҳ, Гулханий, Абулғози Баҳодирхон, Турди каби буюк шоир ва ёзувчилар қалам тебратди.

4. Янги ўзбек адабий тили XIX асрнинг иккинчи ярмида шаклланди. Бу тилда Амир Умархон, Нодира, Муқимий, Завқий каби шоирлар ижод қилди, матбуот тили шаклланди.

5. Ҳозирги замон ўзбек адабий тили Фитрат, Чўлпон, Ойбек, А. Қодирий, А. Қаҳҳор, Фофур Ғулом, Ҳ. Олим-

жон, А. Орипов, Э. Воҳидов ва бошқа ёзувчи ҳамда шоирларнинг тилидир. Бу тил XX асрнинг 20 йилларидан бошлаб шаклланди.

Адабий тилга фақат бадиий асарлар тилигина эмас, ўз даврининг илмий, расмий тили, матбуот тили ҳам киради. Адабий тилнинг ҳар соҳаси — товуш тизими, ёзуви, сўз ва гап қурилиши, сўз қўллаш йўллари ўз қонун-қоидаларига (нормалари, мезонларига) эга бўлади. Бу мезонлар, тилнинг амалда қўллаш тажрибасига асосланниб, узок ва ҳар томонлама муҳокама ва мунозарадан кейин, тилшунос олимлар томонидан, бошқа соҳа мутахассислари билан келишилган ҳолда тасдиқланади.

Адабий тил ва сўзлашув нутқи ҳамда шевалар орасидаги тафовутни матбуот, радио, телекўрсатув, ёзма адабиёт орқали йўқотишга ҳаракат қилинади. Аммо сўзлашув нутқи ва шевадаги хусусиятлар асосан сақланади. Шу билан бирга бу хусусиятлар адабий тилни бойитишда манба ҳам бўлади.

Кўрсатиб ўтилган тил жараёни бир-бири билан боғлиқ, бири кейингисига асосланади, ундан келиб чиқади. Даврлар мобайнида шу жараён туфайли адабий тил силлиқлаша ва мукаммаллаша боради.

Сўзлашув (оғзаки) нутқи ёзма ва сўзлашув (оғзаки) шаклларига эга бўлади. Сўзлашув нутқи адабий тил меъёрларига (нормаларига) риоя қилмаган оғзаки нутқ бўлиши ёки маълум бир шева хусусиятларини сақлаган ва ёзма адабий тил талабларига риоя қилмаган шаклда бўлиши мумкин.

Сўзлашув (оғзаки) нутқда ёзма адабий тил қонун-қоидалари тўлиқ сақланмаслиги ҳам мумкин. Сўзлашув нутқида товушлар, сўзлар ва гаплар ўз маъно нозикликларини тўлиқ сақлади. Сўзловчи эшитувчига маълум ва номаълум бўлган ўринларни билиб, зарур товуш, сўз ёки иборани танлаб ўз нутқини тузади. У ёки бу ўринга мантикий ургу беради, сўзнинг ранг-баранг маъноларидан усталик билан фойдаланади. Афсуски, бу ҳолатни ёзма нутқда ифодалаб бўлмайди — бунинг учун зарур оҳангдан, қўшма сўз, ибора ва аффикслардан фойдаланилади. Ҳар бир сўзловчининг ўз нутқи услуби бўлса ҳам, асосий мақсадни тушунтириш учун зарур сўз ва ибораларни, таъ-

сирли оҳанг ва ургуни ўзи танлайди. Сўзлашув нутқи шароит, ижтимоий муҳит, сўзловчининг ва эшигувчининг ёши, жинси, мавқеи ва вақт билан боғлиқ бўлади. Шунинг учун ҳам оғзаки нутқ ёзма нутқдан фарқланувчи ўзига хос хусусиятларга эга бўлади. Бу хусусиятлар айрим сўз ва ибораларни қўллашда, оҳангда, гап бўлакларининг тартибида ва бошқа ўринларда яққол кўринади.

2-§. ШЕВА НУТҚИ

Сўзлашув нутқи муомала доирасининг кенглиги билан ҳам шева нутқидан фарқланади. Шева нутқи эса маълум ҳудуд билангина боғланган сўзлашув нутқидир. Сўзлашув оғзаки нутқи маълум даражада шева нутқини ҳам, ёзма нутқ хусусиятларини ҳам қисман ўз ичига олади.

Ҳозирги замон ўзбек тили турли шева ва лаҳжаларга эга. «...туркий тилларнинг бирортаси ҳам ўзбек тилидаги каби турли-туман диалектал фарқларга эга эмас...», деган эди машҳур туркийшунос олим Ё.Д. Поливанов. Бунинг асосий сабаби ўзбек ҳалқи этник таркибининг мурakkabligidadir. Ўзбек ҳалқининг ва тилининг шакланишида ўғуз, қарлук, қипчоқ уруғларининг иштироки катта бўлган. Бу жараёнда асосий ўринни қарлук уруғлари эгаллаган, албатта, тожик (эронзабон) уруғларнинг ҳам ўзбек ҳалқи ва тилининг шакланишида иштироки бўлган. Ҳозирги Ўзбекистон ва унга ёндош ҳудудлардаги жой, уруғ, дарё ва бошқаларнинг номлари (топоним, этноним, этноийконим, этногидроним, этноагронимлар)-да мазкур уруғларга тегишли кўплаб сўзларнинг бўлиши бу фикрни исботлайди.

Ўзбек шева ва лаҳжаларини ўрганишда Е.Д. Поливанов, К.К. Юдахин, В.В. Решетов, Фози Олим Юнусов, А.К. Боровков, Ш. Шоабдураҳмонов ва бошқа олимларнинг хизмати катта бўлди. Шеваларни ўрганишда бу олимлар ўз таснифларини бердилар.

Ҳозирги кунда В. Решетов ва Ш. Шоабдураҳмоновлар томонидан маъқулланган таснифга кўра, ўзбек шевалари қуйидаги уч гуруҳга бўлинади, ҳар бир гуруҳнинг ўзига хос фонетик, морфологик ва лексик хусусиятлари бўлади:

1. Қарлуқ-чигил-уйғур шеваси (түғрироғи, қарлуқ шеваси).

2. Қипчоқ шеваси.

3. Ўғуз шеваси.

Ҳар бир шеванинг ички гуруҳлари бўлиб, уларни лаҳжада дейилади. Масалан, қарлуқ-чигил-уйғур шеваси Тошкент, Наманган, Фарғона, Андижон ва бошқа лаҳжалардан ташкил топади. Қипчоқ шевасига Қашқадарё ва Сурхондарёдаги шаҳар ва туман лаҳжалари, ўғуз шеваларига Хоразм вилоятининг шаҳар ва туман лаҳжалари киради.

Мазкур шеваларни Ўзбекистон ҳудудидан ташқари Қирғизистон, Қозоғистон, Туркманистон ва Қорақалпоғистон Республикалари ҳудудида ҳам учратиш мумкин.

Одатда, ҳар бир шевани ташкил этган лаҳжаларнинг ҳам ўзига хос фонетик, морфологик, лексик хусусиятлари бўлади.

Қипчоқ шеваси сўз бошида й нинг дж га ўтиши (*джол*, *джаман*), ғ нинг в га ўтиши (*тав*, *авуз*), н, қ, к нинг унлилар орасида жаранглашиши (*қабы* — *қопи*, *экин* — *егин*, *чигиб* — *чиқиб*), сўз бошида ҳ нинг тушиши ёки ортиши (*арра* — *харра*, *айвон* — *ҳайвон*), сўз охирида к, қ нинг тушиши (*кичи* — *кичик*), қаратқич ва тушум келишигининг — *тынг*, — ты шаклида қўлланиши, шахс олмошлирининг жўналиш келишигига *маган*, *саған*, *уган* шаклида, ҳозирги замон феъли — *джатыр* (*бараджатыр*), ҳозирги — келаси замон сифатдошининг — *тыған* шаклининг (*баратыған*) қўлланиши билан бошқа шевалардан ажралиб туради.

Ўғуз шевасида бирламчи чўзиқ унлиларнинг сақланиши (*a:ч* — оч, сифат, *aч* — оч, феъл), сўз бошида т, қ товушларининг жаранглашиши (*дил* — *тил*, *гел* — *кел*), қаратқич келишигининг-ынг || - инг, жўналиш келишигининг-а шаклида, бўл сўзида б нинг тушиши (*ўл*) каби хусусиятлари билан ажралиб туради.

Одатда, ҳар бир шевани ташкил этган лаҳжаларнинг ҳам ўзига хос фонетик, морфологик, лексик хусусиятлари бўлади.

Қарлуқ шевасига кирган Наманган лаҳжасида бошқа лаҳжаларда учрамайдиган биринчи бўғиндаги а унли э га ўтади: *ат-эти*.

Наманган ва Тошкент лаҳжасида айрим товушлар туширилади ёки тор айтилади (*бза, адамла, сла*);

Тошкент лаҳжасида: *туззъ, томмъ, борвотман, борвоттъ*.

Наманган лаҳжасида: *оттъ, толль, борутти, қълуттъман*.

Андижон, Кўқон лаҳжаси: *толдъ кестъ, қилиаппан, борйаппан*.

Самарқанд, Бухоро лаҳжаси: *қилопман, қилопту*.

Хозирги замон ўзбек адабий тили асосига марказий шаҳар шевалари, асосан, Тошкент — Фарғона гуруҳ шевалари олинади. Шу билан бирга бошқа шеваларга хос айрим фонетик ва грамматик хусусиятлар ҳам адабий тилдан ўз ўрнини олган.

Адабий тилда унлилар тизимиға Тошкент гуруҳи шеваларига хос б унли қабул қилинди: *и, э, а, о, у, ё*. Аммо Фарғона гуруҳи шеваларига хос бўлган тор, олдинги қатор *у* ва ўрта — тор, олдинги қатор *ө* унлилари Тошкент гуруҳ шеваларида йўқ, бу унлилар адабий тил фонетик тизимиға кирмайди.

Адабий тил морфологик тизимида Фарғона гуруҳи шеваларига хос бўлган ҳозирги замон феълининг — *яп* шакли (Тошкент — *вот*, Самарқанд — *он*, Наманган — *ут*), ҳозирги-келаси замон кўплигининг биринчи шахси — *миз* (Тошкент — *вуз // вуза*) шаклида қўлланади.

Адабий тилда буйруқ феълининг II шахси *боринглар, келинглар* шаклида ишлатилади (Тошкент — *борларинг, келларинг*).

Лексика соҳасида шевалар айрим ўзига хос сўзлари билан ажralиб туради. Масалан, Хоразм шевасида балиқ 17 хил ном билан, Қашқадарё ва Сурхондарёда қўй ва эчки 19 хил ном билан ифодаланади.

3-§. ҲОЗИРГИ ЎЗБЕК АДАБИЙ ТИЛИНИНГ БЎЛИМЛАРИ

Ҳозирги ўзбек адабий тили қуйидаги бўлимлардан иборат: 1. Фонетика. 2. Лексикология ва семасиология. 3. Грамматика. 4. Услуб.

1. ФОНЕТИКА

Фонетика товуш ва фонемалар, фонемаларнинг унли ва ундош товушларга бўлинниши ва уларнинг таснифи, алифбо ва унинг тарихи, имло, талаффуз, фонетик ҳодиса ва қонуниятлар, бўғин, ургу каби масалалар билан шугулланади.

а) Нутқ аъзолари ва фонемалар

Фонемалар, шунингдек, ҳар қандай товушни ҳосил қилишда кишининг маълум аъзолари иштирок этади. Бу аъзолар нутқ аъзолари дейилади.

Нутқ аъзолари: 1) ўпка (ҳаво ҳосил қиласди); 2) диафрагма ва ҳавони бўғизга йўлловчи бронхлар; 3) бўғиз; 4) товуш пайчалари; улар икки эластик мускуллардан иборат бўлиб, ўпкадан чиқсан ҳаво шу ерда товушга айланади. Бўғизда ҳосил бўлган товуш икки томонга — бурун ва оғиз бўшлиғига қараб йўналади. Бўғизнинг юқори қисмида кичик тил бўлиб, ҳаво йўналишини бошқаради. 5) оғиз бўшлиғи; бу бўшлиқда юмишоқ ва қаттиқ танглайлар, тил ва тишлар жойлашган; 6) бурун бўшлиғи; 7) лаблар.

Товуш (фонема) ҳосил қилишда нутқ аъзоларининг хизмати. Товушларни ҳосил қилишда нутқ аъзолари фаол (актив) ёки суст (пассив) иштирок этади. Ўпкалар, бронхлар ва диафрагмалар, бурун бўшлиғи, танглайлар, тишлар ҳаракатда бўлмаган суст (пассив) аъзолар бўлиб, товуш ҳосил қилишда иштирок этадилар. Бошқа нутқ аъзолари — товушлагич пардалари, кичик тил (ҳаво оқимини оғиз ёки бўғиз бўшлиғига йўналтириб туради), тил, лаблар ҳаракатда бўлиб, турли товушларнинг пайдо бўлишида қатнашадилар.

Товушлар (фонемалар) таснифи.

Товушлар (фонемалар) аввало икки турга — унлилар ва ундошларга бўлинади.

Унли товушлар товушлагич пардаларининг тебранишидан ҳосил бўлиб, нутқ аъзолари фаол қаршилик кўрсатмайдилар.

Янги ўзбек алифбосида б унли қабул қилинган: а (а), е (э), і (и), о (о), у (у), о' (ў)¹.

Унлилар пайдо бўлиш ўринлари ва усуллари ҳамда лабларнинг иштирокига кўра тасниф этилади.

Ундош товушлар эса товушлағич пардасида ҳосил бўлсалар ҳам, нутқ аъзоларининг фаол ва суст қаршилигига учраб чиқади. Ундош товушлар овоз ва шовқиннинг иштирокида ҳосил бўлади. Баъзи ундошларда овоз устун бўлса (/l, m, n, r, ng), баъзиларида шовқин устун бўлади (жарангсиз ундошлар), айрим ундошларда овоз ва шовқин тенг бўлади (жарангли ундошлар).

Ундош товушлар овоз ва шовқиннинг иштироки, пайдо бўлиш ўрни ва усулига кўра таснифланади².

б) Фонетик қонуният ва ҳодисалар

Сўз таркибидаги товушлар бир-бирига таъсир этиши, шу орқали ён товушни ўзгартириши ёки ўзи ўзгариши мумкин. Агар бу ўзгаришлар имлода ўз аксини топса (шу ўзгариш асосида ёзилса), бундай товуш ўзгариши фонетик қонуният ёки бу ўзгаришлар имлода ўз аксини топмаса (сўз ва қўшимчалар ўзак ва негиз ҳамда қабул қилинган қўшимча шакли асосида ёзилса), фонетик ҳодиса дейилади. Фонетик қонуниятлар ҳам, фонетик ҳодисалар ҳам орфоэпик (тўғри талаффуз) нормаси (яъни шундай талаффуз этиш адабий тил нормаси) ҳисобланади.

Тилимизда кўлланадиган фонетик қонун ва ҳодисалар қуйидагича бўлади:

Ассимиляция

Ассимиляция — лотинча *assimilare* — ўхшатиб олиш демаклир. Товушларнинг ўхшатиб олиниши айнан бўлиши (*yoz + sin = yossin*) ёки ўзининг тури (пайдо бўлиш ўрни, усули, овоз ва шовқиннинг иштироки)га ўхшатиб олиниши мумкин (*yoqsa — yoxsa, tanbur — tambur* каби).

¹ Қавсда кирилл ҳарфлари кўрсатилган.

² Унли ва ундошларнинг таснифи бўйича қаранг. Ҳозирги ўзбек тили, «Фан», Т., 1966. I жилд, 19-ва 24-бетлар.

Ассимиляция ҳодисаси икки хил бўлади:

1) Прогрессив ассимиляция. Бу хил ассимиляцияда олдинги товуш кейинги товушга таъсир этиб, ўзига ўхшатиб олади. Масалан: *otdan* — *ottan*, *ishdan* — *ishtan*, *soldat* — *sollat* ва бошқалар.

Бу хил ассимиляция фонетик ҳодиса бўлиб, ўзак ва қўшимчаларнинг асл шакллари ёзилади: *otdan*, *ishdan*, *soldat* каби.

Айрим прогрессив ассимиляциялар фонетик қонун асосида — талаффузга кўра ёзилади: *yurak* — *yurakka*, *tog'* — *toqqa* каби.

2) Регрессив ассимиляция. Фонетик қонуниятда, аксинча, товуш олдинги келган товушни ўзига ўхшатиб олади: *shamba* — *shamba*, *ichsa* — *issa*, *oqshom* — *oxshom*, *tuzsiz* — *tussiz* каби.

Товуш тушиши

Сўз ўзаклари ва қўшимчалар қўшилиши билан айрим товушлар сўз бошида, ўртаси ва охирида тушиб қолади.

Сўз бошида одатда қисқа талаффуз қилинувчи у ёки *h*¹ товушлари тушиб қолади: *iring* — *iřing*, *igoq* — *iřoq*, *yog'och* — *og'och* каби.

Сўз ўртасида одатда қўшимчалар сўз ўзакларига қўшилса, ўзакдаги айрим товуш тушиб қолади: *og'iz* — *og'zi*, *burun* — *burni*, *ikki* — *ikkov* каби.

Қисқа (*i*) товуши сўз ўзакларида ҳам тушади ёки жуда қисқа айтилади: *pishiq* — *pšiq*, *kishi* — *kshi*, *bilan* — *blan* каби.

Сўз охирида одатда қатор келган ундошларнинг сўнггици (*t*, *d* каби) талаффузда тушиб қолади: *Samarqand* — *Samarqan*, *sust* — *sus*, *do'st* — *do's*, *pisand* — *pisan*, *post* — *pos*, *xursand* — *xursan*, *Toshkent* — *Toshkon* каби.

Ўзбек тилида араб тилига хос айрим сўзларда айн (‘) сўз ўртаси ва охирида тушиб қолади, сўз бошида чўзиқ тарзда талаффуз қилинади: *ta'lum* — *malum*, *ta'mir* —

¹ Ўндоши ўзбек шеваларида тушиб қолиши (*isob* — *hisob*, *aligi* — *haligi*, *ko'na* — *kohna*) мумкин. Қаранг: Решетов В., Шоабдураҳмонов Ш. Ўзбек диалектологияси. «Ўрта ва олий мактаб». Т., 1962, 166-бет.

mamur, ta'lim — talim, man'— man, daf'— daf, 'ayn — ayn, 'ayb — ayb, 'ilm — ilm каби.

Бундай ҳолларда сўз бошида ва сўз охиридаги айн (тутуқ белгиси), талаффузга кўра ёзилмайди. Аммо сўз ўртасида келган айрим сўзларда айн қатор унли билан ифодаланади. Талаффузда бир унли тушса ҳам, ифодалангандан унли чўзиқ айтилса ҳам, ҳар икки унли ёзилади: saodat — so:dat, taajjub — ta:jjub, taassuf — ta:ssuf каби.

Д ис с и м и л я ц и я

Диссимилияция лотинча *dissimilate* — ноўхашлик дегани, бу фонетик ҳодисада товушларнинг таъсири натижасида ноўхаш товуш талаффуз қилинади. Диссимилияция ҳодисаси ҳам икки хил бўлади:

А. Прогрессив диссимилияция ҳодисасида олдинги товушнинг таъсири билан кейинги товуш пайдо бўлиш ўрни ва усулини ўзгартиради ва товушларнинг сифатида ўзгариш — ноўхашлик юзага келади. Масалан: zarur — zaril, zarar — zalal, birorta — bironta каби.

Б. Регрессив диссимилияцияда бу ноўхашлик кейинги товушнинг таъсири билан олдинги товушда рўй беради. Масалан: po'chta — po'shta, maqtanchoq — maxtanchoq, uchta — ushta каби.

Баъзи сўзларда ҳар икки ҳодиса (ассимиляция ва диссимилияция) учрайди. Масалан: uchdi — ushti — uchi, ichdi — ishti — ichti каби.

М е т а т е з а

Метатеза юончча бўлиб, тета — алмашиб маъноси ни билдиради. Бу фонетик ҳодисада ёнма-ён келган товушлар ўрин алмашади. Масалан: sayram — saryam, daryo — dayro, turgoq — turgoq, to'g'amoq — to'rg'amoq каби.

Ёмғир сўзи yomg'ur тарзида айтилса ҳам yomg'ir ёзилади (бу сўз аслида yag'tur шаклида бўлган).

Т о в у ш о р т т и р и ли ш и

Товуш орттириш фонетик ҳодисасида сўзниң боши, ўртаси ва охирида бирор товуш орттириб талаффуз

қилинади. Бу ҳодиса ўзбек тилининг ўзига хос талаффуз қоидалари асосида рўй беради. Ўзбек тилида икки ундош қатор талаффуз қилинмайди ёки маълум товушлар (h,r) билан сўз бошланмайди.

Сўз бошида: stakan — istakan, spirt — ispirit, shkaf — ishkaf, rus — o'ris, ro'mol — o'ro'mal, ro'za — o'ro'za, igna — yigna ёки уйна каби.

Сўз ўртасида: aql — aqil, fikr — fikir, ilm — ilim, shifr — shipir, hukm — hukum, doir — doyir, doim — doyim, foiz — foyiz, teatr — teyatr каби.

Сўз охирида: bank — banka, tank — tanka каби.

Товуш ўзгариши

Сўз ўзакларида ёки уларга бирор қўшимча қўшилганда, ўзакдаги *a* унлиси *o* га ёки *i* унлиси *u* га айланади ва шундай ёзилади:

ong — angla, son — sana, ot — ata, yosh — yasha; sayla — saylov, to'pla — to'plov; tara — taroq, so'ra — so'roq, chanqa — chanqoq; o'qi — o'quv, to'qi — to'quv каби.

Айрим сўзларда ургусиз бўғиндаги унли талаффузда тушиб қолади ёки жуда қисқа айтилади: direktor — direktır, rektor — rektır, avtor — avtır каби.

Бу ўринда ургусиз бўғиндаги унли ёзила беради: direktor, rektor, avtor каби.

Айрим сўзларга эгалик қўшимчалик қўшилганда сўз ўзагидаги k ва q товушлари g ва g' га ўтади ва шундай ёзилади: bilak — bilagi, tilak — tilagi, buloq — bulog'i, tirnoq — tirnog'i каби.

Аммо айрим сўзларда бундай товуш ўзгариши бўлмаслиги мумкин: nok — noki, doq — doqi, oq — oqi, zavq — zavqi каби.

в) Бўғин

Талаффузда ҳаво оқими маълум бир қисмларга бўлинади. Бу бўлиниш бўғин деб айтилади. Сўзга ургунинг тушишига қараб бир бўғин қисқа, ургу тушган бўғин юқори ва чўзиқ бўлиши мумкин.

Бўғинни унли товушлар ташкил этади, бинобарин, сўзда қанча унли бўлса, шунча бўғин бўлади. Масалан: *shox* сўзида бир бўғин, о-та сўзида икки бўғин бор ва ҳоказо.

Бўғинлар икки хил бўлади: агар бўғин унли билан тугаса, очиқ бўғин; ундош билан тугаса ёпиқ бўғин бўлади. Масалан: *Ra'-no* — очиқ бўғинли сўз. *An-hog* — ёпиқ бўғинли сўз. *Mam-la-kat* — аралаш бўғинли сўз.

Бўғин тузилишида бир унли иштирок этиб, ундошлар сони турлича бўлади:

- 1) бир унли: *u*, *o-ta*.
- 2) унли ва бир ундош: *ol*, *bo-la*, *lo-la*.
- 3) унли ва икки ундош: *mak-tab*, *ost-ust*.
- 4) унли ва уч ундош: *fikr*, *zikr*, *bark*, *tort*.
- 5) унли ва тўрт ундош: *kross*, *punkt*.

г) Ургу

Одатда, сўз урғуларининг бири бошқасидан ажралиб, зарб билан, чўзиб талаффуз қилинади. Бундай талаффузли бўғин урғули бўғин дейилади.

Ургу икки хил бўлади: фонетик ургу ва мантиқий ургу. *Фонетик ургу* — айрим бўғинга тушган оддий ургу бўлади. *Мантиқий ургу* эса гап таркибидаги бирор сўзга тушиб, шу сўзниң маъносига диққат жалб қилинади ва асосий мақсад ифодаланади. Мантиқ ургусини олган бўлак (сўз) бошқа бўлаклардан оҳангда, зарб берилиши билан ажралиб туради:

Mustaqil Davlatimizning ertasi porloq.

Бу жумладаги ҳар бир бўлакка мантиқий ургу тушиб, асосий мақсад ифодаланиши мумкин. Мантиқий ургули бўлакнинг ўрнини ўзgartириш ҳам (уни гап бошида ёки кесимдан олдин келиши) шу гап бўлаги маъносига диққатни янада жалб этади, мақсад янада аникроқ ифодаланади.

Ўзбек тилида одатда ургу охирги бўғинга тушади, аммо сўзга қўшимча қўшилиши билан ургу шу қўшимчага кўча боради, аввалги бўғиндаги ургу эса сустлашади. Бу ҳолатда сўнгги бўғинда ургу *acosiy urgu*, аввалги бўғиндаги ургу эса *erdamchi urgu* дейилади: Масалан: *dav-la-ti-miz-da-gi*.

Айрим, асосан, чет тилидаги сўзлар ва қўшимчалар иштирокидаги сўзларда ургу охирги бўғиндан олдинги бўғинга тушиши ҳам мумкин:

Биринчи бўғинга урғу тушган сўзлар: *hàmma, chúnki, yànì, ápmo, lèkin, vèktor, dòktor, dràma*.

Ўрта бўғинига урғу тушган сўзлар: *dírèktor, dorífunun*.

Одатда, биринчи ва ўрта бўғинларига урғу тушадиган сўзлар араб, тожик, рус ва бошқа байналмилал сўзлардир. Ўзбекча сўзларга ҳам биринчи ва ўрта бўғинларга, баъзи урғу олмайдиган қўшимчалар сўзга қўшилганда, урғу тушиши мумкин.

Ургусиз қўшимчаларга кесимлик (-man, -san, -miz, -siz), ўхшатиш (-day, -dek), кичрайниш-эркалаш (-gina, -kina, -qina), доналик сон (-ta), чама сон (-tacha), сифат ва равиши ясовчи (-cha) қўшимчалар киради: *talabaman, sizday, shugina, beshta, o'ntacha, o'zbekcha* каби.

Шу билан бирга белгилаш ва бўлишсиз олмошлари (*har, hech*) билан тузилган қўшма сўзларнинг ҳар бир қисмига урғу тушади: *hàr bir, hàr narsà, hech kim, hech qachon* каби.

Айрим юкламалар (-mi, -oq, -yoq, -gina, -chi, -da, -a, -ya, -yu, -ku) ҳам урғу олмайди, бинобарин, урғу олдинги бўғинларга тушади: *yozdími?, kelib -oq, o'zi -yoq, sèn-gina, biz-chi?, keldi-da, sèn-a?, endi-ya, bordi-yu, aytdim-ku*.

Шунингдек, қўмакчили сўзларда асосий урғу мустақил сўзда бўлиб, қўмакчи ёрдамчи ургуни олади: *kítob uchun, siz biłan, gulzor ichra* каби.

Ургунинг сўзни тўғри талаффуз қилишдаги ва сўз маъносини фарқлашдаги хизмати каттадир. Урғу ўрнининг ўзгариши айрим сўзларни тўғри тушунишга ёки маъносининг ўзгаришига олиб келади: *tugma* (фөъл) — *tugma* (от); *yigitcha* (йигитдек) — *yigitcha* (ўғил бола); *gulsiz* (гулдек) — *gulsiz* (гули йўқ); *akademik* (от) — *akademik* (сифат) каби.

д) Ўзбек адабий тилининг талаффуз меъёрлари¹

Ўзбек тилшунослигининг амалий бўлимларидан бири — орфоэпия бўлиб, тўғри сўзлаш (орфо — тўғри, эпос — сўзлаш) қоидалари ҳақида баҳс юритади. Тўғри

¹Сўзлар талаффуз билан бўланганни учун ҳарфлар кирилча берилди.

сўзлаш аввало шахснинг маданий етуклигини белгилаб туради. Радио — эфирдан тарқалган гаплар ичидаги баъзан шундайларини эшитамиш: Суроги тугаб қолди. Енги режа чизмаси битгуича вақит ўтади. Бу гап қурилиш мұхандисининг нутқидан олинган. Бир жумладан учта орфоэпик хато "ўтиб" кетди: *суроги* (муддати), *енги* (янги дейиш ўрнига); *вақт* сўзида эса нутқ соҳиби ургуни түғри қўймади, натижада *в* ва *т* орасида ортиқча унли, яъни жуда қисқа *и* айтилгандай бўлди. Демак, талаффуз меъёрлари дейилгандаги, маълум бир қоида-қонунларга амал қилиб сўзлаш ва ёзиш тушунилади.

1. *Ақл, қисм, исм, фикр, вақт, илм, аҳл, узр, халқ, нақд, нақл, насл, ҳукм* каби арабча сўзларнинг барчасида ургу биринчи унли устига тушади. Талаффузда икки ундош орасига бир унли қўшиш хато бўлади.

2. *Муҳим, мудир, муқим, муҳит, мумкин, мунис* каби арабча сўзларнинг иккинчи бўғини ургу олади. Шунинг учун ҳам талаффузда иккинчи бўғинда у талаффуз қилинади ҳам *и* ёзилади.

3. *Баҳор, жамол, наҳор, савоб, савол, аввал, шамол, қарор* каби сўзларнинг биринчи бўғинидаги *а* товуши *о* товушига яқин талаффуз қилинади, аммо *а* ёзилади.

4. *Обр(ъ)з, тракт(ъ)р, директ(ъ)р* каби сўзларнинг ургусиз бўғинидаги кейинги унли товуш деярли талаффуз қилинмайди. Лекин ёзувда *а* ва *о* ҳарфлари ёзилади: *образ, трактор, директор* ва б.

5. *Доцент, идеология, азотоп* каби кўплаб рус-байнамилал сўзларнинг ургусиз бўғинидаги *о* товуши *а* тарзидаги талаффуз қилинади, ёзувда эса *доцент, идеология, изотоп* шакли ёзилади. Агар сўзнинг биринчи бўғинидаги унли ургу олса, аниқ талаффуз қилинади: *поезд, полк, тонна, повесть* ва б.

6. Ургу маъно айниришда хизмат қиласиди: *бўғлар — боғлар, сўрма — сурмà, қишлоқча — қишлоқчà, атлас — атлàс, механик — механик, физика — физик, этик — этик, олма — олмà* каби сўзлар маъноси фақат ургуни тўғри қўйиш ёрдамида ажратилади: *тÀриф — тариф, кўлдир — кулдир.*

Ургу кўпинча сўзнинг охирги бўғини томон кўчади: *иши — ишила — ишладик*.

Араб, форс-тожик ва Европа тилларидан ўтган *муаллим, мударрис, ассистент, музариф* каби сўзлар туфайли ўзбек тили такрор ундошлар талаффузини ўзлаштириди. *Кооперация, аэроплан, мутолаа, матбаба* каби сўзлар орқали унлиларни чўзиб айтиш мезони адабий тилдан жой олди.

Талаффуз меъёрлари қатъийлашган бўлса ҳам, айрим ҳолларда нутқий хатолар учраб туради. Баъзилар нутқида залал, зарир, колидор, дастахон, дувол, суннай, уч матта, ҳечтима, таллаш, билла, тўтта, майрам каби ифодалар учрайди. Аслида зарар, зарур, коридор, дастурхон, девор, сурнай, уч марта, ҳеч нима, танлаш, бирла, тўртта, байрам ёзилади. Шунингдек, шева талаффузига ҳам йўл қўйилмайди: ишти, ионди, дўвлат, шўкат, боравуза, алма, келсамиз, олмиш, келумти, шалини пали кабилар шеваларга хосдир, аслида ўзак ва қўшимчалар адабий тил қоидасига мувофиқ ёзилади. Талаффуз меъёрларига оид қўйидаги қоидаларни ҳам билиб олиш даркор:

1. Айриш, яъни тутуқ белгисидан олдинги унли чўзиқ талаффуз қилинади: *авло, Раъно, таълим, таъриф, таъна, эълон, эътироф, эътиқод, эътиroz, эътибор*.

2. *келаверинг, бораверинг, айтаверамиз* каби қўшма феъллар таркибидаги бер кўмакчи феъли *вер* шаклида талаффуз этилади ва шундай ёзилади: *ёзаверамиз*.

3. ф товуши кўп ҳолларда *n* тарзида айтилади, лекин уни аниқ талаффуз этиш ва ёзиш талаб қилинади: *набрика* эмас, *фабрика*; пакт эмас, *факт*; *шапқат* эмас, *шафқат*. Бу ўринда ҳар икки товушнинг маъно айришдаги ўзига хос хусусиятини ҳам назарда тутиш лозим: *соғ — cop, тиф — тип, пакт — факт* ва б.

4. -боз, -бон ясовчилари *-воз, -вон* талаффуз қилинса ҳам, -боз, -бон айтилади ва ёзилади: *дорбоз, аризабоз, ишишибоз, боғбон, дарвозабон* каби.

5. X ва ҳ товушлари иккита мустақил фонемадир: уларни жуда аниқ талаффуз қилишни ўрганиш лозим. Муҳими, ҳар икки товуш маъно айриради: *хуши — ҳуши, хил — ҳил, ҳол — ҳол, ҳийла — ҳийла, шоҳ — шоҳ, ҳам — ҳам, ухламоқ — ухламоқ* ва б.

6. Барча юкламалар ургусиз талаффуз қилинади: *сиз-ми, сиз-чи, мени-я, сиз-а, сиз-да*.

е) Ёзув ва унинг тарихи

Ҳар сўзки кўнгилдин ўлди мавжуд,
Хат бўлмаса, бўлгай эрди нобуд.

(Мунис)

Ёзув фикрнинг ташқи ифодасидир. Ёзув орқали кишилар ўз фикрларини бир-бирларига билдирадилар, авлодларга қолдирадилар. Ёзув орқали биз минглаб йиллар олдин ўтган воқеалар, шахслар, илм ва одатлар тўғрисида маълумотга эга бўламиз, маданият, фан, ижтимоий ҳаётда бўлган воқеалардан хабардор бўламиз. Ана шундай қийматта эга бўлган ёзув бирдан пайдо бўлмади. Ҳатто ҳозиргача ўз ёзувига эга бўлмаган халқлар бор.

Дастлабки ёзув расмлар орқали (бу хил ёзув *пиктографик*: "pictus" — "чизилган", "graphe" — "ёзаман" демоқ) бўлган. Бунда ҳар бир расм (ёки нарса) бирор маъно ифодалаган (куёш — кундузни, ой — тунни, тошбақа — баҳтни каби).

Ёзувнинг кейинги даври — *идеографик* ёзувдир (грекча "idea" — "тушунча", "graphe" — "ёзаман"). Бу хил ёзувда бир ёки бир грух тушунча учун бир хил рамзий шакл олинади. Масалан, кўз — О, асири — О, дараҳт — Ж, ой — С, тоғ — А А А каби.

Пиктографик ва идеографик (унинг биринчи босқичлари логографик — "сўз + ёзаман") ёзув анча мураккаб бўлиб, минглаб шаклларни чизиш ва уларнинг мазмунини билишни талаб этган. Шунинг учун кишилар ёзувнинг янги босқичи — *фонографик* ёзувга — аввало айrim бўғинларни, кейинроқ айrim товушларни бирор белги билан ифодалаш усулига ўтадилар. Фонетик ёзувнинг келиб чиқиши қадимги *финикия ёзуви* билан боғланган.

Халқлар фонетик ёзувни тилларига мослаб, ўзига хос шаклларини яратиб олганлар: юон, лотин, арман, грузин, славян, араб ёзувлари ва уларнинг айrim ўзгарган турлари каби.

Қадимги ёзувлар тош, суяқ, ёғоч, қамиш каби қаттиқ жисмларга, сўнгра пергамент ва кейинчалик қофозга ёзилган. Ёзув ўнгдан чапга, чапдан ўнгга ёки юқоридан пастга қараб ўқилади.

Ўрта Осиё туркий халқлари, жумладан ўзбек халқи қадимдан юксак маданиятли халқ сифатида дунёга танилган. Араб истилосига қадар, Мовароуннаҳрда руи, туркий (уйғур), суғд, моний ва брахма, сурёний ёзувлари қўлланган.

Диний мазмундаги асарлар брахма, сурёний ёки моний ёзувида, расмий ҳужжатлар руний, туркий (уйғур) ёки суғд ёзувида ёзилган. Шу билан бирга бу ёзувларниң қўлланиши маълум ҳудуд, давр ва халқ билан ҳам боғлиқ бўлган эди.

Қайд этилган ёзувларда битилган кўп ёзма ёдгорликлар ҳозиргача сақданиб келади. Руний ёзувда — Ўрхун — Энасой тош битиклари, туркий (уйғур) ёзувида (уни Маҳмуд Кошварий ва Иби Арабшоҳ "туркча ёзув" деб номлайди) — қадимги туркий ёдномалар (VII — X аср): "Олтин ёруғ", "Майтри симит", будда ва христиан динига оид ёдномалар, юридик ҳужжатлар; суғд ёзувида битилган ёзма ёдномалар эса 1906 йили инглиз олими Арнольд Стейн томонидан топилди. Моний ёзувида "Хуастуанифт" ёдгорлиги ёзилган. Уйғур ёзуви, араб ёзуви билан баробар, XV асргача қўлланади. "Қутадғу билиг"нинг Вена (Хирот) нусхаси (XI аср), "Ҳибатул ҳақойиқ" (XII аср)-ning А нусхаси "Ўғузнома"нинг қадимий нусхаси (XIII аср охири), Хоразмийнинг "Мұҳаббатнома" (1353 йил) асарининг қадимги нусхаси, "Латофатнома", "Даҳнома", "Маҳзанул асрор" (XIV — XV асрлар) каби асарларнинг айрим нусхалари ёки парчалари уйғур ёзувида битилган. Уйғур ёзуви суғд ёзуви асосида келиб чиққан араб ва руний ёзувларидан фарқли ўлароқ, унли товушлар айрим ҳарфлар билан кўрсатилган. Руний ёзуви ҳам қадимги оромий ёзуви асосида келиб чиққан, деган назария ҳозир асосий ўринни эгаллайди.

Суғдий ёзувларда асосан эронзабон матнлар ёзилган. Тожикистоннинг Заҳматобод тумани Хайробод қишлоғидан топилган суғдий ёзувдаги 74 ҳужжатдан биттасигина туркий тилда ёзилган (Б. Аҳмедов).

Сурёний ёзуви Месопотамияда пайдо бўлган, VII — VIII асрларда Марказий Осиёда насроний (христиан) мазҳаби билан кириб келди. Бу ёзув XV асргача қўлланди.

Хатти бобурийнинг ҳарф шакллари Мұҳаммад Тоҳир ибн Қосимнинг 1645 йили ёзган "Ажойибот табоқат" асарида келтирилади.

Араблар истилоси билан бирга кириб келган араб ёзуви (VIII аср) 1200 йилдан ортиқ давр ичидаги (1926 йилгача), баъзи ислоҳлар билан (1918 — 1920) қўлланниб келди. Бу ёзувда минглаб илмий, бадиий, диний асарлар яратилди, расмий ҳужжатлар тузилди. Биргина Фанлар академиясининг Шарқшунослик институтида 46 минг жилд араб алифбосида ёзилган асарлар сақланади. Араб алифбоси ва бу алифбода ёзилган асарлар Октябрь тўнтаришидан кейин, айниқса, 30-йилларда қаттиқ таъқиб остига олинди. Натижада кўп қимматбаҳо қўлёзмалар гўрга кўмилди, сувга оқизилди ёки маъмурий идоралар томонидан мусодара қилиниб, эгалари қаттиқ жазоларга маҳкум этилди.

Араб ёзувининг куфий, настаълиқ ва бошқа шакллари (дивони, магриб, талиқ) бўлиб, Урта Осиёда асосан настаълиқ шакли қўлланди (куфий ёзуви билан Қуръони Карим ёзилган).

Октябрь тўнтаришидан сўнг араб алифбоси маълум даражада ислоҳ қилинди. Чунки араб алифбосида унли товушларни кўрсатадиган алоҳида белгилар йўқ эди. Зеру, забар (ҳарфнинг ости ва устида қўлланадиган белгилар) фақат Қуръон ва шунга ўхшаш араб тилида ёзилган диний асарлардагина қўлланар эди. 1921 йил 1 — 5 январда Тошкентда чақирилган тил-имло қурултойи, бошқа масалалар билан бирга, араб ҳарфларининг сўз боши, ўртаси ва охирида қўлланиш шаклларини соддалаштириди, ўзбек тилига хос бўлмаган сод, зод, итқи, изғи ҳарфларини алифбодан чиқарди, у, ў, и, а товушлари учун алоҳида ҳарфлар белгиланди. 1922 йил апрель ойида бўлган маориф ва маданият ходимларининг иккинчи қурултойи ҳам биринчи қурултой қарорларини маъқуллади.

1926 йили Бокуда туркийшунослар анжумани бўлиб (Ўзбекистондан А. Қодирий, Чўлпон, Фитратлар қатнашди), лотин алифбосига ўтиш тўғрисида қарор қабул

қилинди. Бунга араб алифбосининг туркӣ тиллар фонетик хусусиятини акс эттираслиги ва ўрганишнинг қиинлиги асос сифатида кўрсатилди.

1926 йил 10 июнда Ўзбекистон Советлар Ижроия Комитети лотин алифбосига ўтиш тўғрисида қарор қабул қилди. Қарорга асосан "Янги ўзбек алифбосини жорий қилиш қўмитаси" тузилиб, унга Й. Охунбобоев раис, А. Икромов, Ф. Хўжаев, Элбек, Мажидий, Фитрат ва бошқалар аъзо бўлди.

Ўзбекистон Марказий Ижроия Комитетининг 1928 йил март ойидаги III сессияси лотин алифбосини жорий қилишни кўриб чиқиб, бу алифбони давлат алифбоси деб қарор қабул қилди. Собиқ СССР Марказий Ижроия Комитети Президиуми ва СССР Халқ Комиссарлари Совети бу қарорни 1929 йил 7 август куни маҳсус қарори билан маъқуллади.

1929 йил май ойида ўтказилган имло қурултойида 9 унли шакли олинган бўлса-да, 1934 йил март ойида ўтказилган имло қурултойи 6 унли ҳарф шаклларини белгилади.

Ўзбекистонда лотин алифбосига ўтиш осонликча бўлмади. "Қизил Ўзбекистон" газетасининг 1933 йил 24 март сонида "Эски араб алифбосининг объектив суюнчиқлари" сарлавҳаси остида икки расм берилиб, бирига "Софлиқни сақлаш Комиссари ўртоқ Ҳол Тошмуҳаммедуф янги алифбеда бутунлай саводсиз", деб, иккинчисида: "Тошкент шаҳар шўросининг раиси ўртоқ Иброҳимуф "Қандай танқид қилсангиз, шундай қилингиз, лотинча саводим йўқ", деган баёнотни қилғон киши" деб ёзиб қўйилган. Шу газетанинг 1933 йил 26 март сонида Й. Охунбобоев Шахрисабз, Бешкент, Жалақудук, Бешариқ каби туманларда ҳамон араб ёзуvida иш юритилаётганини танқид қилади.

1940 йил 8 май куни Ўзбекистон Республикаси Олий Совети Президиуми лотин алифбосидан кириллица (рус) алифбосига ўтиш тўғрисида қарор қабул қилди. Қарорда иш юритиш ва вақтли матбуот янги алифбога ўтиши ва I, II, III синфларда янги алифбони ўқитиш 1940 йил 1 сентябрдан бошланиши ҳамда янги алифбога ўтишини 2 йил ичida — 1942 йил 1 январгача тугалланиши зарурлиги кўрсатиб ўтилган.

Шундай қилиб, деярли ҳамма республикалар ва вилоятлар (ўзининг қадимги анъанавий алифбоси бўлган Грузия, Арманистон, Болтиқбўйи республикаларидан ташқари) янги алифбога ўтдилар.

1993 йил 2 сентябрда бўлиб ўтган Республика Олий Кенгаши "Лотин ёзувига асосланган ўзбек алифбосини жорий қилиш тўғрисида" қарор қабул қилди. 1995 йил Олий Кенгаши бу алифбога маълум ўзгаришлар киритди ва шу йил 24 августда "Ўзбек тилининг асосий имло қоидаларини тасдиқлаш" ҳақидаги Ўзбекистон Республикаси Вазирлар Маҳкамасининг қарорига республика Президенти қўл қўйди. 1996 — 1997 ўқув йилидан мактабларнинг I синфлари янги алифбони ўргана бошладилар. Янги ўзбек алифбосига ўтиш 2005 йил 1 сентябрда тугалланиши кўрсатиб ўтилди.

Ўзбекистон Республикасининг рус (кириллица) алифбосидан лотин алифбосига асосланган ўзбек алифбосига ўтишида дунё фани ва техникасига яқинлашиш, ўзбек тилининг нозик хусусиятларини тўлароқ ифодалаш асосий мақсад қилиб қўйилди.

Адабиёт

1. Абдураҳмонов F, Рустамов А. Қадимги туркий тил. Т., "Ўқитувчи", 1982.
2. Истрин В.А. Возникновение и развитие письма. М., 1965.
3. М. Кошварий. Девону лугатит = турк, I жилд. "Фан", 1960.
4. Малов С.Е. Памятники дрвннестюркской письменности. М. — Л., 1951.
5. Раҳмонов Н. Битиклар оламида. "Фан", Т., 1990.
6. Рустамов А. Иби Арабшоҳ туркий ёзувлар ҳақида. "Адабий мерос" журнали, 1976 йил, 5-сон.
7. Содиқов Қ. Аждодларимиз битиги. "Фан", Т., 1990.
8. Юсупов К. Ўзбек адабий тилининг тараққиёти ва ёзув масаласи. "Ўзбекистон", Т., 1979.

ё) Лотин ёзувига асосланган ўзбек алифбоси

Ўзбекистон Республикаси Олий Кенгаши томонидан 1993 йил 2 сентябрда тасдиқланган лотин алифбосига асосланган янги ўзбек алифбосида 29 ҳарф ва бир белги (тутуқ белгиси) бор. Бунда ҳозиргача қўлланиб келган ё,

ю, я ҳарфлари, қаттиқлик ва юмшоқлик белгилари δ, ՚ ҳамда ՚ ҳарфи алифбо сирасига кирмади.

Босма ҳарфлар	Ёзма ҳарфлар	Кирилл-ча ҳарфлар	Босма ҳарфлар	Ёзма ҳарфлар	Кирилл ча номи
Aa	Ӑ	А	Qq	Ӗ	Қ
Bb	Ӗ	Б	Rr	ڒ	Р
Dd	Ӗ	Д	Ss	ߜ	С
Ee	Ӗ	Ә	Tt	ߜ	Т
Ff	ߜ	Ф	Uu	ߜ	Ү
Gg	ߜ	Г	Vv	ߜ	В
Hh	ߜ	Х	Xx	ߜ	Х
Ii	ߜ	И	Yy	ߜ	Й
Jj	ߜ	Ж	Zz	ߜ	З
Kk	ߜ	К	O'o'	ߜ	Ӯ
Ll	ߜ	Л	G'g'	ߜ	Ғ
Mm	ߜ	М	Shsh	ߜ	Ш
Nn	ߜ	Н	Chch	ߜ	Ч
Oo	Ӫ	О	Ngng	ӫ	Ң
Pp	Ӫ	П	'	тутуқ белгиси	

ж) Имло

**ЎЗБЕКИСТОН РЕСПУБЛИКАСИ ВАЗИРЛАР
МАҲКАМАСИННИГ
ҚАРОРИ**

1995 йил 24 август

339-сон

Toшкент шаҳри

**ЎЗБЕК ТИЛИНИНГ АСОСИЙ ИМЛО
ҚОИДАЛАРИНИ ТАСДИҚЛАШ ҲАҚИДА**

Ўзбекистон Республикасининг "Лотин ёзувига асосланган ўзбек алифбосини жорий этиш тўғрисида"ти Қонунини бажариш мақсадида Вазирлар Маҳкамаси қарор қиласди:

1. "Ўзбек тилининг асосиий имло қоидалари" тасдиқлансан (илова қилинади).

2. Республика вазирларлини, идораларни, маҳаллий ҳокимиятни ва бошқарув идораларни, оммавий ахборот во-ситаларни лотин ёзувига асосланган ўзбек алифбосидаги барча турдаги ёзишмаларда, матбуотда, иш юритишда ушбу қоидаларни жорий қилиш юзасидан тегишли тад-бирларни ишлаб чиқсинлар ва амалга оширсинлар.

3. Ўзбекистон Республикаси Фанлар академияси, Олий ва ўрта маҳсус таълим вазирлиги, Халқ таълими вазирлиги, Давлат матбуот қўмитаси уч ой муддат ичидаги мактаблар учун қўлланма сифатида ўзбек тилининг имло луғатини, киши исмлари ва жой номлари луғатларини тай-ёрласинлар ва нашр этиш чораларини кўрсинлар.

4. Мазкур қарорнинг бажарилишини назорат қилиш Вазирлар Маҳкамасининг Таълим ва фан ҳамда ижтимо-ий масалалар ва маданият бўлимларига юклансин.

Вазирлар Маҳкамасининг
Раиси

И. КАРИМОВ

ЎЗБЕК ТИЛИНИНГ АСОСИЙ ИМЛО ҚОИДАЛАРИ ҲАРФЛАР ИМЛОСИ

Уилилар имлоси

1. А а ҳарфи:

- 1) *aka, alanga, aloqa, og'a; sentabr, noyabr* каби сўзларда олд қатор кенг унлини ифодалаш учун ёзилади;
- 2) *bahor, zamon; savol, gavda, vasvasa* каби сўзларнинг олдинги бўғинида, *vaqt, vaht* каби сўзларда *a* айтилади ва ёзилади.

2. О о ҳарфи:

- 1) *ona, oton, quyosh, fido, baho, xola, lotin, tukofot, mahorat* каби сўзларда орқа қатор кенг унлини ифодалаш учун ёзилади;
- 2) *boks, poyezd, tonna, talon; agronom, mikrofon; direktor, termos* каби ўзлашма сўзлардаги орқа қатор ўрта-кенг унлини ифодалаш учун ёзилади.

3. И и ҳарфи:

- 1) *ish, iz, qil; xirmon, ilhom, ikki, ixtisos, shoyi, tulki; volida, piramida; bilan, biroq, sira, qishloq, chiroq* каби сўзларда олд қатор тор унлини ифодалаш учун ёзилади;
- 2) *o'tin, o'rik, bo'lim* каби олдинги бўғинида *o'* унлиси келадиган сўзларнинг кейинги бўғинида *i* айтилади ва ёзилади.

4. У у ҳарфи:

- 1) *uy, kün, buzoq, buloq, Buxoro, butun, uchuq, usul, yulduz, maskura; ko'zgu, uyuq, alyuminiy, yubiley* каби сўзларда орқа қатор тор унлини ифодалаш учун ёзилади;

- 2) *qovun, sovun, tovush, yovuz, qirg'ovul, chirmoq* каби сўзларнинг олдинги бўғинида *o* унлиси келса, кейинги ёпиқ бўғин бошидаги *v* ундошидан кейин *u* айтилади ва ёзилади.

5. О‘ о‘ ҳарфи *o't, o'q, o'zbek, o'simlik, do'ppi; bo'tako'z, semizo't, gulko'rpa, noo'rin* каби сўзларда орқа қатор ўрта-кенг унлини ифодалаш учун ёзилади.

6. Е е ҳарфи *ekin, esla, evara, ekran, eksport; kel, zehn; kecha, behi, telefon, teatr, poyezd, atelye, e'lon, ne'mat, she'r* каби сўзларда олд қатор ўрта-кенг унлини ифодалаш учун ёзилади.

7. Ёнма-ён келадиган унлилар:

1) унлилар орасига баъзан у ундоши қўшиб айтилса ҳам, ёзилмайди:

- a) **ia**: *material, milliard, radiator; labial, shariat* каби;
- б) **io**: *biologiya, million, radio* каби;
- в) **ai**: *mozaika, ukrain, said, maishat* каби;
- г) **oi**: *alkoloid, ellipsoid, doim, shoir, oila* каби;
- д) **ea**: *teatr, okean, laureat* каби;

2) **ae, oe** унлилар сўз ичидага келганда иккинчи унли у айтилса ҳам, аслига мувофиқ *e* ёзилади: *aerostat, poema* каби.

Бошқа ҳолларда ёнма-ён келган унлилар одатда айнан айтилади ва ёзилади: *manfaat, kauchuk, aorta, saodat, burjua, shuaro, inshoot, sanoat, vakuum, muamto, matbuot, tabiiy, rioya* ва бошқалар.

Ундошлар имлоси

8. В b ҳарфи:

1) *bobo, bahor, bir, majbur, zarb* каби сўзларда жарангли портловчи лаб ундошини ифодалаш учун ёзилади;

2) *kitob, yuzlab, kelib* каби сўзлар охирида *r* айтилса ҳам, *b* ёзилади;

3) *qibla, tobla* каби сўзларда баъзан *v* айтилса ҳам, *b* ёзилади.

9. Р p ҳарфи *paxta, pichoq, ora, tera, tup, yop* каби сўзларда жарангсиз портловчи лаб ундошини ифодалаш учун ёзилади.

10. V v ҳарфи:

1) *ov, suv, kuyov; ovoz, savol; volida, vatan* каби сўзларда овоздор сирғалувчи лаб ундошини ифодалаш учун ёзилади;

2) *avtobus, avtomat* каби ўзлашма сўзларда *v* баъзан *f* айтилса ҳам, *v* ёзилади.

11. F f ҳарфи:

1) *fan, fe'l, futbol, fizika, asfalt; juft; insof, isrof* каби сўзларда жарангсиз сирғалувчи лаб ундошини ифодалаш учун ёзилади;

2) *fasl, fayz, Fotima, fursat* каби сўзларда *f* товуши баъзан *r* айтилса ҳам, аслига мувофиқ *f* ёзилади.

12. М м ҳарфи *moy*, *muborak*, *tomon*, *ilhom* сўзларида овоздор лаб-лаб бурун ундошини ифодалаш учун ёзилади.

13. Д д ҳарфи:

1) *dala*, *odat*, *bunyod*, *modda*, *jiddiy* каби сўзларда тил олди жарангли портловчи ундошни ифодалаш учун ёзилади;

2) *obod*, *savod*, *marvarid*; *zavod*, *pud*, *sud*, *badqovoq*, *badxo'r* каби сўзларда *t* айтилса ҳам, *d* ёзилади.

14. Т т ҳарфи:

tong, *tun*, *bitun*, *o'tin*, *o't*, *kut* каби сўзларда тил олди жарангсиз портловчи ундошни ифодалаш учун ёзилади.

15. З з ҳарфи:

1) *zar*, *zamon*; *loza*, *o'zbek*, *yoz*, *g'oz* каби сўзларда ҳам тил олди жарангли сирғалувчи ундошни ифодалаш учун ёзилади;

2) *iztirob*, *izquvar*, *bo'zchi*, *tuzsiz* каби сўзларда жарангсиз ундошдан олдин *s* айтилса ҳам, *z* ёзилади.

16. С с ҳарфи *sog'*, *somon*, *oson*, *asos*, *olmos* каби сўзларда тил олди жарангсиз сирғалувчи ундошни ифодалаш учун ёзилади.

17. Ш ш ҳарфлар бирикмаси *shahar*, *shisha*, *shodlik*; *ishq*, *pishiq*, *bosh*, *tosh* каби сўзларда тил олди жарангсиз сирғалувчи ундошни ифодалаш учун ёзилади. Ш ҳарфлари икки товушни ифодаласа, улар орасига тутуқ белгиси кўйилади: *Is'hoq*, *as'hob* каби.

18. Џ ј ҳарфи:

1) *jon*, *jahon*, *jiyda*, *tijorat*; *rivoj*, *vaj* каби сўзларда тил олди жарангли, қоришиқ ундошни ифодалаш учун ёзилади.

2) *jurnal*, *projektor*; *gijda*, *ajdar*, *tiraj* каби ўзлашма сўзларда тил олди жарангли сирғалувчи ундошни ифодалаш учун ёзилади.

19. Ч ч ҳарфлар бирикмаси *choy*, *chevar*, *chiroylı*, *chaman*; *achchiq*, *uchun*, *bichiqchi*, *kuch*, *kech* каби сўзларда тил олди жарангсиз қоришиқ ундошни ифодалаш учун ёзилади.

20. Р р ҳарфи *rahmat*, *rohat*, *oram*, *dor*, *diyor* каби сўзларда тил олди овоздор титроқ ундошни ифодалаш учун ёзилади.

21. L l ҳарфи *lola*, *loyiq*, *la'l*, *iloj*, *mahal* каби сўзларда сирғалувчи овоздор ён ундошни ифодалаш учун ёзилади.

22. N n ҳарфи:

1) *non*, *notus*; *ona*, *tana*, *ilan*, *toton* каби сўзларда тил олди овоздор бурун ундошини ифодалаш учун ёзилади;

2) *shanba*, *yonbosh*, *jonbozlik*; *yonma-yon*, *ko'rinmaslik* каби сўзларда н товуши баъзан т айтилса ҳам, н ёзилади.

23. G g ҳарфи *gul*, *go'zal*; *ega*, *gugurt*, *teg*, *eg* каби сўзларда тил орқа жарангли портловчи ундошни ифодалаш учун ёзилади.

24. K k ҳарфи *ko'l*, *ko'ylik*; *uka*, *moki*, *tok*, *bilak* каби сўзларда тил орқа жарангсиз портловчи ундошни ифодалаш учун ёзилади.

25. Y y ҳарфи *yo'l*, *yetti*, *yaxshi*, *yoz*, *yulduz*, *tuva*, *dunyo*, *tayyor*; *soy*, *tuu* каби сўзларда тил ўрта сирғалувчи ундошни ифодалаш учун ёзилади.

26. Ng ng ҳарфлар бирикмаси *yangi*, *ko'ngil*, *dengiz*, *singil*, *keling*, *bordingiz*; *tang*, *ming*, *teng* каби сўзларда тил орқа овоздор бурун товушини ифодалаш учун ёзилади.

27. Q q ҳарфи *qizil*, *qimiz*, *qirq*, *haqiqiy*, *aql* каби сўзларда чуқур тил орқа жарангсиз портловчи ундошни ифодалаш учун ёзилади.

28. G' g' ҳарфи *g'oz*, *bag'ir*, *log'* каби сўзларда чуқур тил орқа жарангли сирғалувчи ундошни ифодалаш учун ёзилади.

29. X x ҳарфи *xabar*, *xo'roz*, *xohish*, *xushnud*, *baxt*, *axborot*, *mix* каби сўзларда чуқур тил орқа жарангсиз сирғалувчи ундошни ифодалаш учун ёзилади.

30. H h ҳарфи *hosil*, *hamma*, *bahor*, *isloh*, *nikoh* каби сўзларда жарангсиз сирғалувчи бўғиз ундошини ифодалаш учун ёзилади.

31. Ёнма-ён келадиган ундошларнинг имлоси:

1) *baland*, *Samarqand*, *poyezd*; *do'st*, *artist*, *g'isht* каби сўзларда d, t товуши баъзан айтилмаса ҳам ёзилади;

2) *metall*, *kilogramm*, *kilovatt*, *kongress* каби ўзлашма сўзлар охирида бир ундош айтилса ҳам, икки ҳарф ёзилади. Лекин бундай сўзга худди шу товуш билан бошлигидаги қисм қўшилса, сўз охиридаги бир ҳарф ёзилмайди: *metal + lar = metallar*, *kilogramm + mi = kilogrammi* каби.

32. ’— тутуқ белгиси:

1) *a'lo, ba'zan, ma'yus, ta'zim; ra'y, ta'b, e'lon, e'tibor, e'tiqod, me'mor, ne'mat, she'r, fe'l; Nu'mon, shu'la* каби ўзлашма сўзларда унлидан кейин шу унли товушнинг чўзиқроқ айтилишини ифодалаш учун қўйилади; *majiza, motadil, motabar* каби сўзларда о’ унлиси чўзиқроқ айтилса ҳам, тутуқ белгиси қўйилмайди;

2) *in'om, san'at, qat'iy, mas'ul* каби ўзлашма сўзларда унлидан олдин шу унли олдинги ундош товушдан ажратиб айтилишини ифодалаш учун қўйилади.

Асос ва қўшимчалар имлоси

33. Кўшимча қўшилини билан сўз охиридаги унли ўзгарди:

1) *a* унлиси билан тугаган феълларга -*v*, -*q*, -*qi* кўшимчаси қўшилганда *a* унлиси *o* айтилади ва шундай ёзилади: *sayla'* — *saylov*, *sina* — *sinov*, *aya* — *ayovsiz*; *so'ra* — *so'roq*, *bo'ya* — *bo'yoq*; *o'yna* — *o'ynoqi*, *sayra* — *sayroqi* каби;

2) *i* унлиси билан тугаган кўпчилик феълларга - *v*, - *q* кўшимчаси қўшилганда бу унли *u* айтилади ва шундай ёзилади: *o'qi* — *o'quvchi*, *qazi* — *qazuvchi*, *sovi* — *sovuiq* каби. Лекин *i* унлиси билан тугаган айрим феълларга -*q* кўшимчаси қўшилганда бу унли *i* айтилади ва шундай ёзилади: *og'ri* — *og'riq*, *qavi* — *qaviq* каби.

Эслатма:

1) ундош билан тугаган барча феълларга -*uv* қўшилади: *ol* — *oluuv*, *yoz* — *yozuuv* каби;

2) ундош билан тугаб, таркибида *u* унлиси бўлган феълга -*aq* қўшилади: *uz* — *uziq*, *yut* — *yutiq* каби. Лекин *uyushiq*, *burushiq*, *uchuriq* (шунингдек, *bulduriq*) каби сўзларнинг учинчи бўғинила *i* айтилади ва шундай ёзилади.

34. *k, q* ундоши билан тугаган кўп бўғинли сўзларга, шунингдек, *bek*, *yo'q* каби айрим бир бўғинли сўзларга эгалик қўшимчаси қўшилганда *k* ундоши *g* ундошига, *q* ундоши *g'* ундошига айланади ва шундай ёзилади: *tilak* — *tilaging*, *yurak* — *yuragim*, *kubok* — *kubogi*, *bek* — *begi*; *tayoq* — *tayog'i*, *qoshiq* — *qoshig'i*, *yaxshiroq* — *yaxshirog'i*, *yo'q* — *yo'g'i* каби. Лекин кўп бўғинли ўзлашма сўзларга, бир бўғинли

кўпчилик сўзларга эгалик қўшимчаси қўшилганда **k**, қ товуши аслича айтилади ва ёзилади: *ishtirok* – *ishtiroki*, *ocherk* – *ocherki*, *erk* – *erki*, *huquq* – *huquqim*, *ravnaq* – *ravnaqi*, *yuq* – *yuqi* каби.

35. Кўйидаги қўшимчалар қўшилиши билан сўзнинг таркибида товуш тушади ёки ортади:

1) *o'rin*, *qorin*, *bitin*, *o'gil*, *bo'yin*, *ko'ngil* каби баъзи сўзларга эгалик қўшимчаси қўшилганда, *qayir*, *ayir* каби феълларга нисбат шаклини ясовчи -II қўшимчаси қўшилганда, *ikki*, *olti*, *yetti* сўзларига -ov, -ala қўшимчалари қўшилганда иккинчи бўғиндаги унли айтилмайди ва ёзилмайди: *o'rin* – *o'rnim*, *qorin* – *qorni*, *burun* – *burning*, *o'g'il* – *o'g'ling*, *ko'ngil* – *ko'ngli*, *yarim* – *yarmi*; *qayir* – *qayril*, *ulug'* – *ulg'ay*, *sariq* – *sarg'ay*, *ikki* – *ikkov*, *ikki* – *ikkala*, *yetti* – *yettov* каби;

2) *u*, *bu*, *shu*, *o'sha* олмошларига -da, -dan, -day, -dagi, -da, -gacha қўшимчалари қўшилганда և товуши қўшиб айтилади ва шундай ёзилади: *unda*, *bunday*, *shunda*, *o'shancha* каби; бу олмошларга эгалик қўшимчалари қўйидагича қўшилади: *buningiz*, *o'shanisi* каби;

3) о, о', и, е унлилари билан тугайдиган сўзларга эгалик қўшимчалари қўйидагича қўшилади:

а) кўпчилик сўзларга эгалик қўшимчалари -m, -ng, -si; -miz, -ngiz, -si (ёки -lari) шаклида товуш орттирумай қўшилади: *bobom*, *bobong*, *bobosi*; *bobomiz*, *bobongiz*, *bobosi* (ёки *bobolari*); *orzum*, *orzung*, *orzusi*; *orzumiz*, *orzungiz*, *orzusi* каби;

б) *parvo*, *obro'*, *mavqe*, *mavzu*, *avzo* сўзларига I, II шахс эгалик қўшимчалари қўшилганда бир у товуши қўшиб айтилади ва шундай ёзилади: *parvoyim*, *parvoying*; *parvoyimiz*, *parvoyingiz*; *obro'im*, *obro'ying*; *obro'yingiz* каби; III шахс эгалик қўшимчаси *parvo*, *avzo*, *obro'*, *mavqe* сўзларига -ui шаклида, *xudo*, *mavzu* сўзларига эса -si шаклида қўшилади: *avzoyi*, *mavzusi* каби (*dohiy* каби у ундоши билан тугаган сўзга ҳам III шахсада -si қўшилади: *dohysi* каби);

4) *men*, *sen* олмошларига -ni, -ning, -niki қўшимчалари қўшилганда қўшимчадаги և айтилмайди ва ёзилмайди: *meni*, *mening*, *meniki*; *seni*, *sening*, *seniki* каби.

36. Кўйидаги қўшимчаларнинг биринчи товуши икки хил айтилса ҳам бир хил ёзилади:

1) -**bon**, -**boz** қўшимчалари баъзан -**von**, -**voz** айтилса ҳам, ҳамма вақт -**bon**, -**boz** ёзилади: *darvozabon*, *masxaraboz* каби. Лекин -*vachcha* қўшимчаси ҳамма вақт шундай айтилади ва ёзилади: *amakivachcha*, *xolavachcha* каби;

2) Ўрин келишиги ва чиқиш келишиги қўшимчаси-нинг, ўтган замон ясовчиси ва III шахс қўрсаткичи -**di** қўшимчасининг бошидаги ундош баъзан **t** айтилса ҳам, ҳамма вақт **d** ёзилади: *ishda*, *misdan*, *ketdi*, *kelmabdi* каби.

37. Қуидаги қўшимчаларнинг бош товуши икки ёки уч хил айтилади ва шундай ёзилади:

1) тақлид сўзлардан феъл ясовчи -**illa** (*chirilla*, *taqilla*) қўшимчаси сўз таркибида **v** ёки **u** товуши бўлганда -**illa** айтилади ва шундай ёзилади: *shovulla*, *lovulla*, *gurulla* каби;

2) нисбат шаклини ясовчи -**dir** қўшимчasi жарангли ундош билан тугаган бир бўғинли сўзларга (**kel** сўзидан бошқа), шунингдек, **z** ундоши билан тугаган орттирма нисбат ясовчисидан кейин қўшилади: *quvdir*, *egdir*, *kuldir*, *yondir*; *o'tkazdir*, *tomizdir* каби. Қолган барча ҳолларда бу қўшимча -**tir** айтилади ва шундай ёзилади: *tiktir*, *kestir*, *uyaltir*, *chaqirtir* каби.

3) жўналиш келишиги қўшимчаси -**ga**, чегара билди-рувчи -**gacha**, равишдош шаклини ясовчи -**gach**, -**guncha**, -**gani**, -**gudek**, сифатдош шаклини ясовчи -**gan**, буйруқ майлининг иккинчи шахс қўрсаткичи -**gin**, шунингдек -**gina** қўшимчаси уч хил айтилади ва шундай ёзилади:

а) **k** ундоши билан тугаган сўзларга қўшилганда бу қўшимчаларнинг бош товуши **k** айтилади ва шундай ёзилади: *tokka*, *yo'lakkacha*, *ko'nikkach*, *zerikkuncha*, *to'kkani*, *kechikkudek*, *bukkan*, *ekkin*, *kichikkina* каби;

б) **q** ундоши билан тугаган сўзларга қўшилганда бу қўшимчаларнинг бош товуши **q** айтилади ва шундай ёзилади: *chopiqqa*, *qishloqqacha*, *yoqqach*, *chiqquncha*, *chiniqqani*, *qo'rqqudek*, *achchiqqina* каби;

в) қолган барча ҳолларда, сўз қандай товуш билан тугаши ва бу қўшимчаларнинг бош товуши **k** ёки **q** айтилишидан қатъи назар, **g** ёзилади: *bargga*, *pedagogga*, *bug'ga*, *sog'ga*, *og'gan*, *sig'guncha* каби.

Қўшиб ёзиш

38. *Xona, noma, poya, bor, xush, ham, baxsh, kam, utum, rang, sifat, talab* каби сўзлар ёрдамида ясалган от ва қўшма сифатлар қўшиб ёзилади: *qabulxona, fabriknoma, taklifnoma, bedapooya, ottahop, xushxabar, hamsuhbat, orombaxsh, kamquvvat, bug'doyrang, utumxalq, sovuqmijoz, devsifat, suvtalab* каби.

39. -(а) г (инкор шакли -mas) қўшимчаси билан туғайдиган қўшма от ва қўшма сифатлар қўшиб ёзилади: *o'ribbosar, otboqar, cho'lquvar, ishyoqmas* каби.

40. Такрор тақлил сўзларга қўшимча қўшиш билан ясалган от ва феъллар қўшиб ёзилади: *pirpirak (pir+pir+ak), hayhayla (hay+hay+la), gijgijla (gij+gij+la)* каби.

41. Нарсани (предметни) бошқа бирор нарсага нисбатлаш (қиёслаш), ўхшатиш йўли билан билдирувчи қўшма от ва қўшма сифатлар қўшиб ёзилади: *karnaygul, qo'zigorin, otquloq, oybolta, devqomat, sheryurak, bodomqovoq* каби.

42. Нарсани унинг ранги, мазаси, ўзидаги бирор нарсаси ва шу каби белгилари асосида билдирувчи қўшма отлар қўшиб ёзилади: *olaqarg'a, qizilishton, achchiqtosh, mingoyoq* каби.

43. Нарсанинг бирор мақсад, иш учун мўлжалланганини билдирувчи қўшма отлар қўшиб ёзилади: *qiyutatxta, tokqaychi, oshrayhon, molqo'ra, nosqovoq, ko'zoynak* каби.

44. Нарсани жойга нисбат бериш асосида билдирувчи қўшма отлар қўшиб ёзилади: *tog'olcha, cho'lyalpiz, suvilon, qashqargul* каби.

45. Маросим, афсона кабиларни билдирувчи қўшма отлар қўшиб ёзилади: *kiruyvdi, kelintushdi, qoryog'di, Urto'qmoq, Ochildasturxon* каби.

46. Қаратувчили бирикманинг бир сўзга айланиши билан юзага келган қўшма отлар қўшиб ёзилади: *mingboshi, so'zbashi, olmaqoqi* каби.

47. Иккинчи қисми турдош от билан ёки *obod* сўзи билан ифодаланган жой номлари қўшиб ёзилади: *Yangiyo'l, To'rtko'l, Mirzacho'l, Sirdaryo, Kosonsoy, Yangiobod, Xalqobod* каби. Лекин иккинчи қисми атоқли от бўлган жой номлари ажратиб ёзилади: *O'rta Osiyo, Ko'hna Urganch, O'rta Chirchiq* каби.

48. Рус тилидан айнан ўзлаштирилган ёки сўзма-сўз таржима қилиш йўли билан ҳосил қилинган қўшма сўзлар кўшилиб ёзилади: *radiostansiya, fotoapparat, elekrotexnika, teleko'ssatuv, yarimavtomat, bayramoldi, suvosti* каби.

49. Қисқартмаларнинг барча турлари ва уларга қўшиладиган қўшимчалар қўшиб ёзилади: *SamDU, ToshMUning* каби. Лекин ёнма-ён келган икки қисқартма ажратиб ёзилади: *O'zbekiston Xalq demokratik partiyasi markaziy kengashi* каби.

50. Бир товуш икки ва ундан ортиқ товуш тарзида айтилса, бундай ҳолат ҳарфни такрор ёзиш билан кўрсатилиди: *yo 'o 'q, nimaa, himm, ufff* каби.

Чизиқча билан ёзиш

51. Жуфт сўз ва такрор сўз қисмлари чизиқча билан ёзилади: *el-yurt, mehr-shafqat, qovun-tarvuz, omon-eson, kecha-kunduz, yozin-qishin, asta-sekin, uch-to'rt, o'n-o'n beshta (10 — 15 ta), billinar-bilinmas, bordi-keldi, kuydi-pishdi, don-dun, oz-moz, mayda-chuyda, aldab-suldbab, o'ylab-netib, kiyim-kechak, adi-badi, ikir-chikir, duk-duk, taq-tuq, qop-qop, ming-minglab, bitta-bitta (bitta-bittalab), baland-baland, chopa-chopa, ishlay-ishlay, yaqin-yaqinlargacha, hamma-hammasi, uy-uyiga, ich-ichidan* каби.

Эслатма:

1) жуфт сўздан қўшимча ёрдамида ясалган сўзлар ҳам чизиқча билан ёзилади: *baxt-saodatli, xayr-xo'shlashmoq* каби;

2) жуфт сўз қисмлари орасида -и (-yu) боғловчиси келса, ундан олдин чизиқча қўйилади ва жуфт сўз қисмлари ажратиб ёзилади: *do'st-i dashman (dost-dashman), kecha-yu kunduz (kecha-kunduz)* каби;

3) етакчи ва кўмакчи феъл бир хил шаклда бўлса, чизиқча билан ёзилади: *yozdi-oldi, borasan-qo'yasan, uxlabman-qolibman* каби.

52. Белгини кучайтирувчи *qip-qizil, yam-yashil, dum-dumaloq, kippa-kunduzi, to'ppa-to'g'ri, bab-barobar* каби сўз шакллари чизиқча билан ёзилади (лекин *orroq* сўзи кўшиб ёзилади).

53. Сўзнинг -та, -ба ёрдамида бирлашган қисмлари чизиқча билан ёзилади: *ko 'chama-ko 'cha*, *uyma-uy*, *rang-barang*, *dam-badam* каби. Лекин мустақил ишлатилмайдиган қисм қатнашса, бундай сўзлар қўшиб ёзилади: *ro 'baro*, *darbadar* каби.

54. Рус тилидан айнан ёки сўзма-сўз таржима қилиш йўли билан олинган сўзлар аслига мувофиқ чизиқча билан ёзилади: *unter-ofitser*, *kilovatt-soat* каби.

55. -chi, -a (-ya), -ku, -u (-yu), -da, -e, -ey (-yeu) юкламалари чизиқча билан ёзилади: *sen-chi*, *boraylik-chi*, *sen-a*, *kutaman-a*, *bola-ya*, *mingta-ya*, *keldi-ku*, *kelgan-u*, *yaxshi-yu*, *yaxshi-da*, *qo 'y-e*, *yashang-e*, *o 'g 'lim-ey*, *keldi-yeu* каби. Аммо -им, -оғ (-уоғ), -ов (-уов), -gina- (-kina -qina) юкламалари ўзидан олдин келган сўзга қўшиб ёзилади: *keliboq*, *o 'ziyoq*, *ko 'rganov*, *ko 'rdiyov*, *mengina*, *qo 'shiqqina* каби.

56. Тартиб сон араб рақамлари билан ёзилса -nchi қўшимчаси ўрнига чизиқча (—) қўйилади: 7-sinf, 5-*A*"sinfi, 3-, 7-, 8-sinf o 'quvchilari, 60-yillar, 1991-yilning 1 sentabri каби. Тартиб сонни қўрсатувчи рим рақамларидан кейин чизиқча ёзилмайди: *XX asr*, *X sinf* каби.

Ажратиб ёзиш

57. Кўшимча феълнинг қисмлари ажратиб ёзилади: *surf qil*, *ta 'sir et*, *tatom bo 'l*, *sotib ol*, *olib kel*, *olib chiq*, *miq etma* каби.

58. Кўмакчи феъл ва тўлиқсиз феъл мустақил феълдан ажратиб ёзилади: *aytib ber*, *olib ko 'r*, *so 'rab qo 'y*, *ko 'ra qol*, *bera boshla*, *yiqila yozdi*; *ketgan edi*, *kelgan ekan*, *ketgan emish* каби. Лекин мустақил феъл билан ёрдамчи феъл орасида товуш ўзгариши бўлса, бундай қисмлар қўшиб ёзилади: *aytaver* (*ayta ber*), *boroladi* (*bora oladi*), *bilarkan* (*bilar ekan*) каби.

59. Кўмакчилар ажратиб ёзилади: *shu bilan*, *soat sayin*, *borgan sari*, *bor qadar*, *kun bo 'yi* каби. Лекин *bilan* кўмакчи-сининг -ла шакли, *ichun* кўмакчисининг -chun шакли чизиқча билан ёзилади: *sen-la*, *sen-chun* каби.

60. *Hamma*, *har*, *hech*, *bir*, *qay*, *u*, *bu*, *shu*, *o 'sha* сўзлари ўзидан кейинги ёки олдинги сўздан ажратиб ёзилади: *hamma vaqt*, *har kim*, *hech qaysi*, *qay kuni*, *u yerda*, *shu yoqda*,

o'sha yoqqa каби. Лекин *biroz*, *birato'la*, *birvarakayiga*, *birmuncha* сўзлари қўшиб ёзилади. Шунингдек, *qay* сўзи *yoq*, *yer* сўзлари билан ишлатилганда бир у товушни тушса, бу сўзлар қўшиб ёзилади: *qayoqqa*, *qayerda* каби.

61. Сифат олдидан келиб, белгининг ортиқ ёки камлигини билдирадиган *to'q*, *jingga*; *tim*, *liq*, *lang*, *och* каби сўзлар ажратиб ёзилади: *to'q qizil*, *jingga ho'l*, *tim qora*, *liq to'la*, *lang ochiq*, *och sariq* каби.

62. Мураккаб сон қисмлари ажратиб ёзилади: *o'n bir*, *besh yuz*, *qirq ming olti yuz bir*, *bir ming yetti yuz sakson beshinchi* каби.

63. *Yildan yilga*, *tomdan tomga* каби биринчи қисми чиқиши келишигига, иккинчи қисми жўналиш келишигига бўлган бирикмалар ажратиб ёзилади.

64. Белгининг ортиқ даражасини билдирувчи *ko'pdan ko'p*, *tekindan tekin*, *yangidan yangi*, *ochiqdan ochiq*, *qizigandan qizidi* кабилар ажратиб ёзилади.

65. Изофали бирикмалар ажратиб ёзилади. Бунда изофа ундош билан тугаган сўзларга і шаклида, унли билан тугаган сўзларга ўі шаклида қўшилади: *dardi bedavo*, *niqtai nazar*, *tarjimayi hol* каби. Лекин изофа ёзилмайдиган сўзлар, шунингдек, қисмларидан бири ёки ҳар иккиси ўзбек тилида мустақил ишлатилмайдиган сўзлар қўшиб ёзилади: *gulbeor* (*guli beor*), *dardisar* каби.

Бош ҳарфлар имлоси

66. Кишининг исми, ота исми, фамилияси, тахаллуси, рамзий атоқли оти бош ҳарф билан бошланади: *O'rinovali Muhabbat Majidovna*, *Azamat Shuhrat o'g'li*, *Hamza Hakimzoda*, *Muhammadsharif So'fizoda*, *Mannon*, *Otaboy*, *Navoiy*, *Furqat*, *Salomjon*, *Alikov* каби.

67. Жой номлари бош ҳарф билан бошланади: *Andijon*, *Yangiyol* (шаҳарлар), *Naymancha*, *Buloqboshi* (қишлоқлар), *Bodomzor*, *Chig'atoy* (маҳаллалар), *Zavraq* (дара), *Qoratog'*, *Pomir* (тоглар), *Oqtepa*, *Uchtepa* (тепалар), *Zarafshon*, *Sirdaryo* (дарёлар), *Yayilma* (каналлар); *Turkiya*, *Hindiston* (мамлакатлар) каби. Бундай атоқли от таркибидағи сифатловчи ҳам бош ҳарф билан ёзилади: *Shimoliy Kavkaz*, *Markaziy Qizilqum* каби.

68. Юлдуз ва сайёralар, бошқа хил осмон жисмларининг атоқли оти бош ҳарф билан бошланади: *Hulkar, Qavs, Mirrix* (юлдуз ва сайёralар номи), *Tinchlik dengizi* (ойдаги рельеф номи) каби. *Yer, quyosh*, оу турдош отлари сайёра номи бўлиб келгандагина бош ҳарф билан ёзилади: *Yer Quyosh atrofida, Oy Yer atrofida aylanadi*.

69. Маданий-маиший ва савдо корхоналарига, адабиёт ва санъат асарларига, саноат ва озиқ-овқат маҳсулотларига, шунингдек, транспорт воситалари, спорт иншотларига қўйилган номлар бош ҳарф билан бошланади: "*Tong*" (мехмонхона), "*Saoda!*" (фирма), "*Navro'z*" (хайрия жамғармаси), "*Kamalak*" (матбаа бирлашмаси), "*G'uncha*" (боғча), "*Botanika*" (санаторий), "*Paxtakor*" (стадион), "*Qutlug' qon*" (роман), "*Dilorom*" (опера), "*Tanova*" (куй), "*Ozodlik*" (ҳайкал), "*Jasorat*" (ёдгорлик), "*Sino*" (совутгич) каби.

70. Муҳим тарихий сана ва байрамларнинг номлари таркибидаги биринчи сўз бош ҳарф билан бошланади: *Mustaqillik kuni, Xotira kuni, Ramazon hayiti, Navro'z bayrami* каби.

71. Давлатларнинг, давлат олий ташкилотлари ва мансабларининг, халқаро ташкилотларнинг номидаги ҳар бир сўз бош ҳарф билан бошланади: *O'zbekiston Respublikasi, Rossiya Federatsiyasi, Misr Arab Respublikasi, O'zbekiston Respublikasi Prezidenti, O'zbekiston Respublikasi Oliy Majlisining Raisi, O'zbekiston Respublikasi Oliy Sudining Raisi, Birlashgan Millatlar Tashkiloti, Jahon Tinchlik Kengashi* каби.

Бошқа таркибли номларда олий мансабни билдирувчи биринчи сўзгина бош ҳарф билан бошланади: *Bosh vazirning o'rinnbosari, Mudosaa vaziri, Yozuvchilar uyushmasi, O'zbekiston Milliy tiflolanish demokratik partiyasi* каби.

Вазирликлар ва идоралар, корхоналар ва ташкилотлар номи таркибидаги биринчи сўз бош ҳарф билан бошланади: *Sog'lqni saqlash vazirligi, Fan va texnika davlat qo'mitasi, Fanlar akademiyasi, Tilshunoslik instituti* каби.

72. Давлатнинг олий даражали мукофоти номи таркибидаги ҳар бир сўз бош ҳарф билан бошланади: "*O'zbekiston Qahramoni*" (унвон), "*Oltin Yulduz*" (медаль). Бошқа мукофотлар, фахрий унвонлар, нишонлар номидаги би-

ринчи сўзгина бош ҳарф билан бошланади: "*Sog'lom avlod ichun*" (орден), "*O'zbekistonda xizmat ko'rsatgan san arbobi*" (фаҳрий унвон), "*Matbaa a'lochisi*" (нишон) каби.

73. Гапнинг биринчи сўзи бош ҳарф билан бошланади: *Yer tagidan Muqaddasga bir qarab oldim* (О. Ёқубов).

Эслатма:

1) кўчирма гапдан кейин келган муаллиф гапининг биринчи сўзи (агар у атоқли от бўлмаса) кичик ҳарф билан ёзилади: "*Bu men*", — *qo'rqibgina javob herdi ko'laga* (О. Ёқубов);

2) хатбошига гапнинг саналувчи қисмлари чиқарилгандан бундай қисмлар олдидан чизиқ қўйилади ва улар кичик ҳарф билан ёзилади:

Ma'muriy huquqbuzarlik to'g'risidagi ishni ko'rishga tayyorlash vaqtida tegishli organ (mansabdar shaxs) quyidagi masalalarni:

— *mazkur ishni ko'rib -chiqish uning huquq doirasiga kirish-kirmasligini;*

— *ma'muriy huquqbuzarlik to'g'risidagi protokol va ishga oid boshqa materiallar to'g'ri tuzilgan-tuzilmaganligini hal qiladi;*

3) гапнинг қисмлари қавсли рақам ёки қавсли ҳарф кўйиб санаалса, бундай қисмлар ҳам кичик ҳарф билан ёзилади:

Hozirgi o'zbek adabiy tilining lug'at boyligi asosan besh manba negizida tarkib topgan: 1) umumturkiy so'zlar, 2) o'zbekcha so'zlar, 3) tojik tilidan kirgan so'zlar, 4) arab tilidan kirgan so'zlar, 5) rus tilidan kirgan so'zlar ("Ўзбек тили" дарслигидан).

74. Таркибли номларнинг бош ҳарфидан иборат қисқартмалар, атоқли от бўлмаган баъзи бирикмаларнинг қисқартмалари бош ҳарф билан ёзилади: *AQSH* (*Amerika Qo'shma Shtatlari*), *BMT* (*Birlashgan Millatlar Tashkiloti*), *AES* (*atom elektr stansiysi*) каби. Қисқартма таркибида бўғинга тенг қисм бўлса, унинг биринчи ҳарфигина бош ҳарф билан ёзилади: *ToshDTU* (*Toshkent davlat texnika universiteti*) каби.

Кўчириш қоидалари

75. Кўп бўғинли сўзнинг олдинги сатрга сифмай қолган қисми кейинги сатрга бўғинлаб кўчирилади: *to'q-son, sifatli, sifat-li, pax-takor, paxta-kor* каби. Тутуқ белгиси ол-

динги бўғинда қолдирилади: *va'-da, ma'-rifat, mash'-al, in'-ot* каби.

76. Сўзнинг бош ёки охирги бўғини бир ҳарфдан иборат бўлса, улар қуидагича кўчирилади:

1) сўз бошидаги бир ҳарфдан иборат бўғин ёлғиз ўзи олдинги сатрда қолдирилмайди: *a-badiy* эмас, *aba-diy, e-shikdan* эмас, *eshik-dan* каби;

2) сўз охиридаги бир ҳарфдан иборат бўғин ёлғиз ўзи кейинги сатрга кўчирилмайди: *mudofa-a* эмас, *mudo-faa, matha-a* эмас, *mat-baa* каби.

77. Ўзлашма сўзларнинг бўғинлари чегарасида келган икки ёки ундан ортиқ ундош қуидагича кўчирилади:

1) икки ундош келса, улар кейинги сатрга биргаликда кўчирилади: *dia-gramma, mono-grafiya* каби;

2) уч ундош келса, биринчи ундош олдинги сатрда қолдирилади, қолган ундош кейинги сатрга кўчирилади: *silin-drik* каби.

78. Бир товушни кўрсатувчи ҳарфлар бирикмаси (*sh, ch, ng*) биргаликда кўчирилади: *pesh-ayvon, pe-shona, mai-shat, pi-choq, bi-chiq-chi, si-ngil, de-ngiz* каби.

79. Бош ҳарфлардан ёки бўғинга тенг қисм ва бош ҳарфдан иборат қисқартмалар, шунингдек, кўп хонали рақамлар сатрдан сатрга бўлиб кўчирилмайди: *AQSH, BMT, ToshMU, 16, 245, 1994, XIX* каби.

80. Ҳарфдан иборат шартли белги ўзи тегишли рақамдан ажратиб кўчирилмайди: *5-"A" sinf, V 'B' guruhi, 110 gr, 15 ga, 105 m, 25 sm, 90 mm* каби.

81. Атоқли от таркибига кирадиган рақам номдан ажратилган ҳолда кейинги сатрга кўчирилмайди: *"Navro'z-92'* (фестиваль), *"O'qituvchi-91'* (қўрик-танлов), *'Andijon-9', 'Termiz-16'* (ғўза навлари), *'Boing-767'* (самолёт), *'Foton-774'* (телефизор) каби.

82. *A. J. Jabborov, A. D. Abdullaev* кабиларда исмнинг ва ота исмининг биринчи ҳарфига тенг қисқартмалар фамилиядан ажратиб кўчирилмайди. Шунингдек, *v. b. (va boshqalar), sh. k. (shu kabilar)* сингари ҳарфий қисқартмалар ҳам олдинги сўздан ажратиб кўчирилмайди.

Адабиёт

1. Жуманиёзов Р. Алифбо сабоқлари. "Ўқитувчи", Т., 1990.
2. "Лотин ёзувига асосланган ўзбек алифбосини жорий қилиш тўғрисида"ги Ўзбекистон Республикасининг Қонуни (1995 йил 25 декабрь).
3. Ризаев С. Ризаева О. Янги алифбони ўрганамиз. "Камалак", Т., 1996.
4. Ma'qulova B. Adashev. Kitobim-oftobim. 'O'qituvchi', Т., 1996.
5. Rizayev S. Qaldirg'och, 'Kamalak', Т., 1997.
6. Ўзбек тилининг асосий имло қоидалари. ЎзР ФА Тилшунослик институти томонидан тайёрланган. Т., 1998.

2. ЛЕКСИКОЛОГИЯ ВА ЛЕКСИКОГРАФИЯ

а) Ўзбек тили сўз бойлиги

Ҳар бир халқнинг моддий ва маънавий бойлиги унинг сўз бойлигидан ҳам билинади. Ҳозирги замон ўзбек тилида сўзларнинг миқдори тўғрисида турли фикрлар баён қилинади. Р. Абдураҳмонов 80 минг сўз бор деса, Э. Фозилов бу миқдорни 100 – 200 мингга етказади. "Ўзбекчарусча лугат"да 50 минг сўз, "Ўзбек тилининг изоҳли лугати"да 60 минг сўз келтирилади. Агар шевалардаги сўзлар ҳисобга олинса, у сўзлардан зарурлари адабий тилга киритилса (бундай сўзлар шевалар таҳдилига онд турли диссертацияларда ҳам берилган), ўзбек тилидаги сўзларнинг умумий сони 200000 дан кам бўлмайди. Агар тарихда яратилган ўнлаб лугатлар ва бошқа туркий тилларнинг лугатларидан фойдаланилса, ўзбек тилининг изоҳли лугатига кирадиган сўзларнинг сони янада ортади.

Аммо ҳар бир тилнинг бойлиги сўзларнинг миқдори билангина белгиланмайди. Сўзларнинг кўп маъноли бўлиши, янги сўз ясаш имкониятларининг кенглиги ҳам тилнинг бойликларидан биридир.

Ҳозирги замон ўзбек адабий тили сўз бойлиги икки қатламдан ташкил топган: ўз қатлам ва ўзлашма қатлам.

Ўзбек тилининг ўз қатлами умумтуркӣ ва туб ўзбек сўзларидан ташкил топади. Умумтуркӣ сўзларга *муз*, *она*, *огиз*, *соғ*, *сув*, *суюқ*, *темир*, *тил*, *тиш*, *тош*, *туз*, *саккиз*,

týurt, *узун*, *улуг*, *ая*, *эга*, *юк*, *күл*, *қиши* каби сўзлар кириб, бу сўзлар ҳар бир туркий тилнинг фонетик хусусиятига кўра, маълум даражада ўзгарган ҳолда талаффуз қилинади. Шу билан бирга ҳар бир туркий тилда ўзига хос сўзлар ҳам бўлади. Масалан, ўзбек тилидаги қурилма (конструкция), ич *кўйлак*, *қўлланма*, *майқатагон*, *пешлавча* каби сўзлар.

Турк тилида: ой номлари: *осак* — январь, *şubat* — февраль, *nisan* — апрель, *hazirin* — июнь, *temmuz* — июль, *eylul* — сентябрь, *ekim* — октябрь, *kasim* — ноябрь, *aralik* — декабрь каби.

Шуни қайд этиш керакки, баъзи сўзлар бир қатор туркий тиллар учун умумий бўладики, бу ҳол атама танлашдаги бир хилликка (унификацияга) қўйилган қадамdir. Масалан, *абажур*, *актер*, *анкета*, *газ*, *капитан*, *скелет*, *кило*, *эмблема*, *экран*, *стакан* туркий тилларда (турк, озарбайжон, бошқирд, қозоқ, қирғиз, ўзбек, татар, туркман, уйғур) бир хилда қўлланади.

Албатта, сўзларнинг талаффузи ҳар бир тилнинг фонетик хусусиятларига кўра ўзига хосликка эга бўлади.

Бундан ташқари сўз бойлиги она тилининг ички имкониятлари асосида ва бошқа тиллардан сўз олиш ҳисобига бойиди.

1. Она тили имконияти: 1) эски сўзларга янги маъни бериш; 2) янги сўз яратиш ёки янги сўз ясаш; 3) бошқа тиллардан сўз олиш асосида бўлади:

1) эски сўзларга янги маъни бериш:

азиз — баланд (Кошғарий, I, 88-б.) ҳозир — *хурматли*, эътиборли;

айтиш — саломлашиш (Кошғарий, I, 136-б.) — *ганириш* ёки сўз ўйини;

алчақ — ювош, нозик (Кошғарий, I, 126-б.) — *алдамичи*, *икки юзлама*; *appa* — сийдик ёки ундов сўз (Кошғарий, I, 74-б.) — *appa* (*аррапади*); *аруқлади* — ухлади, дам олди (Кошғарий, I, 297-б.) — *ариқлади* (*озди*) в. б.

2) Янги сўз яратиш:

ўзлигинг намоён қил (Ҳамза), *оёқлан!* (Уйғун,) *берккўча* (*тупик*), *тавсиғнома* (*характеристика*), *майқатагон* (*сухой закон*), *шоҳкўча* (*проспект*) каби.

Ўзбек тили сўз ясовчи аффиксларга бой бўлиб, янги сўзлар ясашиб имконияти кенглир: *кўргаз+ма*, *тезлат+гич* (ускоритель), *ёнил+ғи*, *ёқил+ғи* в.б.

Кўп янги сўзлар синтактик усул билан (ўзакларни бириткириш йўли билан) ясалади: *ошқозоности* (бези), *сувости* (геол), *тил ўрта*, *тилолди* (тovушлари) в.б.

3) бошқа тиллардан сўз олиш

Ҳозирги ўзбек тилида араб ва форс-тожик сўзлари, айниқса, октябрь тўнтаришидан кейин рус-байналмилал сўзлари катта қатламни ташкил этади. Масалан:

арабча: *адаб*, *адабий*, *авж*, *авзор*, *авлиё*, *авлод*, *аврат*, *адад*, *адиб*, *адл*, *адоват*, *ажаб*, *аждод*, *ажнабий* каби;

форс-тожикча: *андиша*, *андоза*, *андуҳ*, *агар*, *арзанда*, *ароба*, *аргувон* (*дараҳт*), *афсона*, *ағсун* каби;

рус-байналмилал: *абзац* (нем.), *абитуриент* (нем.), *абонемент* (нем.), *аборт* (лот.), *авантгард* (нем.), *авария* (итал.), *автомат* (юнон.) каби. Бошқа тилдан сўзлар ва иборалар тўлиқ ёки ярим *калькалаштириб* олинади. Масалан: *қайта ишиш* (воспроизведение), *кўргазма* (указание), *сўз боши* (предисловие), *сўнг сўз* (послесловие). *Кавказорти* (Закавказье), *агросаноат*, *самолётсозлик* в.б.

Морфологик (аффикслар ёрдами билан), синтактик ва лексик йўл билан сўз ясашда она тилидаги ёки ўзлашган сўзлар асос бўлиб хизмат қиласи. Масалан: *бөғон*, *иичи*, *жанжалкаш*, *қўл қўйди*, *иззат қилди*, *телефон қилди* каби.

Сўзниң маъно турлари. Сўз бир ёки кўп маънода ишлатилиши мумкин. Бир хил маънода асосан атамалар қўлланади: *атом*, *нейтрон*, *протон* каби. Аммо ҳар соҳада бир атаманинг маъноси турлича бўлади. Масалан, *операция* атамаси тиббиёт — бирор аъзони тиф ёрдами билан даволаш; ҳарбий ишда — ҳарбий ҳаракат, молияда — пул муомаласи; техникада — технологик жараённи билдиради.

Сўз маълум бир жумлаларда кўп ва кўчма маънога эга бўлиши мумкин: *Китоб* — *ақл чироги* жумласида *китоб* — маълум бир соҳага оид фикрлар тўпламини ифодалайди.

Бир сўзниң бир вақтда икки ва ундан ортиқ маъно ифодалаши хусусиятидан айрим шоирлар усталик билан фойдаланадилар. Алишер Навоий ёмон котиб бир нуқта

билин кўзни кўр қилади, деган эди (арабчада ё ҳарфининг устидаги нуқтаси қўйилмаса, кўз сўзи кўр бўлади.)

Сўзниг кўчма маънода қўлланиши полисемия (юнон. *Polly* — кўп, *seta* — маъно, белги) дейилади. Масалан, кўз — инсон аъзоси, унинг кўчма маънолари — ишнинг кўзи, бирор нарсани кўзлаб иш қилиш. Шунингдек, *тез*, *китоб*, *қулоқ*, *бош*, қўл каби сўзлар ҳам кўп маъноли бўлади.

Омоним сўзлар полисемия сўзларидан фарқланади. Омоним сўзлар ҳам турли маъно ифодаласа-да, бу маънолар орасида яқинлик, боғланиш бўлмайди. Масалан: *тут* омоними — дараҳт ва унинг меваси маъноларида қўлланади.

Омоним сўзларнинг ҳам, полисемия сўзларнинг ҳам турли маънолари жумлада, маълум бир контекстда билинади. Сўзларнинг кўп маънолигидан фойдаланиб, шоирлар маҳсус туюқ жанрини яратганлар. Масалан:

Ё раб, ул шаҳду шакар ё лабдуур?
Ё магар шаҳду шакар ёлабдуур?
Жонима пайваста новак отқали
Фамза ўқин қошига ёлабдуур.

(Алишер Навоий)

Полисемия сўзлари билан омоним сўзлар орасидаги иккинчи фарқ полисемантик сўзлар бир туркуми доирасида бўлади. Омоним сўзлар сўз ясалиши ёки талаффуздаги ўхшащликка асосланади: *кира* — ҳак, *кира* — равишдош: ёқилади — ёқиб юборилади: ё қилади — қилади ёки қилмайди ва ёй (камон) қилади. Омонимлар шева ва бошқа тиллардан сўз олиш орқали ҳосил бўлади (*сўри* ва *ток* — узум учун кўтарма ва *аср* — юз йил ва *пайт* каби).

Синонимлар турлича шаклга эга бўлиб, умумий бир хил маънони ифодалайдиган сўзлардир: *катта*, *буюк*, *улуг'*, *гигант* сўзлари умумий бир маънони ифодалайди. Синонимик сўзлар тушунчалар орасидаги нозик маъно фарқларини ифодалайди. Ҳар бир синонимик сўз маълум бир услубий мазмун ифодалаши учун қўлланади.

Масалан: *кесатиш* — бирор иш ёки сўз билан норозилигини билдириш, масҳаралаш, *киноя* — мажозий йўл билан салбий муносабат билдириш, *истеҳзо* — личинг, *кесатиш*.

Синонимик сўзлар шевалар орасида ҳам фарқланади: Фарғона шевасида *арчмоқ* — бирор мева в.б. нарсанинг *пўстини олмоқ*, *артмоқ* — эса маълум нарсанни тозалаш демакдир. Бу икки феъл Тошкент шевасида бир феъл — *артмоқ* орқали ифодаланади.

Синонимлардан бадиий адабиётда усталик билан фойдаланадилар:

Истасам давр аҳлидин ишқингни пинҳон айламак,
Кечалар гоҳ *инграмакдур* одатим, гоҳ *синграмак*.

Эрур бас чу ҳусни малоҳат сенга,
Ясанмак, безанмоқ не ҳожати сенга.

(Алишер Навоий)

Алишер Навоий синонимларни турк (ўзбек) тилининг бойликларидан бири деб кўрсатган эди.

Синоним сўзлар она тилининг ички имкониятлари (*кўқ* — ранг ва осмон; шевага оид сўзлар: *шоти* ва *парвон*, *аччиқ-чучук* ва *шакароб*, *ёвуқ* ва *яқин* каби) ва бошқа тиллардан сўз олиш ҳисобига бўлади (*булоқ* ва *чашма*, *муаллиф* ва *автор*, *гонорар* ва *қалам ҳақи* каби).

Синоним сўзлар мазмунига кўра салбий (*афт, башара, турқ*) ва ижобий турларга бўлинади (*оӣ юзли, чиройли, гўзал*).

Антонимлар маъноси бир-бирига зид ёки фарқли сўзларнинг жуфт келишидир: *аччиқ-ширин*, *оч-тўқ*, *иссиқ-совуқ* каби. Антоним сўзларнинг маъноси бир-бирига зид ва фарқли бўлса-да, маълум бир умумий мазмунни ифодалайди: юқоридаги антонимларнинг кўчма мазмунларидан бири — ҳаётнинг турли даврларини ифодалайди.

б) Лугатшунослик

Ҳар бир тилда минглаб сўзлар бўлиб, уларни тўплаб, ҳар қайси сўзни изоҳлаб, турли лугатлар тузилади.

Лугатлар, аввало, 2 турга бўлинади:

1. Энциклопедик (қомусий) лугатлар.
2. Филологик лугатлар.

Энциклопедик (қомусий) лугатларда ҳар бир сўзнинг мазмуни кенг изоҳланади. Бундай лугатлар умумий қомун

сий луғат бўлиши (55 жилдли "Большая Советская энциклопедия", 15 жилдли "Ўзбек Совет энциклопедияси" мисол бўлади) қомусий луғатлар бирор соҳага оид бўлиши мумкин. Масалан, "Литературная энциклопедия", "Техническая энциклопедия" ва фаннинг турли соҳала-рига доир атама луғатлари каби.

Филологик луғатлар ҳам икки турли бўлиши мумкин: умумий ва маҳсус луғатлар.

Умумий филологик луғатларда сўзларнинг маъноси бир тил билан ёки икки ёхуд кўп тиллар билан таржима қилиб изоҳланади. Бунга "Ўзбек тилининг изоҳли луғати", икки тилли ўзбекча-русча ва русча-ўзбекча ҳамда ўзбекча-инглизча, ўзбекча-тоҷикча луғатларни кўрсатиш мумкин.

Маҳсус филологик луғатларга: шевалар луғати, тарихий, этимологик, қиёсий (масалан, туркий ёки славян тиллари қиёси), фразеологик, синоним, орфоэпик, орфографик, жой номи, айрим ёзувчилар луғатлари кириши мумкин. Масалан: В. Радлов. Опыт словаря тюркских наречий, I — IV жиллар, Петербург, 1893 — 1911. Л. Будагов. Сравнительный словарь турецко-татарских наречий, I — II жиллар. Петербург, 1863 — 1871; Древнетюркский словарь. Ленинград, 1969. Ўзбек адабий талафузи луғати, "Фан", Тошкент, 1984 йил.

Баъзи луғатларда сўз таркиблари (морфемалари) изоҳланади. Бундай луғатларга А. Гуломов в.б. томонидан тузилган "Ўзбек тили морфем луғати"ни (Тошкент, "Ўқитувчи", 1977), Кошфарийнинг "Девони"га тузилган "Индекс" таркибидаги аффикслар бобини кўрсатиш мумкин. Бундан ташқари, охирги товуши бир хил бўлган сўзлар (чапна) луғатлар ҳам бор (*бола, лола, ола, тола* каби).

Луғатлар икки хил тузилади. Алифбо тартибидаги ва уя тартиби билан тузилган луғатлар. Маълум алифбодаги ҳарф сираси асосида тузилган луғатлар кўпчиликни ташкил этади. Уя тартиби билан тузилган луғатларда фақат асосий сўз ўзаги алифбо тартибida жойлаштирилади, ундан ясалган сўзлар кейин келтирилади, масалан, Назировларнинг ядро физикасига оид луғатида ("Қомус", Тошкент, 1988) гамма ўзаги келтирилиб, ундан ясалган 84 сўз бирин-кетин берилади (40 — 42-бетлар).

Баъзи луғатлар маълум мавзулар асосида (тематик) бўлиши мумкин. Масалан: Н.Т. Хотамов ва бошқалар. "Рус-

ско-узбекский тематический словарь" ("Ўқитувчи", 1975) *ер, осмон, табиат ҳодисалари, ўсимлик, ҳайвонот дунёси* каби соҳалар бўйича сўзлар гурухланиб изоҳланади.

Шуни қайд этиш керакки, ўзбек тили тарихида кўп лугатлар тузилган. Бу лугатлар фақат айрим сўзларнинг изоҳи бўлиб қолмай, бирор буюк адаб ёки давр тилининг грамматикаси, фонетикаси, лексикаси ёки маълум тилларнинг қиёси ҳамдир. Бундай лугатларда маълум бир мавзуга оид сўзлар (масалан: Замахшарий, Жалолиддин ат-Термизий, "Келурнома" лугатлари) ёки араб ҳарфлари сираси асосида (Кошгари лугати, Абу Хайён лугати, Толи Имоний Хиравий лугати) ёхуд сўз туркumlари бўйича ("Санглоҳ" лугати каби) гурухланиб тузилади.

Адабиётлар:

1. *Абдураҳмонов F. Тилимизнинг бойлиги ҳақида. "Мухбир" журнали*, 1970 йил 6-сон.
2. *Бегматов Э. Ҳозирги ўзбек адабий тилининг лексик қатламлари. "Фан"*, 1985 йил.
3. *Фозилов Э. Нутқ маданиятининг баъзи бир назарий масалалари. Тўплам, "Фан", 1973 йил.*
4. *Ҳозирги замон ўзбек адабий тили. "Фан", I жилд, 1966 йил.*

в) Атамашунослик муаммолари

Умумий тушунча

Кимки зўр жазога маҳкум эрса,
Шунинг-чун чекса қайғу, ғам ҳар онда.
Темирчи бўл, дема қийнаб уни сен.
Кўмир қаздирмаю ишлатма конда.
Жазо берма, лугат туздиргил унга.
Бунингдек мушкул иш йўқ ҳеч жаҳонда.

*(Француз файлласуфи ва танқидчиси, шоир
Скалигер. XIV аср. Чустий таржимаси)*

Атама (термин)¹ маълум фан ёки ҳунар соҳасига оид тушунчаларни қайд қилиш, сақлаш ва бу соҳада тўплан-

¹"Атама" сўзини фанга биринчи марта А. Фитрат киритади. "Биз тил қоидалари ҳам унинг атамалари (истиҳоллари) тўғрисида ишлашнинг ҳали биринчи пайтида яшаймиз". (А. Фитрат. Наҳв. Самарқанд — Тошкент, 1927 йил, 1-бет).

ган билим, тажриба, техник маҳорат ва малакани бошқаларга бериш воситасидир. Шунинг учун ҳам илм, техника, ижтимоий муносабатларнинг ривожланиши атамаларнинг назарий ва амалий қимматини оширади, атама лугатларининг нашр этилиши илм, ҳунар учун, кенг ўқувчилар учун, ўқувчи ва талабалар учун катта аҳамиятга эга. Мутахассисларнинг бир-бирини тушуниши учун, илмий, илмий-педагогик ва инженер мутахассисларни тайёрлашда, илмий-техник адабиёт ва дарсликларни яратиша, илмий-статистик ҳисоботда, халқ хўжалиги тармоқларини режалаштиришда сифатли ва кўпчилик маъқуллаган атама лугатларининг бўлиши муҳим аҳамиятга эга.

Техника юқори даражада тараққий қилган бир даврда адабий тил янада заковатли бир шакл (мураккаб фикр ва фикр алмашинувининг аниқ ва маълум шаклда ифодаланиши)га эга бўлиб, нутқнинг маълум бир соҳалар бўйича ихтисослашиши рўй беради. Шунинг учун ҳам мутахассислар билан тилшунослар ва оддий тил ихлосмандларининг манфаатлари ва қизиқишлари тўқнашади. Бу тўқнашиш, мунозара масаланинг тўғри ҳал бўлишига — мувофиқ ва манзур атамани танлаб олишга ёрдам беради ва ягона йўналишни вужудга келтиради.

Атама — ифодалаётган тушунчанинг аниқ номланиши демак. Тилшунос олим Г. Шухард атамашуносликдаги ноаниқлик, чалкашлиқ туман ичida пароходни бошқариш билан баробар деган эди. Атама қўллашдаги аниқлик дарҳол рўй бермайди, йиллар давомида танлаш, тартибга солиш, ниҳоят бир хиллаштириш (унификация қилиш) ва бир хил қолипга солиш (стандартлаш) орқали рўй беради.

Атамаларнинг аниқлиги ва қатъийлашиши шу миллатнинг фани, маорифи, маданияти даражасини кўрсатади.

Атама луғатлари маълум соҳа бўйича маълумотлар берибина қолмай, атамаларни тартибга солади, уларни умумлаштиради. Атамаларнинг ривожланиши, тартибга солиниши фаннинг ҳар хил соҳаларида турлича бўлиб, маълум фаннинг тараққиётига боғлиқ. Бу тараққиёт тўхтовсиз бўлгани учун янги атамаларнинг келиб чиқиши, тар-

тибга тушиши ҳам узлуксиз бўлади. Тартибга тушган, стан-дартлашган атамалар адабий тилга ҳам киради, ёзма нутқнинг турли (бадиий, расмий ва б.) соҳаларида ҳам қўллана бошлайди. Шу билан бирга умумистеъмолда бўлган кўп сўзлар ҳам мутахассис тилида атамага айланниши мумкин. Атамалар умумадабий тилнинг бир тармоғи бўлиб, унинг ички қонуниятларига бўйсунади. Ноўрин, асоссиз танланган атама маълум давр ўтиши билан ифодаланган тушунча мазмунига мос келмаса, истеъмолдан чиқади, янги атама яратилади ёки унинг синоними ўрнини эгаллади. Шунинг учун ҳам атама луғатлари маълум вақт ўтиши билан қайта нашр қилинади — тўлдирилади ёки асоссиз атамалар бошқа қулай ва аниқ атамалар билан алмашади.

Умуман, она тилида атамаларнинг пухта ишланиши, тартибга солиниши дарслик ва қўлланмалар тузиш учун ҳам, она тилида дарс олиб бориш учун ҳам зарур бўлган манбаъдир.

Атамаларнинг ишланмаганлиги ва тартибга солинмаганлиги нутқ услубига ҳам таъсир этади.

Атамашунослик ва атамаларни ўрганишда аввало атамани оддий сўзлар (атама бирор тушунча ёки предметнинг номи бўлиб, эмоционал маънога эга бўлмаган маҳсус сўздир) ва қасб-хунар сўзлари (маълум жой ёки меҳнат жамоаси тили доираси билан чекланган сўзлар)ни фарқлай олиш зарур. Атамалар маълум бир фан ёки техника соҳасига тааллуқли бўлади. Атамаларни қўллаш чегарали бўлгани учун ҳам атама луғатларидаги сўзлар 5 — 20 мингдан ошмайди. Фанларнинг сони эса ҳозир 500 дан ортиқ бўлиб, янги атамалар тез-тез яратилиб туради. Атама ва атамашунослик (термин ва терминология) ҳозирги куннинг энг муҳим ва долзарб муаммоларидан бири бўлиб қолди. Ҳар бир янги нарса ва тушунча ўз номини (атамасини) талаб этади. Шунинг учун ҳам атамаларни аниқлаш, танлаш, янгисини топиш (ясаш), уларни бир хиллаштириш (унификация қилиш) ва стандарт бир шаклга (қолипга) келтириш, атама билан сўзни бир-биридан фарқлаш муҳим аҳамиятга эга.

Атамашунослик тилшуносликнинг нозик бир соҳаси бўлгани учун ҳам маҳсус тадқиқотлар олиб бориш керак.

Янги атама яратиш — бой шеваларимизни ўрганиш ва улардан мақбул атамани танлаб олиш, бошқа республика ва давлатларнинг бу соҳадаги тажрибасини ва лугатларини ўрганиш ўзбек тилининг ҳозирги ва айниқса, 20—30-йиллардаги лугатлари ва тарихда яратилган ажойиб, бой лугатлари, адабий ҳамда илмий, техникавий, тиббий, бадиий ва бошқа фанларга оид бой асарларини ўрганиш ва миллионлаб сўз-карточкалар тузиш иши билан бевосита боғлиқдир. Атама лугатларини тузиш учун бу соҳадаги назарий ва амалий масалалар устида пухта илмий-тадқиқот ишларини олиб бориш ва энг муҳими, атама лугатларини тузиш учун маҳсус қўлланма бўлиши зарур. Бунда айниқса тилшунос мутахассислар, таржимонлар ва маълум фан намояндалари фикрининг бир ердан чиқиши, бир хил бўлиши алоҳида аҳамиятга эга.

Кейинги йиллар тилимизда рус-байналмилал атамаларининг сони ортиб кетиши натижасида, табиий фанларни ўзбек тилида ўқитиш амри маҳол бўлиб қолган эди. Кейинги йилларда янги ва янги атамаларнинг қўлланishi бу соҳадаги аҳволни бироз енгиллаштириди.

Аҳолининг илмий ва маданий тараққиёти билан атама лугатларга талаб тобора орта боради. Бундай лугатлар тузиш эса, атамаларни икки томондан ишлашга боғлиқ:

1) назарий томондан ўрганиш (атамаларнинг назарий асослари, вазифаси, шаклланиш в.б.);

2) амалий қимматини аниқлаш (атамаларни танлаш, тартибга солиш, бир хиллаштириш (унификация қилиш), ясалиш ва тузилиш тизимини аниқлаш).

Бу ишда тилшунослар ва таржимонлар, айниқса, расмий идора — Атамашунослик Кўмитаси йўл кўрсатиши, бу соҳадаги ҳаракат ва интилишларни бир йўналишга солиб туриши зарур. Бунда лексикографик ишларни лексикология муаммолари билан қўшиб олиб бориш, зарур қўлланмалар яратиш, атамаларни бир хиллаштириш (унификация қилиш), олий ўқув юртларида атамашуносликнинг назарий ва амалий муаммоларини ўқитиш каби тадбирларни амалга ошириш лозим.

Ўзбек тили атамашунослигининг шаклланиши

Бир ва икки ҳамда кўп тилли ҳамда изоҳли луғатларни тузиш тарихи узоқ даврларни ўз ичига олади. Бундай луғатларнинг яратилиши айниқса 20-йилларда анча авж олди, академик ва мактабларга мўлжалланган луғатлар кўплаб нашр этилди.

Атаманинг қўлланишини уч даврга бўлиш мумкин:

1) биринчи давр 1917 — 1937 йилларни ўз ичига олиб, бу даврда кўпроқ арабий ва эски ўзбек тилида қўлланган атамалар ишлатилади: *прокурор — муддаи умумий, томонлар — тарафайн, суд — йорғу, гувоҳ — айғоқчи;*

2) иккинчи давр 1938 — 1990 йилларни ўз ичига олади. Бу даврда кўплаб рус-байналмилад атамалар тилимизга кириб келди;

3) 1990 йилдан, республика мустақил бўлгач, кўп рус-байналмилад атамалар арабча, тоҷикча ва ўзбекча атамалар билан алмашди: *заседатель — маслаҳатчи, определение — ажрим, статья — модда, отвод — раддия, президент — раёсат, кабинет — девон, маҳкама, розыск — қидирув, обыск — тинтув в.б.*

Албатта, ҳар қандай луғатнинг камчилиги бўлади: ҳамма сўзларни ҳам ичига ола бермайди, сўзнинг маънолари тўла очилмайди. Луғатларни қайта ишлаш ва нашир этиш борасида бу камчилик бартараф қилина боради.

Одатда, луғатлар икки ва кўп тилли, таржима ва қиёсий ҳамда изоҳли луғатлардан иборат бўлади ва бундай тартиб атама луғатларига ҳам оидdir. Шунинг учун ҳам атама луғатлар тарихи икки ва кўп тилли луғатлар тарихи билан боғланади. Биринчи икки тилли — рус-сарт (ўзбек) луғатларининг нашр этилиши XIX асрнинг иккинчи ярмида бошланади.

Туркий тиллар бўйича изоҳли луғатлар қадимги даврдаёқ тузила бошлаган эди. Маҳмуд Қошғарийнинг "Девону луғатит турк" (XI аср), Маҳмуд ибн Умар аз Замахшарийнинг "Муқадиматул адаб" (XII аср боши), "Китоби мажмуи таржимон турки ва ажами ва мўғили" (XIII аср ўртаси), Абу Хайённинг "Китаб ал идрак ли лисан ал атрак" (XIV аср бошлари), Жалолиддин ибн Муханнанинг "Хилиат-ул-инсон ва ҳалибат ул-лисан" (XIII аср

охирин — XIV аср боши), Жамолиддин ат Туркийнинг "Китабу булғат ал муштақ фил луғат ат турк ва л-қифчоқ" (XIV аср ўрталари), "Китаб ат тұхфату уз закияту филлүфати ат туркия" (XV аср) ва Алишер Навоий асарларини талқын қилишга бағишиланған бир қатор луғаттарни күрсатиш мүмкін.

Ўзбекистонда атамашунослик муаммоларини ўрганиш, атама луғаттарини тузиш ва тартибга солиш учун 1929 йилда Республика Маориғ Комиссарлыги қошида атамашунослик комитети тузилди. Бу комитет мустақил идора сифатида 1937 йилгача иш олиб борди.

20-йилларда Ўзбекистонда фаннинг турли соҳалари билан шуғулланувчи олимлар етишиб чиқди, қатор янги олий ўқув юртлари, аввало, Фанлар академиясининг филиали, сўнгра Ўзбекистон Фанлар академияси (1944 йили) ташкил топди. Бу ҳол, табиийки, фаннинг тараққиётiga катта йўл очди. Фан тараққиётини эса ижтимоий, сиёсий, маъмурӣ ва аниқ фанлар соҳасида юзлаб атамаларининг келиб чиқишига сабаб бўлди, янги атамалар рус ва чет тилларидан бевосита қабул қилинди ёки уларнинг ўзбекча таржималари яратилди.

1984 йили Ўзбекистон Фанлар академияси раёсати қошида республика Муассасалараро атамашунослик (терминологик) комитети тузилди. Комитет атамашунослик соҳасида олиб борилаётган илмий ишларни мувофиқлаштириш (координация қилиш) ва ҳар чоракда "Бюллетень" нашр этиши зарур эди. "Бюллетень"да атамаларнинг бир қанча турлари (вариантлари) берилиб, ўқувчидан ўз фикрларини бериш сўралган эди. Махсус атамашунослик комиссиялари бир неча тур атамалардан мувофиғини танлаб олиши зарур эди.

1989 йил 26 декабряда Республика Атамашунослик комитети ташкил бўлиб, у Ўзбекистон Министрлар Совети (кейинроқ Вазирлар Кенгани) қошига қўчирилди.

1929 йили бўлиб ўтган имло конференцияси атамаларга нисбатан пуристик (аслида рус, араб ва форс-тоҷик сўзларига қарши курашиш) муносабатларни қоралади, адабий тилни совет-байналмилал атамалар билан бойитиш катта манба деб эълон қилинди. Шу билан бирга сунъий сўз ясаш ва мавжуд рус-байналмилал сўзларни бузиб

талаффуз этиш ва ёзиш ман этилди (Тил ва имло конференцияси материаллари, Тошкент, 1932 й., 90 — 91-б.)

Ўтган давр ичида атамашунослик бўйича бир қатор докторлик ва номзодлик диссертациялари ёқланди, фаннинг турли соҳаларига оид 150 дан ортиқ атама луғатлари нашр этилди. Аммо атамашунослик соҳасида назария амалиётдан орқада қолмоқда, нашр қилинган атама луғатларида, матбуотда, илмий ишларда ҳам атамаларни кўллашда бирлик, изчилик йўқ, бир тушунчани ифодалаган бир атама турлича вариантларда қўллана бошлади.

Атамалар соҳасида ҳар хилликнинг келиб чиқишига сабаб атамалар луғати тузишнинг тартиб-қоидалари ишланмагани ва бу муҳим ишни мувофиқлаштирувчи ягона марказнинг йўқлиги ёки бўлса ҳам, бу ташкилотнинг йўл-йўриқларини писанд қымасликдан келиб чиқади. Масалан, баъзан бир тушунча турли луғатларда турлича атама билан номланади. К. Зокиров ва Д. Жамолхоновларнинг ботаникага оид луғатида¹ *вегетатив* — кўпайиш, ветвь — шох, *вишеник* — олвализор десалар, худди шу атамаларни С. Саҳобиддинов урчиш, новда, олчазор деб атайди².

Яна: *тепа барглар*, ўрин, экиласидаган ўсимликлар атамалари (К. Зокиров) — учки барглар, жой, экин (С. Саҳобиддинов) деб номланади; ёндош чизилган айлана, чегаравий масала, критерий атамалари (О.В. Мансуров ва б. Математика терминларининг русча-ўзбекча изоҳли луғати. Т., 1974 й.) бошқа луғатда ички — ташқи чизилган айлана, четга оид масала, аломат, мезон (М. Собиров. Математика фанларидан русча-ўзбекча луғат. Т., 1983 й.) шаклида берилади ва б.

Ҳозирининг ўзида атамалар турлича қўлланмоқда: *ноиб ва ҳалқ вакили* ("Совет Ўзбекистони", 17.06.90 й), муштариј ва газетхон ("Совет Ўзбекистони", 2.09.91 й), институт, олий билимгоҳ, олийгоҳ ("Совет Ўзбекистони", 20.09.90 й.), *Тожикистон байтулҳикмаси* ("Саодат", 1990 й., 2-сон) ва *Фанлар академияси, дорулулум; риёзат ва математика* ("Фан ва турмуш", 1990 й., 2-сон) ва б.

¹ Зокиров К., Жамолхонов Д. Ботаникадан русча-ўзбекча энциклопедик луғат. Т., "Ўқитувчи", 1973.

² Саҳобиддинов С. Қисқача русча-ўзбекча ботаника терминлари луғати. Т., "Ўқитувчи", 1954.

Албатта, бир хил тушунчани икки хил аташ бир неча йиллар давом этиб, атамаларнинг маъқул шакли танлаб олиниади.

Атамалар лексиканинг тез ўзгарувчан соҳасидир, янги фан ва унинг тармоқларининг келиб чиқиши, янги оқим ва назариялар янги атамаларнинг келиб чиқишига сабаб бўлади.

Йигирманчи, айниқса ўттизинчи йилларда атамалар танлаш ва уларни қўллаш фаоллашди, асосий манба араб тили бўлиб қолди. Биринчи ва асосли атама луғатлари ҳам 30-йиллардан нашр этила бошланди.

Атамалар танлаш ва умумлаштириш соҳасидаги амалий ишлар ҳам 30-йилларга тўғри келади. Атамаларни танлаш борасида 20—30-йилларда матбуотда катта кураш кетди. Агар 1917—1931 йилларда *водород, кислород* атамалари *муваллидулмо, муваллидулхамуз*, ҳомзи *карбун* бўлса, 1931—1936 йилларда *сувчил, аччил, кўмирген, оксиген, карбонат* ангидрид тарзida, фақат 1941 йилдан бошлаб *водород, кислород, углерод* шаклида қўллана бошлади. *Математика* ҳам *риёзиёт, физика — ҳикмат, геометрия — ҳандаса, ботаника — наборот, диалектик материализм — мужодалавий моддиюнчилик* шаклида ишлатилган¹.

Кейинги йилларда фан ва техника соҳасида катта ўзгаришларнинг бўлиши — машинасозлик, оптика, космонавтика, иш юритиш, спорт, информатика, ядро физикиси, радиоэлектроника, ген муҳандислиги, бионика, космик тиббиёт, экология каби йўналишларнинг кириб келиши, ўзбек тили ижтимоий вазифасининг кенгайиши (матбуот, адабиёт, маориф, телекўрсатув, радио ва бошқа соҳалар бўйича) янги ва янги атамаларнинг пайдо бўлишига сабаб бўлди.

Атамаларнинг лексик-семантик ва грамматик хусусиятлари

Атама — илмий, техника, ишлаб чиқариш, ижтимоий муносабатлар ва шунга ўхшаш соҳалардаги маҳсус тушунчаларни тил воситаси билан ифодалайди. Атама — бир

¹ О. Усмон. Рус тилининг ўзбек тили тараққиётига самарали таъсири ҳақида. "Совет Узбекистони", 1952 йил 12 май.

маънолиги (моносемия) билан, синоним қаторларининг бўлмаслиги билан характерланади. Айрим атамалар олим, таржимон, ёзувчилар томонидан ясалса ҳам, оддий сўзлашув тилига оид сўзлар ҳам атамага айланади. Бу ҳол маълум бир давр ўтиши билан юзага келади: сўзниң маъно доираси тораяди, хусусийлашади. Бунда сўз ўзининг экспрессивлик хусусиятини ҳам йўқотади, оддий сўзлашув воситаси бўлмай қолади. Масалан, сўқоқ сўзи аслида кийикнинг бир тури демак (Маҳмуд Кошғарий, I жилд, 457-бет). Ҳозир бу сўз топонимик атама (жой номи) сифатида қўлланади. Шунингдек, оғзаки нутқقا оид айрим сўзлар маълум бир фан соҳасида атамага айланади: қидирув, тинтув, сўроқ сўзлари хуқуқшунослик фани атамаларидандир.

Атама илмий, техник, ишлаб чиқариш ва бошқалар ҳақида аниқ маълумот берувчи тил бойлигидир.

Шуни ҳисобга олиш керакки, маълум бир атама бир неча соҳаларда ҳам қўлланиши мумкин. Масалан: қанот — қушда, самолётда ва ҳарбий ишда (*чап ёки ўнг қанот қўшинлари*);

Маълум атаманинг турли соҳаларда ишлатилишига сабаб улар ифодалаган мазмундаги ва вазифадаги ўхашашликдир. Мантиқан боғлиқлик ва вазифадаги умумийлик бўлгани учун бир соҳадаги атама иккинчи бир соҳага кўчирилади.

Ҳар бир предмет, тушунча, воқеа, ҳодисанинг турли хусусиятлари, маъно қирралари бўлади. Атама ана шу хусусиятларнинг энг муҳим томонини ифодалайди. Масалан: *аренда — ижара, абонент — обуначи, виза — рухсатнома. Асбоб* атамаси ўрнига кўра инструмент, прибор, аппарат, машина бўлиши мумкин.

Баъзи ҳолларда атама ўзи ифодаланган тушунчага мос келмаслиги, унинг муҳим хусусиятини ифодаламаслиги ҳам мумкин. Масалан: *атом* — аслида, "бўлинмас" маъносини ифодалайди, ваҳоланки *атомнинг* майда заррачаларга бўлиниши кейин маълум бўлди.

Баъзан атама маълум шахс номи билан боғланади. Масалан: *Вавилов — Черенков эффицити. Мартинков пўлати, ҳамрасин* (бир хил минерал) каби.

Атамани танлашда қуйидагиларни ҳисобга олиш керак:

- 1) она тилида мавжуд бўлган тартиб-қоидаларга (мөъёрга) мос келиш;
- 2) она тили талаффуз қонун-қоидаларига тўғри келиши ва оҳангдорлиги;
- 3) она тилининг умумий грамматик тизимидан жой олиши.

Атамаларнинг шаклланиши унинг турли шакллари (вариантлари)нинг бўлиши билан бошланади. Ҳар бир синоним ўзи ифодаланадиган тушунчанинг турли маъно ва функционал қирраларини ифодалайди. Маълум давр ўтиши билан бу синонимларнинг бири атама сифатида тан олинади.

Атаманинг шаклланишида синонимик қаторларнинг бўлиши турли илмий йўналиш ва мактабларнинг бўлишига ҳам боғлиқдир.

Хозирги кунда айрим атамалар турли шаклга (вариантга) эга. Масалан: *университет — дорилфунун; агроном — зироатчи, агроном; гражданин — фуқаро, гражданин; демография — нуфуз, демография; депутат — халқ вакили, ноиб, депутат; синоним — маънодош, турдош, синоним ва б.* Ўрни келганда шуни айтиш керакки, тилшунос олим С. Д. Лотте атамаларни қўллашда синонимик қаторларни ишлатиш хато эканини кўрсатиб ўтган¹.

Атамаларнинг тузилиши ва ясалиши

Атамалар тузилиши жиҳатидан қўйидагича бўлади:

I. Содда атамалар.

Бу хил атамалар туб ёки ясама бўлиши мумкин: *нуксон, фаол, таҳлил, тасниф, иштаҳа, шифокор, битирувчи* (выпускник), кирим (доход) ва б.

2. Қўшма атамалар. Қўшма атамалар бирдан ортиқ ўзакларнинг қўшилишидан тузилади: *ишбилармонлик* (деловитость), *иш юритиш* (делопроизводство), *талабнома* (заявка), *соглиқни сақлаш* (здравоохранение) ва б.

Қўшма атамалар қисқарган шаклда ҳам бўлади: *Атамақўм* (комитет терминологии), *нефтгазқурилиш* (нефтегазстрой), *Тошкент бошқурилиш* (Главташкентстрой).

¹Лотте Д.С. Основы построения научно-технической терминологии М., 1961.

Аббревиатура: БМТ (Бирлашган Миллатлар Ташкилоти), МДҲ (Мустақил Давлатлар Ҳамдўстлиги) ва б.

3. **Бирикмали атамалар.** Бу ҳолатда икки ва ундан ортиқ сўзлар бир тушунчани ифодалайди: *ялпи даромад* (ва-ловой доход), *маший хизмат* (бытовые услуги), *бета зар-рачалар* (бета частица), *етакчи мутахассис* (ведущий специалист), *қалам ҳақи* (гонорар), *ботаника боғи*, *товори-хосил қуловчи аъзолар* ва б.

Бирикмали атамалар одатда от ва от, сифат ва от, равиш ва феъл каби сўз туркумларининг бирикишидан тузилади.

Изоҳ йўли билан ясалган бирикмали атамалар ўзининг қисқалиги, таъсирчанлиги, бир маънолиги ва бир қолипга тушганлиги (стандартлиги) билан ажralиб туриши керак. Ортиқча чўзилиб кетган атамалар ҳам тезда истеъмолдан чиқади: *рецепт — дори ёзиб бериладиган алоқа хати* ("Ўзбекистон адабиёти ва санъати", 19.01.90 й) ва б.

4. **Фразеологик атамалар:** *қизил чизиқ* (красная линия), *оқ шеър* (белый стих).

5. **Семантик усул.** Тилда қўлланган сўзга янги маъно берилиши билан оддий сўз маълум соҳадаги махсус бир тушунчани ифодалайди. Бу билан маъноси тораяди, атамага айланади (аммо мазкур сўз умум тилида, оммабоп, бадиий ва бошқа услубларда ўзининг маъносида ишлатиля беради), масалан: *тароқ* (асбоб); *тибб. қизилча* — краснуха коревая; *тибб. ўсма-опухоль*, *тибб. шиш* — отек ва б.

Семантик усул билан атама ясашда метафора, ўхшаштиш, метаномия, синекдоха, метатеза, сеникопа, эпинтеза каби усуслар қўлланади: ўрик мевагина эмас, *дараҳт* ҳам. Яна *тиш*, *бармоқ*, *қулоқ*, *офиз*, *чўмич*, *ёстиқ* каби сўзларнинг маълум бир фан-техника соҳасида ишлатилиши билан бу сўзлар атамага айланади.

Бирикмали атамаларни тобора ихчамлаштиришга ҳарарат қилинади. Бу ҳол бора-бора аббревиатурага ҳам олиб келиши мумкин: *физика-техника институти* — *ФТИ*.

Атамалар она тили асоси (базаси)даги сўзлар ёрдамида ясалади ёки атама бошқа тиллардан айнан олинади ёки калькалаш йўли билан тузилади. Атамалар асосини от ва отлашган сўзлар ташкил этади.

Турли фан соҳасига оид минглаб атамаларни яратувчи олимлар, таржимонларни аниқлаш қийин, албатта. Аммо айрим атамаларни яратган баъзи олимларнинг исми бизга маълум: *ген*, *генотип*, *фенотип* атамаларини Дания биологи В. Иогансен (1857 — 1927), инглиз физик олими О. Лодж (1851 — 1940) *протон* атамасини, немис ботаниги Х. Моль (1805 — 1872) *протоплазма* атамасини, немис математиги И. Листинг (1808 — 1882) *топология* атамасини яратган¹. *Форд*, *дизель*, *вольт*, *герц*, *бостон* атамалари ҳам шахс ва жой номлари билан боғланади.

Атамаларнинг маълум қисми рус-байналмилад тилларидан олинади ёки маълум атамалар *калькалаштирилади* (айнан таржима қилинади). Масалан: *выпрямитель* — тӯғрилагич, *пылеуловитель* — чангтутгич, *долбек* — ўйгич, *подъемник* — кўтаргич, *белый стих* — оқ шеър, *введение* — кириш ва б.

Калькалашда тушунчанинг ўзи ифодаланади ва янги атама она тилининг фонетик ва грамматик қонунига бўйсундирилади.

Баъзи атамалар ярим калькалаштирилади: *ультратоувш*, *самолётсозлик* каби.

Шеваларда атамани ифодаловчи сўз бўлмасагина калькалаштириш йўлини қўллаш керак.

Р. Дониёров 75 — 80 фоиз атамалар *морфологик* усул билан ясалишини айтиб, 300 дан ортиқ сўз ясовчи қўшимчаларни кўрсатади²: *-дош*: *жийдашлар*, *пистадашлар*; *-гич*: *чизгич*, *кўрсатгич*; *-ма*: *сузма*, *қовурма*, *терлама*, *иситма*, *қайнатма* *шўрва*; *-чилик*: *инакчилик*, *нахтачилик* ва б.

Шунга кўра атама ясовчи аффикслар унумли ва унумсизга бўлинади.

Адабий тилда унумдор бўлмаган аффикс атамашуносликда кенг қўлланиши мумкин.

Атамаларни тузиши тартиб-қоидалари (принциплари)

Давлат тили ҳақидаги қонуннинг кўп моддаларининг амалга оширилиши (илмий ишлар, дарслклар ва қўллан-

¹ "Техника молодежи" журнали, 1984 йил, 2-сон, 60-бет.

² Дониёров Р. Ўзбек тили техник терминологиясининг айрим масалалари. "Фан", Т., 1977, 90 — 97-бетлар.

малар, расмий ҳужжатлар, талабаларнинг миллий гурухларида ўтиладиган дарслар) биринчи навбатда атамаларнинг ўзбекча мудилини, яъни эквивалентини (муқобилини эмас!) топишга боғлиқдир.

Маълум бир вақтда маълум тушунчани аниқ ифодалаган атама, фан тараққиёти туфайли эскириб, ўша тушунчага мос келмай қолиши мумкин. Бунда атамани ўзгартириш зарур бўлади. Шунинг учун ҳам атамалар қайта кўрилиб, янги ва янги атама лугатлари тайёрланади.

Атамаларни танлаш ва қўллашда асосланиладиган қонун-қоидалар:

1) атамаларнинг бир маъноли бўлиши. Агар турлича тушунчаларни ифодаласа, масалан: *роман* — адабий жанр, сўзлашувда *ошиқ-маъшуқлик*, *лола* гулнинг бир тури, аданбийтда *қизил*, *қизгиш*; *магазин* — савдо дўкони, ҳарбийда — ўқ солинадиган қисм тарзида қўллаш мумкин.

2) айни бир тушунчани ифодалаш учун икки хил атамани қўлламаслик;

3) атама тушунчани аниқ ифодалаши (вазифа, шакл, ранги ва б.га қараб);

4) атама ихчам бўлиши, ортиқча кенг иборалар қўлланмаслиги лозим;

5) она тилида сўз туриб, чет тил атамаларини қўлламаслик;

6) атама она тили тизимига мос бўлиши (ясалиш ва бирикма ташкил эта олиш хусусияти ва талаффузга мослиги ва б.)

1. Атама маълум бир фан аҳлига, ижтимоий-сиёсий атамалар эса оммага тушунарли бўлиши керак. Агар маълум бир атама, қайси тил асосида тузилган бўлмасин, тушунарли бўлса, бундай атамани алмаштиришнинг ҳожати йўқ. Атом атамаси аслида юононча бўлиб, бўлинмас деган маънони англатади. Ваҳоланки, фаннинг тараққиёти туфайли атом ўз навбатида *нейтрон*, *протонлар* каби майдар заррачаларга бўлинади. Аммо ҳозир ҳам атом атамаси қўлланиб, химияда кичик заррачага қўйилган ном сифатида қўлланади.

Шунинг учун ҳам фаннинг турли соҳаларига тааллукли кўплаб атамалар ҳаммага тушунарли бўлгани учун ўз

ҳолида қўллангани маъқул¹. Масалан: *амбулатория, дезинфекция, лаборатория, бюджет, депонент, демография, телерадио, архаизм, аспирант, аудитория* (фақат дарсхона эмас), *магазин* (дўкон — бу ларек), *депутат, милиционер, океан, паспорт, цирк, суффикс, инфикс, префикс, адъективация, атом, нейтрон, оксиген, физика* каби.

Ўз шаклида қолдириш лозим бўлган кўп атамалар асосан аниқ фанларга оидdir. Шунинг учун ҳам аввало *олийгоҳ, жумхурият, фуқаро* деб таклиф этилган атамалар ҳозирнинг ўзидаёқ *институт, республика, гражданин* шаклида қўлланилмоқда.

Атамаларнинг русча-байналмилал шаклларининг сақланиши илм-фан ижтимоий йўналишининг ҳозирги замон илфор Фарб фани билан яқинлашишини таъминилайди, улар билан алоқани осонлаштиради.

Рус ва европа тилларидан олинган атамалар асосан фан соҳаларига оид бўлиб, фанинг асосини ташкил этади.

Бошқа қардош туркий тиллар ҳам шу йўлдан бориб, кўп атамаларни ўз ҳолида қолдирдилар. Масалан: озарбайжон тилида *орган, институт, досент, телефон, журнал, програм, редакция, поэма, актуал, район, милис, сех (цех), қўмита, паспорт, проблем, идеал, процесс, план, Алмания, Франса, Аврӯпа* ва б. («Ўдлар юрду» газетаси, 5сон, 1990 й.)

Ҳозирги турк тилида: *сиркуляр, култур, конгрес, форму, факультат, секретар, адрес* ва б.

Кўринадики, атамалар фақат ўз она тили талаффузига мослаштириб олинали, холос.

2. Рус-байналмилал атамалар ичida шундайлари ҳам борки, улар таржима қилинганди ва ўзбек тилига сингиб боряпти.

Масалан: *агрохимия — деҳқончилик кимёси, альтернатив — муқобил, вакант — бўши ўрин, ведомство — муассаса, визит — ташриф, витрина — кўргазма, вывеска — пешлавҳа, гарантия — кафолат, гонорар — қалам ҳақи, группа — гурӯҳ, классифицировать — тасниф этиши, класс — синф, декада — ўнкунлик, диалог — мулоқот, догма — ақида,*

¹ Қаранг: Ўзбек тили атамашунослиги. З—4-чиқарув. Т., "Фан", 1990 йил.

доклад — маъруза, заказ — буюртма, идеология — мафкура, инвалид — ногирон, инструкция — йўриқнома, копия — нусха, норма — меъёр, ўлчов; базисная цена — асосий нарх, больница — шифохона, давохона; бытовые приборы — маниший асбоблар, валовой доход — ялни даромад, ведущий специалист — етакчи мутахассис. ВУЗ — олий ўқув юрти, главная больница — бош касалхона, дебет — кирим, дебитор — қарздор, дефицит — танқислик, дефект — нуқсон, договор — шартнома, документ — ҳужжат, заявка — талабнома, кризис — танглик, студент — талаба, предприниматель — тадбиркор, соска — эмизик, регистратор — рўйхатчи, переписка — хатлашиш (F. Гулом), канцелярия — девонхона, торговый ряд — савдо растиси, запас — захира, штатная единица — штат воҳидлиги, рубрика — руки, устав — тузук, планета — сайдёра, текст — матн, хирургия — жарроҳлик, неврология — асабиҳнослик, межведомостный — муассасалараро, конкурс — танлов, яккаҳокимлик — монокультура, фоиз — процент, Кавказорти — Закавказье, иссиқхона — теплица, мухр — печать, уюшма — союз, ҳудуд — территория, лойиҳа — проект, ислоҳот — реформа, справочник — маълумотнома, стабиль — барқарор, скрепка — қистирма (қистиргич), контакт — тушибашув, мороженое — музқаймоқ, аппарат — қурилма, акушер — доя, сухой закон — майқатагон, зачет — синов, зачетная книжка — синов дафтарчаси, диалект — шева, говор — лаҳжа, аттестация — кўрик, автор — муаллиф, соавтор — ҳаммуаллиф, Приаралье — Оролбўйи, кандидат — номзод каби.

Ҳозирги кунда келиб, рус-байналмилал атамалар фан соҳасида катта фоизни ташкил этади. Агар 1924 йили тилимизда ижтимоий-сиёсий рус-байналмилал атамалар 0,9 фоизни, 1927 йили — 1,6, 1930 йили — 11,11; 1934 йили — 15, 1959 йили — 18 фоизни ташкил этган бўлса, ҳозир 20 фоизга бориб қолди. А. П. Мадвалиевнинг кўрсатишича, химия фанида рус-байналмилал атамалар 1990 йилга келиб умумий атамалар сонининг 90 — 95 фоизини ташкил этган.

Бу ҳол илм-фанни ўқитишида, ўзбек тилида дарслик, қўлланма, мақола ёзишни қийинлаштирас эди. Шунинг учун олий мактабларнинг миллий гуруҳларида аниқ фан-

ларни рус тилида ўқитишга мажбур бўлар эдилар. Давлатимиз мустақил бўлгач, ўзбек тилига давлат тили мақоми берилгач, рус-байналмилал атамаларни алмаштириш зарурияти туғилди ва бу турдаги кўп атамалар ўзбекча атамалар билан алмаштирилди. Бу ҳолатда агар янги атаманинг тушунилишида қийинчилик сезилса, атаманинг ҳозиргacha қўлланиб келган турини ёнма-ён қавсда кўрсатиш керак. Масалан, *абстракт* — мавхум (*абстракт*), *автор* — муаллиф (*автор*), *агитатор* — ташвиқотчи (*агитатор*), *агроном* — ҳосилот (*агроном*), *гонорар* — қалам ҳақи (*гонорар*) каби.

Аммо рус-байналмилал атамаларнинг ўзбекча варианти атама тушунчасининг бутун талабларига жавоб берниши шарт. Шунинг учун ҳам ўз эркли (*автономия*), ҳужжатлар омбори (*архив*), тайингар (*баланс*), ноҳия (*район*), қўналғи (*аэропорт*), куллиёт (*факультет*), илмгоҳ (*институт*) каби ўзбекча деб кўрсатилган атамалар тилимизга сингмади.

Айрим атамаларни икки турда (ўзбекча ва рус-байналмилал шаклларда) берилишининг боиси кўп рус-байналмилал атамаларнинг маъноси кенпроқ бўлиб, маълум матнда қайси маъноси мос келса, шу тури ўзбекча атама сифатида берилади. Масалан, *аппарат* атамаси ифодалаган маъносига қараб, *идора*, *ходимлар* ёки қисм (машинанинг бирор қисми бўлиши мумкин); авангард атамаси *илгор* гина эмас, бу атама қўшиннинг олдинги қисми (*ҳировул*), *етакчи* каби маъноларни ҳам ифодалайди. Архив атамаси умуман, ҳужжатхона эмас, эскириб қолган ҳужжатлар сақланадиган жой ёки ташкилот, айрим шахс ёки ташкилотга тааллуқли барча ҳужжатлар ҳамdir. *Акт* атамаси *далолатномагина* эмас, айрим ҳаракат; иш-воқеа ёки расмий ҳужжат, театрда парда, ёхуд тантанали мажлис зали. *Фонд* — жамғармагина эмас, у маблаг, захира (запас), қўр, қимматбаҳо қоғозлар, моддий ёрдам берувчи *идора*, маълум мақсадда йиғилган нул ҳамdir, *норма* — меъёргина эмас, қонда, маром, тартиб, ўлчам ҳамdir. Бу атамаларнинг ҳар бири мазмун ва услуб турига қараб ишлатилади:

Атамаларни икки шаклда бериш одатда луғатларда бўлиб, матнда ҳар бир ўринда такрорлаб ўтирилмайди. Атаманинг бошқа тури ёки синоними қўллана беради. Бу

ҳол тилга олинган атаманинг нозик маъно фарқларини очишга имкон туғдиради, жумла услубини бойитишга ёрдам беради, масалан: *доктор, врач, шифокор, табиб* каби. Аммо шуни эсдан чиқармаслик керакки, муҳр, штамп, расмий ва иш юритиш ҳужжатларида, илмий мақола, дарслик, қўлланма ва монографияларда, лавҳа, пешлавҳа (вывеска)ларда атаманинг биринчи туринигина кўрсатиш керак. *Вазир, вазирлик* (министр, министерство), ёзувчилар уюшмаси (союз писателей). *Меҳнатни муҳофаза қилиш бўлими. Тошкент бош қурилиши.*

Русча-байналмилал атамаларнинг ўзбекчасини танлашда атаманинг маъноси, ясалиш ва турланиш хусусиятини ҳам ҳисобга олиш керак.

Масалан, агар биз *аспирант* атамасини *илмжӯ деб таржима қилсан*, *аспирантуранি нима деб атаймиз?* Агар *диагнозни ташхис десак, диагностика, диагнозировать, диагностический* атамаларини қандай таржима қиласиз?

Атамаларнинг ўзбекча турини (вариантини) танлашда қуйидаги манбаларга суннилади:

а) сўзлашув тилига оид атамалар: *қумтепа — бархан, илғор — авангард, бошбошдоқлик — анархия, анархизм, бўш ўрин — вакант, вакансия, жангари — боевик, тирноқгул — календула, бўйимодарон — тысячилетник, мармарак — шалфей, сариқбош — пижма, боши берк кўча — туник, кўргазма — витрина, ўнкунлик — декада, буюртма — заявка, жўннатма — посылка, тинтув — обыск* в.б.

Ўзбек тилининг ўз ички сўзлашув имкониятлари асосида тузилган атамалар мавжуд сўзларнинг маъносини кенгайтириш, торайтириш ва табақалаш (дифференция) йўли билан рўй беради:

б) шевага оид сўзлар ҳам атама тузишда манба бўлади: *синчи — эксперт, улдириқ — икра, эман — дуб, қулмоқ — хмел, хўжагат — малина.* Шевалардан кўпроқ зоология, ботаника, тиббиётга, қишлоқ хўжалигига оид сўзлар олинади.

Шевага оид сўзлар адабий тилга ҳам кириб бормоқда:

Дўстлик меҳроблари *идраса,*
Фитна қузгуnlари *потраса.*

(Ойдин Ҳожиева)

(идраса — ирий бошласа, потраса — питирлаб учса).

в) касб-хунарга оид: *ангоб* (сопол идишларга ҳашам берадиган таркиб), *сир* (глазурь), *ўрама* (сопол идишга солинган расмни ўраб олган ҳалқа), *маржон*, *гулсун*, *гунгура*, *гулдон*, *қалампир*, *тож*, *сада*, *мехроби*, *туморча*, *тароқча*, *ошиқча*, *санама* ва б. идишга солинадиган гул ва турли расмлар номи;

г) ўзбек ва бошқа туркий тилларнинг мавжуд ва эски луғатлари ҳамда илмий ва бадиий, тарихий асарларида қўлланган сўзлардан ҳам атамаларни тузишда фойдаланиш мумкин.

Қадимги ва эски турк тилида: *коруг* — *айғоқчи*, *ўрам* — *кўча*, *квартал*, *тунак* — *спальная*, *қушчи* — *қуш тутувчи*, *орду боши* — *дворецкий*, *бекларбеки* — *генерал губернатор*, *даруга* — *қўрғон бошлиғи*, *чагырчи* — *винодел*, *сувчи* — *водоносес*, *қун ва қорабоши* — *қул*; *тарығчи*, *экинчи* — *дәҳқон*, *йагаччи* — *дурадгор*, *этмакчи* — *нонвой*, *этчи* — *қассоб* ва б. (мисоллар X. Дарабоевнинг "Общественно-политическая и социально-экономическая терминология в тюркских письменных памятниках XI — XIV вв." Т., 1991) китобидан олинди.

д) Атамаларни тузишда манба бўлган тилларга араб ва форс (тожик) тиллари киради. Ҳозирги кунда жуда кўп атамалар аслида эскича (арабча ва форс-тожикча) шаклига қайтди: *тема* — *мавзу*, *территория* — *ҳудуд*, *доклад* — *маъруза*, *автор* — *муаллиф* каби.

Атамаларнинг арабча ёки тожикча турларини танлаб олишда жуда эҳтиёткорлик зарур. Ҳаммага тушунарли бўлган *альбом*, *фонтан*, *корректор*, *транспорт*, *офицер*¹ каби сўзларни таржима қилиш билан биз бу атамаларни сўзлашув ва фан тилига сингдира олмаймиз, барибир бу атамаларнинг арабча, русча-байнамилад шакллари қўлланана беради, маъно ва талафузга ёт бўлган атамалар ўзлашмайди. Ҳаттоки, ҳозирги турк тилида ҳам *университет* атамаси *Universite*, факультет — *fakulte*, газета — *gazete* шаклида қўланади ("Ҳалқ сўзи", 11.02.1992 й.).

¹ Масалан, *офицер* атамасини ҳозир зобит атамаси билан таржима қилинганди. Ахир зобит арабча бўлиб, зобит қилувчи маъноси бор-ку!

Атамаларни бир хиллаштириш (унификация қилиш) ва бир қолига солиш (стандартлаш) ҳақида

Атамаларни танлаш, уларни тўплаб атама луғатлари тузиш ва уларни маълум вақт ўтгач, янги талаблар билан қайта ишлаш ва нашр қилиш доимий жараёндир. Бу жа-раён атамаларни аввало бир тил доирасида, иложи бўлса, бир неча қардош ва қардош бўлмаган тиллар орасида умумлаштиришни талаб этади. Атаманинг умумлашмаси янги атамаларнинг маълум фан аҳвлари орасида, ижти-моий фанга оид атамалар эса жамоат томонидан маъқул-ланиши билан бевосита боғлиқдир. Атамаларни умумлаштириш, қатъий бир қолига солиш, маълум фан ва тех-ник ҳамда ижтимоий фанларни бир тизимга солинишига ёрдам беради. Атамаларни умумлаштириш уларнинг фонетик, морфологик, синтактик, лексик-семантических и мантических томонидан бир тизимга тушишидир. Умумлашган атама она тилининг (ёки тилларининг) ички қонуниятла-рига мос тушиши шарт. Умумлашган атама ўзи ифодалаган тушунчанинг моҳиятини, мазмуни, характерли белгиси-ни ўзида ифодалаши лозим. Аммо маълум соҳа олимларни ва жамоатчилик томонидан атаманинг тан олиниши тез-да амалга оша бермайди. Маълум бир тушунчани аниқ ва тўғри атама билан ифодалаш ва бу янги атаманинг жамо-ат томонидан қабул қилиниши учун маълум бир вақт керак бўлади, бу давр ичида янги атама ўзлашади, ки-шилар онгига сингади. Қайси атама тушунчани аниқ, ёрқин, тўлиқ ифодаласа, ўша атама тилга (фанга) сингади. Бўлмаса А. Қаҳҳор айтгандек, "Халқ чайнаб-чайнаб, тупуриб ташлайди".

Атамаларнинг шаклланиши босқичлари

1. Янги бир тушунча пайдо бўлиши (янги бир ижти-моий ҳодиса, муносабат, машина, унинг қисми) билан унга ном (атама) берилади. Аввало бу янги тушунчани ифодалаш учун турли атамалар (вариантлар) келиб чиқади (*район — ноҳия, туман, ўрам каби*). Бир тушунча-ни ифодалаган турли атамалар (вариантлар) унинг тур-ли томондан тавсифини беради. Турли вариантилик

табиий, қонуний бир жараён бўлиб, маълум бир даврни ўз ичига олади.

2. Маълум давр ичида айни бир тушунчани ифодалаган турли атамалар (масалан, *дотация* — *ёрдам тули*, қарз, *ёрдам, дотация*)дан бири танлаб олинади. Танлаб олинган атама (вариант) ўзи англатган тушунчанинг энг муҳим томонини, унинг моҳияти ва вазифасини, қийматини ифодалаши зарур.

3. Сўнгра фан аҳллари ва жамоатчилик томонидан қабул қилинган атама ўзлашади, тилга сингади, бир қолипга тушади (стандартлашади).

Бу мураккаб жараён анча вақтни олиб, мутахассислар, таржимонлар, жамоатчилик фикри, таклифи ҳисобга олиниши шарт. Бунда тилшунослар фикри алоҳида бўлиб, улар атамаларнинг ҳамма турини — фан-техника ва ижтимоий-сиёсий соҳаларга оид атамаларнинг тил қонуниятлари ва меъёрларига мос бўлиши жиҳатидан таҳлил қилишлари шарт (шуунинг учун фан ва техникага оид атама лугатларини тузишда кўпинча тилшунос олимлар ҳам қатнашган бўладилар).

Одатда, янги атама турлари (вариантлари) матбуотда эълон қилиниб, муҳокама қилинади. Сўнгра маълум бир фан соҳасини бошқарган уюшма (комиссия, шўба) берилган фикр, мулоҳазаларни муҳокама қиласди ва бу атаманинг умумлашган шаклини тасдиқлади ҳамда амалда қўллашга тавсия қиласди. Тасдиқланган атама бир қолипга тушади (стандартлашади) ва илмда, маърузада, мақола, дарслик ва монографияларда қўллана бошлияди.

Фан соҳаси ходимлари атаманинг бир ва бир неча шаклини (вариантларини) таклиф қилишдан олдин атаманинг моҳиятини яхши тушунив олиши, агар янги тушунчани ифодалаган янги (бошқа) атама бўлмаса, унинг турли тилларда қўлланишини билиши ҳамда бу вариантларни ҳам таклиф сифатида кўрсатиши шарт. Бунда муаллиф янги атаманинг моҳияти, мазмунини изоҳлаб ҳам бериши, тилдаги мавжуд анъаналарни ҳисобга олиши керак.

Атамаларни умумлаштириш (унификация қилиш) кейинроқ уларнинг бир қолипга тушишига (стандартлашишига) асос бўлади.

Ижтимоий ҳаётда халқлар орасидаги яқинлик, иқти-
садий, сиёсий, маданий ҳаётдаги бирдамлик ва умумий-
лик халқаро умумий атамаларнинг келиб чиқишига сабаб
бўлади. Кўплаб атамаларнинг умумий бир ўзакдан (юонин-
ча, лотинча в.б.) келиб чиқиши ҳам бу хил атамалар-
нинг умумлашишига асос бўлади. Шу йўл билан атама-
ларнинг халқаро банки (жамғармаси) туғилади. Бу ўрин-
да қўшини туркӣ республика олимлари билан бирга
ишлашнинг аҳамияти катта, чунки бир халқда бўлмаган
ёки ноўрин қўлланган атамани бошқа халқдан олиш ва
фанга жорий қилиш мумкин. Бирга ишлаш, ҳамкорлик
қилиш миллатларнинг яқинлашиши ва дўстлашишига
асос бўлади.

Адабиёт

1. Дадабоев X. Общественно-политическая и социально-эко-
номическая терминология в тюркских памятниках XI — XIV вв.
Т., 1991.
2. Дониёров Р. Ўзбек тили техник терминологиясиning ай-
рим масалалари. "Фан", 1977.
3. Зокиров Қ.З, Жамолхонов Ҳ.А. Ўзбек ботаника терминоло-
гияси масалалари. "Фан", Т., 1966.
4. Кўчимов Ш.Н. Ўзбекистон Республикаси қонунларининг
тили. НДА. Т., 1995.
5. Кўчимов Ш.Н. Ўзбек қонунларини тил ва услуб жиҳатдан
такомиллаштириш. Тил ва адабиёт таълими, 1994.
6. Лопте С. Основы построения научно-технической тер-
минологии. Москва, 1961.
7. Мадвалиев А. Некоторые вопросы упорядочения узбекс-
кой химической терминологии. Алмаата, 1985.
8. Мусаев В.Д. Синтаксико-семантическая особенность сос-
тавных терминов в английском, русском и узбекском языках.
9. Развитие терминологии на языках союзных республик
СССР. "Наука", Москва, 1987.
10. Ҳаютин А. Т. Термин, терминология, номенклатура. Са-
марқанд, 1972.
11. Ўзбек терминологиясида лексик вариантлар. "Фан", 1986.
12. Ўзбек тили терминологияси ва унинг тараққиёт перс-
пективалари. "Фан", Т., 1986.
13. Ўзбек тили атамашунослиги. "Фан", Т., 1990.
14. Ғози Юнус. Русча-ўзбекча қисқача ҳуқуқий ва сиёсий лу-
гат. Т., "ҳуқуқ", 1926.

3. ГРАММАТИКА

Грамматика сўз ва гапнинг тузилишини ўрганиб, икки қисмдан иборат бўлади:

1. Морфология
2. Синтаксис

а) Морфология

Морфология боби сўзниң таркибини (ўзак, негиз, қўшимчалар) ва сўзниң маъно турларини ўрганади.

Сўзниң таркиби ўзак, негиз ва қўшимчалари

Сўзниң таркиби ўзак, негиз ва қўшимчалардан иборат бўлади.

Ўзак. Сўзниң асл маъносини ифодаловчи қўшимчалисиз туб қисми сўзниң ўзаги бўлади: *йўлбошли* сўзининг асл ўзаги йўлдир. *Тўйтепа* — қўшма сўз бўлиб, икки ўзак (*тўй* ва *тепа*)дан таркиб топган.

Негиз. Сўз ўзакларига ясовчи қўшимчалар қўшилиб ҳосил бўладиган янги сўздир. Масалан: *бог* ўзагига бон ясовчи қўшимчаси қўшилиб, *богбон* негизи ҳосил бўлади ва *бог* га нисбатан янги маъно — шахсни ифодалайди, яна: *иши + чи, ёзи + ув* каби.

Ҳар қандай сўзда ўзак битта бўлади, негиз эса ясовчи аффиксларнинг сонига қараб орта боради: *ёзувчилар* сўзининг негизи *ёзувчи, ёзувчи* сўзининг негизи эса *ёзув* дир.

Қўшимчалар. Сўз ўзаклари ва негизларидаги янги сўз ясовчи ёки уларни турловчи қўшимчалар беш хил бўлади:

- 1) ясовчилар (-чи, -ли, -дор ва б.): *иши, сувчи, дўкондор;*
- 2) префикслар (*но-, бе-* каби тожик тилидан олинган қўшимчалар): *ноаниқ, бешарм;*
- 3) турловчилар (кўплик, эгалик, келишик қўшимчалари);
- 4) тусловчилар (замон, шахс, сон қўшимчалари);
- 5) ярим ясовчилар (феълнинг майл ва нисбат қўшимчалари).

Сўз тузилиши

Сўз тузилишига кўра уч хил бўлади.

1. Содда сўзлар. 2. Қўшма сўзлар. 3. Жуфт сўзлар.

1. Содда сўзлар туб ёки ясама бўлиши мумкин:

Ёлғиз ўзакдангина таркиб топган сўзлар туб сўзлар бўлади: *нон, қалам, дафтар*.

Ясама сўзлар бирор ясовчи аффикслар ёрдами билан ясалган янги сўзлардир. Ўзбек тилидаги ясовчи аффикслар ўз ва ўзлашма (бошқа тилдан олинган) турларга бўлиниб, улар ёрдамида янги сўзлар ясалади: -чи (*ишичи, қизиқчи*), -дош (*сифатдош, қўлдош*), -кор (*хизматкор*), -хон (*китобхон*), -дор (*ҳосилдор*), -ик (*механик, кўрик*), -хона (*устахона*) ва б.

2. Қўшма сўзлар икки ёки ундан ортиқ ўзакларнинг бирикувидан ясалади: белбог, гултоҳихўрор ва б.

3. Жуфт сўзлар икки ўзак ёки сўзнинг қатор (жуфт бўлиб) келишидан ясалади: қозон-товоқ (*рӯзгор*), ота-она (*қариндошлиқ*), ошна-оғайни (*яқинлик*) ва б.

Баъзи қўшма сўзлар қисқартма бўлади: *Атамақўм* (Атамашунослик қўмитаси), *Ўздавнашр* (Ўзбекистон давлат нашриёти), *МДҲ* (Мустақил Давлатлар Ҳамдўстлиги), *ЎзМУ* (Ўзбекистон Миллий Университети) *ЎзФА* (Ўзбекистон Фанлар академияси) ва б.

Сўз туркумлари

Сўзлар мустақил ва ёрдамчи сўз туркумларига бўлиниади.

Мустақил сўзлар алоҳида маъно англатувчи сўзлардир: *китоб, дафтар, мен, сен, ёзди, ўқиди, тез, секин* каби. :

Ёрдамчи сўзлар ёлғиз бирор маъно англатмайдиган, мустақил сўзларга қўшилиб, уларга қўшимча маъно берувчи воситалардир: *ва, лекин, учун, сари, -ю, -ки*.

Мустақил сўз туркумларига от, сон, сифат, олмош, феъл, равиш ва унга яқин турган модал сўзлар киради.

От

Шахс, нарса, воқеа, ҳодисаларни ифодаловчи сўзлар туркуми от дейилади.

Отларнинг маъни турлари — атоқли ва турдош (атаб қўйилган ва нарса, предметнинг умумлаштирувчи номлари; *Салим, китоб*), аниқ (конкрет) ва мавҳум отлар (моддий ва мавҳум тушунчали отлар: *дарё, муҳаббат*)га бўлинади.

Отининг грамматик категориялари — сон (-лар аффикси орқали), эгалик (предметнинг қайси шахсга қарашли эканини кўрсатувчи -им, -инг, -и; -имиз, -ингиз, -лари аффикслар орқали: *китобим, китобингиз* каби) ва келишиклардан иборат. Келишиклар б та бўлиб, бош (кўшимчасиз), қаратгич (-нинг), тушум (-ни), жўналиш (-га, -ка, -қа,), ўрин-пайт (-да), чиқиш (-дан) келишикларидан иборат бўлади.

Отининг ясалиши қўйидагича бўлади:

1. Морфологик усул: -чи, -дош, -бон, -хўр, -к, -гич, -ма, -дон каби ясовчилар билан: *иичи, қариндош, бөгбон, чойхўр, элак, кулдиргич, қўллэзма* каби.

Синтактик усул билан кўшма ва жуфт отлар ясалади (*белбог, ота-она* каби).

Сифат

Сифат туркумидаги сўзлар предметнинг шакли, ранги, мазасини ифодалайди.

Сифатларнинг маъни турлари — аслий ва нисбий сифатлардан иборат бўлади. Аслий сифат предметнинг асл белгисини билдириди (*қизил, яшил, ботир*) каби.

Нисбий сифатлар ясама сифатлардир, аммо баъзан айрим бош келишик шаклидаги отлар ҳам сифат турларига киради: *олтин соат, ғишт кўпприк, тулки одам* каби.

Сифатларнинг ясалиши -ли, -ки//қи//и, -ги, ба-, бе-, -ма, -chan, -ий, -ик каби қўшимчалар орқали бўлади; *кучли, қалбаки, қишлоқи, ёзги, бамаъни, бепул, ясама, ишчан, тарихий, очиқ* каби.

Сифат даражалари — орттирма (қоп-қора, энг баланд), қиёсий (оғирроқ, муздек), озайтирма (қизғиш, қорамтири) даражаларидан иборат бўлиб, ҳар бир даражада бирор усул (морфологик ва синтактик усул) билан ясалади.

Сон

Сон предметнинг миқдорини ёки сон жиҳатдан тартибини ифодалайди.

Соннинг маъни турлари — саноқ турлари: доналик сон (бешта, ўнта), тартиб сонлар (бешинчи, учинчи), жамловчи сон (учов, олтов, бешала), чама сон (бештacha, учтacha, мингларча), тақсим сон (учтадан, иккитадан), каср сон (бешдан бир).

Соннинг ҳар бири қўшимча орқали ясалади.

Олмош

Турли сўз туркумлари ўрнида қўлланувчи сўзлар олмош дейилади.

Олмошинг маъни турлари — келишик (шахсга оид -мен, сен каби), кўрсатиш (у, бу, ўша), ўзлик (ўз), сўроқ (ким, нима, қачон каби), эгалик (меники, уники каби), белгилаш (ҳамма, ҳар ким каби), гумон (аллаким, кимдир каби), бўлишсизлик (ҳеч ким, ҳеч нима каби).

Эгалик олмошлари -ники қўшимчаси, белгилаш олмоши ҳар сўзи, гумон олмоши алла-, -дир, бўлишсизлик олмоши ҳеч билан ясалади. Масалан: бизники, ҳар ким, аллақачон, ҳеч нарса.

Феъл

Ҳаракат ёки бирор ҳолатни англатувчи сўз туркумлари феъл дейилади.

Феълларнинг грамматик хусусиятлари:

1. Бўлишлик, бўлишсизлик (*айтди* – *айтмади*)
2. Феъл даражалари (ёки нисбати)
 - 1) бош: ўқиди (қўшимчасиз);
 - 2) қайтим (ёки ўзлик): иш-ҳаракатнинг ўзига қайтиши: *паранди, сиқилди* (-и// -л қўшимчаси билан);
 - 3) мажхул: иш-ҳаракатнинг бошқалар томонидан бажарилиши: *сотилди, қурилди* (асосан-и/ -л қўшимчаси билан);
 - 4) орттирма (ёки қўзғатиш): иш-ҳаракатни бошқаларга бажартириш: ўқитди, тўлат, тутқизди (-т, -қиз, -тир қўшимчалари билан);

5) биргалик: иш-ҳаракатни бирга бажариш: ёзишиди (-и қўшимчаси билан).

3. **Феълнинг тусланиши.** Феъллар шахс ва замон билан тусланади:

1) шахс билан тусланиш ҳар уч шахсда қўринади: ёздинг, ёзди, ёздик, ёздингиз, ёздилар каби;

2) замон билан тусланишда феъл уч замонни кўрсатиши мумкин: ўтган замон (ёздим), ҳозирги замон (ёзяпман), келаси замон (ёзмоқчиман). Ҳар бир замонни ифодалашида маълум қўшимчалар қўшилади.

4. **Феъл майллари.**

Феъл икки хил майлга эга:

1) буйруқ — истак майли буйруқ ёки истакни ифодалайди: ўқий, ўқи, ўқисин, ўқийлик, ўқинг, ўқисинлар.

Бу майлни ифодалашида ҳар бир шахс ўз қўшимчаларига эга бўлади.

2) шарт майли маълум ҳаракатни бажарадиган шартни кўрсатади ва ҳар бир шахс ўз қўшимчасига эга бўлади: ўқисам, ўқисанг, ўқиса, ўқисак, ўқисангиз, ўқисалар.

Шарт феълинни ифодаловчи асосий қўшимча -са дир.

Кўмакчи феъллар. Ўзбек тилида ҳаракат, ҳолатнинг тарзини ва бошқа нозик маъноларни ифодалаш учун ўтгиздан ортиқ кўмакчи феъллар кўлланилади, улар кўшма феълларни ташкил этади: ёзуб қўйди, ўқиб бўлди, тўплаб олди, кўриб тура турсин каби.

Феълнинг ясалиши турли қўшимчалар орқали бўлади: -ла, -сиз//киз, -а, -и, -са, -ар, в-б: гуллар, оқиз, туна, тинчи, кўкар каби.

Сифатдош феълнинг бир тури бўлиб, предметнинг ҳаракат белгисини ифодалайди ва ҳар уч замонни, даражани кўрсата олади: ёзган, ёзаётган, ёзадиган ва ёздирадиган каби.

Сифатдошнинг замонлари ва даражалари ўз қўшимчаларига эга бўлади.

Сифатдош одатда отга боғланади.

Равишдош ҳам феълнинг бир тури бўлиб, ҳаракатнинг қандай рўй берганини ифодалайди. Равишдош маҳсус қўшимчалар орқали ясалади: -иб, -а/и, -гали, -гач, -гунча: ёзуб, ёза, ўқий, ёзгач, ёзгунча.

Равишдош ҳам феъл каби маълум замон ва даражага кўрсата олади.

Ravish

Равиш маълум бир ҳаракат, ҳолатнинг қандай тарзда рўй беришини ифодалайди.

Равишнинг маънолари: ҳолат (*тез гапирди, яхши кулдирдингиз*), ўрин (*нариги хонага ўтди*), пайт (*кеча рўй берди*), мақсад (*қасддан бажармади*), сабаб (*куйганидан гапирди*), миқдор-даражা (*кўп ишлади*).

Равишнинг ясалиши морфологик усул билан (-ча, -лаб, -она в-б) ва синтактик йўл — сўзлар қўшилиши усули билан (*у ерда, бир кун, тез орада*) бўлади.

Modal sўzlar

Модал сўзлар сўзловчининг ифодаланилаётган фикрга, воқеа, ҳодисага, аҳволга муносабатини ифодалайди.

Модал сўзларнинг маънолари-гумон (*эҳтимол*), ишонч (*ҳақиқатан*), афсус (*эссиз, аттанг*), манба (*менимча*), муносабат (*аксинча*) каби маъноларни ифодалайди.

Mустақил сўз туркумининг тузилиши ва имлоси

Мустақил сўз туркumlари содда (туб ва ясама), қўшма ва жуфт, бирикмали бўлиши мумкин. Кўшма ва жуфт сўзлар қўшилиб ёки ажратиб ёзилиши мумкин. Бирикмали сўз туркumlари ажратиб ёзилади, жуфт сўзлар эса чизиқча билан ажратилади (бу ҳақда мазкур китобнинг «Имло» бобига қаранг).

Ёрдамчи сўзлар

Ёрдамчи сўз туркumlари алоҳида маъно англатувчи мустақил сўз туркumlари ёки умумий гап мазмунига қўшимча маъно берадилар.

Ёрдамчиларнинг турлари:

Юкламалар. Фикрга қўшимча (субъектив) маънолар — сўроқ, кучайтириш, таъкид, чегаралаш, гумон маъноларини ифодалайди: -ми, -чи, -а (-я), -ку, -да, -дир, фақат, ахир, наҳот, худди каби. Масалан: Сизми? Ёзсанчи? Келасиз-а? Келди-ку, ўқиди-да, боргандир, фақат ўқитади, ахир айтдим-ку каби.

Юкламалар айрим унсурлар ёки мустақил сўзлар шаклида бўлади, -дир юкламаларидан ташқари, бошқа юкламалар чизиқча билан, мустақил сўзлар алоҳида ёзилади.

2. Кўмакчилар. Мустақил сўзларни бириктириб қўшимча грамматик маъно ифодаловчи сўз туркумлари кўмакчи дейилади.

Кўмакчилар икки турга бўлинадилар: соф кўмакчилар, вазифасига кўра кўмакчи вазифасида бўлган сўзлар.

1) Соф кўмакчилар: билан, сари, каби, сингари, қадар каби.

2) Вазифасига кўра кўмакчилар (функционал кўмакчилар): устида, ёнида, ташқари, тўғрисида, аввал, бери каби.

Кўринадики, кўмакчилар алоҳида олингандা бирор маънони англатмайди (соф кўмакчилар) ёки мустақил сўзлар кўмакчи вазифасида келади (функционал кўмакчилар).

Кўмакчиларнинг ҳамма тури алоҳида (олдинги сўзга қўшилмай) ёзилади.

3. Боғловчилар гап бўлакларини ва содда гапларни боғлаш учун қўлланиладиган ёрдамчи сўзлардир.

Боғловчиларнинг турлари:

1) Тенг боғловчилар. Бу хил боғловчилар бириктирув (ва, ҳам, ҳамда, билан), зидлов (аммо, лекин, бироқ), айирув (ё, ёки, гоҳ), инкор (на-на) боғловчиларга бўлинади.

2) Тобе боғловчилар: чунки, шунинг учун, токи, гёё, -ки, агар каби ёрдамчилардан иборат бўлиб, бир бўлакни иккинчисига тобе қиласди: Пахта ўрик эмаски, ўзи гуллаб, ўзи мева берса.

Тенг боғловчилар ҳеч қандай боғловчисиз (бириктирув ва айирув боғловчилари) ёки ундан олдин (зидловчи боғловчилар ёки такрорланган айирув ва инкор боғловчилари) вергул қўйилади. Тобе боғловчилардан олдин вергул ёки нуқта қўйилади, вергул -ки тобе боғловчидан сўнг қўйилади.

Ундовлар ва тақлидий сўзлар

Ундовлар мустақил ва ёрдамчи сўзлардан ажралиб турувчи алоҳида сўз гуруҳидир. Ундовлар кишининг ҳис-

ҳаяжонини ифодалайди, баъзилари чақириш, ҳайдаш учун кўлланилади: *эҳ, оҳ, воҳ, ҳув, чух* каби. Баъзи ундовлар табиатдаги нарса ва ҳодисаларнинг овозига тақлид қилиши йўли билан келиб чиқади: *ғарч-ғурч, так-тук, билқ-билқ ширр* каби.

Ундов ва тақлидий сўзлар ёлғиз қўллансан, мустақил ҳис-ҳаяжонни ифодалаши мумкин. Ундовлар кўпинча ундалмалар билан қўлланганда, ундовдан сўнг бирор тиниш белгиси қўйилмайди: *Ҳай бола, кўзингни катта оч!* (Яшин)

Тақлидий сўзлар ундалмалар билан қўлланмайди.

Ундов ва тақлидий сўзлар янги сўзлар ясаш учун асос бўлади: *топирлади, тақимлади, қулт-қулт ичди, уларнинг оҳу додларини ким эшигади...*

6) Синтаксис ҳақида умумий тушунича

Ўзбек тилида сўзлар бирикиб, сўз бирикмалари ва гапларни ташкил этади.

Сўз бирикмалари тобе (*яхши одам, тез келди*) ва тенг (*китоб ва дафтар олди*) бирикмалардан ташкил топади.

Гаплар мазмун ва оҳангига кўра: дарак (*дарс бошланди*), буйруқ (*дарсга етиб кел!*), сўроқ (*дарсга келдингми?*), ундов (*ғолибларга оғарин!*) гаплар турига бўлинади.

Гап бўлаклари. Гаплар бош ва иккинчи даражали бўлаклардан ташкил топган. Бош бўлакларга эга ва кесим (*китоб — билим манбаи*), иккинчи даражали бўлакларга аниқловчи (*бизнинг мактаб, чиройли гул*), тўлдирувчи (*китобни олди, хатга қаради*), ҳоллар (*кеча келди*) киради.

Бош ва иккинчи даражали бўлаклардан ташқари, гапда ажратилган бўлаклар (*исми Барлос — содда, диловар*), ундалмалар (*келинг, ўғлим*), кириш сўзлар ва сўз бирикмалари ҳамда гаплар (*афтидан, сизга бу гап маъқул келмади; бир томондан, сиз ҳақсиз; омон бўлгур, гапга қулоқ сол*) ҳам бўлади.

Кўшимча гаплар уч турга бўлинади:

1) Богловчисиз кўшма гаплар (*Баҳор бўлди, гуллар очилди*).

2) Богланган кўшма гаплар (*Ё сиз келинг, ё мен борай; ҳаво булат бўлди, аммо ёмғир ёғмади*).

3) Эргаш гапли қўшма гаплар (*Қуёши чиққач, ҳаво илиди. Мақсадим шуки, юртимизда тинчлик барқарор бўлсин*).

Кўчирма гаплар ҳам қўшма гапнинг бир тури бўлади «*Бу йил ҳосил мўл бўлади*», — деди бободеҳқон.

Одатда, кўчирма гап *муаллиф* гапи билан қўлланилиади:

Ўзгаларнинг гапи айнан кўчирилса, *кўчирма гап*, бу хил гапни (жумлага, матнга) олиб кирган гап *муаллиф* гапи бўлади.

Кўчирма гап муаллиф гапидан кейин, олдин, ундан сўнг келиши мумкин: «*Пахтадан яхши даромад олдик*», — деди деҳқон. Навоий деди: «*Билмаганин сўраб ўргангандан олим*». Муқадлас китобларда: «*Тугилгандан қабрга киргунча илм ўрганмоқ зарур*», — дейилган.

Баъзан муаллиф гапи кўчирма гап орасида келади¹: «*Ўзингга эҳтиёт бўл, — деди оқсоқол, — қўшинингни ўғри тутма*».

в) Типиш белгиларишнинг ишлатилиши

Нуқта

Нуқта қўйидаги ўринларда қўлланади:

1. Тинч оҳанг билан айтиладиган дарак, буйруқ ва ундов гапларнинг охирида: *Ойдин кечা. Бўтабой ака Бақа-қуруллоқдан чиқиб Кўшчинорга юқоридан — катта йўлдан кетди. Ҳаво соғ ва салқин.* (А. К.) Валижондан салом (Ш. Рашидов)

Баъзан, лекин, бироқ, чунки, шунинг учун, гўё боғловчиларидан олдин ҳам нуқта қўйилади. Бунда кўрсатиб ўтилган боғловчилар билан бирикувчи гаплар мазмунан маълум даражада мустақил бўлали ва тугалланган оҳанг билан айтилади: *Кўлини тигига узатди. Лекин чол бу қимматли буюмни қўлдан чиқаришни истамади.* (Ойбек)

2. Биринчи қисмда нуқта, кўп нуқта, ундов ёки сўроқ белгиси бўлган кўчирма гап ўргасида келган муаллиф гапидан сўнг:

¹ Ўзбек тилининг морфология ва синтаксиси тўғрисида батафсил маълумот олиш учун қаранг: Ҳозирги замон ўзбек адабий тили, «Фан», I ва II жиллар. Т., 1996.

a) — Йўқ, ҳар сўздан ҳурка берманг ундаӣ,— деди Сайрамов.— Қаловини билсангиз, қор ёнар эмиши. «Ишнинг кўзини бил!— маслаҳат берди у. — Дала ҳам обод, чойхона ҳам...» (Ойбек) «Печать қўлдан кетса...— деди у. — Мана кетмон, Эрназарнинг звеносига бор деса, нима қиласман?» (И. Рахим)

3. Қисқартирилган исм, ота исми ва фамилияларнинг биринчи ҳарфи ёки қисмидан кейин: А.Қ. (Абдулла Қаҳҳор), А. Қд. (Абдулла Қодирий) каби.

Бу ҳолда қавсга олинган манбадан олдинги гап охидаги тиниш белгилари ўз ўрнида сақланади. Қавсдан кейин бирор тиниш белгиси қўйилмайди.

4. Санаш ёки айрим фикрнинг қисмларини ифодалаган ёки ой, кун, йилларни бир-биридан ажратиш учун қўлланган рақам ёки ҳарфлардан кейин. Масалан: а) 1. 2. 3. б) 1996 й. 8.06.

Сўроқ белгиси

1. Сўроқ белгиси сўроқ гаплардан сўнг қўйилади: *Синовларга қандай таъёрланаётурсиз?*

2. Кўпинча сўроқ гаплар бирдан ортиқ бўлиб келади. Бу ҳолатда сўроқ белгисининг қўйилиши қўйидагича бўлади:

1) Сўроқ гапларнинг ҳар бирига аҳамият бериш лозим топилса ёки ҳар қайси сўроқ гап мазмуни ўзига мустақил бўлса, ҳар биридан сўнг сўроқ белгиси қўйилади: *Комила сўзида давом этди: «Ҳа, Жамол акам қандай? Тошкентдами?»* (Ойбек)

2) Агар сўроқ гаплар мазмунан умумий бир фикрни ифодаласа, сўроқ белгиси энг сўнгти сўроқ гапдан кейин қўйилади: *Тагин меҳмон бошлиб келдингеми? Ким келяпти: Сарвими, Раҳбарми, ё акангнинг болаларини етаклаб келяпсанми?* (F. Ғулом)

Эслатма. Баъзи сўроқ гап шаклидаги жумлалардан сўнг келган содда гап сўроқ гапдан англашилган мазмунга умумий изоҳ беради. Бу турдаги сўроқ гаплар билан сўнгти содда гап орасида баъзан всергул, кўпинча тире қўйилади: а) *Бу минора нима учун қурилган, маълум эмас: қадим замоннинг ёдгорлигими*

ёки ёнгиндан хабар берадиган жой вазифасини ўтайдими — бу ҳам маълум эмас. (Казакевич)

1) Сўз ёки иборага муаллифнинг шахсий муносабатларини билдириш: *Овқатга тажовуз (?) қилингандан сўнг, меҳмонлар кўлларини дастурхонга (?) артилар.*

Ундов белгиси

Ундов белгиси қуйидаги ўринларда қўйилади:

1. Кучли ҳис-ҳаяжон ифодаланган гаплардан сўнг: «*Профессор Назаров! Мана у қандай одам экан!*» (А. Мухтор) «*Унсин учун, бечора қиз учун, бу қандай фалокат, бу қандай мудҳиши мотам!*» (Ойбек)

2. Буюриш, тилақ-орзу маъноларини ифодалаган гаплардан сўнг: *Фидо бўлсин сен учун, жон-таним онам!* (Х. Пўлат) «*Жамила, тур ўрнингдан, ялинма бу итларга, бўлмаса, лаънат дейман сендай вафодор хотинга!*» (Ҳамза)

3. Гап бошида келиб, кучли ҳис-ҳаяжон ифодалаган ҳа ва йўқ сўзлари ва ундалмалардан сўнг: *Сени унумолмас асло, эй, Ўрта Осиё, Ўрта Осиё!!!* (В. Инберг) *Йўқ, йўқ! Бу оғир ишни бўйнимга ололмайман! Ёшлиар! Ватан муқаддас бир саждагоҳ.*

Кўп нуқта

Кўп нуқта қуйидаги ўринларда қўлланилади:

1. Фикрнинг тугалланмаганинги, сўзловчининг яна нимадир айтмоқчи эканлигини кўрсатиш учун (фикрини давом эттирмаслиги одатда сўзловчининг ҳаяжонланиши, ўз фикрини тўлиқ ифодалашга ботина олмаслиги ёки гапнинг бирор сабаб билан бўлинниши туфайли рўй беради):

«*Билмайман деган эдингиз. Яна шуни айттингизки...*» *Шу пайт адъютант кириб, полковникка бир қоғоз узатди.* (А. Қаҳҳор) «*Агар севсанг...*» — «*Агар чиндан ҳам севсанг,* деди Берсеньев унинг сўзини бўлиб. (Тургенев) «*У менинг касалимни боқди; кечалари ухламай чиқди...* Сен, сен ҳам, малагим... На таъна, на гумон... Ана шуларнинг ҳаммаси мен учун, бир мен учунми-я...» (Тургенев)

2. Баъзан кўп нуқта сўзловчининг ўйлаши, мулоҳаза қилишини кўрсатади: «*Очилсам... Вой мунча мазали бу сўз!*»

(Яшин) «Үйдаги ишларнинг ҳаммасини ўзи қилса, ўзи тартибга солиб ўзи безаса...» (А. Мухтор)

3. Бирор сўз ёки гапнинг туширилганини кўрсатиш учун: ...Юдахин фамилияли бир рус киши ... рус бўлишига қарамай, ҳамма уста-мардикорлар билан... ўзбек тилида сўрашиб чиқди.

Асли: «Ёдимда, шийтон тагида ғишт терилаётганда, Юдахин фамилияли бир рус киши дадамни сўраб келди ва рус бўлишига қарамай, ҳамма уста-мардикорлар билан «хорма, бор бўл» қилиб ўзбек тилида сўрашиб чиқди. (Х. Қодирий. Отам ҳақида, Тошкент, 1984 й.)

Кўп нуқта, ундов ва сўроқ белгиларининг бириккан ҳолда келиши

Муракқаб мазмун ифодаланган гапларда ундов белгиси билан сўроқ белгиси, ундов белгиси билан кўп нуқта ва сўроқ белгиси билан кўп нуқта кўпинча бириккан ҳолда келади.

Ундов ва сўроқ белгиси бириккан ҳолда (!?) — аслида сўроқ мазмунидаги гап бўлиб, сўроқ мазмунига қараганда ҳис-ҳаяжон кучли бўлган нотиқлик (риторик) гаплардан сўнг қўйилади:

Қани бу ерда инсоф, қани бу ерда адолат деган нарса!?
(Ҳамза)

Сўроқ ва ундов белгиси бириккан ҳолда (?) — кучли ҳис-ҳаяжон, таажуб билан айтилган риторик сўроқ гаплардан сўнг қўйилади:

Жамики камбағал ҳалқ қўлини қўлга бериб, яктан бўлиб турса, кимнинг ҳадди бор мардикор олишга?! (Ойбек)
— Мен бўри бўлдимми?! (Яшин)

Ундов белгиси ва кўп нуқта бириккан ҳолда (...) — мазмунан тугалланмаган ҳамда кучли ҳис-ҳаяжон ифодаланган ўринларда қўлланади: а) Уятни биласизми!... (А. Қаҳҳор) б) «Йўқ!... Ҳеч қаерга бормайман!» (Яшин)

Сўроқ белгиси ва кўп нуқта бириккан ҳолда (...) — мазмунан тугалланмаган сўроқ гаплардан кейин ишлатилади: Айб кимда?... Айб нимада?... Еки ер ёмонми?... (Уйғун) «Бу аглаҳ ана шу номаълум одамга Қамбар билан Антон ҳақида гапирди», — «А? ... Қамбар билан Антон ҳақида?...» (Яшин)

Вергул

Вергул қуйидаги ўринларда қўлланади:

1. Уюшиқ бўлаклар орасида:

а) Боғловчисиз биринкан уюшиқ бўлаклар орасида:

Андижон, Наманган, Кўқон, Марғилон —

Ўзбекнинг чамани боғу бўстон. (F. Фулом)

б) Такрорланувчи боғловчилар билан биринкан уюшиқ бўлаклар орасида: *Саодат гоҳ мен билан, гоҳ атлас билан машғул бўлиб, бояги уялиб туришини бир ёққа йиғиштириб қўйған эди.* (А. Қодирий)

в) Зидловчи боғловчилар ёрдами билан биринкан уюшиқ бўлаклар орасида: *Замиранинг баланд, аммо майин овози бор эди.* (П. Қодиров)

2. Ундалмаларни ажратиш учун:

а) *Дўстларим, шу асл баҳор ҳақида*

Бутун қалбимиздан янграсин қўшиқ. (Х. Олимжон)

б) *Яхшилик қил, болам, ёмонликни от.* (Э. Жуманбулбул)

3. Кириш сўзларни ва тузилиш томондан муракқаб бўлмаган кириш гапларни ажратиш учун: а) «*Модомики, ҳаққингизда шу қабилда сўз юрар экан, албатта, беҳуда бўлмаса керак деб ўйлайман.*» (Ойбек) «*Кўнглингизга келмасин-ку, извошга эшак қўшиб бўлмайди.*» (А. Қаҳдор)

4. Ҳа ва йўқ сўзларини гап бўлакларидан ажратиш учун:

— *Йўқ, бу фикрингизга қўшила олмайман, — деди дўстим.*

5. Ундов сўзларни ажратиш учун: «*Эй, ёш боламисиз! Нега йиғлайсиз?*» (А. Қаҳдор)

Эслатма. Ундов сўзларни юклама вазифасидаги -эй, -э кабилардан фарқлаш керак. Юкламалар ўзлари қўшилиб келаётган сўз билан умумий оҳангта эга бўлади ва шу сабабдан улар вергул билан ажратилмайди, балки ўзидаи олдинги сўзга чизиқча орқали қўшилиб ёзилади: а) «*Эй сандақа хайриҳоҳ-э!*» (Тургенев) б) «*Вой лаънати-е!*» (Тургенев) в) «*Бирам жонсан-рак эдинг-эй!*» (Яшин)

6. Гапнинг ажратилган бўлакларини айириб кўрсатиш учун: «*Биз, 22-группада ўқувчи қизлар, Хайринисо ҳам биз билан ёнма-ён туриб ўқишини истаймиз.*» (Зулфия). *Ниҳоят, орқасини ёстиқдан узиб, муҳим савдо иши билан шугулланган каби, жиiddий равишда гапириб кетди.* (Ойбек)

7. Боецовчисиз боғланган қўшма гапларда: *Сиз отам ўрнига оталик қилдингиз, сиздан ҳеч ёмонлик кўрмадим.* (М. Иброҳимов)

8. Зидловчи ёки айирув боғловчилар билан боғланган қўшма гапларда: *Йўлчи шу чоқ қанча оқчаси бўлса ҳам беришга тайёр эди, лекин ёнида бир тийин ҳам йўқ эди.* (Ойбек) *Ё сиз келинг, ё мен борай.*

9. Эргаш гапларни ажратиш учун: *Ўгрилар девордан тушмоқчи бўлиб, қоринларини пахсага қўйиб, бошларини экканда, Кенжга ботир уларнинг каллаларини уза берди.* (Эртакдан)

10. Муаллиф гапини кўчирма гапдан ажратиш учун:
— Остимизда олов ўтади, — деди чўпон ота, — буғ олов бўлиб ёнади. (И. Раҳим)

Нуқтали вергул

Нуқтали вергул қуйидаги ўринларда қўлланади:

1. Ўз ичида вергул бўлган ёйик уюшиқ бўлаклар орасида:

*Меҳнат, ижод, одам шарафи;
Дил ёрги, ҳаёт қувончи —
Ҳаммасининг асли, манбаи —
Сен, Ватаним — тинчлик таянчи.*
(С. Назаров)

Кўнанбой ёнида бир гала хушомадгўйлари; Иргизбойлардан — Мойбосар, Жақиб, Изикуттилардек қариндошлари, бу кунларда Кўнанбой тарафдори бўлиб юрган Жувонтайёқ, Қоработир, Тўпай, Тўргай элларнинг оқсоқол-қорасоқоллари бор. (М. Аvezov)

2. Ўз ичида вергули бўлган, мазмун маълум даражада мустақилликка эга бўлган содда гаплар орасида ҳамда ҳар хил турдаги гапларни ўз ичига олган қўшма гапларда:

Зуннунхўжа Сиддиқжоннинг тарафини олган бўлиб, кампирга қараб кавуш отди: Сиддиқжонга нимадир демоқчи бўлиб оғиз очган қизини бир тарсаки урди, сўнгра Сиддиқжондан ўпкалаб майин товуш билан гап бошлади. (А. Қаҳҳор) *Изчи қозоқ бир-икки қум хомасининг бу ёнидан у ёнига, у ёғидан бу ёғига ўтди. Аммо издан нишон йўқ эди; эски*

излар нари турсин, ҳамто қозоқ ўз изини ҳам тополмас эди; ҳар босилган қадам ўрни, сувга босилгандек, оёқ кұтапилған ҳамон құмилар эди. (С. Айний)

Икки нүкта

Икки нүкта қуйидаги ўринларда қўлланилади:

1. Юшиқ бўлаклардан олдин келган умумлаштирувчи сўздан сўнг: Холмурод дўстлари: Эргаш, Жўра ва Омонтой ҳам бирин-кетин отпускадан қайтишиди. (П. Турсун)

Эслатма: Баъзан умумлаштирувчи сўз яшириниши мумкин, аммо оҳанг ва мазмунга кўра юшиқ бўлаклардан олдин икки нүкта қўйилаверади. Бу ҳол иш қофозларида ва илмий асарларда кўпроқ учрайди. Масалан: Мажлисга қатнашдилар: Собир Эркинов, Шокир Отакулов, Абдулла Саидов.

2. Қуйидаги маъноларни ифодалаган боғловчисиз қўшма гапларда:

а) Бир гап иккинчи бир гапдан англашилган иш-ҳаракатнинг сабабини кўрсатса: «Мен у йил деҳқончиликдан ҳеч нарса олмадим: кузги буғдоининг бошоқлари шира олаётган вақтда ҳавода ола булат пайдо бўлиб, бошоқлар қуриб қовжира б кетди». (С. Айний)

б) Бир гап иккинчи бир гапдан англашилган иш-ҳаракатнинг натижасини кўрсатса: Хўжа Ниёсiddин Ҳиротдаги бавзи машҳур зотларни гўзал тақлид қилди: ўтирганлар ўринларидан қўзғалмай қолдилар. (Ойбек)

в) Агар бирор гап бошқа бир гапнинг мазмунини тўлдирса ёки изоҳласа: а) Қосим мироб айтарди: агар қўрқмасанг, энг одамхўр дарё ҳеч нима қилолмайди — сувнинг ўзи қирғоқча чиқариб қўяди. (Ойбек)

2) Кўчирма гапдан олдин келган муаллиф гапидан сўнг: Адам бирдан самоварчига буйруқ беради: — Мусавойга жой солиб бер, озодароқ ёстиқ қўй. (Ойбек)

Tire

Тире қуйидаги ўринларда ишлатилади:

1. От, сон, олмош ва ҳаракат номи билан ифодаланиб ҳамда кесим билан боғламасиз бириккан эга билан ке-

сим орасида: *Азиз ватандошим, бу — сенинг имзонг* (Ф. Фулом) *Юрган — дарё, ўтирган — бўйра.* (Мақол) «Ҳамма сизнинг тарафингизда, чунки мана буни бажарувчи — сиз.

(А. Мухтор) *Икки карра икки — тўрт.*

2. Уюшиқ бўлаклардан сўнг келган умумлаштирувчи сўздан олдин: *Сув, ер, электр — булар ҳаёт баҳорига янги гўзаллик ва янги нақши бағишловчи кучлар эди.* (Ойбек)

3. Ажратилган бўлак билан изоҳланмиш бўлак орасида: *Уларнинг ҳаммаси — хоҳ ёш, хоҳ қари — фирибгар, золим.* (Ойбек)

4. Кириш гаплар билан гап бўлаклари ўртасида: *Сибиряковлар — улар бутун бошлиқ армияни ташкил қиласидилар — фандан оладилар ҳам, фанни бойитадилар ҳам.* (А. Суров)

5. Муаллиф гапи билан кўчирма гап орасида: «*Нега бунча кеч қолдинг, Манзура?*» — деди *Азиз мөхрибон товуш билан.* (А. Мухтор)

6. Диалог шаклидаги кўчирма гапларда:

— Болтабой акам қаёққа кетдилар?

— Станцияга.

— Қачон келадилар?

— Цементни тушириб бўлиб келадилар-да.

— Цементлик тўғон бўлар эканда?

— Бўлмаса баҳорги тошқинда ҳамма ёғни сув олиб кетмайдими? (А. Қаҳхор)

— «Ҳурматли оғалар, сизлардан ижозат бўлса сўзлайин».

— «*Сўзла!*» — «*Ёки юртнинг ҳаммасини тўплаймизми?*»

— «*Гапира бер, ҳаммамиз шундамиз.*» (Гоголь)

7. Кутимаган воқеа-ҳодисаларни ифодалаган гаплардан олдин: «*Мен дарров идорага югурдим — йўқсиз.*» (Ойбек) «*Мен унга тикилиб ўтираман-да, роҳат қиласман — фақат шу.*» (Тургенев)

8. Зид маъноли гаплар орасида:

Жисмимиз йўқолур — ўчмас номимиз. (Ф. Фулом)

Қавс

1. Ифодаланаётган фикрга ёки унинг бирор бўлагига кўшимча изоҳ берувчи сўз ёки иборалар қавсга олинади: *Виктор (Лазиннинг укаси) ишчи-ёшлар мактабида, кички-*

на Лиза билан Каромат (буниси Саломат холанинг қизи) иккинчи сменада ўқишиади. (А. Мухтор)

Эслатма: Қавсга олинган кириш сўз ва иборалардан олдинги тиниш белгилари (вергул, нуқтали вергул, икки нуқта, тире) қаведан сўнгга кўчирилади:

Эркакларнинг бири — марказий газеталарнинг мухбири, иккинчиси — инженер (Мавлонбеков уни Феодор Макарович дер эди); қиз эса Москвада институтни битириб, ҳозир шу инженернинг қўлида тажриба кўриб юрган экан. (А. Қаҳхор)

2. Кириш гаплар ёки ремаркалар қавсга олинади:

Қирғиз Ўрз белбогига маҳкам чандиб тугилган биттагина сўлкавойни (ким билади, буни қачонлардан бери сақлаб келади) чиқарди. (Ойбек)

Роҳила (сохта кулиб). Буни қаранг, унаштиришни тўй деб юборса-я! (А. Қаҳхор)

3. Мисол ёки кўчирманинг манбанинг кўрсатади: *Оҳ, Ҳирот, Ҳирот!* (Ойбек). «Туркона услугуб» (Навоий) туркий тилларга хос услугбидир. Отам «Мирзо» ва «Ғулом» тахаллуслари билан талай шеърлар ёзган. (Ғ. Ғулом)

4. Изоҳ маъносидаги сўз ёки иборага оид тиниш белгилар қавснинг ичига олинади:

*Бу ерларда у, куйчи, хаёлчан юрди
(Болаликдан чанқоқди билимга, куйга!)
Фикрида не-не гўзал режалар қурди.
(Ойбек)*

Қўштироқ

Кўштироқ қуидаги ўринларда кўйилади:

1. Кўчирма гапларни ажратиб кўрсатиш учун:
«Ўртоқ Аҳмедов, — деди Ўрмонжон, — эртага байрам олди мажлисимииз бўлади». (А. Қаҳхор)

2. Айрим сўз ва сўз бирикмалари ҳам қўштироққа олиниши мумкин. Қўштироққа олинган бу хил сўзлар кўчма маънода ёки киноя маъносига қўлланиши, шартли ном ёки тахаллус бўлиши мумкин: а) *Металлурглар тўпни яна «душман» дарвозасига қараб ҳайдаб кетдилар.* (А. Мухтор) б) *Одамлар ноилож «хосиятли» гиёҳ томири-*

дан воз кечдилар. (П. Турсин) в) Телефонистка (суюниб): «Тўртнинчи!» «Тўртнинчи!», «Йигирма»га қулоқ сол!... (Яшин) «Қаҳрамон» жамоаси пахта режасини бажарди.

Эслатма 1. Агар қўштириноққа олиниши зарур бўлган сўз турловчи қўшимчага эга бўлса, бу қўшимчалар қўштириноқдан кейин қўйилади: ...*эрининг «кирдикори»дан хабардор бўлгандай ўсмоқчилади Шакархон.* (Х. Нўймон)

2. Агар кўчирма гап охирида ундов, сўроқ белгилари, кўп нуқта бўлса, қўштириноқ ичига олиниади. Мисол: *Унинг меҳри-бончилигидан таъсирланиб титроқ товуш билан: «Куллук, раис!» — деди.* (Х. Фулом) *«Ёлғон, ёлғон!!— деди руҳим. — Қандай қилиб ёмон одамни яхши дейин мумкин?!»* (Х. Турсунов)

3. Кўчирма гап охирида нуқта бўлса:

Бундай гап ичида муаллиф гапи келса, кўчирма гапдан вергул ва муаллиф гапидан сўнг нуқта қўйилади ва кўчирма гапнинг иккинчи қисми бош ҳарф билан ёзилади. Мисол: *«Шунча сарф-харажатни тиригига қилганда эди, — деди қўшним. — Афсуски, ўлди-кетди».*

Нуқта тугалланган кўчирма гап охиридаги қўштириноқдан сўнг қўйилади. Мисол: *Кўшни деди: «Яхши одам эди».*

Адабиёт

1. *Абдураҳмонов F. A.* Пунктуация ўргатиш методикаси. «Ўқитувчи», Т., 1968.
2. *Назаров K.* Ўзбек тили пунктуацияси, «Ўқитувчи», Т., 1976.
3. *Назаров K.* Ўзбек тили пунктуацияси асослари. Т., 1971.
4. *Рустамов X.* Синтаксис ва пунктуация ўқитиш методикаси. Илмий методика кабинети. Т., 1960.
5. *Шоабдураҳмонов Ш.* Ўзбек тилида пунктуация, «Фан», Т., 1955.

V б о б

ҲОЗИРГИ ЎЗБЕК АДАБИЙ ТИЛИНИНГ ЁЗМА УСЛУБИ ҲАҚИДА

1-§. УСЛУБ ВА УНИНГ ТУРЛАРИ

Услуб ҳақида умумий тушунча

Услуб (юононча *stylos*)нинг асл маъноси қадимги римлар ва юононларда ёзиш учун ишлатиладиган уни ўткир таёқча демак. Қадимги римлар ва юононлар услуб тушунчаси остида ўзгаларга ўз фикрини ишонтириш санъати, ҳиндлар эса — нутқни безаш деб тушунгандар.

Нутқни безаш, ўзгаларга ўз фикрини тил воситасида ифодалаш бўлади. Албатта, тилшуносликнинг турли соҳалари (фонетика, лексика, грамматика) бўлиб, ҳар бир соҳанинг ўз ички қоида-қонунлари бор. Сўзловчи (ёки ёзувчи) ўз фикрини ўзгаларга яхши тушунтириш ва ишонтириш учун тил қоидаларига асосланади, ана шу қоидалар ичидан энг мувофиқини танлаб олади ва вазиятга қараб, суҳбатдошнинг (ёки ўқувчининг) жамиятда тутган ўрни, ёши, касби-ҳунари, яқин-узоқлиги, қариндош-бегоналигига ва шароитга қараб тил воситаларини танлайди. Тил воситаларини танлаб олиш суҳбат ёки ёзма нутқ мазмунига қараб ҳам бўлади.

Услуб — бу тил қонун ва қоидаларини амалда маълум мақсадда қўллаш шаклидир. Сўзловчи ёки ёзувчи бирор нарса, воқеа, ҳодиса тўғрисида хабар бериб ёки олибгина қолмай, шу нарса, воқеа-ҳодисага ўз шахсий муносабатини (хайриҳоҳлиги, норозилиги, бирор мақсадни кўзлаб эшитувчига, ўқувчига таъсир этишини) ҳам билдиради, бунинг учун у тилнинг турли имкониятлари ва экстравангвистик имкониятлари (контекст, умумий мазмун, мимика, аъзолар ҳаракати)дан фойдаланади.

Услуб кенг маънодаги тушунча бўлиб, тилшуносликдагина эмас, адабиётшунослик, санъатшунослик, жамиятшуносликда ҳам қўлланади («адабий жанрлар услуби», «иш услуби», «тарбия услуби», «кураш услуби» ва б.)

Адабиётшуносликда услуб — бу ёзувчи ёки шоирнинг бадиий асарда ўз тоғисини бадиий услубда ифодалаш йўли-

дир. Тилшуносликда эса, маълум бир субъектив мақсадни ифодалаш учун тилнинг турли соҳаларидан фойдаланиши демакдир. Услуб — тилшуносликнинг турли соҳаларини қамраб олган экан, у ўзига хос хусусиятга, ўзига хос тил воситаларига эга бўлган тилшуносликнинг алоҳида бир бўлимиdir. Услуб — тил материалларидан усталик билан фойдаланиб, маълум мақсадни ифодалашсанъати, ёзувчи ёки сўзловчининг маҳоратини кўрсатувчи бир воситадир.

Шунинг учун ҳам умуман ёзма адабий тилнинг қонун-қоидалари (нормалари) ҳар вақт ҳам услуб қонун-қоидаларига (нормаларига) тўғри келавермайди. Услубшуносликнинг ўзига хос фонетик, лексик, грамматик жиҳатдан адабий тил нормасидан (қоидадан) ташқари бўлган сўз, иборалари бўлади. Адабий тил нормасига (қоидасига) тўғри бўлмаган ибора, услубий жиҳатдан эса норматив (қоидага мос) ҳолат бўлиши мумкин: *Баҳор келиб гуллар очилди, қип-қизил лолалар...* — бу жумланинг иккинчи қисми грамматик жиҳатдан тугалланмаган; аммо иборада ёзувчи оҳанг орқали, алоҳида гулга (қизил лолаларга) урғу бериб, дикқатни жалб этаяпти. Шу билан бу ибора тугалланган гап бўлади.

Маълум сўз, сўз бирикмаси, гапнинг услубий қўлланиши, экспрессив, эмоционал бўёқ олиши гапда, контекстда бўлади ёки айрим грамматик кўрсаткичлар асосида рўёбга чиқади. Айрим сўзлар ўз маъноси билан муаллифнинг ижобий ёки салбий муносабатини билдириши мумкин («ғижинди», «ачинди», «эзилди»). Шунингдек, фразеологик бирликлар, идиомалар, баъзи мақол ва маталлар услубий мазмунга эга бўлади.

«Услуб — филология фанининг тожи, тилшунослик, адабиётшунослик фанларининг юқори босқичи» (А.В. Степанов). «Агарда бирор нарсани аниқ ифодалай олмас эканмиз, бунда тилимиздан эмас, балки уқувсиз маҳоратимиздан гина қилишимиз керак» (М.В. Ломоносов). Буюк услубшунос, мутафаккир шоир Алишер Навоий ўзининг «Мажолис ун-нафонс» асарида юзлаб шоирларнинг ижодини таърифлар экан, ҳар бир шоирнинг ўзига хос услуби, бу соҳадаги ютуқ ва камчиликларини холисона таҳлил қиласиди, фикрни ифодалашдаги асосий масала услуб эканини таъкидлаб ўтади:

*Тахайюл аро барча бир наевъ эмас,
Ҳадисни ики киши бирдек демас!
Киши нуқтани қилса мужмал баён,
Яқинким, анинг шархи топмас баён.*
(Алишер Навоий).

«Ҳатингни худ ташвиши била ўқиса бўлур, — деб ўғлига ёзали Бобур, — Мундан нари бетакаллуф ва равшан ва пок алфоз била бит, ҳам сенга ташвиши озроқ бўлур, ҳам ўқувчига».

А. Қаҳҳор: «Қироатхонга бир фикрни англатиш ёки бир нарсани тасаввур қилдириш учун кишининг бошини қотирмайдиган, очиқ, равон ва содда тил керак». («Ёшлилар билан суҳбат», Т., Ёш гвардия, 1968, 47-бет).

Сунъий расмий ёзма тил услубини ўзига касб қилиб олган «қалам аҳли» ҳақида А. Қаҳҳор шундай деб ёзади: «Бу тил ҳар қанақа жонли фикрга кафан кийгизади, ҳар қанақа ўйноқи мазмунни таҳтага тортади, ҳар қанақа аудиторияни ўлик чиққан ҳовлига айлантиради».

Услубининг турлари

Услуб одатда икки хил нутқда — оғзаки (сўзлашув) ва ёзма, китобий нутқда намоён бўлади.

Оғзаки (сўзлашув) нутқи

Оғзаки нутқ икки ва ундан ортиқ шахслар орасида бўлса диалог, агар ёлғиз шахснинг нутқи бўлса монолог, кўп шахслар ўртасида сухбат бўлса полилог дейилади.

Оғзаки нутқда жумлалар тузилиши эркин бўлади, аммо бундан бу хил нутқ қоида (норма)дан чиқиб кетади деб бўлмайди, чунки шу йўл билан сўзловчи хабар беради ва хабарга ўз шахсий муносабатини билдиради. Бундай нутқда ифодаланган гап бўлаклари орқали турли ишора ва мимика, оҳанг ва б. ёрдамида сўзловчи ўзининг айтилаётган фикрига муносабатини изҳор қиласи. Фонетик ҳодисалар, шева сўzlари (зарил, тупроқ, кетворган, жса-а, той-чоғим), дағал сўзлар (тирранча, гўрсўхта), кўчма маъноли сўзлар (эшак, илон, латта), чет ва ортиқча (паразит) сўзлар (Ота зря сувга тушдингиз. С. Аҳмад; Ҳамма ишини

хап ҳараша, чистаю чаққон қиласман. Ҳамза; Ҳүш анақа, кейин) маълум мақсад билан қўлланади, гап бўлакларининг ўрни айтиладиган мақсадга кўра белгиланади (кесимнинг эгадан олдин келиши ва б.), тўлиқсиз гаплар ва ёзма адабий тилга хос ҳамма категориялар ҳам услубий мақсадда қўлланади.

Бунда, албатта, оғзаки нутқ сўзловчининг саводли ёки чала саводлилигига, ифодаланаётган соҳадан хабардор ёки хабарсизлигига, шахсий хусусиятларига ҳам боғлиқ бўлади. Маданиятли, билимдон шахснинг оғзаки нутқи адабий тил меъёрларига яқин бўлса, чаласавод кишининг тўмтоқ нутқи адабий тил учун намуна бўла олмайди.

Шунга кўра оғзаки нутқ иккига — *адабий сўзлашув ва оддий сўзлашув* турларига бўлинади. Оддий сўзлашув тиляда адабий тил меъёрларига тўғри келмаган фонетик ҳодисалар (*навлат* — *лаънат*, *дайро* — *дарё*, *ташамоқ* — *ташламоқ*, *чечмоқ* — *ечмоқ*, *кўйнак* — *кўйлак*, *опкетти* — *олиб кетди*), баъзи субъектив баҳо аффикслари ишлатилади, оғзаки нутқقا хос сўзлар (*муллажиринг*, *қақажон*, *муллақуруқ*, *пўрим*), тўлиқсиз ва илова гаплар кўпроқ қўлланади.

Оғзаки (*сўзлашув*) нутқида айниқса сўзларнинг кўчма маънода қўлланиши (*полисемия*)дан кўпроқ фойдаланилади. Натижада ўзига хос оғзаки (*сўзлашув*) нутқ турлари — асқия, ҳазил-мутойиба, пичинг, қочирим каби турлар шаклланади. Баъзи сўзлар кўтаринки руҳда бўлиб, нотиқлик услубида ишлатилади (*сиймо*, *тааллуқли*, *само ва б.*)

Ёзма (китобий) услуг

Ёзма услуг мазмунан ижтимоий-сиёсий, илмий-адабий, маъмурий ва б. мақсадларни кўзлагани ва кўпчиликка қаратилгани учун унга талаб ҳам катта бўлади.

Ёзма услугда ёзилган монография, мақола, китоб, маъруза матни ва б. юқори савияда бўлиши, ҳозирги замон адабий меъёрларига риоя қилиши шарт. Дарслик, қўлланма, монография, бадиий асар, мақола, тезис, конспект, расмий хужжатларнинг ҳар бири ўзига хос услуг хусусиятларига эга. Масалан: бадиий услубни ташкил этув-

чи жанр турлари — роман, ҳикоя, фельетон, эссе, дос-
тон, эртак, шеърий асар турларининг умумий хусусият-
лари бўлса ҳам, ҳар бирининг ўзига хос услубий белги-
лари бўлади.

Ёзма услубнинг турлари

Услуб — инсоннинг ижтиомий фаолияти билан боғ-
лиқдир. Ҳар қандай ёзма услубда муаллиф бирор мақсад-
ни кўзлайди ва бунинг учун керакли тил воситаларидан
фойдаланади. Шунга кўра услуб уч йўналишда таҳлил
қилинади:

- 1) вазифаси ва мақсадига кўра;
- 2) маълум услуб турини яратувчи воситаларга кўра;
- 3) нутқ синонимияси.

Услубнинг вазифаси (функционал) ва мақсадига кўра турлари

Жамият тараққий этиши билан инсонларнинг касби
ҳам, унинг ижтиомий ҳаётдаги ўрни ҳам ўзгара боради,
турли тоифа, қасб, амаллар шаклланади, инсон ҳам шунига
кўра табақалашади. Бу табақаланиш тилда ҳам намоён
бўлади, тил ана шу табақаланишга мослашади, маълум
бир ижтиомий табақа тилдан ўз мақсади учун фойдала-
нади, шунга кўра услубнинг функционал турлари шакл-
ланади. Бу функционал услуб шакллари, турлари қуий-
дагича бўлади:

- 1) бадиий услуб; 2) оммабоп (публицистик) услуб;
- 3) расмий-иш юритиш услуби; 4) илмий услуб; 5) но-
тиқлик (ораторлик) услуби.

Бу ўринда ҳар бир нутқ услуби ўзининг ички турлари-
га эга эканлигини ҳисобга олиш керак. Масалан: адаби-
ётшуносликда бадиий услуб лирик, лирик-романтик,
шартли-символик, конкрет-аналитик, сатирик (ҳажвий)
услуб каби киچик турчаларга бўлинади. Адабий жанрнинг
ҳар қайси тури, назмий-насрый ва драматик асарларда
ҳар бир ёзувчининг ўзига хос услуби бўлади.

Шунингдек, илмий услуб илмий-оммабоп турга (маъ-
лум илмий тушунчаларни оммабоп қилиб тушунтириш
ёки ёзиш) ва илмий турларга бўлиниши ҳам мумкин. Ом-

мабоп (публицистик) услуг бўлса, ўз навбатида газета, журнал, радио, телекўрсатув услуги каби турларга бўлиниди. Расмий-иш юритиш услуги расмий-китобий услуг ва хатлар услугини ўз ичига олади.

Шу билан бирга бир хил услугнинг ички турлари бошқа услугда ишлатилиши ҳам мумкин. Масалан: сатирик (ҳажвий) услуг бадиий услугда ҳам, оммабоп услугда ҳам қўлланади.

Айрим илмий адабиётларда бетараф (холис, нейтрал) услуг ҳам алоҳида тур сифатида ажратилади. Бетараф услугда маълум воқеа-ҳодисалар тўғрисида холис (объектив) фикр билдирилади, унда экспрессив мазмун ифодаланмайди. Демак, бетараф услуг алоҳида услуг турини ташкил эта олмайди ва турли услугларнинг шаклланишига асос (база) бўлади.

Инсоннинг ижтимоий фаолияти қанча хилма-хил бўлса, функционал нутқ услуги ҳам шунчалик табақалана-ди, турлича бўлади. Ўзбек халқининг талантли олимлари минг йиллардан ортиқ йиллардан бери илм-фан билан шуғулланиб келдилар, улар дунё аҳлига манзур бўлган назарий ва амалий фикрларни баён қилдилар. Уларнинг ёзган асарлари орқали европа халқлари ҳам юксак фан меваларидан баҳраманд бўлдилар. Демак, илмий услуг ўзбек тилида аллақачонлар пайдо бўлган, шаклланган. Юксак бадиий асарлар (турк-рун ёдномалари, М. Кошварий, Юсуф хос Ҳожиб, Аҳмад Югнакий, Алишер Навоий ва б.) асарларида бадиий услугнинг турли нозик шакллари пайдо бўлди. Бу асарлар таркибида нотиқлик услуги ҳам шаклланди. Туркий давлат маҳкамаларида, ҳукуқий идораларда расмий- иш юритиш услуги қўлланди, тобора мукаммаллашди. Оммабоп (публицистик) услугнинг асослари Навоий давридан бошланиб, XIX аср иккинчи ярмидан бир қатор газета ва журналлар нашр этилиши билан бу услуг янада ривожланди.

Демак, ижтимоий ҳаёт, инсон фаолияти қанчалик мурakkabлашса, янги-янги ижтимоий фаолият турлари келиб чиқса, ана шу янги ижтимоий фаолиятга мослашган сўз, сўз бирикмалари пайдо бўлади ёки мавжуд сўз ва сўз бирикмалари унга мослашади —янги бир нутқ услуги шакллана бошлайди.

Кўп услубий воситалар, одатда, бир неча услуб турлари га хизмат қилиши мумкин. Шунинг учун маълум бир услугга оид матн таркибида бошқа услуб воситаларининг бўлиши ҳам мумкин. Бундай ҳолатда *аралаш* услуб тури шаклланган бўлади (масалан, фразеологик бирликлар оммабоп, бадий ва нотиқлик услубларида қўлланиши мумкин).

Аралаш услубнинг шаклланишида, бевосита тил материалларидан ташқари, экстравистик омилларнинг роли катта бўлади. Бадий восита сифатида лексик, грамматик, фонетик, фразеологик категориялар хизмат қилиши мумкин. Бадий воситалар ҳам замонлар ўтиши билан ўзгаради ёки мукаммаллашади. Масалан, эски ўзбек тилида бадий восита бўлиб хизмат қилган *ашъор* атамаси ҳозир қўлланмайди ёки қўлланса ҳам кам ишлатилади. Шунга кўра бадий воситалар фаол ва фаол бўлмаган гурухларга (архаизм, историзм, диалектизм, профессионализм, жаргонлар мисол бўлади) бўлинади. Фаол бўлмаган воситалар ҳам экспрессив-эмоционал тусга эга бўлади.

Бадий услуб

Бадий услуб — бадий адабиётда, унинг турли жанрларида қўлланадиган ўзига хос тил ифодасидир. Сўзни бадий асар ғоясига, мазмунига йўналишига мослаб ишлатиш бадий услубни келтириб чиқаради. Бадий услубда тилнинг бутун соҳалари ўзининг ранг-баранглиги билан намоён бўлади.

Бадий услубда, тилнинг бадий воситалари билан бирга, фразеологик бирликлар ҳам қўлланадики, бу тил бирлиги илмий услубда одатда ишлатилмайди. Бадий воситалар тилнинг энг муҳим белгиси бўлиб, улар ўкувчига эстетик завқ беради, эмоционал таъсир кўрсатади.

Бадий услубнинг ички турлари — ҳикоя, роман, поэзия, достон, фантастика, фельетон ва б. умумий хусусиятлари бўлиши билан бирга, хусусий белгиларга ҳам эгадир.

Бадий услубда экспрессивлик, эмоционаллик, шахсий муносабат (хурмат, менсимаслик, хайрхонлик, ҳазил),

морфологик воситалар (субъектив баҳо формалари) ва бошқа йўллар орқали ифодаланади.

Бадий услубда эски ўзбек тилига хос аффикслар ва адабий тилга кирган баъзи шева сўзлари, қўшимчалар ва баъзи ундов сўзлар қўлланади: *гай* (боргай), -миш (келмиш), -гил (ёзгил), -бон (ўқибон), -гуси / -гуси (боргуси, келгуси), -гали (кўргали); -ажак (боражак), -ётир (келаётир), *эвоҳ*, *вой-бўй*, *тфу* ва б.

Бадий услубда гап бўлакларининг инверсияси маълум услубий мақсадни ифодалайди: *Керак эмас менга хон қабули! Бас! Улоқтириңг ҳаммасини!* (П. Колиров).

Шеърий асарларнинг услубий мазмунини ундаги қофия, ритм, вазн таъминлайди.

Синтаксис бобида ундов гаплар услубий мазмунда ишлатилади. Субъектив баҳо шакллари расмий иш услубида қўлланмайди.

Бадий услубда қўлланадиган асосий бадий воситалар — ўхшатиш, синонимлар, эпитет, метафора, гипербола, аллегория ва бошқалардан иборат бўлиб, матига бадийлик руҳини беради. Бадий воситаларининг баъзилари (*ораз, чехра, жилва, диёр, кошона*) юксак бадий образларни яратади. Оддий оммабоп сўзлар (бояқиш, тирранча) асар қаҳрамонларини тасвирлаш учун қўлланади. Бу хил бадий воситалар расмий иш услубида ишлатилмайди.

Бадий услубда қўлланган бошқа услуб воситалари қўшимча маъно касб этади.

Бадий услубда шевага хос сўзлар, бенбо (вулгар) сўз ва иборалар, ўринсиз ишлатиладиган чет тилига оид сўзлар, ортиқча (паразит) сўзлар ҳам асар қаҳрамонини тавсифлаш учун ишлатилади.

Тил воситаларини танлаш бадий услубда эркин бўлса, расмий илмий ва оммабоп услубда чекланган бўлади.

Бадий тил воситаларини қўллашда ёзувчи ва шоирлар бир-биридан фарқланади: Чўлонон фикрни мавҳум, романтик образлар орқали ифодаласа, Уйғун шеърларида турли хил такрор усули (анафора, эпифора ва б.) кўпроқ қўлланади. F. Гулом эса ўхшатиш, метафора, муболага усулларидан фойдаланади. Умуман, ёзувчи ва шоирлар ўз асарларида турли услубий воситалардан фойда-

ланиб, нутқнинг бадиийлигини таъминлайди, ўқувчига эстетик завқ беради.

Езувчи мавжуд тил воситаларига, образни ёрқин ифодалаш учун ўзгартириш ҳам киритади, янгича ифода шаклларини келтириб чиқаради, сўз ва иборага янги маъно беради; шева, чет сўз ва иборалардан усталик билан фойдаланади, фразеологик ибораларни ишлатиб, мазмунга қараб, бу ибораларнинг шаклини ўзгартиради.

Куда инжил, топориш? — дедим. Фақирни бу балогати лисонда кўргач, ҳа, довдирамас экан, занталоқ, дедим! (А. Қолирий) *Ўзбек ойим ўелининг «ўлганнинг устига чиқиб тепши» қабилидаги бўлган бу ҳаракатларидан тутуни кўкка чиқиб...* (А. Қолирий) — *Сен бизга хиёнат қилдинг, имт ували! — Иқрорман. — Пусулмончилик қигансан-да!* (А. Қолирий) —...*одамларнинг умри тирноқ орасидан кирковлаб ўтиши учунгина тикланмаган.* (Чўлпон)... чигатой гурунгини пантуркист дейши мода ҳолига кириб борадир. (Фитрат) *Қози ила волостной правительликка...* шундай зақунлар чиқордики. (Беҳбудий)

Оммабоп (публицистик) услуг

Оммабоп услуг ўзининг ҳозиржавоблиги, таъсиручанлиги, кундалик ҳаётий воқеа, ҳодисалар ҳақида тезлик билан хабар бериши билан характерланади. Бу услугда фикр мантиқий изчиллик ва обьективлик билан ифодаланади.

Бу услугда ўқувчининг диққатини жалб этиш учун хабар ёки воқеа қизиқ ва муҳим бир ҳодисадан бошланади. Шунинг учун ҳам оммабоп услугда қисқа ва таъсирили иборалар кўпроқ кўлланади. Кўпроқ оммавий услуг, одатда, газета, журнал, радио, телекўрсатувларда, унинг оғзаки шакли — маъруза ва хабарларда, репортаж кабиларда ишлатилади. Оммабоп услугда бошқа услубларнинг (илмий, оммабоп, расмий-иш юритиш, бадиий каби) бўлиши табиийdir. Аммо оммабоп услугда хабарлар қисқа ҳажмда бўлиши шартлилиги (ҳатто бадиий асарлардан кичик парчалар келтирилади ёки кичик ҳажмли бадиий асарлар берилади) материалнинг тилига ҳам таъсири этади: жумлалар бир қолиплаги қисқа, лўнда иборалардан иборат бўлади.

Оммабоп услугуб фикрни лўнда ифодалаши ва атамаларнинг қўлланиши билан илмий услугуга, бадиий экспрессив воситаларнинг қўлланиши билан бадиий услугуга яқин туради.

Оммавий услугуб орқали янги сўз ва иборалар тилимизга кириб келади ёки ноўрин қўлланган сўз ва иборалар бўлса (*тепки арава, учма пойиз, имгоҳ, ноҳия, тайёрагоҳ в.б.*), уларни, А. Қаҳҳор айтганидек, омма «чайнаб-чайнаб тупуриб ташлайди».

Маълумки, 1875 йилда биринчи бор оммавий газета — «Туркистон вилоятининг газетаси» нашр этила бошлади. Кейинроқ бошқа газеталар, журналлар ҳам чоп этилди. Биринчи бор кўплаб русча, рус тили орқали европача ижтимоий-сиёсий сўз ва иборалар ишлатила бошлади.

Оммабоп услугуда жумлалар бир-бири билан мантиқи боғланиши, холис (*объектив*) бўлиши керак. Бу услугуб учун характерли бўлган бир қолипдаги стандартлашган сўз ва иборалар қўлланади, сўз ва атамалар омма тушуналигани маънода ишлатилади. Воқеа ва ҳодисалар образлар орқали эмас, бевосита қабул қилинади.

Оммабоп услугуни характерловчи восита ижтимоий-сиёсий атамалар бўлиб қолади: *сиёсий куч, сиёсий иқлим, иқтисодий тежамкорлик, баркамоллик, улуғвор, ижодкор ёшлиар, асрдош, событқадамлик сиёсати, партия ва б.* Умумистеъмолдаги сўзларга янги маъно берилади (масалан, *овоз берилди, маслаҳат овози каби*).

Оммабоп услугуни шакллантирувчи воситалар маҳсус ижтимоий-сиёсий лексика, бошқа тиллардан (асосан, рус ва рус тили орқали европа тилларидан) сўз олиш ёки калькалани, она тилидаги сўзларга бошқача маъно бериш (семантик усул) йўли билан рўй беради. Ижтимоий фаолиятнинг ва услубнинг турли соҳаларига оид сўзлар (атамалар) оммабоп тушунчаларни ифодалаб, мазкур услубни шакллантирувчи воситага айланадилар: *армия, қамал, танк (ҳарбий), артерия, касаллик, гипноз (тиббиёт), саҳна, қўғирчоқ (санъат), пойга, рекорд, старт, эстафета* (спорт). Услубнинг бошқа турига оид сўзлар эмоционал маъноларини ўзгартириш йўли билан оммабоп услубни характерловчи белгига айланадилар. Оммабоп услубни характерловчи хусусият унда ўзига хос тўлиқсиз гапларнинг қўлланишидир.

Расмий иш юритиш услуби

Расмий иш юритиш услубига ҳисоб-статистик ташкилотларнинг, суд, адлия, фуқаролик ҳолатини қайд этувчи ва нотариал идоралар, прокуратура, вазирлик ва мусассаса, ташкилотларнинг, жамоат ташкилотларининг ва айрим шахсларнинг расмий иш юритиш ҳужжатлари, ультиматум, қонун, қарор, фармон, кўргазма, қўлланма, мурожаатнома, ҳукм, ажрим, шартнома, тавсиянома, изоҳнома ва б. киради.

Расмий иш юритиш ҳужжатларининг кўпи аввалдан қўлланиб келган, бальзилари (баённома, маълумотнома каби) кейинги даврларда асосан XIX аср иккинчи ярмилла қўллана бошлади. Маълум ҳужжат намуналари ҳаёт талаблари туфайли пайдо бўлди.

Расмий иш юритиш услубининг хусусиятларидан бири — унда бадиий тасвир воситаларининг бўлмаслиги, маълум бир қолилга тушган стандарт иборалар ва нутқий штамплар қўлланишидир («Мажлис қарор қиласи», «Қарор қилинди», «Қатнашдилар», «Мен фалончи, фалон йили, фалон жойда туғилдим», «Буюраман», «Томонлар қўйидагиларга келишдилар» ва б.).

Расмий услубда шахсий баҳо, шахсий муносабат ифодаланмайди. Ҳукумат қарорлари ва буйруқлари, шартнома, суд ҳукми, ажрими, айрим шахсларга берилган тавсия ва тавсифномалар, битимларда маълум бир ҳолат ёки шахснинг аҳволи холисона маълум бир қолипдаги штампдаги жумла, ибора ва сўзлар орқали ифодаланади. Шунинг учун расмий услубда кириш сўзлар, экспрессив ва эмоционал маънога эга бўлган бадиий воситалар, шева ва жаргонлар қўлланмайди. Фикр мантиқий жиҳатдан изчил, ўзига хос атамаларни қўллаган ҳолда ифодаланади, жумлалар қисқа ва аниқ бўлади. Ҳужжатларнинг қисмлари белгиланган тартибда жой олади (масалан, ариза ёзишда кимга кимдан эканлиги кўрсатилиб, кейин ариза ёзилади ва охирида имзо чекиб, сана қўйилади).

Расмий ҳужжатлардан намуналар:

Ўзбекистон Республикасининг Конституциясидан:

VII боб. 26-модда. *Шахсий ҳуқуқ ва эркинликлар*. Жинопят содир этганликда айбланаётган ҳар бир шахснинг иши судда қонуний тартибда ошкора кўриб чиқилиб, унинг айби аниқланмагунча у айбдор ҳисобланмайди... Ҳеч ким қийиноққа солиниши... ёки инсон қадр-қимматини камситувчи бошқа тарздаги тазииққа дучор этилиши мумкин эмас.

Ўзбекистон Республикасининг Конуни. Давлат тили ҳақида (янги таҳрирда)

2-модда. Ўзбек тилига давлат тили мақомининг берилishi республика ҳудудида яшовчи миллат ва элатларнинг ўз она тилини қўллашдан иборат конституциявий ҳуқуқларига монелик қилмайди.

Расмий усулда шахс олмошлари қўлланмайди. Аниқ шахслар вазифасига кўра ифодаланади (*гувоҳ, давъогар, ижараға қўювчи, ижрочи каби*). Феълнинг иш оти шакли, мажхул нисбати ва буйруқ феълнинг III шахси қўлланади (*чора кўриш, ижро қилиш, берилсин, тайинланисин*), сифатдош ёки равишдош бошқарган мураккаб таркибли ажратилган бўлаклар ва эргаш гаплар кўпроқ қўлланади.

Масалан: Ўзбекистон халқи:

Инсон ҳуқуқларига ва давлат сувренитети ғояларига содиқлигини тантанали равишда эълон қилиб,

ҳозирги ва келажак авлодлар олдидаги юксак масъулиятини англаған ҳолда...

ўзининг муҳтор вакиллари сиймосида Ўзбекистон Республикасининг мазкур Конституциясини қабул қиласи.

Хатлар (шахсий ёки жамоага қарашли) ҳам расмий услубнинг бир туридир. Хатлар интим (махфий, дилкаш) бўлиши, бирор нарсани сўраши ёки хабар бериши мумкин, ёхуд жамоанинг мурожаати, ёхуд жамоага мурожаат бўлиши мумкин.

Илмий услуг

Илмий услуг фан ва техниканинг турли соҳаларига оид бўлиб, унда ҳар бир соҳанинг ўзига хос атамалари, формула, теорема ва аксиомалари, қонун-қоидалари холи-сона аниқ жумлаларда ифодаланади. Илмий матн маълум ҳодиса, қонуниятнинг изоҳи ва далилнинг исботидан иборат бўлади. Бунда муаллиф рамзий белгилардан, расм ва чизмалардан фойдаланиши мумкин.

Илмий услубда монография, илмий мақолалар ёзилади, илмий маърузалар ўқиласди. Булар — соф илмий услуг бўлади.

Илмий услуг яна илмий-оммабоп ва ўқув-илмий услуг турларига бўлинниши мумкин. Илмий-оммабоп услуг турида фан ва техникага оид мураккаб тушунчалар оммага тушунарли тилда ёзилади. Омма тушунадиган атамалар, содда жумлалар қўлланади, бадний-тасвирий восьиталардан ҳам фойдаланилади¹.

Одатда, машҳур олимлар мураккаб илмий фикрларни содда, оммабоп шаклда бернишга интиладилар. Эйнштейн: «Мен тушунччанинг ҳиссий идрокдан мантиқан мустақил эканлигини тан олмайман», леб ёзади.

Ҳақиқатан ҳам ўхшатиш ва метафора бадний услугга хизмат қиласди (муз тили, вулқон ўчоги, қора денгиз, қора ўтов, қўш бозори, сомон йўли ва б.) ва маълум эмоция ўйғотади.

Ўқув-илмий услуг

Бунга дарслик, дастур, қўлланма, рисола, бюллетень, тезис, конспект — аннотация, тақриз, рефератлар кириб, ҳар бирининг ўзига хос изоҳлаш услуги ва ҳажми, айрим лексик ва синтактик хусусиятлари бўлади.

Илмий услубда фразеологик бирликлар ва атамалар қўлланмаса-да, баъзи турғун илмий иборалардан фан-техникага хос фразеологик бирликлар шаклланиши мумкин: *ижтимоий-иқтисодий формация, фонетик ҳодиса ва қону-*

¹ Қаранг: Мукаррамов М. Ҳозирги ўзбек адабий тилининг илмий стили. «Фан», Т., 1984.

*ниятлар, әргаш гапли қўшима гаплар. Маълум бўладики, ху-
лоса қилиб айтиш мумкинки, шундай қилиб, биринчидан,
иккинчидан ва б.*

Илмий услуб, илмий-оммабоп ва ўқув-илмий қисм-
ларга бўлинини билан бирга, улардаги сўзлар ва атама-
лар аниқ бир маънода бўлади. Шу билан бирга соф ил-
мий асарлар ҳам бўладики, уларнинг мазмунини мута-
хассис олимгина тушунади:

«Синтагматикада мўътадиллашув ҳодисасининг ўргани-
лиши тил системасидаги икки лисоний моҳиятнинг нутқ
жараёнида бир хил тазоҳирланишини, бир хил тазоҳирла-
наётган лисоний ҳодисасининг қайси зотнинг (инвариантнинг)
вакили эканлигини очишда муҳим аҳамиятга эга». (Д. А. Нур-
монованинг «Ўзбек тилида парадигма аъзолари ўртаси-
даги зидланишларнинг мўътадиллашуви» номли номзод-
лик диссертацияси автореферати, Т., 1998, 20-бет).

Аммо буюк математик Эйнштейн фаолияти ҳақидаги
эсдаликлардаги: «Ҳажв, ҳазил, асқия — Эйнштейн қўли-
да илмий тушунтиришга хизмат қилади» деган мулоҳаза-
ни эсдан чиқармаслик керак (Р. Бекжонов. Альберт Эйн-
штейн. «Фан», 1966).

Нотиқлик услуби

Нотиқлик услуби — диний ва ҳаётий мавзудаги ваъз-
хонлика, суд, прокуратура ва адвокатура ишларида, тур-
ли ижтимоий-ҳаётий фаолиятда (кутловлар, дипломатик
ёзишмаларда, қадаҳ кўтаришда ва хотира маросимлари-
да) қўлланадиган кўтаринки руҳдаги ўзига хос гап ти-
зимларидан иборат бўлади.

Айбланувчининг ўзини оқлашга қаратган сўзида но-
тиқлик услубига оид гаплар бўлади.

Ижтимоий-сиёсий мавзудаги маърузалар, тантанали
мажлис ва йиғинларда айтиладиган (ёзиладиган) нутқ-
лар ҳам кўтаринки руҳда бўлиши мумкин. Нотиқлик ус-
лубининг асосий мақсади — тингловчиларга таъсир этиш
ва уларни қўзғатишdir.

Нотиқлик нутқи кўпинча бошқа нутқ услублари — ба-
дий, илмий услублар таркибида ҳам қўлланади (расмий
услубнинг баъзи шаклларида — ариза, шикоят, маълу-

мотномада ҳам ишлатилиши мумкин). Нотиқлик нутқининг кўрсатиб ўтилгандек соҳаларда ишлатилиши ёзма услубининг бу турини алоҳида гуруҳга ажратишни талаб этади.

Нутқининг таъсиричан ва эмоционаллигини таъминловчи ўзига хос фонетик, грамматик ва лексик воситалари бўлади.

Нотиқлик нутқида одатда долзарб, тез орада ёчилиши зарур масалалар қўйилади ёки амалий ишлар учун кўргазма бўлади (ишиорларда). Йифин, намойишлар (митинглар), ташвиқ қилувчи жўшқин нутқлар тингловчиларни маълум бир ишларга сафарбар қиласди.

Нотиқлик — сўзга чечанлик, асосан оғзаки нутққа, тил материалларидан қанчалик усталик билан фойдаланиб, тингловчиларга таъсири этиш санъати билан боғлиқ масаладир; нотиқлик услубини яратувчи ўзига хос тил воситалари бўлади.

Нотиқлик нутқининг асоси ўз фикр, мақсадига ишонтириш, маълум масала бўйича мунозарага чорлаш, маълум шахс ёки идора ишини мақташдан иборат бўлади. Бундай нутқлар, албатта, маълум муҳим, қизиқ, ишонарли далиллар билан асосланади. Шунинг учун жўшқин, жозибали нотиқлик нутқи кўтариинки руҳ (пафос) билан айтилади. Бунинг учун нотиқ кўтариинки руҳдаги дабдабали сўз, сўз бирикмалари ва гаплардан, оҳанг ва паузадан, экстра-лингвистик воситалардан (мимика, техника воситалари), тасдиқ ифодаловчи риторик (нотиқлик) сўроқ ва ундов гаплардан фойдаланади, сўз ва мантиқий ургуни ўз ўрнида ишлатади.

Албатта, ҳар қандай нотиқлик услубида тузилган гап оригинал бўлиши, аниқ далилларга (фактларга) асосланниши, эшитувчи ёки ўқувчига ишонарли бўлиши керак. Бу ўринда кўтариilmоқчи бўлган масаладаги (воқеа, ҳодиса, фаолиятдаги) муҳим, ҳаммани қизиқтирадиган далиллар (фактлар)ни тўғри топиш, уларни ўз ўрнида ифодалаб бериш масаланинг ҳал бўлишига, эшитувчининг (ўқувчининг) онгига таъсири этишига сабаб бўлади. Нотиқлик нутқи асосий бир масалани ҳал қилишга қаратилади, шунинг учун нотиқлик услубида фикрлар орасида узвий боғланиш бўлиб, кейингиси олдинги фикрни ис-

ботлаб, мустаҳкамлаб туриши шарт. Даиллар холис изоҳланиши, нутқ эса жўзиҳин, таъсири, ҳаяжонли бўлиши керак: сўз ва гаплар аниқ (тушунарли) ифодаланиши, кўтаринки оҳанг бўлиши, ўз ўрнида пауза берилиши шарт. Нотиқлик услубида ўринли синонимлар, муболага, гипербола, градациялар, эпитет, метафора, мақол, фразеологик бирликлар ва идиомалардан тўғри ва ўз ўрнида фойдаланиш, гапларнинг бир-бирига мутаносиблиги ва оҳангнинг ўз ўрнида қўйилиши ҳақиқий нотиқлик нутқининг шаклланишига асос бўлади.

Нотиқлик услубида тингловчилар билан яқин алоқа нотиқнинг асосий мақсадини осон амалга оширишига ёрдам беради.

Ўзбекистоннинг машҳур давлат арбоблари Й. Охунбоев, У. Юсупов маъруза қилишдан олдин залда ўтирган тингловчилар билан ҳазил-мутойиба, аския қилишиб, сўнгра маърузага ўтар эдилар. Маъруза орасида қизиқ воқеа, ҳодисаларга тўхталиб, жамоанинг лиққатини ўзларига жалб қилиб олардилар.

Нотиқ кўтарилаётган масалани ва унинг ечилишини чуқур билиши, тажрибали, дадил, ҳозиржавоб бўлиши керак. Бўлмаса «нотиқ» ўзини тингловчилар олдида кулгили аҳволга солиб қўяди.

Ўзбек тилида нотиқлик услуби қадимги ёзма ёдгорликлардан тортиб, бугунги ёзувчи ва шоирларнинг ижодида ўз ўрнини топган.

Масалан: ... ўз ўғлига ёмонлик соғинарми, бу тўғрида жавоб берсангизчи? (А. Қодирий). Давлатлари ёри берса, ҳукуматимиз учун қўрқинчли бузуқлар уясини топгандекман! (А. Қодирий). Баҳтсизлик бундан-да ортиқ бўлармичкан! (Фитрат). Ризо Тавфиқбекни танимайдиган қайси турк қавми бор? (Чўлпон). Буниси энди уят! ... бу менга тамоман түхмат! (Фитрат) Оҳ, золим ҳукумат ва миссионерлар бизга налар қилдилар! (Беҳбудий).

Баъзи илмий адабиётларда алоҳида услуб тури сифатида дилкаш-мушфиқ, ҳазил ва ҳажвий услуг турларини ҳам ажратадилар. Дилкаш-мушфиқ (мулойим, меҳрибон), ҳазил ва ҳажвий услублар алоҳида гурӯҳни ташкил этмайди. Улар мазмунига кўра бадиий ёки нотиқлик услуби таркибиға киради.

Албатта, бу кичик гуруҳларни шакллантирувчи ўзига хос воситалар бўлади: дилкаш-мушғиқ услугуб турида сўйиш, меҳр, эркалаш, навозишини ифодаловчи лексик воситалар, грамматик белгилар ва ўзига хос оҳанг бўлади. Ҳазил услубида сўзларни кулгу қўзғатувчи маънода қўллаш, арзимаган нарсани муболага билан айтиш, сўз ўйинни (аския), метафора, ўхшатиш каби воситалар қўлланади. Ҳажвда эса мазах маъносидаги сўзлар ва қўшимчалар ишлатилади.

Нотиқлик услуби нутқ маданиятининг таркибий қисмларидан бўлса ҳам, бу икки тил услуби орасида айрим фарқлар ҳам бўлали. Нутқ маданияти кенг тушунча бўлиб, орфоэпик, лексик, грамматик қоидалар асосида сўзлаш ва имло қоидалари асосида саводли сўзлаш, ёзиши ўз ичига олади.

2-§ ЁЗМА НУТҚ УСЛУБИНИ ЯРАТУВЧИ ВОСИТАЛАР

Ҳар бир услугуб тури бирор лисоний ёки экстралингвистик воситалар ёрдамида шаклланади.

Ёзма нутқ услублари тилнинг лексик (сўз маъносининг кўчиши, неологизм, полисемия, синонимлар, архаик ва тарихий сўзлар ва б.), морфологик ва синтактик воситалари (айрим морфемалар, гап турлари ва б), синонимия, фонетик ва экстралингвистик воситалари орқали ифодаланади.

Албатта, ҳар қандай лексик ва грамматик категория ва фонетик ҳодисада ҳам асосий маънодан ташқари эмоционал (модал) маъно ҳам бўлиши мумкин. Модал маъно экстралингвистик воситалар асосида рўй бериши ҳам мумкин. Тилнинг бой имкониятлари орқали бўлишсиз шакл бўлишиликни («бормай қўймайман»), шарт феъли истакни, буйруқ, илтимосни, кўплик бирликни («дадамлар келдилар») ва б. ифодалаши мумкин.

Баъзи сўзларнинг лексик маъносининг ўзидан услубий (модал) мазмун англашилиб туради: *жирканди, ғудуллади, ғинишиди, калла* ва б.

Албатта, сўзниң эмоционал маъноси учинг асосий маъносидан келиб чиқади, шу асосий маънога асосланади.

Бу жиҳатдан услубий бетараф сўзлар (масалан: қалам, сув, нон ва б.) маълум ўринларда модал муносабатлар (услубий бўёқ олиши)ни ифодалаши мумкин. Масалан: нонимизни еб юрибмиз, суви қочган нон, қалами ўткир каби.

Албатта, услубий бетараф сўзларнинг услубий маъно олиши аввало мазмунга ва эксталингвистик омилларга боғлиқдир. Эксталингвистик омилларга ижтимоий-тарихий вазият, бошқа тилларнинг мантиқан таъсири каби ҳодисалар киради. Бошқа тилларнинг таъсири тил соҳасида бевосита бўлиши ёки бу таъсир она тилининг ички имкониятларини кенгайтириши ёхуд янги синонимик қаторларни келтириб чиқариши мумкин. Шу таъсир маълум бир давр, ижтимоий-сиёсий шароит билан боғланган. Баъзан чет тил таъсири билан юзага келган синонимлардан бири кам қўлланади ёки қўшимча услубий маъноларни ифодалаш учун ишлатила бошлайди. Масалан: тушкунлик — таназзул, туташ — пайваста, тұсатдан — иттифоқо каби.

Ҳар бир нутқ услуби ўзига хос воситалар (масалан, илмий услубда атама ва формулаларнинг, расмий услубда маҳсус қолипли (штампли) ибораларнинг қўлланиши каби)га эга. Бадиий услубнинг ички жанрлари — наср, назм, драма, ҳикоя, фантастика, фельетон каби турлари бўлиб, бу турларнинг ҳар бири ўзига хос услубий воситаларга эга бўлади. Баъзи бир услубий воситалар бир қанча услублар учун умумий бўлиши ҳам мумкин.

Бир услугга оид бўлган воситалар (масалан, атамалар, касб-хунарга оид сўзлар, шева ва эскирган сўзлар ва б.) бошқа бир услубда ҳам қўлланганда, қўшимча факультатив маънога эга бўлади, янги бир услубий воситага айланади.

Бадиий услугга хос бўлган воситалар (эпитет, истиора, муболаға, ўҳшатиш, метафора ва б.) оммабоп услубда ҳам, нотиқлик услубида ҳам қўлланиши мумкин. Шунингдек, айрим услубий воситалар (шева ва касб-хунарга оид сўзлар, жаргонлар) маълум маънода бадиий услубда, атамалар илмий услубда қўлланади. Аммо бошқа услугга хос воситалар бадиий услубда бадиий воситалардан бирига айланади. Масалан: тұлқин, пахта, кўз, сўз каби атамалар оммавий ва бадиий услубда бошқача маъ-

но касб этади: юрак түлкүнлари, ўлимнинг юзига тик қараши, кўзидан танидим, сўзидан илинди ва б.

Ҳар бир нутқ услубини шакллантирувчи воситалар замонлар ўтиши билан ўзгариши, янги маънолар касб этиши, янги воситалар пайдо бўлиши мумкин.

Масалан: оммавий услубда кейинги йилларда *ташвиқ ва тарғиб, ёқилғи ва ёнилғи, фразеологик бирлик* каби сүз ва сүз бирикмалари рус тилидаги айни сүзларни калька қилиш билан она тили асосида (базасида) пайдо бўлди.

Бошқа тиллар билан аралашиб услуг боситаларини бойитади ёки она тилида мавжуд бўлган боситаларни фаллаштиради. Тиллар аралашиши натижасида бошқа тилларга хос бўлган бирималар ҳам қабул қилиниши ва улар услугий маънода қўлланиши мумкин.

Услубий восита сифатида тилнинг ҳамма соҳалари — фонетикаси, лексикаси, грамматикаси, фразеологияси, шунингдек, экстралингвистик воситалар кенг қўлланади.

Услубий воситалар ҳам ҳар қандай ижтимоий ҳодиса каби шаклланади, ривожланади, мукаммаллашади, ўзгарди, эскиради.

а) Лексик воситалар

Тилнинг турли лексик қатламлари маълум бир услуг турини яратишда хизмат қиласди. Эмоционал ва экспрессив маъноли сўзлар, синонимлар, омонимлар, антонимлар, метафора, метонимия, сўзнинг кўчган маънолари, атамалар, касб-хунар лексикаси, шева, жаргонлар, маҳкама лексикаси ва бошقا тил категориялари услубий восита бўлиб хизмат қиласди.

Лексик воситаларнинг айримлари шу даражада таба-
қаланадики, натижада аёллар ва эркаклар нутқига оид
айрим сўз ва иборалар шаклланади:

Масалан, аёллар тилида: *Вой ўлай! Ҳай, жувонмарг!*
Ўлсин! Гўрга! Ер ютсин, қуриб кетгур! ... *Қайси гўрдан олдинг?* (А. Қодирий. «Мехробдан чаён»).

Сўзниг семантикаси

Ҳар бир сўзнинг ўз ўрни, маълум услубни яратишда хизмати бўлади.

Бадий ва нотиқлик услуби учун кўпроқ ишлатиладиган сўзлар: *қадим, азият, узор, изтироб, ситам; доғули, мўлтони, маккор; ҳажр, ҳижрон, фироқ* ва б.

Баъзи сўзлар ўз маъноси билан услубий маъно ифодалайди: *ҳеббим, кал, кўр, калла, хотин, бола* (*бачча маъносидаги, сатанг қизлар* (Ойбек).

Неологизм

Ижтимоий ҳаётдаги ўзгаришлар, фан ва техника янгиликлари туфайли янги сўз ва иборалар келиб чиқади. Бу янги сўз ва иборалар биринчи навбатда фанда, оммабоп адабиётда ва матбуотда қўлланади. Янги сўз ва иборалар, аввало, изоҳи билан ёки шу сўзга маънодош бошрақа сўз билан тушунтириб берилади.

Шуни унутмаслик керакки, ҳар бир неологизм қўшимча эмоционал маъно ифодалагандагина ёзма нутқ услубининг обьекти бўлиши мумкин.

Неологик сўз ва ибораларнинг пайдо бўлишида олимлар, таржимонлар ва ёзувчиларнинг роли катта бўлади. Масалан: *Ўзлигинг намоён қил. (Ҳамза) Шу она ҳурмати, оёқлан!* (Уйғун)

Полисемия

Сўзнинг кўп (кўчма) маъноли бўлиши ҳам турли нутқ услубларини келтириб чиқаради, шу асосда сўз ўйини, қочирма ва асқия келиб чиқади. Масалан, *тулки одам, сиз—тошюраксиз. Бу киши—Самадовнинг думи.*

Асқия: қўқонлик машҳур асқиячилар Расул қори (кўзлари кўрмас эди) ва Омилхон тоға (сочи йўқ—кал эди) курортга дам олгани кетяпти. Поезд Қовунчига келгач:

— Қори ака, туринг, *Кўр отга* (курортга) келиб қолдик!

Қори шошиб ўрнидан туриб, вагон деразасига кўрадигандай тикилиб қараб:

— Омилхон, ҳали *Шўртепадамиз-ку!*

Омилхон тоға қорининг кўрлигига, қори эса унинг каллигига (Шўртепа деган қишлоқ ҳам бор) ишора қиласиди.

Полисемия сўзлари кўчма маънода илмий услубда ҳам қўлланиши мумкин: *оқим, мактаб (илмий оқим, Сирожиддинов мактаби)* каби.

Синоним. Синонимлар нутқ услубини яратувчи асосий воситалардан биридир. Синонимлар орасидаги нозик маъно фарқлари ўзига хос экспрессив мазмунни келтириб чиқаради. Синонимлар турли услубларда қўлланади. Масалан: мутлақ сўзи расмий (китобий) услубда, *иққиқат, иштон* — оғзаки сўзлашувда, *рафиқа, лозим* — ёзма нутқ услубида.

Синонимлар бир жумладан такрорланса, у ифодалаган тушунчага диққат жалб этилади, маъно қабартирилади ёки тушунчанинг янги қирраси очилади: *орзулар, ҳаваслар, умидлар* билан қанот қоқиб турган кўнгиллари (М. Исмоилий)

Эрур бас чу ҳусни малоҳат сенга,
Ясанмоқ, безанмоқ не ҳожати сенга.

(Алишер Навоий)

Бошқа тилдан олинган сўз билан она тилидаги сўз синоним бўлиши мумкин: *Этли — этдор, гўштли — гўштдор, бурунли — бурундор, бепул — пулсиз* каби.

Бундай синонимлар орасида нозик фарқлар бўлиб, бухил сўз — иборалар бадиий ва нотиқлик услубида қўлланади.

Маълум бир жумлада контекст ва мазмун талаби билан синонимнинг мақбул бўлган маъноси танлаб олинади.

Тарихийлик (историзм). Маълум даврда қўлланган сўз ва иборалар ўша даврни ёки асар қаҳрамонини тавсифловчи услуб воситаларидан бирига айланади: *қози, мираншаб, мингбоши, тўра, қўлтиқтумор* каби.

Архаизм истеъмолдан чиққан сўзлар (архаизм) маълум даврларда бошқа сўзлар билан алмашади: *ашуқ (-тўпниқ), дубулга, ақы (-сахиј, тоза), акур (-отхона)* (М. Кошварий, Индекс, 30—31-бетлар).

Архаик сўзлар тарихий тушунчаларни ифодалаш учун, шеъриятда ва нотиқлик услубида қўлланади: *ажрини (мукофот, эваз) олган эди. ...нуфуси (аҳолиси)* жуда ҳам

кўп. ... юз қат истиғфор (*тавба*) қилиб унумади. ... тога-
сининг гумаштаси (*ёрдамчиси*) ҳам бўла олмаган. (А. Қоди-
рий. Кичик асарлар)

Кимда дониш бўлса, олам мисли зиндоидир анга,

Ҳар нафасда минг ғаму андуҳ меҳмондир анга.

(Ҳамза. Тацланган асарлар)

Бу ерда дониш — илм, андуҳ — қайғу, алам маъносида
келади.

Метафора (истиора, мажоз). Маълум бир сўз ёки ибо-
раларнинг ўхшашлиги асосида кўчма маънода қўллани-
ши тахаллус ҳамда лақаблар (*Навоий*, *Бобур*, *Темирбой*,
Ўроқбой, *Пўлат*, *Чиноқ*, *Элбек*, *Улуғбек*)ни келтириб чи-
қаради. Бунда жой, табиат ҳодисалари, ҳайвонлар, ўсим-
лик, минераллар ва бошқалардаги сифат шахс ёки ай-
рим тушунчаларга кўчирилади.

Киши исмлари салбий ва ижобий маънода бўлиши
мумкин:

Ижобий маънода: *Арслон*, *Кумуш*, *Темур*, *Асал*, *Шакар*,
Улуғбек, *Қаҳрамон* ва б.

Салбий хулқли инсонларга салбий лақаб (тахаллус)-
лар берилиб, булар ҳатто исмга айланади: *Чўлоқ*, *Кал*,
Қийшиқ, *Чиноқ* исмлари. Бундай тасниф этиш жуда ҳам
шартли бўлиб, «исми жисмига мос келмаслиги мумкин»
(исми Асал бўлиб, тили қалампирлек аччиқ бўлгандек).
Иккинчидан, бир тилда ижобий ҳисобланган исм иккинчи
тилда салбий маънога эга бўлиши мумкин. Масалан: *по-
росёнок* — ҷўчқа боласи рус тилида ижобий, ўзбек тилида
салбий маънога эга. Ўзбек тилида *ит* сўзи умуман салбий
маънода қўлланади. Аммо Фурқат бу сўзни ўзига (шахс-
га) нисбатан ишлатган:

Адашган ит каби Фурқат қаён боргум билолмасман.

Исларга берилган белги ва лақаблар сўзловчининг
шу шахсга бўлган муносабатини ифодалаб, услубий маъ-
но касб этади: *Эй арава*, *чеккага чиқ!* Ҳой ит, нима дей-
сан? *Арслоним*, *Баҳодирим*, *келдингми?*

Кўчма маънода (метафора), асосан, от, сифат, феъл-
лар қўлланади. Ҳайвонларнинг ажralиб турган бирор хис-
лати (айёрлик, йиртқиличик, куч, қўрқоқлик) шахс но-
мига кўчирилади. Ёки айрим нисбий сифатлар асл си-
фатга ўтади (*темир хотин*, *ёғоч кўпrik*, *олтин соат*),

жонсиз предмет ва ҳодисалар жонлантирилади (бўрон бўкирди, шамол хуружсга кирди, ўрмон шивирлади).

Эпитет. Маълум шахс, предмет ва воқеа-ҳодисаларнинг таърифи, тавсифи ҳам маълум услубни шакллантирувчи экспрессив восита ҳисобланади. Таъриф учун одатда сифатлар ишлатилади ва қўчма эмоционал маъно ифодалайди. Масалан: *эгри иш, кумуш қиши, зумрад баҳор*.

Асл сифатлар ва ўхшатишлар, одатда, бадий услубда ва расмий иш юритиш услубида ҳам қўлланади (*Манфаатдор томонлар, Олий Ҳазратлари каби*).

Касб-хунар ёки бирор ижтимоий гуруҳга оид сўзлар. Касб-хунар лексикаси ҳам контекстда айрим ўринларда маълум бир услубни яратувчи воситага айланади. Масалан: идишларга парлоз бериш учун: рафча (тож. тахта токча); *тароп* — идишни қуритиш учун қўлланиладиган жой; *гунда* — қолип — пиширилган лойдан ишланган қолип; *качкарт* — (тож.каж — эгри, кард — пичоқ) — эгри пичоқ; *дўлтининг жияги* қаби.

Ижтимоий гуруҳга оид: *лой* — пул, *якан* — пул, даҳ — яхши (отарчилар тили), *харид* — ўғрилик обьекти, *легавий* — милиция (ўғрилар тили).

Атамалар. Атамалар асосан илмий ва расмий иш услубида қўлланади. Бадий адабиётда бирор асар қаҳрамонини тавсифлаш учун ишлатилиши мумкин.

Атамаларнинг қўлланиши шу соҳадаги ўзига хос тушунчаларни англашга ёрдам беради. Оддий истеъмолдаги сўзлар экспрессив (модал) маъно ифодалаб, услугбий воситага айланиси мумкин. Масалан: оқловчи, қораловчи, тинтуб — хукукий атама сифатида илмий услубда қўлланади.

Ўхшатиш, муболага, кичрайтириш.

Маълум нарса ва ҳодисаларнинг бирор хусусияти бошқа нарса ва ҳодисаларга кўчирилади: *тулки одам, шерюрак ва б.*

Ўхшатиш тенг тушунчалар орасида бўлади. Мувознатнинг бузилиши ҳолати ҳам учрайди: ... *Кўканчам, буқа каби семирибди — беш пуд кам.* (F. Гулом).

Ўхшатиш бевосита сўз, қўшимча, ёрдамчи сўз, гап, шаклида бўлиши мумкин.

Муболага — маълум ҳодиса, воқеа, предметни орттириб кўрсатиш бўлади: *Қўзларидан ёшлар сел бўлиб оқди.*

Кичрайтириш — бунинг акси бўлиб, улкан, буюк нарса, ҳодисалар кичрайтиб айтилади: *Бечора тирноққа зор. Мен мискин, нима ҳам қилардим. Каминага мурожсаат қилганингиздан беҳад хурсандман.*

Метонимия. Тушунчалар орасидаги мазмун яқинлиги туфайли маъни қўчирилиб, маълум сўз бутун таркибидағи қисмни ифодалайди: *Пушкинни ўқиди. Навоийни мутолаа қилди. Бир пиёла чойга марҳамат!*

Айрим метонимия қисм билан боғлиқ бутунни ифодалайди: *Қалами ўткир ташқидчи. Бу гандан бутун қишлоқ ларзага келди. Раис мажлиснинг фикрини қувватлади.*

Синекдоха. Бир бутун нарса унинг қисми билан аталади ёки қисм номи билан бутун нарсани ифодалайди: *Кўр, калла* (киши маъносида). Эшикка (Фаргона шевасида ўйлегани) кирайлик. Синекдохада бир шахс, киши орқали кўпчилик тушунилиши мумкин: *Деҳқон бўлсанг куз ҳайдада, куз ҳайдамасанг юз ҳайдада.*

Антитеза. Маълум тушунча ва нарса, предметларнинг қарзма-қаршилиги антоним сўзлар ёки бир-бирига зил мазмунли сўз бирикмалари орқали модал маънолар ифодаланади. Масалан: *Оқу қоранинг фарқига бориш керак.-Чиранма гоз — ҳунаринг оз.*

Расмий ҳужжат ва маҳкамага оид сўзлар. Расмий нутқ услубини шакллантирувчи воситалар бир қолипдаги (стандарт) сўз ва иборалардан иборат бўлали: буйруқ, фармон, маълумотнома, тавсифномаларда қўлланган маҳсус сўз, иборалар: *эшитилди, маъқуллансин, буюраман, маълум қиламанки, тавсия этаман в.б.*

Одобсиз сўзлар (вульгаризм). Вульгаризм — одобсиз, дағал сўзлар ва иборалар бўлиб, улар бадиий нутқ услубида айрим шахс, предмет ва ҳодисаларни тавсифлаш учун қўлланади: *газанда, иштон, лунги, чиноқ, кар* в.б.

Шевачилик (диалектизм). Ўзбек тилининг ҳар бир шеваси, лаҗжаси ўзига хос лексик, грамматик хусусиятларга эга. Ана шу шева хусусиятларидан услубий восита сифатида айрим ёзувчilar усталик билан фойдаланадилар.

Масалан: ...бокс юқорига чиқвотти. Жўра, дўппининг жа-а антиқасини топгансан-да... Ҳукумат ҳам зап матолалар чиқаради-да! Катта кетвординг, ошнам. Кўп жаврама, опчиқ (Отахонов, «Дунё кенг»). Ёшули, санинг қизинг

бунда гатирилмаган. Ова, ёшули. Сан, манглайи қора бад-кирдор... (Мирмуҳсин).

Такрор, жуфт ва чет сўзлар. Маълум сўзнинг такрорланиши ҳам эмоционал маънога эга бўлиб, фикрни маълум бир нуқтага тўплаш ва таъсирни кучайтириш учун қўлланади. Бу ўринда такрорланган сўзлар билан синонимларни фарқлаш керак: синонимлар умумий маъно билан боғлиқ бўлган айрим маъно нозикликларини (оттенкаларини) ифодаласа, такрорда эса айни бир маъноли сўз такрорланади. Бунда такрорланган сўз айнан бўлиши ёки шева ёхуд бошқа тилдан олинган сўз бўлади.

Масалан: кўрувчи ва басир, саноч ва меш, дўнгалак ва доира, жичча ва озгина, бирлама ва ягона каби.

Айни бир сўзнинг икки жумлада такрорланиши услубий хато бўлади: Масалан: *изоҳли ва таржима лугатлари тузилди, синоним лугатлар тузилди.*

Аммо мумтоз шоирлар бир сўзни икки марта такрорлаш билан ҳам экспрессив маънолар ифодалаганлар, такрорни нутқ услубининг бир воситасига айлантирганлар:

Сен, сен жигарим, ҳоҳи инон, ҳоҳи инонма.

(Саккокий)

*Эй сўз....
Айтиб совумас тарона сен-сен,
Олиб кўримас ҳазона сен-сен.*

(Навоий)

Жуфт сўзлар. Жуфт сўзлар ҳам маълум бир услубни яратишда хизмат қиласди. Масалан: *қозон-товоқ* дейилганда фақат қозон билан товоқ тушунилмасдан, бу нарсалар билан боғлиқ бўлган бошқа нарсалар ҳам тушунилади. Шунингдек, *чой-пой* (иҷди), *бош-оёқ* (*сарпо*), *ичак-чавоқ* (-ини чиқариб юборди).

Бундан ташқари, бадий ва нотиқлик услубини яратишда *аллегория* (киноя, қочириқ, кесатиш), *символ* (рамзий ифода), *ирония* (кесатиш), *сарказм* (захархандалик, истеҳзо, пичинг), *жонлантириш* (жонсиз нарса, ҳодисаларни жонли сифатда тасвирилаш) маълум мақсад билан чет сўзларни қўллаш каби услубий воситалар ҳам қўлланади:

Аллегория: Сичқон сиғмас инига, ғалвир боғлар думига.
(Матал)

Символ: Қора түнлар бошига тушди (түн — ғам, ҳасрат).

Ирония: Ухху: сиз ҳам фазогир бўлиб кетибсиз-да.

— Бизнинг қишлоқда шундай катта дўл ёғдики, ҳар бири калламдай;

— Э ..., дўл эмас, ошқовоқ ёғибди-да!

Сарказм: Навоий. Ҳафа бўлма, Гулим, замон янгишилар билан тўла. Итнинг боши мис табоқда, ариқлар бузилади, гулистонлар чўл бўлади. (И. Султон, Уйғун. «Алишер Навоий»).

Жонлантириш: Бўрон гупурди. Ой кулиб боқди.

6) Морфологик воситалар

Ҳар бир морфологик категория — сўз туркумлари, аффикслар ўзининг асл грамматик, лексик маъносидан ташқари қўшимча модал (услубий) маъноларни ифодалashi ҳам мумкин.

Морфологик категориялар мазмуни билан маълум бир контекстда ва оҳанг ёрдами билан нутқ услубининг бирор турини (кўпинча, бадиний, оммабоп, нотиқлиқ) яратишда хизмат қиласди. Отнинг субъектив баҳо билдирувчи аффикслари, кўплик, эгалик каби категориялари, феълнинг деярли ҳамма категориялари услубий мақсадда қўлланниши мумкин. Феъллар ва бошқа сўз туркумлари ўз маъноси билан ёки маълум бир контекстда кўчма маънода қўлланishi билан услубий маъно ифодалashi мумкин: *жилмаймоқ, иржаймоқ, тиржаймоқ, мийигида кулмоқ, кулимсирамоқ, кулмоқ, қаҳ-қаҳа урмоқ* каби.

Баъзан бир маънони англатувчи ўзбекча ва тоҷикча аффикслар параллел (мувозий) қўлланади. Бунда ҳар иккала тилга оид сўз ўзига хос услубий маъно ифодалайди: *бепарво — парвосиз, бадбахт — баҳтсиз, бадхаёл — ёмон хаёлли, бепул — пулсиз*.

Модал сўзлар, айрим боғловчилар (*ва, ҳамда, аммо, лекин, ёхуд, ёйинки*), кўмакчилар (*туфайли, сифатида, воситасида*), юкламалар, ундовлар (тасвирий ва образли сўзлар) маълум контекстда, экспрессив маъно ифодалаб, бирор нутқ услубини шакллантиради.

в) Синтактик воситалар

Маълумки, синтаксис — фикрнинг, маълум бир мақсаднинг тилда гап орқали ифодаланишини ўргатувчи грамматик қисмидир.

Синтактик қурилмалар (конструкциялар) орқали маълум бир мазмун намоён бўлади. Содда, мураккаб ва қўшма гаплар орқали, период (қўшма гапларнинг мураккаб шакли) ва уларни ташкил этган гап бўлаклари ҳамда уларнинг жойланиши (инверсия), шунингдек, диалог, монолог, полилоглар орқали бирор нарса, воқеа, ҳодисалар ҳақида хабар беригина қолмай, шу хабарга сўзловчининг модал (услубий) муносабати ҳам ифодаланади.

Шу билан бирга, айрим синтактик қурилмаларда, субъектив модал муносабатлар (услуб) биринчи ўринда туради ёки асосий мақсал бўлиб қолади. Бу синтактик қурилмаларга фразеологик бирликлар, идиомалар, эвфемизмлар, бирор бадиий йўл орқали ифодаланган таг маъно, ундалма, кириш сўз ва гаплар киради.

Мазкур синтактик қурилмаларнинг мазмуни ва услубий хусусиятлари илмий адабиётда анча мукаммал ёритилгани учун, уларнинг айримларигагина тўхталиб ўтамиш.

Ундалмалар, инфинитив гаплар, номинатив ва сўзгаплар, эмоционал гаплар, тўлиқсиз гапнинг баъзи турлари, синтактик синонимия, кўчирма ва ўзлаштирма гаплар бирор (одатда, илмий, бадиий, расмий) услубни яратувчи восита бўлиб хизмат қиласидилар.

Ундалмалар ўз лексик маъносидан ташқари маълум бир услубий мазмунга ҳам эга бўлади. Айниқса, гап орасида ва охирида қўлланган ундалмаларда эмоционал маъно кучли бўлади:

О, жоним Фаргона, оқ олтиним, богим! (Ойбек) Бу одамларга жуда-жуда кўп нарсалар ярашади, отахон (А. Қаҳҳор). Ол, жиян, йўл юриб келгансан. (Ойбек) Сени унутмас асло, эй Ўрта Осиё, Ўрта Осиё! (В. Инбер)

Эмоционалликни орттириш учун ундалмалар бир шаклда ёки турли шаклда такрорланиши мумкин:

Каримахон, жон қизим, шу ишга қўл урма!

* * *

Дунай, Дунай, Дунай дегани шу экан-да!

(О. Гончаръ)

Кўчирма ва ўзлаштирма гаплар ҳам услубий воситалардан бири бўлиб, бадиий нутқ услуби соҳасида қўлланади.

Масалан: — *Буви, буви, — дейман паст овозда, — Эшон ойимингизнинг тўртта қизлари бор экан.* (Ойбек) *Юрьев батареяни бу ердан бошига жойга кўчириши ҳақида буйруқ берди.* (И. Раҳим).

Қўшма гаплар ҳам маълум бир услубни шакллантирувчи воситадир. Одатда, илмий услубда, баъзан расмий иш услубида эргаш гапли қўшма гаплар ва боғланган қўшма гаплар қўлланади. Содда гаплар ва боғловчисиз қўшма гаплар оммавий услугба хос гаплардир. Расмий иш юритиш услубида кўпроқ мураккаб ва изоҳли қўшма гаплар ишлатилади.

Эллипсис. Услуб талаби билан бирор гап бўлагининг ифодаланмаслиги ҳам маълум бир модал муносабатларни (экспрессивликни) ифодалашда хизмат қиласди.

Масалан: *От кишинашиб топишар, одам эслашиб.* (Мақол).

Мард ўигит изини сотар. Номард ўигит — ўзини. (Мақол).

Яхши отга бир қамчи, ёмон отга минг қамчи. (Мақол)

Параллелик (*мувозийлик*). Сўз, сўз бирикмаси ва гапларнинг мувозийлиги (параллел қўлланиши) ҳам экспрессив маънога эга бўлиб, бадиий услубни ташкил этади.

Масалан: *Сен одил, сен қодир, сен нодир. Сен ўғлимсан, хотининг келинум* (Ҳамза). *Лабинг дўрдоқ, кўзларинг филай* (Ҳамза).

Инверсия. Гап таркибидаги айрим бўлакларнинг ўрин алмашиши (аниқловчининг аниқланмишдан олдин келиши, кесимнинг гап бошига кўчирилиши, ажратилган гап бўлаклари, ундалма ва кириш сўзларнинг ўринлаши-

ши ва эргаш гапнинг бош гапдан кейин қўлланиши ва б.) ҳам гапга қўшимча экспрессив (модал) маъно беради ва маълум бир нутқ услубини шакллантиради.

Масалан: *Келур сени ҳам йўқлагудек бир замон яхши* (Завқий). *Қобил бобо, яланғоч, ялангёёт, яктақчан, дардаг титрайди.* (А. Қаҳҳор). Эндигина қутула бошлидик эмасми бундай оғатлардан. (F. Саломов).— *Сиз, —деди Одил ота, — бу ишга қўл урманг.*

Инверсия, асосан шеъриятда, оғзаки нутқда, кўчирма гап орасидаги муаллиф гапи таркибида қўлланади.

Абзац. Маълум бир мақсад ифодаланишида фикрлар гуруҳланади. Ҳар бир гуруҳ алоҳида матнни ташкил этади ва ёзувда янги йўлдан—абзацдан бошланади. Фикрнинг абзацларга бўлинниши ҳам нутқ услуби воситаларидан бирига айланади. Абзац одатда илмий, бадиий, расмий нутқ услубларини шакллантиради. Ҳар бир абзац фикрни ажратиб кўрсатиш ва шу билан ўқувчига таъсир этишидир. Ҳар бир абзац бошқаси билан мазмунан боғланнишидан ташқари, бирор грамматик восита билан (*ва, лекин, аммо боғловчиси*) ёки лексик воситалар, мазмунан муҳим ҳисобланган гап бўлгининг такрорланиши, кириш сўзлар, айрим равишлар билан ҳам боғланади.

Диалог, монолог, полилог. Бир (монолог), икки (диалог)-ва ундан ортиқ (полилог) шахсларнинг суҳбати ҳам бадиий усул воситаси бўлиши мумкин.

Монолог:

Кекса ишчи қўлинни кўтариб ғовурни босди:

— Буни мен ҳам билмайман, аммо болалигимда бир афсона эшитган эдим: *Сулаймон пайғамбар ҳамма жониворларнинг тилини тушунадиган, ҳамма жониворларнинг подшоҳи бўлган* эмиш. Читтак унга «*кавшинг эгри*» деган эканми, уни *газаб қилган* эмиш: менга бир ҳассса топиб кел, ҳассса тўғри ҳам бўлмасин, эгри ҳам бўлмасин, деган эмиш. Шундан бери читтак шундақа ҳассса излаб, шоҳдан-шоҳга сакрар эмиш. Унинг бир шоҳга қўниб «*чик*» деб бошқасига сакраши «*мен излаган новда бу эмас*» дегани эмиш. (А. Қаҳҳор)

Диалог:

Туробжон, тугунчани орқасига бекитиб, тегишиди:

— Акажон, дегин!

— Акажон! Жо-он aka! ...

— Нима берасан!
— Умримнинг ярмини бераман! ... (А. Қаҳхор)

Полилог:

Ҳафиза. Дехқон ака, бўлди! Кетамиз!

Дехқонбой. Мана энди Мирзачўлга бориб тогни талқон қиласмиш!

Омон. Чўлда тоғ бўладими! Дарсликда тоғ бўлмайди дейилган.

Дехқонбой. Биз дарсликни ҳам ўзгартирамиз. (А. Қаҳхор)

Период. Маълум бир фикрни нисбатан тўлиқ ифолалаш учун мураккаб таркибли гаплар йигиндисидан фойдаланилади. Бу хил гаплар йигиндиси период дейилиб, у содда (кичик ҳажмда) ёки мураккаб (катта ҳажмда) бўлиши мумкин. Бу хил гап шакллари илмий ёки нотиклик услугубида қўлланади.

Градация. Градация (бир босқич ёки ҳолатдан иккичи босқич ёки ҳолатга ўтиш) орқали маълум гапда ифодаланган мазмун кучайтирилади ёки пасайтирилади.

Масалан:

Эй сўз, не ажаб гуҳарсан,
Гуҳар неки, баҳри мавжivar.

(Навоий)

Дерки: «Кўзингга ҳали кал жўжсаман,
Махтуми аъзамлик ўзим хўжсаман,
Ҳам яна Эрхубби бўлодур таго,
Аммамизнинг эрлари дур Нурато.

(Муқимий)

Яна: Шум боланинг дандон пичноқнинг синишидан бошлаб, бойнинг кенжатой ўғли Бўрибояваччанинг ўлимигача бўлган ваҳимали ёлғонини эсланг. (Ғ. Фулом. Танланган асарлар, III том, Т., 1959, 146—148-бетлар).

Фразеологик ва соматик иборалар. Фразеологик иборалар (бирикмалар, гаплар) бадиий ва бошқа нутқ услубини яратувчи асосий воситалардан биридир. Фразеологик ибораларнинг ҳамма тури субстантив (эга ҳукмида), предикатив (кесим ҳукмида), ҳолли, аниқловчили, ара-

лаш турлари бирор қўшимча экспрессив мазмун ифодалаб, бадиий, оммавий ва нотиқлик услубларини шакллантиради. Масалан: *Иши бошидан ошиб ётибди. Кир кўйлакка жун жияк. Кўзидан олов чақнаб кетди ва б.*

Ёзувчи ёзма ёки оғзаки услуг тури маълум бўлган фразеологик ибораларни қўллашдан ташқари, янги фразеологик ибораларни ҳам яратади. Масалан: *Дард деса, парт кетма, суварак!* (М. Исмоилий). *Ернинг юрагига қулоқ солишга тўгри келади.* (Шухрат). ...*қўлига паттасини тутқазиб, кавушини тўғрилаб қўймайсизми?* (О. Ёкубов). Ана шунда юраклари суви сиқилаётган апордек эзилиб кетарди. (Шухрат).

Фразеологик иборалар полисемик (тиши ўтмайди: 1. қаттиқ нарсани чайнолмайди. 2. енга олмайди); синонимик (баҳри очилди — кўнгли чоғ бўлди), антонимик (кўзига иссиқ кўринди — кўзига совуқ кўринди), омонимик (сўз берди — 1. мажслисда сўз берилди. 2. ваъда қилди) характерда бўлади.

А. Қаҳҳор машҳур асари «Кўшчинор чироқлари» асарини фразеологик иборадан бошлайди:— *Қазисан, қартасан, ахир аслингга тортасан!*— деди кампир омборни қулфлаётib.— Энди жир битди-да! Сидиқжон ... заҳарханда қилиб:— *Ўзи тўймаганинг сарқити қорин оғритади, онажсон, сиздан ортдию, бизга жир битдими!*— деди.

Соматик иборалар фразеологиянинг бир қисмини ташкил этади. Соматизмга киши тана аъзоларининг исмлари иштирок этган бирикма ва гаплар киради: *бош оғриқ* (ортиқча ташвиш), *кўзини олиб қочди* (уялди) каби.

Идиома, эвфемизм. Идиома таркибидаги гап бўлакларининг ўрнини алмаштириб бўлмайдиган, амалга ошиши мумкин бўлмаган мазмундаги гаплардан таркиб топган фразеологик бирликлардир: *кўзингга қара; боши осмонга етди; юраги ёрилди; бир бор экан, бир йўқ экан, бўри баковул экан, тулки ясовул.*

Идиомалар ҳам киноя, муболага, ҳазил, дабдаба мазмунларини ифодалайди ва фольклорда бир хил шаклда (штампда) қўлланиб келади: *андоқ урдики, тиззасигача ерга кириб кетди ... муроду мақсадига етибди.*

Расмий усулда қўлланувчи қолипли (штампли) жумлаларни ҳам идиомага киритиш мумкин: *кўриладиган масалалар; имзони тасдиқлайман* ва б.

Эвфемизм деб айтилиши нокулай бўлган бепарда сўз ва гапларни бошқа адабијроқ тарзда сўзлаш (ва ёзинга) айтилади: *туғди ўрнига кўзи ёриди, ўғри ўрнига қўли эгри, ўлди ўрнига оламдан ўтди* каби.

Шу билан бирга, ҳикматли сўз ва ибора, мақол, масал, маталлардан келиб чиқадиган мақсад, хуносалар ҳам услубий мазмунни келтириб чиқаради. Масалан: Гулханийнинг «Зарбулмасал» асарида «*Ошиқкан қиз эрга ёлчимас*» мақолига «*Бош эсон бўлса, бўрк топилар*» масалининг жавоб бўлиши маълум бир услубий мазмунни келтириб чиқаради.

Таг маъно. Маълум мақол; матал, масал, ҳикматли сўз ва ҳангома — латифа, аския романтик насрый ва шеърий асар, памфлет ва б. орқали бирор аниқ воқеа, ҳодисалар ҳақида хабар қилинса ҳам, бу хабарлар остида бошқача мақсад, фикр изҳор қилинади.

Мақол: *Қўшининг тинч — сен тинч* (юрт тинчлиги).

Матал: *Жинқарча (синчалак)* кечаси осмонга қараб ёттар эканки, осмон қуласа ушлаб қоламан деб (ўзига ортиқча баҳо бериш).

Ҳикматли сўз:

*Кўпинча сўз айтаб бўлдим пушаймон,
Айтмаган сўзимдан доимо шодон.*

(Рудакий)

Ҳангома: *Хотин:— Сизга теккунча, алвастига тег-
сам бўлмасмиди!*

Эр: *— Афсус, яқин қариндошлар орасида никоҳ бекор
қилинганд...*

Кўчма мазмун. А. Фитрат «Хинд истилочиларига» асари орқали Совет давридаги Туркистоннинг (Ўзбекистоннинг) оғир аҳволига ишора қилди.

А. Орипов «Учинчи одам» асарида ўз ичидан чиқиб, бошқаларни сотган одамларни кўзда тутди.

*Ялангоч, сарғайған, кимсасиз ўрмон,
Бошингда чарх ураг кузги довуллар.*

(А. Орипов)

Ҳажв:

*Бошларида шапка гоҳи, гоҳ дастор авлиё,
Кӯлларида субхаю бўйнида зуннор авлиё.*

(Муқимий)

*Манқаси оққан палид, ифлоским макруҳ табъ,
Ош еса беш панжас доим дар даҳан.*

(Асрорқул)

*...Унда баззоз бор экан,
У баззознинг хотини
Бўз шитонга зор экан.*

(Фольклор)

Ички нутқ. Муаллиф ёки асар қаҳрамони ўз фикрини, ички нутқини ифодалаб, ўз-ўзи билан суҳбатлашгандай, фикр юритгандай бўлади:

Айб кимда? Айб нимада? Ёки ер ёмонми?... Ёки уруғ ёмонми? Ё бўлмаса об-ҳаводами? Ё ерга солинган ўғит ёмонми?... (Уйғун)

*Қўлимда сўнгги тош қолди,
Кўнгилда сўнгги интилмак.
Қўзимда сўнгги ёш қолди,
Кучимда сўнгги толпинмоқ.*

(Чўлпон)

г) Фонетик воситалар

Нутқдаги фонетик воситалар ҳам маълум ўринларда услугуб яратувчи воситага айланади.

Фонетик воситаларга — интонация (гап ва сўзнинг товланган оҳанги), тембри, урғу, пауза, аллитерация, асонанс, товуш кучи ва такрорланиши, темпи, нарса ва жонивор товушларига тақлид овозлари киради.

Фонетик воситалар кўпроқ бадиий (поэтик) нутқда ритм, қофия, радиф, бандлар учун, шунингдек, оғзаки нутқда қўлланади.

Масалан: *нозанин, олим, авлиё* каби сўзларни киноя билан айтиш.

Лутфий, Навоий, Бобур каби шоирларнинг нозик ва латиф ғазалларини ўқиб, дам оламиз, руҳан енгиллашамиз. Ҳатто мазмунини тушунмаган кишилар ҳам Қуръон оятларини эшитиб, изтиробга тушади, руҳан поклангандек бўлади. Бунинг сири нимада? Бу ўринда оят ва ғазаллардаги сўзларнинг маънодошлиги ва товушларнинг маълум қатъий фонетик қонуниятлар асосида жойлашиши, сингармониясидир.

Фонетик воситалар билан услубий мазмунни ифодалаш «фоноуслубшунослиқ» («товуш услубшунослиги») ёки «фоностилистика» ҳам дейилади.

Фонетик услубий воситалар оғзаки нутқда тўлароқ ифодаланади, ёзма нутқда эса унинг баъзи хусусиятларигина берилиши мумкин.

Фонетик услубий воситалар қўйидагилардан иборат:

Унли ва ундош товушлар талаффузи. Унли ва ундош товушларни турлича талаффуз этишда маълум бир услубий маъно — норозилик, ишончсизлик, шодлик, бақириш, ҳаяжон, иккиланиш ифодаланади.

Бээ..., бекор гап! Нимага алдадингиз? Нимага-а-а?? (Ў. Ҳошимов). — *Ме-ен!* — жавоб қилдим овозим ярим-ёрти чиқиб. — *Она-а, сизга ха-а-ат!* — *Топдимувввв!* — деб бақириб юборди. (С. Айний) *Отабек мастларча кулди:* — *Ммменга зарурати бўлмаса, ққимга бор??* (А. Қодирий).

Турли услубий мазмун ифодалаган товушлар ёзувода такрорий ҳарфлар билан, шеърда алоҳида сатрларда, насрый асарларда абзачни кўллаш орқали, турли тиниш белгилари (кўп нуқта, қўш тиниш белгилари, ургу белгисини қўйиш, бўғинларни ажратиб кўрсатиш ва б.) орқали берилади.

Оҳанг. Оҳангнинг тембри, ритми, тони, товланиши, чўзилиши ҳам турли услубий маъноларни ифодалашда восита бўлади.

Сўз бирикмалари орасидаги тўхталиш (пауза)нинг бўлиши ва бўлмаслиги мазмунга таъсир этади:

Жаноб, Ванкани қўйиб юбор (Жанобга мурожаат)

Жаноб Ванкани қўйиб юбор (Ванка — Жаноб)

Онасиз бола ўйнамас (2 маъно)

Оҳангнинг мелодикаси (товланиши) гапнинг турларини ажратади:

Салим айбдор. Салим айбдор? Салим айбдор! Салим айбдор...

Тиниш белгилари ҳар қайси гапнинг оҳанг ва мазмани турлика эканини кўрсатади.

Ундалмаларнинг турли мазмуни (чақириш, севги, ўпкалаш ва б.) ҳам уларнинг мелодикаси ва гапдаги ўрнига қараб белгиланиди:

Ургу. Ургунинг ўрин алмашиши маънога таъсир этади: Онасиз ва онасиз. Отинг ва отинг. Ўқитувчилик ва ўқитувчиман каби. Гапда мантиқий ургу тушган бўлак асосий мақсадни ифодалайди. Мантиқий ургу тушган бўлак одатда кесимдан олдин келади: Тирикчилигимиш шу боғ орқасида бир нав ўтиб турибди. (Ойбек).

Мантиқий ургу орқали бадиий, нотиқлик ва расмий нутқ усууллари шакллантирилади.

Сўзининг турли оҳанг ва мелодия билан талаффуз этилиши, қаҳр-ғазаб, жирканч, киноя, эркалаш, севинч, шубҳа, завқ, ваҳима ифодалаши мумкин. Албатта, бу маъноларни тиниш белгилари ёки ҳарфларни такрорлаш билангина ифодалаш қийин, шунинг учун бундай мазмунли матнларда «аччиқланмоқ, нафратланмоқ, кўрқмоқ, завқланмоқ» каби феъллар қўлланади:

Мадамин (*жинниланиб*). А-б-л-аҳ!!! (Яшин)

— Ҳали, ҳожимилар? — деди *киноя* билан.

Салима қўрқиб: — Уғримиди?! — деди.

Эҳтиёт бўлинг, эшиклар ёпилади. *Илтимос*, метро эшикларига суюнманг.

— Ҳақиқий гавҳар! — деди *завқланаб*.

Гапда оҳанг такти (ритмик пофона)дан услугуб яратишда восита сифатида фойдаланилади:

Эй Фарғона,
Мушкул кунлар боласини
тишида тишлаб,
Юваб,
тараб,
севиб,
ўпиб,
кучиб,
опичлаб
Эй баҳтларга, балоғатга етказган она!

(Х. Олимжон)

Тўхталиш айтилмаган сўз ёки гап, фикр, армон, алам ифодалайди:

*Болаликда ширин бўлса қанд,
Қариганда ширин бўлар жон...*

(Э. Воҳидов)

*Ҳамон ёдимдадир у ғамли кўзлар,
Шу оқшом айтилган аламли сўзлар:
«Ота...», «бойлик...» «тақдир...», «никоҳ...»,
«Қари чол...» ва «ҳайр, хуш қол!..»*

(Э. Воҳидов)

д) Синонимия

Содда гап ва қўшма гапларнинг турлари шаклан турли, аммо мазмунан бир-бирига тенг бўлса, синтактик синонимияни ташкил этади ва бир-бири билан алмашиниши мумкин бўлади. Синтактик синонимия бир мазмунни ифодалаш учун қўлланган турли конструкциялар алмашиши демакдир. Бу алмашиш орқали турли услубий маънолар ифодаланади.

Масалан: 1. *Унинг бирдан кириб келиши биз учун кутимаган ҳодиса бўлди — У бирдан кириб қолди —* бу биз учун кутимаган ҳодиса эди. 2. *У бирдан кириб келди ва биз ҳайрон бўлиб қолдик. — Убирдан кириб келгач, биз ҳайрон бўлиб қолдик.*

Синтактик синонимияда синоним бўлган конструкцияларда умумий мазмун сақланади, фақат мазмун оттенкаларида маълум фарқлар бўлади. Ана шу каби мазмундаги нозик маъно фарқлари услубий мазмун касб этади.

Одатда, қўйидаги грамматик категориялар синоним бўлиб келиши мумкин:

1. Келишик қўшимчалари ва қўмакчилари:

Мажлисда камчиликларни гаплашиб олдик. — Мажлисда камчиликлар тўғрисида гаплашиб олдик. Сизга (Сиз учун) атаган қўшиқлари бор (Ўйғун).

2. Эталик қўшимчалари синонимияси:

Менинг китобим — китоб меники.

3. Сифат ясовчилар синонимияси: *но-, бе-, ва -сиз* қўшимчаси:

Ноқулай — қулаисиз, бепул — пулсиз.

4. Олмошлар синонимияси: гумон ва қўрсатиш олмошлари: *Бир* (шундай) ўлқаки, тупроғида олтин гуллайди. (Х. Олимжон)

5. Феълнинг замони ва шахси синонимияси: *Қани, болалар, ёзамиз* (ёзинглар маъносида). *Декон* бўлсанг (кўпчиликка қаратилган), куз ҳайда. *Биз Салимни чақирамиз* (чақиридик ўрнида).

Кўшма гаплар синонимияси:

1. *Тантибийваччанинг нафаси ичига тушиб кетди, бироқ ўзини билмасликка солди.* (Ойбек). *Тантибийваччанинг нафаси ичига тушиб кетди-ю, ўзини билмасликка солди.* 2. *Ё мен борай, ё сиз келинг — гоҳ мен борай, гоҳ сиз келинг.* 3. *Шундай давр эдики, овқатим ҳам, уйқум ҳам китоб.* (С. Айний) — *Овқатим ҳам, уйқум ҳам китоб бўлган давр эди.* 4. *Қўшининг тинч — сен тинч* (Мақол) — *Қўшининг тинч бўлса, сен тинч.*

е) Экстравиантологические воспитательные приемы

Экстравиантологические воспитательные приемы тилга хос сўз, ибора, гап, оҳангдан ташқари бўлган воспитательные приемы. Булар гапнинг умумий мазмунини (контекст), шароит, ижтимоий муҳит, сўзловчининг ижтимоий аҳволи ва бошқа ҳолатлар бўлиши мумкин. Шу вазиятга қараб сўзловчи ўз фикрини мимика орқали, қўл ва бошқа аъзоларни ҳаракатга келтириш орқали ифодалайди, вазиятга қараб зарур бўлган услубий воспитани танлайди ва ёзади.

Шунинг учун ҳам экстравиантологические воспитательные приемы оғзаки нутқقا, ички фикрлашга (мантиқа) оид масаладир.

3-§ ЁЗМА НУТҚ УСЛУБИННИНГ МЕЪЁРЛАРИ

Ёзма нутқ меъёрлари (мезони, ўлчови, нормаси)¹ тилда қабул қилинган фонетик, лексик, грамматик қонуниятлар асосида белгиланади.

¹Маматов А.Э. Проблемы лексико-фразеологической нормы в современном узбекском литературном языке. АДД. Т., 1991. Бегматов Э. Адабий норма ва нутқ маданияти. Т., 1983.

Тил — бу қисмлари бир-бири билан узвий боғланган тизимдир. Нутқ — қабул қилинганди тил меъёрларининг амалга ошиши, реаллашишидир.

Тил меъёрининг асосий белгилари — барқарорлик (маълум давр учун турғунлик) ва динамиклик (ўсиш ва ривожда бўлиш)дан иборат. Демак, тўғри ва қоидали нутқ учун, аввало, тил меъёрлари ишлаб чиқилиши ва кўпчилик томонидан қабул қилиниши шарт. Бунииг учун тил қонунлари мукаммал ишланган бўлиши керак.

Тил меъёрининг шаклланишида айрим сўз усталари, ёзувчилар, мухбирлар ва таржимонларнинг хизмати катта бўлади. Улар ўз ёзма услубларини яратадилар, уни боитадилар.

Тилшунос олимлар эса бундай асарларнинг тил ва услубини ўрганиб, маълум тил меъёрларини ишлаб чиқадилар ёки янги бир услуг пайдо бўлганини қайд қиласидар, грамматика, изоҳли ва таржима луғатлари, орфографик, орфоэпик ҳамда синоним ва бошқа луғатларни тузадилар. Шунда талаффуз ва ёзувдаги бирлик, шакл ва ибораларнинг барқарор тизими сақланади.

Тилнинг тавсия қилинганди тилди диалектал сўзлар, жаргонлар, кўпол сўз ва иборалар қўлланмайди. Адабий тил нормаси шаклланиб, ўзининг типиклиги (намуналиги), кўпчиликка маъқул бўлганлиги, қатъий тартибга тушганлиги, турли услугуга эга бўлганлиги, барқарорлиги ва динамиклиги (ўзгарувчанлиги) билан ажрабиб туради.

Бу ўринда барқарорлик ва динамиклик орасида қарама-қаршилик маълум давр ўтиши билан эски меъёрлар (масалан, эски ўзбек тили меъёрлари) инкор қилиниши ва ҳозирги замон тили меъёрларига мос бўлмаслиги тўғрисида гапириш ўринсиз бўлади. Аслида, анъанавий ёзма услуг меъёрлари мукаммаллаштирилади, ҳозирги замон тили учун номақбул бўлган баъзи ҳолатлар тушиб қолади, янги қонуниятлар билан тўлдирилади.

Бадиий тил таркибида айрим диалектал сўзлар, жаргонлар, сўзлашув тилига оид айрим сўз ва ибораларнинг қўлланиши (айрим асар қаҳрамони ва воқеа, ҳодисаларни тавсифлаш учун) ҳам мумкин.

Адабий тил меъёри асрлар бўйи шаклланган тил қоида ва қонуниятларининг умумлашмаси, асосидир. Илмий, адабий, оммавий асарлар ўз навбатида маълум тил меъёrlарини тарғиб қиласи, қўллаш намунасини кўрсатади. Адабий тил меъёрининг шаклланишида газета тилининг ҳам роли катта. Тилдаги турли вариантилик (фарқли томонлар), аввало, газета тилида кўринади, чунки газета замон билан ҳамнафас, ҳозиржавоб бир қуролди.

Турли вариантилик ва янгилик, аввало, матбуотдан ёки бирор асадар майлим бўлади. Бундай ҳолда бир тушунчани ифодалаган икки вариант бўлиши, майлим давр ўтиши билан бу вариантиларнинг бири қолиши мумкин.

Бадний асадарда муаллиф тили майлим тил меъёри асосида тузилади. Аммо асадар қаҳрамони тилида бу меъёрдан узоқлашиш ҳолатлари ҳам учрайди: асадар қаҳрамонининг яшашиб жойи, касби, жамиятда тутган ўрни, маданиятига қараб, унинг тилида диалектал, касбга оид сўзлар бўлиши, жаргонлар ва адабий меъёридан узоқ бўлган тил хусусиятлари қўлланиши мумкин. Турли услугбий меъёрларни аралаштириб қўллаш майлим бир мақсадга йўналтирилган бўлса, бу бадний услугбий учун қонуний ҳисобланади. Оғзаки нутқда айрим сўзларнинг ноўрин ишлатилиши, гап бўлаклари тартибининг ўзгариши, шевачиликка йўл қўйилиши мумкин. Бу ўзгаришларнинг қанчалик қонуний ёки ноқонуний эканини белгилаш учун оғзаки нутқ меъёрини ҳам ишлаб чиқиши талаб этилади.

Албатта, кейинги даврдаги фан ва техника, ижтимоий ҳаётда бўлган кескин ўзгаришлар, тилларнинг таъсири тил меъёрларини қайта куриб чиқиши тақозо қиласи. Аммо бу ўзгаришлар эскини «инкор этиши» йўли билан эмас, уни янада ривожлантириш ва мукаммалаштириш йўли билан боради.

Адабий тил ва услугбий меъёрлари асосан ишлаб чиқиши бўлса ҳам, ёзма адабиётда, айниқса, радио ва телекўрсатувларда услугбий меъёрлар, тил қоида-қонунларининг бузилиш ҳолатлари ҳам учраб туради.

Услебий меъёри яратувчи воситалар уч турга бўлиниали: *асосий*, *ёрдамчи* (факультатив) ва *шахсий* (окказионал) воситалар. Асосий услугбий воситаларга мазмунни ва маъноси билан бирор услуг турини яратувчи воситалар

(масалан: бадиий услубда бадиий тил воситалари) кирса, ёрдамчи (факультатив) воситаларга маълум контекстдагина бирор услубни яратувчи воситалар — сўз ва иборанинг иккиласи чи ихтисослашуви (масалан, расмий услубга оид сўзларнинг бадиий услубда қўлланиши), шахсий (окказионал) услубий воситаларга эса, ёзувчининг маълум матн ва бирор сўз ёки сўз бирикмасини ўзига хос услубий восита сифатида қўллаши киради.

Демак, услубий меъёрларни белгилашда услубий воситаларнинг кўрсатиб ўтилган қонун-қоидаларини инобатга олиш зарур. Бунда ёзма услубининг хусусий қўлланиш ҳолатлари ҳам инобатга олинади. Белгиланган меъёрлар фикрни аниқ, ихчам, равон ва таъсирчан ифодалаш учун зарурий тавсияларни беради. Одатда, бу тавсиялар — меъёрлар ёзма ва сўзлашув услуби учун (ҳар бир услубга алоҳида) белгиланади. Меъёрни белгилашда сўзлашув тилидаги типик (кўп қўлланадиган, намунали) ҳолатни ҳам ҳисобга олиш мумкин, аммо, мавжуд грамматик, лексик, фонетик қоидалардан четга чиқмаслик керак.

Шу билан бирга, ижтимоий табақалар (жамиятда ҳар бир тоифанинг, ижтимоий-социал гуруҳнинг, косибнинг, оддий ишли ёки деҳқон, ҳарбий ва оддий фуқаро, ўқитувчи ва олим, косиб ва жамоат арбоби, дин арбоблари, талабалар каби) оғзаки ва ёзма нутқида ўзига хос услуб бўлади.

4-§ ЎЗБЕК ТИЛИ ЁЗМА НУТҚ УСЛУБИННИНГ ШАКЛЛАНИШИ

Ўзбек адабий тили ёзма услубининг шаклланишини 5 даврга бўлиш мумкин:

- 1) Қадимги туркий тил услуби (VII—X асрлар).
- 2) Эски туркий тил услуби (XI—XIII асрлар).
- 3) Эски ўзбек тили услуби (XIV—XVIII асрлар).
- 4) Янги ўзбек тили услуби (XIX асрнинг иккинчи ярми — XX асрнинг 20-йиллари).
- 5) Ҳозирги замон адабий тили услуби.

Алишер Навоийга қадар бўлган ёзма ёдгорликлар (Ўрхун—Энасой битиклари), XV—XVI аср ёзма ёдгорликлари: «Девону лугатит-турқ», «Қутадғу билиг»,

Аҳмад Яссавий «Ҳикматлари», «Ҳибатул ҳақойик», «Қиссаи Рабғузий», «Муҳаббатнома», «Ўғузнома», «Ҳисрав ва Ширин», «Қиссаи Юсуф», Лутфий, Саккокий, Атоий ва бошқа ёзувчи ва шоирларнинг асарларининг тили ва услуби сўзлашув тилига яқин, уларнинг асарларини бемалол тушунса бўлади. Албатта, ўз даври талабларига кўра, кўп сўз, ибора ва ифодалар архаиклашиб, уларнинг маъносини маълум луғатлар орқали тушунишга тўғри келади.

Алишер Навоийнинг тили ва услуби эса форсий-тожикча, арабча сўз ва иборалар билан бойитилганки, бу ҳол ҳозирги замон ўқувчисини кўп ўринда Навоий асарларини луғатсиз тушунишини қийинлаштиради. Навоий тилидаги бу хусусият ўз даврининг ижтимоий, сиёсий талабларига кўра бўлган. Навоий асарларини ўз даври аҳолиси (Ҳирот аҳли икки тилли бўлган) яхши тушунган. Шунингдек, кўп сўзлар даврлар ўтиши билан архаиклашганини ҳисобга олиш керак.

Замон, ижтимоий-сиёсий вазият ёзувчи, шоир ва олимнинг ёзма нутқи услубига ҳам таъсир кўрсатади.

Алишер Навоийдан кейин унинг яратган ёзма нутқи услуби туркий тилда ижод қилувчи кўп шоир ва ёзувчиларга намуна бўлди, шу услуга асосида ижод қилдилар. Аммо, бу ҳолат (жонли сўзлашув тили билан ёзма нутқ орасидаги узилиш) узоқ давом этмади. Муҳаммад Солиҳ, Абулғозий Баҳодирхон, Турди, Гулханий асарларида эски анъанавий услубдан узоқлашиш ва ҳалқ сўзлашув тилига яқинлашишга интилиш устун турди.

Эски ёзма нутқи услубидан ҳалққа тушунарли услугуга ўтиш Амирий, Фурқат, Муқимий асарларида ҳам кўрина бошлади. Албатта, бу шоирларнинг насрый асарлари аньянавий услубни маълум даражада давом эттиrsa ҳам, назмий асарларида бу услуга ўзгара бошлайди — сўзлашув тили услубига яқинлашади. Бу яқинлашиш айниқса С. Айний, Ҳамза Ҳакимзода Ниёзий, Абдулла Қодирий, Фитрат, Чўлпон, Элбек, Авлоний, Сўфизода асарларида, XIX аср охири ва XX аср бошида нашр қилинган газета ва журналлар тилида ёрқин кўринади. Шунинг учун ҳам бу адилларнинг, газета ва журналларнинг услуги ҳозирги замон услубининг шаклланишига асос бўлди.

Ҳозирги замон услубининг деярли ҳамма турлари қадимдан мавжуд бўлган. Илмий оммабоп (айниқса, XIX аср иккинчи ярмидан), расмий иш услуби, нотиклик, бадиий услублар қўлланиб келингган. Ҳатто нотиклик услуби маҳсус дарс сифатида ўқитилган.

Ёзма нутқ услубларининг шаклланиши ва ривожланиши учун тилнинг ижтимоий вазифаси — қўлланиш доираси кенгайиши шарт. Айниқса, XX асрнинг 20-йилларидан ўзбек тилининг қўлланиш доираси кенгайди — бу ҳол баъзи услугуб турларининг янада такомиллашишига сабаб бўлди, услубнинг янги турлари келиб чиқди. Масалан: газеталарнинг бош мақолалари, баъзи бир адабий жанрлар (памфлет, эссе, фельетон ва б.) келиб чиқиши каби.

Ёзма услубнинг шаклланишида оғзаки нутқнинг, шоир, ёзувчи, олим, публицист, муҳбир, айниқса таржимонларнинг роли катта. Улар мавжуд услубларни мукаммаллаштирадилар, янгиларини яратадилар.

Оғзаки тилга хос бўлган кўп хусусиятлар адабий ёзма услубдан жой олди, мумтоз ёзма адабий услуга хос кўп шакллар (феълнинг -ур, -дир шакллари) ва сўзлар (эмгакчи — меҳнаткаш, беклар беги — губернатор, доруга — қўргон бошлиғи ва б.) истеъмолдан чиқди ёки тарихий асарларда ҳамда асар қаҳрамонини тавсифлаш учун қўллана бошлади. Республика мустақил бўлгач, янги сўзлар қўллана бошланди ёки айримлари тикланди: муаллиф, матн, қалам ҳақи каби.

Ҳозирги ёзма услубнинг шаклланишида А. Қодирий, Чўлпон, Фитрат, Авлоний, Беҳбудий, Ҳамза, 30-йиллардан Ойбек, А. Қаҳҳор, Яшин, Ҳ. Олимжон, Амин Умарий, кейинги даврларда Саид Аҳмад, Шуҳрат, Шукрулло, А. Орипов, Э. Воҳидов ва бошқа ижодкорларнинг хизмати катта бўлди.

Адабиёт

1. *Бегматов Э, Маматов А.* Адабий норма назарияси. «Наврўз», I қисм, 1997, II қисм, 1998, III қисм, 2000.
2. *Бегматов Э.* ва бошқалар. Адабий норма ва нутқ маданияти, «Фан», Т., 1983.
3. *Дониёров Х., Йўлдошев Б.* Адабий тил ва бадиий стиль. «Фан», Т., 1988.

4. Йўлдошев Б. Бадиий стилистика, Самарқанд, 1982.
5. Йўлдошев Б. Ўзбек сўзлашув нутқи, «Фан» Т., 1982.
6. Маматов А. Э. Ҳозирги замон ўзбек тилида лексик ва фразеологик норма муаммолари, Т., 1991.
7. Мукаррамов М. Ҳозирги ўзбек адабий тилининг илмий стили, «Фан», Т., 1984.
8. Рахматуллаев Ш. Некоторые вопросы узбекской фразеологии, «Фан», Т., 1966.
9. Содикова М. Фесьъ стилистикаси, «Фан», Т., 1975.
10. Яхшиева Г. «Ўзбек тилида фонографик, услубий воспитатар», «Фан», Т., 1996.
11. Ўзбек адабиётида жанрлар типологияси ва услублар ранг-бараанглиги, Тўплам, «Фан», Т., 1983.
12. Ўзбек тили стилистикаси масалалари. 427-чиқиши, Тўплам, Т., 1972.
13. Нутқ маданиятига оид масалалар, Тўплам, «Фан», Т., 1973.
14. Ўзбек тили стилистикаси ва нутқ маданияти масалалари, Тўплам, Самарқанд, 1987.
15. Кунгурев X. Р., Каримов С. А. Ўзбек тили стилистикаси ва нутқ маданияти (библиографик кўрсаткич), Самарқанд, 1984.
16. Кунгурев Р. ва бошқалар. Нутқ маданияти ва услубиёт асослари. «Ўқитувчи», 1992.

VI боб МУНШАОТ

Ўзбек тилида иш юритиш ҳужжатлари ҳақида

Инсон жамиятда яшайди. Унинг жамият аъзолари билан, шу жамиятда ташкилот ва идоралар билан муносабатини амалга оширувчи ва тартибга солувчи иши жамият томонидан қабул Қилинган, маълум тартиб ва қоидалар асосида тузилган ёзма иш қофозлари асосида бўлиб, бу ёзма қофозлар расмий ҳужжатлар ёки расмий иш қофозлар деб номланади. Бу расмий иш қофозлари инсонлар ва маълум тузилмалар (идора, муассаса, жамият ва б.) орасидаги муносабатларни белгилайди ва тартибга солади. Инсонларнинг ўзаро муносабати (масалан, тилхат) ва жамиятга муносабати ана шу расмий иш қофозлари орқали ҳал бўлади. Иш қофозлари расмий тус олиб, ҳуж-

жатлар тусини олганда, жамиятда ташкил бўлган муас-сасаларда (идора, бошқарма, вазирлик, ҳокимият, но-тариал ва фуқаролик ҳолатини қайд этиш идоралари, суд, прокуратура, турли комиссияларда) кўрилади ва ҳал қилинади.

Расмий иш қоғозлари эркин тузилмай, ҳар бир рас-мий иш қоғозини тузиш тартиблари маҳсус ҳужжатшу-нослик ва архив ишлари илмий тадқиқот институти то-монидан ишлаб чиқилган шакл ва тартиблар асосида, ҳар бир ҳужжатнинг Давлат стандарти (ГОСТ) — ягона Давлат қолипи ишлаб чиқилади ва тавсия этилади. Шу тариқа ҳар бир ҳужжатнинг ягона шакли вужудга кела-ди, идоралар томонидан кўрилади ва қабул қилинади. Бундай расмий иш қоғозларининг сони 60 га яқин бўлиб, идора ва муассасаларнинг асосий иш мазмунини ташкил этади.

Бир қолипга тушган ҳужжатлар тузиш қадимдан амалда бўлгани маълум. Қадимги туркий тиллар мутахассиси С.Е. Малов ўзининг «Памятники Древнетюркской пись-менности» асарида (Москва — Ленинград, 1951) қадим-ги туркий (уйғур) ёзувида X — XIII асрларда битилган ўнлаб расмий ҳужжатларнинг (шикоят, олди-сотди, ижа-рага қўйиш, тилхат каби) намуналарини келтиради ва бу ҳақда ёзилган адабиётлар рўйхатини келтиради (ўша асар, 200 — 218-бетлар). X асрдан бошлаб туркий (қадим-ги туркий) тилида ёзилган турли ҳужжат намуналари (ёр-лиқлар, «патталар», давлатлараро дипломатик ҳужжатлар, қозихона ва девонхоналарда сақланган турли-туман расмий иш қоғозлари) бизгача етиб келган.

Шуниси муҳимки, бу ҳужжатлар муайян турғун сўз, бирикмалар ва барқарор лисоний қолиплар асосида тузилади («Тўхтамиш сўзим Яғайлага», «Темур Кутлуғ сў-зум»)¹.

¹Радлов В.В. Ярлыки Темур Кутлуга и Тахтамиша, ЗВО РАО, т.III, вып. 1—2, 1888. Яна қаранг: Содиков Қ. Эски уйғур ёзуви, Т., 1989.

²Григорьев А.И. Конкретные формуляры чингизидских жалованых грамот XIII—XV вв. Тюркологический сборник, М., 1978. Троицкая А.Л. Ганчи, ганчибаши в Кокандском ханстве (XIX в.), Тюркологические исследования, М. — Л., 1963.

Дунёнинг ҳар бир мамлакатида қадимдан расмий иш қофозлари қўлланилиб келади¹.

Расмий иш қофозларининг қиммати шундаки, у ўз даври жамият аъзолари орасидаги, жамият билан унинг аъзолари ўртасидаги муносабатлар, давлатлар орасидаги турли муносабатлар, давлатнинг тузилиши, ички қонун ва қоидалари ҳақида маълумот беради. Бу эса жамият тарихини, ижтимоий аҳволи ҳамда муносабатлар тарихини ўрганишга ёрдам беради ва шу мақсадда тарихий монографиялар, мақолалар, диссертациялар ёзилади.

Маълумки, Ўзбекистон Республикаси мустақил бўлгунга қадар расмий ҳужжатлар рус тилида белгиланган қолипда ёзилиб келди ёки айрим ҳужжатлар рус тили қолипи асосида ўзбек тилида таржима қилиб берилди².

Ягона Туркистон Республикаси ажратилиб, алоҳида республикалар ташкил бўлган йилларда ёк ўзбекистон Жумҳурияти 1924 йил 31 декабрда 48-рақамли «Ишларни ўзбек тилида юргизиш» тўғрисида муҳим бир қарор қабул қилди. Қарорда бутун бошқарув идораларида ҳамма расмий иш қофозларини фақат ўзбек тилида юргизиш, ўзбекча расмий ҳужжатлар тузиш, йўриқномаларни тайёрлаш топширилди. Аммо 30-йилларда бошланган оғир вазият, ноҳақлик, қонунбузарлик вазиятида, айниқса, собиқ ВКП (б) МК ва СССР МС нинг 1938 йили қабул қилган («Об обязательном изучении русского языка») қароридан кейин, миллий тилларни, хусусан, ўзбек тилини чеклаш ва менсимаслик сиёсати юргизилгач, мазкур қарор ўз кучини йўқотди. Ниҳоят, 1989 йил 29 октябрда Ўзбекистон Республикаси «Ўзбек тилига давлат мақоми бериш тўғрисида» қонун қабул қилди. Бу қонунга кўра, 8 йил мобайнида бутун расмий ҳужжатлар ўзбек тилида ёзилиши керак эди. Аммо республикадаги миллий муносабатларни турғунлантириш, барқарорликни кўзлаб, Ўзбекистон Олий Конғаши 1995 йил 21 декабрда мазкур Қонуннинг янги таҳририни тасдиқлаш тўғрисида қонун қабул қилди. «Давлат тили ҳақида»ги қонун-

¹ Н. Аминов ва бошқа муаллифлар гуруҳи. Иш юритиши. Ўзбекистон Миллий энциклопедияси, Т., 2000, 5-12-б. Қаранг: Граматович К. Образцы деловых бумаг. Уздавнашр. 1930 г.

нинг янги таҳририда расмий иш қоғозларини ўзбек ва рус ҳамда бошқа тилларда тузиш ва қабул қилиш мумкинлиги кўрсатиб ўтилди.

Ўзбек тилида ягона расмий иш қоғозлари тузишнинг суст амалга оширилишининг сабабларидан бири — бундай ҳужжатларни тузиш йўллари, шакли, тили ва услубини ўрганувчи ва белгиловчи бирор илмий-тадқиқот институтининг ташкил этилмагани ҳам сабаб бўлмоқда. Республика учун ўзбек тилида ягона расмий иш қоғозларининг (ҳужжатларнинг) шакли билан ҳозиргача айrim олимларгина шуғулланиб, ўз тавсияларини бермоқдалар.

Ўзбек тилида ягона расмий ҳужжатларнинг муассаса, идора, бошқарма ва бошқа турли бошқарув идораларида иш ташкил қилишда, айrim шахс ва жамиятнинг талаби, таклифини амалга оширишда ҳамда унинг ижро этишдаги аҳамияти ва ўрнини ҳисобга олиб, мазкур ҳужжатларни тузиш ҳамда ижро этиш услуги устида иш олиб бориш, Давлат ягона нусхаларини ишлаб чиқиш шу куннинг долзарб масаласидир.

Ҳужжатларнинг мақсадга кўра турлари

Ҳужжатлар ички (муассаса, идоранинг ички масалаларини ёки айrim хизматчиларнинг масаласини ҳал қилишга қаратилган) ёки ташқи (ташқи идоралар билан ҳал қилинадиган) ҳужжатлардан иборат бўлади. Ҳужжатларнинг мақсадга кўра турлари, тузилиши ва шакллари қуйидагича бўлади:

Ҳар бир расмий иш қоғози (ҳужжат) маълум бир мақсадни кўзда тутади. Шунга кўра ҳужжатлар З турли бўлади¹:

- 1) хусусий ёки шахсий ҳужжатлар;
- 2) шахс ёки жамоага қарашли ҳужжатлар;
- 3) жамоага қарашли ҳужжатлар.

¹ Бу ерда ҳужжатларнинг кимга қарашлилиги ва ким томонидан тузилишига кўра тасниф этилди. Ҳужжатларнинг мазмунига кўра таснифи ҳам бўлиши мумкин.

1) шахсий ҳужжатлар: таржимаи ҳол, тавсифнома (характеристика), тавсиянома (рекомендация), тилхат (заявление), гувоҳнома (удостоверение), таклифнома (пригласительный билет), меҳнат дафтарчаси (трудовая книжка), муносабат белгиси (резолюция), шахсий варақа (личное дело, анкета), сўроқ баённомаси, ишончнома (доверенность), таклифнома, ҳукм, айбнома, фармон, буйруқ.

2) айрим шахс ёки шахсларга оид ҳужжатлар: ариза, сафар гувоҳномаси (командировочное удостоверение), тушунтириш хати (объяснительная записка), шикоят аризаси, фармон, буйруқ, билдириш (рапорт), кафолатнома, хизмат хатлари, эълон, шикоят аризаси (кассационная жалоба).

3) айрим шахс, шахслар ёки идора, ташкилотларга оид ҳужжатлар: ажрим (ҳакам идораси орқали), ҳисобот, далолатнома (акт), маълумотнома (справка), даъвонома, илтимоснома, тушунтириш хати, ахборот, ашёвий далиллар дафтари (тетрадь вещественных доказательств), молиявий-статистик ҳужжатлар.

4) Жамоага ёки жамоаларга тааллуқли ҳужжатлар: қонун, йўриқнома (руководство), низом (положение), устав (тузукот), таътил жадвали (график отпусков), штат (ходимлар) жадвали (штатное расписание), битим (соглашение)¹, аҳднома, шартнома (договор).

Ҳужжатларга² қўйилган талаблар:

1) Ҳужжатлар белгиланган ягона шаклда бўлиши шарт. Ҳужжатларнинг шакли айрим қўлланмаларда кўрсатилган шаклларда тузилади.

2) Ҳужжат кўрсатилган муддат давомида ўз кучида бўлади (масалан, ишончномада) ёки иш шу хилдаги янги

¹ Битим айрим шахс билан ташкилот, корхона ўртасида бўлиши ҳам мумкин.

² Расмий иш қоғозлари (ариза, шикоят, баённома ва б.) идора ҳамда муассасаларда ўрганилади, улар бўйича иш олиб борилади ва қарор қабул қилинади. Улар шу идорада ёки унинг архивида сакланади. Шунинг учун ҳам расмий иш қоғозлари ҳужжат ҳисобланади. Биз ҳам ана шу атамадан фойдаланамиз.

хужжат қабул қилинмагунча амалда бўлади (масалан, қарор, қонун, буйруқ ва б.)

3) Ҳужжатларда айрим сўзларни ўчириш ёки тузатиш мумкин эмас. Агар шундай ҳолат рўй берган бўлса, ўша идоранинг ўзи ўз муҳри ва имзоси билан мазкур тузатишни тўғри деб тасдиқлаб бериши шарт.

4) Ҳужжатларда айрим қисқартма ва шартли ишоралар бўлса, улар ягона давлат қолиплаш (стандартлаш) идораси томонидан белгиланган ва тасдиқланган бўлиши лозим.

Ҳужжатларнинг тузилиши

Ҳужжатлар белгиланган ягона давлат нусхаси, андозаси, қолипи (штампи, стандартти) асосида тузилади. Ҳар бир ҳужжатнинг ўзига хос нусхаси, қолипи, шакли бўлади.

Собиқ ягона давлат нусха идораси (ГОСТ) томонидан ҳужжатлар учун зарурий қисмлар 31 хил қилиб белгиланган.

Белгиланган қисмлардан энг зарурлари:

- а) ҳужжат эгаси (муассаса раҳбари ёки айрим шахс);
- б) ҳужжат турининг номи (тавсиянома, далолатнома ва б.);
- в) ҳужжатларнинг номи (ариза, далолатнома, агар буйруқ бўлса, унинг қисқа мазмуни ва б.);
- г) ҳужжат юбориладиган идора, шахс (адресат);
- д) матн (ҳужжатнинг мазмуни);
- е) ҳужжатни тасдиқловчи имзо, муҳр, сана.

Ҳужжатлардан айрим намуналар:

БУЙРУҚ

Зарурий қисмлар:

- а) Республика герби;
- б) Республика номи;
- в) бошқарувчи идора (вазирлик, кўмита, Академия ва б.) номи;
- г) ҳужжат номи;
- д) сана, жой номи, ҳужжат рақами;

- е) буйруқнинг асосий мазмуни;
- ё) буйруқ учун асос;
- ж) «Буюраман»;
- з) раҳбар ёки ўринбосар имзоси.

Буйруқнинг охирги бандида мазкур буйруқни бажа-риш кимга топширилиши ёки олдинроқ айни буйруқ қабул қилинган бўлса, унга муносабат билдирилади («ўз кучини ўйқотган деб ҳисоблансан»).

Буйруқнинг иккинчи нусхасига зарур бўлимлар ва буй-руқда номи зикр этилган шахслар ўз розиликларини билдириб, имзо қўядилар ва бу хужжат котибиётда (девон-хонада) сақланади.

Буйруқлар турли соҳаларга (бирор идора, бошқарма-ни, бўлимни текшириш, ишга қабул қилиш, бўшатиш ёки бошқа ишга ўтказиш, меҳнат таътили бериш, хизмат сафарига жўнатиш ва б.) оид бўлиб, ҳар бирининг ўз ички тузилиш хусусиятлари бўлади.

Намуна:

ГЕРБ

Ўзбекистон Республикаси Сув ва қишлоқ
хўжалиги вазирлиги
Тошкент қишлоқ хўжалигини электрлаш ва
механизациялаш институти

БУЙРУҚ

1998 йил 20 марта

Тошкент ш. 62-сон

Давлат тили комиссиясини қайта тузиш ҳақида
(Буйруқقا асос)

БУЮРАМАН

Матн:

- 1.
- 2.
- 3.
- 4.

5. Ушбу буйруқнинг бажарилишини назорат қилиш...
га топширилсин.

Институт ректори: (имзо)

Ф.А. АКНАЗАРОВ

ҚАРОР

Зарурий қисмлар:

- а) Республика герби;
- б) Республика номи;
- в) хужжат номи («Қарор»);
- г) сана, хужжат рақами, жой номи;
- д) қарорнинг асосий мазмуни;
- е) қарорга асос;
- ё) «Қарор қилади»;
- ж) қарор матни;
- з) қарорни қабул қилган бошлиқ.

Намуна:

ГЕРБ

Ўзбекистон Республикаси Вазирлар Маҳкамаси
Управление Кабинета Министров Республики
Узбекистан

ҚАРОР

1996 йил 10 сентябр № 311

Тошкент ш.
г. Ташкент

«Ўзбекистон Республикасининг Давлат тили ҳақида»-
ги Қонунини амалга ошириш Давлат дастурига ўзгарти-
риш ва қўшимчалар киритиш тўғрисида
(Қарорга асос)

ҚАРОР ҚИЛИНДИ:

Матн:

- 1.
- 2.

3.

4. Мазкур қарорнинг бажарилишини назорат қилиш...
га юклатилсин.

Вазирлар Маҳкамасининг Раиси

И. КАРИМОВ

НИЗОМ

Зарурий қисмлар:

- а) «Тасдиқлайман», идора раҳбарининг имзоси, исми, фамилияси, сана (саҳифанинг бурчагида);
- б) Низомнинг асосий мазмуни;
- в) «Низом»;
- г) Низом қабул қилинишига асос;
- д) Матн.

Намуна:

«ТАСДИҚЛАЙМАН»
Ўзбекистон Миллий
Университети ректори
академик Т. ДОЛИМОВ

(имзо, сана)

Ўзбекистон Миллий Университети қошидаги
«Давлат тили тўғрисида»ги Қонуннинг бажарилишини
назорат қилиш ва яиги ўзбек алифбосини
жорий этиш комиссияси тўғрисида

НИЗОМ

(Низомга асос)

Низом матни

РЕЖА

Зарурий қисмлар:

- а) «Тасдиқлайман». Идора раҳбарининг имзоси, сана (саҳифанинг ўнг бурчагида);

- б) Режанинг қайси соҳага ва қандай муддатга таалуқлилиги;
- в) Режа шакли: рақам, ишнинг мазмуни, бажарувчи, муддати. Бажарилиши тӯғрисида белги;
- г) Режани тузувчининг вазифаси, исми, фамилияси, сана.

Намуна:

«ТАСДИҚЛАЙМАН»
(идоранинг номи, раҳбарнинг исми, фамилияси, имзо, сана)

**Ўзбекистон Республикаси Ички Ишлар вазирлиги
 Академияси хукуқшунослик атамалари
 комиссиясининг 1998 — 2000 йилларга
 мўлжалланган тадбирлар**

РЕЖАСИ

Матн

№	Тадбирлар	Бажарувчи	Муддати	Бажарилиши
I	Атамашуносликнинг назарий ва амалий масалалари ҳақида	Комиссия аъзолари	Доимо	

Комиссия раиси: (имзо)

M. ФАЙЗИЕВ

Сана

БАЁННОМА

Зарурӣ қисмлар:

- а) Идора номи;
- б) Қарор қабул қилувчи ташкилотнинг (комиссия, кафедра, бўлим, мажлис) номи;

- в) қарор рақами;
г) сана, жой номи;
д) «Қатнашдилар» (қатнашувчилар рўйхати);
е) «Кун тартиби»;
ё) кўриладиган масалалар ва маърузачилар (1—, 2—, 3— масалалар бўйича);
ж) 1—(2—, 3—...) масала бўйича ахборот берувчи.
з) «...масала бўйича музокарага чиқдилар»;
и) «Қарор қилинди» (1—, 2—, 3—...);
к) Мажлис раиси, котиби (имзо, исми ва фамилияси).

Намуна:

**Ўзбекистон Фанлар академияси
Тилшунослик институти
ҳозирги ўзбек тили бўлиммининг**

I—БАЁННОМАСИ

Қатнашдилар: (*қатнашганлар рўйхати*)

Кун тартиби:

1. «Ўзбек тилининг кўп жилдли изоҳли лугати» тузилишининг бориши ҳақида (Маърузачи: Э. Бегматов)

2. Номзодлик диссертацияси муҳокамаси (А. Каримов, бўлим аъзолари)

1-масала бўйича ахборот берди: Э. Бегматов (унинг сўзи)

Музокарага чиқдилар: (исми, фамилияси, унинг сўзи, таклифи)

Қарор қилинди:

1) «Изоҳли лугат»нинг аввал сўзлигини тайёрлаш маъкуллансин;

2) «Сўзлик»ни тайёрлашга институтнинг бутун бўлимлари жалб этилсан.

(2-масалани кўриш ҳам шу тартибда)

Мажлис раиси:	(имзо)	Э. БЕГМАТОВ
Котиба:	(имзо)	И. ИМОМОВА

ГУВОҲНОМА

Зарурий қисмлар:

- а) ҳужжатнинг муқовасида: Республика герби ва идора номи (баъзи ҳужжатларда ёлғиз «Гувоҳнома» деб ёзилади);
- б) ички қисми, 1-бет: Республика герби, чеккасига муҳр қўйилган фотосурат. Ҳужжатнинг қайси муддатгача берилиши;
- в) ички қисм, 2-бет: идора номи;
- г) ҳужжат рақами;
- д) «Гувоҳнома»;
- е) кимга берилган (исми, фамилияси, лавозими);
- ё) раҳбарнинг имзоси, исми, фамилияси;
- ж) ҳужжат берилган сана.

Намуна:

Ҳужжат муқоваси

- а) Ўзбекистон Республикаси герби;
 - б) Ўзбекистон Республикаси Олий ва ўрта маҳсус таълим вазирлиги;
 - в) Гувоҳнома;
- Ички қисм. 1-бетда:
- а) Ўзбекистон Республикаси герби;
 - б) ҳужжатнинг шартли белгиси;
 - в) муҳрланган фото;
 - г) «2002 йил 30 декабргача ҳақиқий ҳисобланади».
- Ички қисм. 2-бет:
- а) Ўзбекистон Республикаси Олий ва ўрта маҳсус таълим вазирлиги;
 - б) шартли белги;
 - в) «Хизмат гувоҳномаси»;
 - г) «Акбаров Салим, профессор лавозимида хизмат қилади»;
 - д) Бошлиқ (имзо);
 - е) берилган вақти: 1998 йил 18 ноябр;
 - ё) муддати.

ҚОНУН

Зарурий қисмлар:

- а) қонуннинг номи;
- б) қарор қабул қилувчи ташкилот;
- в) «Тасдиқлансан». Раҳбарнинг имзоси, лавозими, исми, фамилияси;

г) қарор қабул қилинган жой, сана, рақам;

д) матн: бўлимлар, боблар, моддалар.

Қарорнинг сўнггида:

а) Мазкур Қонунни амалга киритиш тартиби ҳақида қонун қабул қилган кенгашнинг хulosаси;

б) матн;

в) раҳбарнинг лавозими, имзоси, исми, фамилияси;

г) қонун қабул қилинган жой, сана, рақам.

Намуна:

ДАВЛАТ ТИЛИ ҲАҚИДА (янги таҳрирда)

ЎЗБЕКИСТОН РЕСПУБЛИКАСИНИНГ ҚОНУНИ

Ўзбекистон Республикаси Олий Кенгаши қарор қила-
ди:

Ўзбекистон Республикасининг 1989 йил 21 октябрда қабул қилган «Ўзбекистон Республикасининг давлат тили ҳақида»ги Қонунига ўзгартириш ва қўшимчалар киритилиб, унинг янги таҳрири тасдиқлансан.

Ўзбекистон Республикасининг
Президенти

И. КАРИМОВ

Тошкент шаҳри
1995 йил 21 декабр

(Қонун матни)

**«Ўзбекистон Республикасининг
давлат тили ҳақида»ги Қонуннинг янги таҳририни
амалга киритиш тартиби тўғрисида**

Ўзбекистон Республикаси Олий Мажлиси қарор қила-
ди:

(Матн. Қонуннинг ижро этилиши устидан назоратни
таъминловчи ташкилот номи)

*Ўзбекистон Республикаси
Олий Мажлиси Раиси*

Э.ХАЛИЛОВ

Тошкент шаҳри,
(1995 йил 21 декабр)

АРИЗА

Зарурый қисмлар;

- а) қаерга ва кимга;
- б) кимдан, турар жойи, лавозими;
- г) ариза;
- г) ариза матни;
- д) илова (агар қўшимча маълумот бўлса);
- е) сана;
- ё) имзо;
- ж) исми, фамилияси.

Намуна:

Тошкент Давлат
Шарқшунослик институти ректори
ЎзР ФА ҳақиқий аъзоси
проф. *Н. ИБРОҲИМОВга*

Тошкент шаҳар Беруний кўчаси,
6-йй, 25-хонада яшовчи
C. R. Холмуҳаммедовдан

АРИЗА

Мени Тошкент Давлат Шарқшунослик институти тур-
киёт кафедрасига лаборант қилиб олишингизни сўрайманн.

1999 йил 18 март (имзо) *C. R. Холмуҳаммедов*

ИШОНЧНОМА

Зарурий қисмлар:

- а) ҳужжатнинг номи (ишончнома);
- б) ишонч билдирувчининг адреси, тўлиқ номи;
- в) ишонч билдирилган шахснинг тўлиқ номи;
- г) ишончноманинг матни;
- д) мурожаат қилинган ташкилотнинг номи;
- е) ишонч билдирувчининг имзоси, исми, фамилияси;
- ё) сана;
- ж) ишонч билдирувчи шахснинг имзосини тасдиқловчининг имзоси, исми, фамилияси;
- з) муҳр ва сана¹;
- и) ишончноманинг амал қилиш муддати.

Намуна:

ИШОНЧНОМА

Мен, Тошкент шаҳар Шайхонтохур тумани Бобур кўкаси 15-йда яшовчи Одилов Карим бўлим ходими Мустафоев Салимга Тошкент Ҷавлат Шарқшунослик институти кассасидан 1999 йил декабр ойи учун маошимни олишга ишонч билдираман.

Ишончнома 2000 йил 15 январгача амал қиласди.

1999 йил 25 ноябрь (имзо)

К. ОДИЛОВ

Карим Одиловнинг имзосини тасдиқлайман

Кадрлар бўлимишининг

бошлиги (имзо)

С. ШАРИФОВ

(муҳр)

1999 йил 26 ноябр

¹Агар Ишончнома бирор моддий буюм олишга қаратилса, Ишончнома берувчи ташкилотнинг муҳри (штампи), ташкилот номи, ишончнома берилаётган шахс имзосиниг намунаси ва паспорт рақами ҳам берилади.

Хужжатларнинг шакли

Хужжатларнинг шакли икки хил бўлади:

- 1) қолипли ёки намунали;
- 2) ижодий.

1. Қолипли ёки намунали ҳужжатлар расмий тасдиқланган тайёр шакллар (формалар)да берилган сўроқ ёки бандларга жавоблар бериш орқали тузилади. Бундай ҳужжатларга — буйруқ, фармойиш, меҳнат дафтарчаси, шахсий варақа (анкета), касаллик варақаси (бюллетень), гувоҳнома, ҳисоб-китоб ва молиявий ҳужжатлар, штат (ходимлар) жадвали, сўроқ баённомаси, битим, шартнома, конверт, хизмат хатлари, сафар гувоҳномаси, маълумотнома ва б. киради. Бу хил ҳужжатлар Тасдиқланган ягона нусхаларда тузилиб, кўрсатилган сўроқ ва бандларга жавоб ёзилади. Бир хил ҳужжатлар ифодаланган мақсадга кўра турлича шаклда, қолипда бўлиши мумкин (масалан, буйруқлар, ишончномалар ва б.).

2. Ижодий ҳужжатлар бўйича тасдиқланган бирор тайёр форма (шакл, ҳужжат намунаси), қолипи берилмайди, шахс бундай ҳужжатни ўзи тузади. Бундай ҳужжатларга таржимаи ҳол, ариза, тавсифнома, тавсиянома, тилхат, тушунтириш хати, йўриқнома ва б. киради.

Бу хил ҳужжатларнинг матни эркин бўлади. Шунга қарамай бу хил ижодий ёзма ишлар ҳужжат тусини олиши учун белгиланган қолипли (трафарет, маълум андоzали) сўз, сўз бирикмалари ва гаплар қўлланиши ва белгиланган аниқ бир тартиб билан тузилиши шарт («Ҳужжатларнинг тили ва услуби» бобига қаранг). Шуниси муҳимки, ҳужжатлар қанчалик қолипли (намунали) бўлса, уларнинг тузилиши шунчалик тезлашади ва кўзланган мақсад шунчалик тўлиқ амалга ошади. Шунинг учун ҳам ҳужжатшуносликда қолипли (намунали) ҳужжат шаклларини тузишга кўпроқ ҳаракат қилинади.

Ҳужжатларнинг тили ва услуби

Ҳужжатларнинг турлари ва уларда маълум бир қолипли сўз ва ибораларни қўллаш, мақсад ва фикрни маълум

бир қатъий тартибда бериш қонун-қоидалари қадимдан маълум.

Бизгача етиб келган туркий тилда ёзилган тошбитикларга, тери, ёғоч, сопол ва пергаментларга ёзилган хужжатлар (VI—VII асрдан бошлаб) ана шу талаблар асосида ёзилган.

Хужжатларининг қайси тилда тузилиши халқнинг ижтимоий таркибиغا, ижтимоий-сиёсий аҳволига қараб белгиланади.

X—XIII асрға оид битикларда асосий халқ оммаси туркий бўлгани учун хужжатлар туркий тилда ёзилган¹. Албатта, Мовароуннахрда араблар ҳукмронлиги даврида (VIII—IX асрлар бошланиши) айрим хужжатлар араб тилида ҳам битилган. IX—X асрларда (сомонийлар ҳукмронлиги даврида) хужжатлар форсий тилда ҳам тузилган. Қораҳонийлар ва Салжуқийлар ҳукмронлигидаги X—XII асрларда ҳокимият туркий қабилаларда бўлгани учун, хужжатлар асосан турк тилида тузилган. Мўғуллар ҳукмронлигига (XIII—XIV аср бошларида) айрим расмий хужжатлар (ёрлиқлар) мўғул тилида ҳам тузилган. Амир Темур давлати (XIV—XVI аср бошлари) ва Шайбонийхонлар ҳукмронлиги даврида (XVI—XVIII аср ўрталари) хужжатлар асосан туркий (ўзбек) тилида ва қисман форсий тилда ёзилди. Ўзбек хонликлари даврида (XVIII аср охири XIX аср иккинчи ярми) Кўқон ва Хоразм хонликларида хужжатлар ўзбек тилида, Бухоро хонлигига форс (тожик) тилида ва қисман ўзбек тилида тузилди. Рус истилоси даврида хужжатлар асосан ўзбекча ва тожикча бўлса ҳам, ҳукмрон идораларда рус тилида тузила бошланди. Совет даврига келиб, хужжатлар рус тилида тузилди. фақат Ўзбекистон мустақил бўлгач, хужжатлар ўзбек ва бошқа тилларда тузила бошланди ва бу ҳақда маҳсус қонун ҳам қабул қилинди².

¹ Қаранг: Малов С.Е. Памятники древнетюркской письменности, Москва—Ленинград, 1951, стр. 200—217. Мазкур хужжатлар тил ва услуб жиҳатдан мукаммал бўлиб, хужжатлар талабига риоя қилиниб тузилганки, бундай услуб ва тил асрлар давомидагина шаклланади. Демак, X асрға қадар ҳам, милоддан олдин ҳам бундай хужжатлар тузилган бўлиши керакки, фақат ҳозирча бу хил хужжатлар топилган эмас.

² Ўзбекистон Республикасининг қонуни. Давлат тили ҳақида (янги таҳрира), 1995 йил 21 декабрь.

Хужжатлар турлича бўлиб, ҳар бирида ўзига хос қолип-ли (трафарет) сўзлар, сўз бирикмалари, гаплар қўлланади. Шу билан бирга ҳамма хужжатлар учун умумий бўлган тил хусусияти ва услуби (белгиланган қолипли, бир андозали) ҳам бўлади.

Хужжатларнинг лексик хусусияти. Мустақиллик туфайли хужжатларда қўлланадиган «эскириб қолган», «арабий-форсий (тожикча)» атамалар тикланди: *мунишоат ёки иш юритиш, далолатнома (акт), йўриқнома (инструкция), қўлланма (руководство), маълумотнома (справка), билдириги (репорт), таржимаи ҳол (автобиография), тавсифнома (характеристика), тавсиянома (рекомендация), баённома (протокол)* ва бошқалар.

2. Хужжатларда маълум бир трафарет, қолипли, бир шаклда қўлланадиган сўзлар бўлади: *буюраман* (буйруқда), *кун тартиби, қатнашдилар, эшитилди, сўзга чиқди, қарор қилинди* (баённомада), *тасдиқлайман, маъқуллансин* (маълум хужжатларга муносабат белгиси) ва б.

3. Хужжат матнларидаги тантанавор, бачкан, дағал, шева сўзлари ҳамда бадиий тасвирий сўзлар (кўчма маъноли истиора, мажозий, ўхшатиш ва бошқалар) қўлланмайди.

Хужжатларнинг морфологик хусусияти.

Одатда, кичрайтириш-эркалатиши аффикслари, субъектив баҳо шакллари қўлланмайди.

Иши оти шакллари (унинг иш аффикси: *бажарилиши*) кўпроқ қўлланади.

Буйруқ феълининг аниқлик нисбати камроқ, мажхул нисбат шакли кўпроқ ишлатилади («*Кўпайтирилсин*», «*Амалга оширилсин*»).

Феълнинг I шахс камроқ, III шахс, ҳозирги — келаси ва ўтган замон шаклларининг қўлланиши кўпроқ учрайди («*Сўрайди*», «*Эшитилди*», «*Илтимос қиласиз*»).

Одатда, сонлар рақам билан, ишончнома, тилхат каби хужжатларда сон билан бирга унинг ёзма ифодаси ҳам кўрсатилади.

Хужжатларнинг синтактик хусусияти. «Хужжат ҳозирги адабий тил нормалари асосида, холис, ихчам жумлалар билан тузилиши шарт» (Қонун, 7-модда).

Ҳужжатларда ягона қолипли сўз бирикмалари қўлланади: «Мен, Абдуллаев Салим (таржимаи ҳол, ишончнома, тилхат), «Муҳтарам Салимов Одилбек» (Таклифнома), «Биз, қўйида қўл қўйиб, далолатнома тузувчилар» (Далолатнома) ва бошқалар.

Ҳужжатларда сўроқ ва ундов гаплар, мураккаб қўшма гаплар қўлланмайди. Одатда, маълум воқеа ва ҳодисаларни, мақсадни холис ва ихчам ифодаловчи дарак гаплар ишлатилади.

Ҳар бир янги фикр абзацдан ёзилади ёки рақамлар билан кўрсатилади.

Ҳужжат сарлавҳаларига нуқта ва бошқа тиниш белтилари қўйилмайди.

Адабиёт:

1. Аминов А. ва бошқалар. Иш юритиш, амалий қўлланма. «Ўзбекистон миллий энциклопедияси». Т., 2000.
2. Маҳмудов Н, Мадвалиев А, Аминов А. Ўзбек тилида иш юритиш (Муншаот). Ўзбек совет энциклопедияси. 1990.
3. Иш қоғозлари қандай ёзилади. Тузувчилар: И момова Т. З, Тухватулина Л. А. «Ўзбекистон», Т., 1992.
4. Муҳиддинова Х. С, Абдуллаева Н. А. Расмий услубнинг дипломатик ёзишмалар тури. Республика таълим маркази, Тошкент, 1997.
5. Ризаев С. Иш қоғозларининг айрим намуналари, Т., «Мечнат», 1990.

Иккичи бўлим

ЎЗБЕК АДАБИЁТИ

I б о б

АДАБИЁТ – МАЊНАВИЯТ КЎЗГУСИ

1. Мумтоз ўзбек адабиёти

Сўз санъати инсоният яратган мўжизалардан бири, энг қадимий ва доим боқий мањнавий бойликдир. Бадиин адабиётда инсониятнинг босиб ўтган узоқ, мураккаб йўли, тарихи, ўзини қуршаб турган муҳитни, коинотни, жонли ва жонсиз оламни, табиат ва жамиятдаги воқса ва ҳодисаларни англаш, тушуниш, идрок қилиш ва уларга ўз муносабатларини билдириш жараёни ва даражаси акс этади. Бадиий адабиёт инсон қалби, ақл-заковати, тафаккури ва идроки, кечинмалари, туйғулари, орзу-армонларининг кундалиги, йилномасидир. У инсоннинг мањнавий камолот сари юришининг ўзига хос тарихидир.

Ҳар бир халқнинг сўз санъати чуқур миллийдир. Чунки бадиий адабиётда у мансуб бўлган халқнинг ўзига хос турмуш тарзи, жуғрофий манзараси – ҳавоси, иқлими, табиати, айниқса, шу халқнинг меҳнати, кураши, одамларнинг ўзаро муносабати, урф-одати, кийиниш маданияти, жамиятни бошқариш усул ва йўллари акс этади. Сўз санъатида, айниқса, миллатнинг ҳаётни, воқеликни, ҳодисаларни, оламни ва ундаги ўзгаришларни тушуниши, идрок этиши ва уларни бадиий тушунтириш тарзи, ўзига хос бадиий тафаккури йўсини, тимсоллар олами намоён бўлади. Ҳар бир миллий адабиёт умуминсоний масалаларни, жумбоқларни ўзига хос бадиий тафаккур, ўзига хос бадиий шакл, ифода воситалари орқали тушунтиради. Умуминсоний ғоялар, фикрлар ва туйғулар ҳар бир адабиётнинг, у катта халқнинг адабиёти бўладими, кичик халқнинг адабиёти бўладими, бундан қатъи назар, унинг қон томири, жону тани бўлади, аммо улар ифода этиш, акс эттириш, бадиий тушунтириш усулла-

ри, воситалари, йўллари, шакллари жиҳатидан бир-бидан фарқ қиласи, яъни ўзига хос ва бетакрордир. Аммо бадиий шакллар ва воситалар, худди шунингдек жанрлар доим бойиб, имконияти кенгайиб, ранг-барангланишиб боради. Ибтидоий жамиятдаги инсон билан, ҳозирги, ХХI асрдаги инсоннинг ҳаёт, олам ва одамни тушуниришида ер билан осмонча фарқ бўлганидек, уларнинг бадиий тафаккурида ҳам шундай катта тафовут бор. Бироқ ҳеч қайси адабиёт ва унинг ёзувчиси ўз қобиғида, яъни ўз миллий адабиёти доирасида ўралашиб қолмайди. У, албатта, бошқа адабиёт, бошқа ёзувчилар тажрибасидан, эришган ютуқларидан (ҳам ғоявий, ҳам бадиий, ҳам шакл бобида) ўрганади. Борди-ю ўрганмаса, бундай адабиёт, бундай ёзувчи камол топмайди, бадиий тафаккур имконияти кенгаймайди. Бир жанрнинг иккинчи адабиётда куртак шаклида бўлса-да, янги жанр уруғи бўлади. Агар мұхит, шарт-шароит, миллий анъана имконияти мавжуд бўлмаса, у томир отиб, «кўклаб» кетмайди. Миллий имкониятлар — миллий асос ўша жанрнинг янги қирраларини кашф этиб, ўзиники қилиб олади — миллийлаштиради. Сўнгра баъзи бир ҳалқда адабиётнинг бирор жанри тараққий этиб, унинг маънавий ва руҳий эҳтиёжини қондирса, иккинчи ҳалқда бошқа жанр тараққий қилиши мумкин. Масалан, қадимги Юнонистонда драматургия жанри кенг ривожланган. Роман жанри антик даврда туғилган бўлса-да, XIX асрда тараққий этди. Ўзбек адабиётида қадимдан шеърият етакчи жанр бўлиб келган, достонлар (масалан, «Ҳамса») Шарқнинг ўзига хос шеърий романидир. Насрий романнинг етук намунаси ўзбек адабиёти тарихида XX асрнинг 20-йилларида пайдо бўлди ва миллий ўзбек романни сифатида жаҳонда тан олинди. Аммо жанрлар моҳијатан байналмилал жанр бўлиб, уларнинг туб белгиси, ички қонун-қоидаси мустаҳкам боқийдир. Ўзбек адабиёти тарихий шеърий тўртликлардан шеър, маснавий, қасида, ғазал, нома, достон, хамсагача (муҳаммас, руబоий ва яна ўнлаб шеър турлари бор) ва охири драматургия ва реалистик роман жанригача бўлган узоқ катта тарихий йўлни босиб ўтди.

2. Ҳозирги замон ўзбек адабиёти

Ҳозирги замон ўзбек адабиёти мураккаб жараёнларни ўз бошидан кечирди. Шу вақтгача мумтоз адабиётимиздан кейинги давр совет адабиёти деб юритилиб, бу давр 1917 йил октябридан бошланган ва республикамизнинг миллий мустақилликка эришган пайтигача бўлган тарихни ўз ичига олади.

Гап бу воқеа аввал Октябрь инқилоби, ҳозирда эса Октябрь тўнтариши деб юритилишидагина эмас. Ҳозирги замон ўзбек адабиётининг туғилиши Туркистоннинг Россия томонидан зўравонлик билан босиб олган даврига бориб тақалади. Бу даврда ижтимоий-иктисодий ҳаётла, ҳалқ онгидা, унинг сиёсий ва бадиий тафаккурида юз бера бошлаган ўзгаришлар — демократик кайфиятлар, маърифатпарварлик ғоялари Муқими, Фурқат, Аваз каби ўша давр адабиётининг йирик вакиллари ижодида ёрқин кўринади. 1905 йилга келиб Россиядаги инқилоб, Туркия, Озарбайжон, Татаристонда бошланган жадидчилик ҳаракати таъсирида Туркистонда ҳам жадидчилик пайдо бўлди. Мактаб — маорифни ислоҳ қилишдан бошланган бу ҳаракат бора-бора ўз олдига ижтимоий тузумни ўзгартириш, миллий мустақилликка эришишини бош мақсад қилиб қўйди. Беҳбудий, Мунаввар Қори, Абдулла Авлоний, Ҳамзалар янги мактаблар очиб, улар учун дарсликлар, қўлланмалар яратиб, газета ва журналлар нашр этиб, жадидчилик ғоясини кенг тарғиб этдилар. Айни чоқда улар шеърлар, ҳикоялар ва драмалар, публицистик асарлар ёзиб, шу янги илғор ғояларни тарғиб этдилар. Бу ҳаракат ўзбек адабиёти ва санъатида драматургия жанри, театрчиликнинг, насрчиликнинг туғилишига олиб келди. Жадидчилик ҳаракати на чоризмга, на мутаассиб маҳаллий амалдорлар, тақводор дин пешволарига маъқул келади: улар ҳалқнинг онги ўсиши, қалб кўзининг очилиши — ҳақиқатни таниб қолишидан чўчишди, шу туфайли жадидларни қувғин қилишди, сазойи этишиди, мактабларини ёлиб қўйишди, газета ва журналларининг чиқишига иқтисодий ва маъмурий томондан тўсқинлик қилишди. Лекин

тариҳнинг фиддирагини орқага юргизиш мумкин эмас эди, бу ҳаракат ўз сафига тобора жамиятнинг ҳамма табақасини торта бошлади. Улар сафига Фитрат, А. Қодирӣ, Чўлпон каби йирик санъаткорлар келиб қўшилди. Бу ёзувчилар Октябрь инқолобидан кўп нарса умид қиласдилар. Октябрь инқолоби жадидлар орзу қилган эркинлик, тенглик, миллий мустақиллик, маърифат беради, баҳт-саодат йўлига олиб чиқади, деб ўйладилар ва уни мадҳ этишга уриндилар. 1917 йилдан кейин жадид ёзувчиларининг ўз иқорига кўра (А. Авлоний, Мунаввар Қори ва бошқалар), янги тузум — советлар томонига ўтдилар. Асарларида ҳам халқни шу тузумни ҳимоя қилишга даъват этдилар. Лекин кўп ўтмай, юртда фуқаро уруши, босмачилик ҳаракати, аслида халқ қўзғолони бошлангач, янги тузум, большевиклар партияси олиб бораётган сиёсат халқнинг орзу-армонидан, жадидларнинг мақсад-идеалларидан узоқ эканлиги маълум бўлиб қолгач, Чўлпон, Фитрат, А. Қодирийлар яна миллий мустақиллик, эркинлик, тенглик, адолат фояларини фаол тарғиб этишга ўтдилар. Қўзғолончилар енгилгач, Чўлпон энди «Сомон парча», «Ҳазон» каби таслимчилик руҳидаги шеърларни ижод қилди. Большевизм, совет диктатураси ижодий зиёлиларга қарши таъқиб-тазиيқни, курашни бошлаб юборди. Ҳатто А. Қодирий бир бор қамалиб чиқди. Чўлпон ва Фитратни матбуотда, мажлисларда қаттиқ танқид қилиб, миллатчиликда айблай бошладилар. 1930 йилда Боту қамалди, кўп ўтмай машъум қатағон-қирғин йиллари бошланиб кетди. 1938 йилга келиб А. Қодирий, Чўлпон, Фитратлар отиб ташланди, Усмон Носир. Элбек каби ўнлаб зиёлилар ҳисбсга олинниб сургун қилинди ва улар ўша йироқларда ҳалок бўлдилар.

Мана шундай шароитда, шу муҳитда (1929 йилда Ҳамза ҳам ўлдирилган эди) адабиётга кириб келган Ойбек, F. Ғулом, Ҳ. Олимжон, А. Қаҳҳор, Уйғун, Миртемир каби ёш ёзувчилар қўрқиб, чўчиб ижод қила бошладилар, большевизм, совет ҳукумати, ленинизм уларни ўз чизифидан юришга мажбур этди. Албатта, ҳақиқий талант ижодкордан ҳаёт ҳақиқатини ифодалашни ҳам тақозо қиласди. Мазкур ёзувчилар воқеликда ва инсонлар онги, қалбида, пси-

хологиясида юз бераётган ўзгаришлар, янгиликларни тўғри, ҳаққоний акс эттирувчи асарлар ҳам яратдилар. А. Қодирийнинг «Ўтган кунлар», «Мехробдан чаён», Фитратнинг кучли, жиддий илмий асарлари, «Абулфайзхон» фожиаси, Чўлпоннинг шеърлари, «Ёрқиной», «Замона хотини» драмалари, «Кеча ва кундуз» романи 1917 йилдан кейинги ўзбек адабиётининг маҳсулоти эди, булардан кейин Ойбекнинг ажойиб шеърлари, F. Гуломнинг «Шум бола», «Ёдгор» қиссалари, X. Олимжоннинг муҳаббат ва инсон эрки масаласини кўтариб чиқсан «Зайнаб ва Омон» достони, А. Қаҳҳорнинг ўтмиш ҳақидаги ҳикоялари бу давр адабиётининг ижобий ҳодисалари эди. Гарчанд узоқ йиллар кечва бугун, яъни кечва, 1917 йил Октябрь инқилобидан аввалги ҳаёт ёмон ва бугун — совет даври яхши, деган принципда ижод қилинган бўлсада, шу кечва тасвири орқали ҳар бир имо-ишоралар йўли билан бугунни танқид қилувчи, халқни огоҳликка чорловчи асарлар ҳам ёзилди. Жумладан, Чўлпоннинг «Кечва ва кундуз» романидан чор империясини фош этувчи саҳифаларнинг остида иккита фикр қатлами — большевизмнинг, қизил аскарларнинг зулми, ноҳақ ҳатти-ҳаракати тўғрисида ҳукм ётади. Чўлпон жадид билан Мирёқуб сұхбатида жадидчилик йўли социалистлар йўлидан бутунлай фарқ қилиши, жадидлар одамларнинг ерга эга бўлиши, завод, фабрикалар қуриб, бой бўлишини истайди, дилда, тилда, ишда туркий халқларнинг бирлашишини ўйлайди, орзу қиласи, дейди. Чўлпон мустамлакачилик сиртмоғидан кутулиб, мустақилликка чиқишга ишоралар қиласи.

Ҳозирги замон ўзбек адабиёти ўз йўлида кўп нарсаларни ҳам бой берди, ҳам қўлга киритди. Иккинчи жаҳон уруши даври ўзбек адабиётининг бош пафоси моҳияти талончилик урушини қоралаш, эркинлик, тинчлик, дўстлик ва айниқса қаҳрамонлик, ватанпарварлик ғояларини тарғиб этишдан иборат эди. Бу даврга келиб собиқ СССР таркибиға кирган ҳамма республикаларга ягона ватан туйғуси ва бу Ватан Россиядир, деган тушунча зўр бериб сингдирилган эди, ўз юртини куйлаш, улуғлаш миллатчилик деб қораланиши одат тусига кирган эди (бу ай-

ниқса урушдан кейинги йиллар — 50 йилларда янада кучайди). Шунинг учун Ҳ. Олимжоннинг «Россия» шеъридаги гоя деярли барча ижодкорлар асарларида ҳам тарғиб этилар эди. Бориб-бориб бу гоя ягона оила түйгуси, деган тушунчага рус халқи оға ва бошқа халқдар ука, деган фикрга айланаб кетди, бунинг заминида бошқа миллатлар иккинчи даражали, рус халқига тобедир, деган ният ётар эди. Шу туфайли йирик эпик асарларда рус кишиси образи фақат ақл-фаросат ўргатувчи, йўл кўрсатувчи, етакловчи тарзида, ҳеч хато қилмайдиган образ тарзида, асосан ижобий қаҳрамон сифатида кўрсатилади.

Иккинчи жаҳон уруши даври совет тузуми ва совет халқларининг кучли ва заиф томонларини намоён қилди, аммо совет халқларининг немис фашизми устидан ғалаба қилиши бир томондан совет кишиларининг буюк жасорати, ватанинг парварлигини кўрсатса, иккинчи томондан бу ғалаба совет тузумининг, коммунизм гояси зўравонлик моҳиятининг янада бир неча ўн йил яшириб келиниши учун хизмат қилди. Чунки инсоният фашизмни қоралаган, тинчликни истаган эди. Шу уруш йиллари ўзбек адабиётида инсонпарварлик, қаҳрамонлик, дўстлик, умуминсонийлик — байналмилаллик ва тинчлик гояларини тарғиб этишда ибратли тажрибалар орттирилди. F. Фуломнинг инсонлар ирқи, миллати, ранги, насл-насибидан қатъи назар ҳаммаси тенгдир, деган гояни тарғиб этувчи «Мен яхудий», «Сен етим эмассан» каби шеърлари, Ҳ. Олимжоннинг эрк, озодликни тарғиб этувчи «Муқанна» асари, Ойбекнинг буюк инсонпарвар образини гавдалантирган «Навоий» романи, М. Шайхзоданинг қаҳрамонлик руҳидаги «Жалолиддин Мангуберди», Уйғун ва И. Султоннинг «Алишер Навоий» драмалари, Зулфиянинг «Уни Фарҳод дер эдилар» достони каби ўнлаб асарлар шу давр адабиётининг инсон ва жамият, тарих ва замонни ўрганишлаги маълум ютуқларидандир.

50-йиллар адабиётининг бир етакчи фазилати бор эди, бу яратувчи инсон, меҳнат кишисининг образини чизишга интилишdir. Буни урушда вайронага айланган мамлакат ҳолати, иқтисодий аҳвол, одамларнинг тинчликка ташналиги тақозо қиласа эди. Тўғри, иккинчи жаҳон уру-

шида совет мамлакатининг ғолиб чиқиши адабиётда малхиябозлик, қасидачилик, дабдабабозлик, сохта кўтарикиликин авж олдириди, йирик эпик асарларда воқеликдаги қескин зиддиятларни, курашишни четлаб ўтиш, хаспўшлашга зеб берилди. Ленин, Сталин, коммунистик партияни кўкка кўтариш, оддий инсонни, унинг руҳий дунёсини, мураккаб кечинмасини назар-писанд қилмасликка уринилди. Колхоз ҳаёти, деҳқонлар, ишчилар меҳнати романтик бўёқларда шодиёна руҳда тасвирланди, инсон характеристикинг шаклланиши, уни ўрганиш эмас, балки меҳнатнинг ўзини, техникаси, саноат ва қишлоқ хўжалик муаммоларини ечиш асар марказига қўйилди. Деҳқонлар, ишчилар, хотин-қизлар ва зиёлилар йўлини намуна қилиб кўрсатиш баҳонасида («Олтин водийдан шабадалар», «Кўшчинор чироқлари», «Опа-сингиллар», «Ўқитувчи») совет тузумининг афзаллигиғояси тарғиб этилди. Адабиёт асосан партиянинг маддоҳига айланив қолди. Ижод эркинлиги қофозда, оғиздагина айтилди, амалда ижодкорларининг партиянинг чизган чизигидан бир энлик чиқишига йўл берилмади. Бунда социалистик реализм методи никоб вазифасини ўтади. Ҳатто 50-йиллар бошила бир қатор ёзувчилар (М. Шайхзода, Миртемир, С. Аҳмад, Шуҳрат, Шукрулло, М. Исмоилий ва бошқалар) ҳибсга олиниб, сургун қилинди. 1956 йилдан (тўғрироғи Сталин вафотидан кейин) музлар бироз эрий бошлади, эркинлик эпкинлари эса бошлади. Мазкур ёзувчилар озодликка чиқдилар. 30-йилларда қатағон қилинган, отиб ташланган ёзувчилар оқланди. Аввал А. Қодирийнинг номи тикланди, «Ўтган кунлар», «Мехробдан чаён» романлари баъзи қисқартиришлар билан босилиб чиқди. 80-йилларга келиб, Боту, Элбек, У. Носир, Чўлпон, Фитрат каби ёзувчилар тўғрисида фикр юритиш, асарларидан намуналар бериш имконияти туғилди. Мазкур ёзувчиларнинг адабиётимиз тарихи ва тақдиридаги ўрни ва аҳамияти ҳалол баҳолангач, аср бошидаги адабиётимизнинг ҳолатини ҳаққоний кўрсатиш имконияти туғилди.

Аммо 50 — 70-йиллар адабиётини фақат қора бўёқда кўрсатиш адолатдан эмас. Катта талант эгаси ҳаёт ҳақиқатини ифодаловчи асар ёзмаслиги мумкин эмас.

Бундай ижодкорлар рост гапни айтиш йўлларини қидиради ва топади ҳам. F. Фуломнинг «Вақт», «Ўзбек халқининг ғурури» каби шеърлари, Миртемирнинг «Сурат» поэмаси, M. Шайхзоданинг «Мирзо Улуғбек» фожиаси, A. Қаҳҳорнинг «Даҳшат», «Тўйда аза», «Тобутдан товуш», «Ўтмишдан эртаклар» асарлари, Зулфиянинг ҳижрон ва садоқат мавзуидаги шеърлари адабиётимиздаги бадиий силжишдан далолат беради. Мазкур ёзувчилар сафига Ш. Рашидов («Кашмир қўшиғи»), Сайд Аҳмад («Келинлар қўзғолони»), A. Мухтор («Чинор»), O. Ёқубов («Улугбек хазинаси», «Диёнат»), П. Қодиров («Юлдузли тунлар»), улар кетидан Э. Воҳидов (шеърлари, «Олтин девор», «Руҳлар исёни» достони), A. Орипов («Йиллар армони», «Жаннатга йўл»), Р. Парфи, O. Матчон шеърлари, Ў. Ҳошимов («Икки эшик ораси»), Ш. Холмирзаев («Бодом қишида гуллади» ҳикоялар тўплами, «Қора камар» пьесаси), X. Тўхтабоев («Сариқ девни миниб...»), Ш. Бошбеков («Темир хотин») асарлари ва улардан кейин адабиётга қадам қўйган У. Азим, Ж. Камол, X. Даврон шеърларида янги руҳ, янги оҳанг, янги ифода йўллари кўринди. Адабиётнинг ҳамма жанрларида ибратли гоявийбадиий изланишлар содир бўлди. Айниқса, ҳозирги замон ўзбек шеърияти умуминсоний йўналиши, фалсафий теранлиги, қамровининг кенглиги ва психологик чуқурлиги билан республикамиздан узоқ-узоқларга етиб борди. Тарихий романларимиз ва комедияларимиз ҳам жаҳоннинг кўплаб китобхонлари ва томошабинларига маъқул бўлди. Чунки тарихий мавзудаги асарлар ва комедияларда, сатирада, юморда ёзувчиларимиз ўзларини бир қадар эркин ҳис қилдилар ва ҳақиқатни дадилроқ айта олдилар. Сўнгра ёзувчилар, айниқса, адабиётимизнинг ёш авлоди рамзий образлар, ҳар хил ривоят, афсона, мифлардан фойдаланиб, жиддий, муҳим ҳақиқатни, қалтис гапларни айтишга интилди. 1986 йилга келиб мамлакатда қайта қуриш деган жараённинг бошланиши муносабати билан ёзувчилар катта ижодий эркинликка эга бўла бошлади. Айниқса, республикамиз миллий мустақилликка эришгач, ижодкорлар учун янги имконият, янги давр бошланди.

3. Мустақиллик даври адабиёти

Адабиётимизда миллий тафаккур тобора жонланмоқда: бу жамият ва инсонга ўтмишда ўтган улуғ даҳоларимиз фалсафасидан келиб чиқиб ёндашиша, яъни фозил жамият ва фозил, баркамол инсон, одил йўлбошчи идеалидан келиб чиқиб ёндашиш, инсоннинг руҳий такомили хусусида исломий ақидалар — Куръон ва ҳадисларга суюниб фикр юритиши, Яссавий ва Нақшбанд фалсафасидан озиқланишда кўринмоқда. Албатта, бу руҳ, бу тенденция ҳозирча асарларнинг бутун жисмига, ҳужайрасига, қаҳрамонлар қонига, қалбига сингганича йўқ.

Адабиёт ва сиёsat, адабиёт ва мафкура ҳар доим адабий ҳаётнинг кун тартибида турган. Танқидчилегимиз етмиш уч йиллик адабиётни коммунистик партия йўл-йўриғи, совет тузуми мафкурасини тарғиб этган адабиётдири, дея баҳолади. Айни пайтда адабиёт, сиёsat мафкурадан ҳоли бўлиши керак, деди. Кейинги фикр унча тўғри эмас... Албатта, адабиёт ва санъатнинг ўзига хос тараққиёт қонунига мос келмайди. Бироқ жамият адабиёт ва санъатнинг ривожига ижобий ёки салбий таъсир этиши мумкин. Агар жамият — тузум,adolatli ишларни олиб бораётган бўлса, ҳалқ, инсон манфаатини ўйласа, ҳақиқат томонда турса, адабиёт ва санъат уни ҳимоя қиласди, аксинча бўлса, оппозицияга ўтади ва унга қарши курashadi. Чўлпоннинг ёки Фитратнинг қайси асари сиёsatдан ҳоли эди? Ахир улар миллий мустақиллик учун,adolat учун, ҳалқ манфаати учун курашганлиги туфайли миллатчиликла айбланди ва қатл этилди. Улар асарларида ҳақиқат туйғуси бадиий юксак шаклда ифодаланди. Аммо қатағон йиллари, турғунлик даврида яратилиб, коммунистик партиянинг соҳта сиёsatини тарғиб этган, ёлғон сўзлаган асарларни реализмдан, ҳаққонийликдан чекинган асарлар, деймиз, бу тўғри. Сиёsatчилар ва публицистика жанрининг вазифасини ўз бўйнига олишга интилиш бир лаҳзалик, ўткинчи шеърларнинг ёзилишига олиб келди. Бугунги кунга келиб қатор жанговар шоирларнинг жимиб қолиш сабабларидан бири ҳам шу ерда — сиёsat, мафкура ва адабиёт деган муаммонинг бир

томонлама тушунилишида, бадиий мезонни назар-писанд қилмасликда эди. Адабиёт ва санъатда сиёсат бўлади, мафкура бўлади, аммо адабиёт ва санъат сиёсат, мафкура қороли эмас. Инсонни ўрганиш ва унинг бугуни, эртаси тўғрисида қайғуриши нуқтаи назаридан сиёсат мафкура билан жипс боғланади.

Хозирги шеъриятда, умуман адабиётимизда ўзбек халқининг ўтмишда жаҳон цивилизациясига кўшган буюк ҳиссенаси — математика, медицина, фалсафа, исломшунослиқ, ҳарбий санъат, алабиёт ва шу каби кўп соҳаларнинг ривожланишидаги фаол иштирокидан қонуний турурланиш ва ўзлигини танишга астойдил интилишини акс эттириш ҳаракати кучлидир. Тарихимизни янгича ўқиш ва уқиши, янгича, яъни ҳаққоний идрок этиш бобида жиддий изланишлар қилинмоқда. Э. Воҳидов, А. Орипов шеърлари, Тоғай Муроднинг «Отамдан қолган далаляр», Набижон Боқийнинг «Қатлнома» каби қатор асарларида теран маънавий-рухий изланишлар бор. Айни чоқда бизда кейинги йилларда тарихий воқеа, тарихий ҳужжатлар ва тарихий шахсларга ёндашишга (80—90-йиллар орасида) тоғ ўнгга, тоғ сўлга оғишлар содир бўлиб келди. Жумладан Шароф Рашилов ҳаёт вақтида баъзи насрый асарларда у баланд пардаларда мақталди, у оламдан ўтгач эса унга нисбатан адолатсизларча ёндашилган пайтда ёзилган бир қатор романларда унга нисбатан қора бўёқ ишилатилди. Бу — адабиётдаги онгли иккюзламачилик эди. Етмиш уч йил давомида одил бўлганми, золим бўлганми, бундан қатъи назар, деярли барча шоҳлар ва хонлар қора бўёқда тасвирланиб келинди (Улуғбек ва Бобурларни чет элдаги улуғ зотлар улуғлагандан кейингина биз уларга яхши кўз билан қарай бошладик).

Октябрь инқилоби, босмачилик ҳаракати, колхоз тузуми, хотин-қизлар озодлиги, ўзга халқлар, айниқса, рус кишиси образини яратиш масалаларида ҳам факат адолатли нуқтала турит фикр юритмоқ керак: Октябрь инқилоби халқларни нотўғри йўлга бошлибгина қолдими?! 20-йиллар даврида ўзбек адабиётидаги юз берган уйғониш илдизлари шу инқилоб билан боғлиқ эмасмиди?! Нега Чўлпонлар хотин-қизларнинг озодлиги, жамиятдаги мав-

қең түғрисида (шеърлари, «Замона хотини» пьесаси) ёзди?! Босмачилик даврида босмачиларнинг ҳаммаси ҳам Мадаминбеклар каби фақат озодлик, миллий мустақиллик учун курашдими?! Ҳалқ орасида ўша қизил аскарлар, большевиклар каби ҳалқни талаган «босмачи»лар йўқмиди?! Кўринадики, тарихимиз... ниҳоятда мураккаб, фақат ҳақиқат ва яна ҳақиқатни ёзиш орқалигина ҳалқнинг ҳаёт, кураш тарихини ҳаққоний ёритиш мумкин. Ҳозирги ҳаётимиздаги янгиланиш жараёнлари: унинг қийинчиликлари, умидбахш куртаклар, ўткир зиддиятлар, ҳалқимизнинг руҳий тетиклашиб бориши адабиётда теран таҳлил этилаётгани йўқ.

Мунгли шеърлар, босиб ўтган йўлнинг фақат мулҳишликларини кўрсатувчи асарлар, қуруқ мақтov-мадҳиябозлик руҳидаги тўқималар ҳам ёзилмоқда. Адабиёт ва санъатга нур берадиган нарса бу орзу-армондир, идеалдир. Шу идеал — буюк мақсад инсонни яратишга, яшашига, олдинга чорлайди, қийинчиликларни енгиб ўтишга кўмаклашади, бирлаштиради.

II б о 6

МАЪРИФАТ ВА МАЪНАВИЯТ ТАРФИБОТЧИЛАРИ

АҲМАД ЯССАВИЙ

Аҳмад Яссавий ўзбек классик адабиёти тарихида ва ижтимоий фикр ривожида ўзининг катта мавқенига эга бўлган буюк шоир, «Яссавия» тариқатининг асосчисидир. У туркий тасаввуф тарихида сўфийлик йўл-йўриқларини ва Куръон, ҳадислар маъно-мазмуни ва фоясини ҳалқ орасида кенг ёйишга буюк ҳиссасини қўшди. Унинг «Девони Ҳазрати Ҳожа Яссавий» асари ҳалқ орасида «Девони ҳикмат» номи билан ниҳоятда кенг тарқалган. Асарнинг асл қўлёзмаси бизгача етиб келмаган, лекин турли даврлар, асрлар давомида кўчирилган нусхаларининг мазмуни, мундарижаси, руҳи ва йўналиши унинг асл нусхасига ҳамоҳанглигига шубҳа уйғотмайди. Қатор тарихий ҳужжатлар, айниқса, учта муҳим далил Аҳмад

Яссавийнинг ўз замонида ҳам, ундан кейинги асрларда ҳам катта ҳурмат ва эъзозга сазовор бўлганлигини тасдиқлади. Бири 1379 йилда Амир Темур Яссидан ўтаётуб, Аҳмад Яссавий қабрини зиёрат қилиши ва қабр устига мақбара қуришга фармон беришидир. Иккинчи ҳужжат Навоийнинг «Ҳайратул-аброр» ва «Насоимул-муҳаббат» асарларида Аҳмад Яссавийга берилган юксак баҳодир. «Хожа Аҳмад Яссавий — Туркистон мулкининг шайхулмашойихидур,— дейди Навоий, — Мақомати олий ва машхур, каромати матаволий ва номаҳсур эрмиш». Яссавийнинг ҳаёти тўғрисидаги нодир маълумотлар эса Сафийнинг 1504 йилда ёзилган «Рашаҳоти айнул-ҳаёт» — «Ҳаёт булогидан қатралар» асарида берилган. XX аср ўзбек адабиётшунослигига Яссавий ҳақида берилган маълумотлар (жумладан А. Саъдий, Фитрат, Иzzат Султон, Н. Комилов ва бошқалар) мазкур асарларга асосланилган. Яссавийнинг доим ҳалққа руҳий мададкор бўлиб келганлигини яна шу нарса тасдиқладики, Чор Россияси Ўрта Осиёни босиб олиб, исломга ва маҳаллий ҳалқлар эркига қарши кураш олиб борган пайтларида ҳалқ қайта-қайта Яссавийга мурожаат этган. Ўша пайтлар Яссавийнинг «Девони ҳикмати», Сўфи Оллоёрнинг «Саботул-ожизин», Рабгузийнинг «Қиссаи Рабгузий» асарлари, Машраб ва Ҳувайдо китоблари йигирма мартараб тошбосмада нашр этилган.

Яссавийнинг ўзи ҳам асарларининг қадр-қиммати ва умрбоқийлигини сезган бўлса керакки, бундай деб ёзган эди:

Фарид Аҳмад сўзи ҳаргиз қаримас,
Агар ер остига кираса чиримас.

Аҳмад Яссавий ҳаётига доир баъзи муҳим маълумотлар ва унинг руҳий олами манзаралари унинг «Ҳикматлар»ида мавжудdir. У «Туққан еrim ул муборак Туркистондир», дейди. У Сайрамда Шайх Иброҳим оиласида дунёга келган. Унинг вафоти санаси аниқ, яъни 1166 йилdir. Туғилган йили номаълум. Ривоятларга қараганда, Аҳмад Яссавий 125 йил умр кўрган экан. «Унинг қачон

туғилиши маълум эмас. — деб ёзган эди Фитрат, — бироқ вафотининг ҳижрий 562 да бўлғонини ҳамда «Девони ҳикмат»даги шу:

Тўрт юз йилдан кейин чиқиб уммат бўлғой,
Неча йиллар юруб ҳалқа хизмат қилғой.—

байтини назарда тутиб, ҳар ҳолда унинг ҳижрий тўртингчи асрнинг иккинчи ярмида туғулғонига ҳукм қилиш мумкиндири. Яссавийнинг отаси Шайх Иброҳим исмли эшон бўлиб, унинг ёшлигига оламдан ўтган (онаси ундан ҳам аввалроқ вафот этган — С.М.). Ятим қолғон Яссавий у замоннинг машҳур шайхларидан олғон. Арслонбоб ўлгандан кейин бизнинг Яссавий пир излаб Бухороға келган, юқорида ёзғонимиз Юсуф Ҳамадонийға учраб, шунга мурид бўлғон. Юсуф Ҳамадоний ўлгандан сўнг Бухорода унинг учинчи халифаси бўлиб шайхлиқ қилғон. Бир оздан сўнг Бухоро шайхлигини Юсуф Ҳамадонийнинг тўртингчи халифаси бўлғон Абдулхолиқ Фиждувонийға топшириб, ўзи Яссига қайтқон. Онда дала ҳалқидан кўп мурид йигиб, хонақоҳ очиб, шайхлиқ қилғон».

Яссавий олтмиш уч ёшга етганда, ер остига хонақоҳ қуриб, қолган умрини шу ерда ўtkазади. Бу ишининг кўпроқ рамзий маъноси бор эди. Чунки у ҳеч қачон ўз муридларидан, ҳалқдан, дунё ташвишлари, жумбоқларидан ўзини олиб қочмаган. У ёруғ дунёдаги адолатсизликлар, ҳақсизликлар, бузуқликлар, ифлосликлар, яъни — ёмонликни рад этиб, борлиғи билан Аллоҳ билан бирга бўлишни, унга етишишини орзу қилди. «Ёруғ дунё ҳаром қилиб, Ҳақни сўйдим» ва «Жони дилим, ақли—хушим Аллоҳ деди», дейди. Бугина эмас. Яссавий пайғамбаримизни чексиз севар эди ва барча «Ҳикматлар»ида шу Аллоҳ ва пайғамбаримизни улуғлади. Яссавий «Ўн саккиз минг оламга сарвар бўлган Муҳаммад» ёки «Ал-қаззобу ло уммати» деди, билинг Муҳаммад каби фазалларида пайғамбаримизнинг юксак фазилатларини очган бўлса, Або Бакр, Ҳазрати Умар, Усмон ва Али каби чориёларга бағишлаган фазалларида бу зотларни таърифлайди. Пайғамбаримиз олтмиш учда ёруғ дунёни тарқ этган экан. Яссавий ҳам шу ёшга етгач, ўз умрининг ниҳоясига еткандай

ҳис қиласи: «Ўлмас бурун жон бермакни дардин торттим», «Олтмиш учда умрим охир, тамом, Мустафога мотам тутиб кирдим мано». Албатта, Яссавийнинг пайғамбаримизга чексиз ҳурмат-эътиқодини намойиш қилиб, ср остига кириб, у ерда «хорлиғ тортиб, кўп мاشаққат» кўриши муридларининг, халқнинг унга бўлган ҳурмат, ишонч-эътиқодини янада оширган. Яссавийнинг Аллоҳга чексиз муҳаббати ва унга етишиш учун астойдил интилиши, ҳақсеварлиги, адолатпарварлиги, поклик ва гўзаликка ташналиқ, руҳий эркинлик ва баркамолликка интилиши сўфийликнинг бош фазилатидир. Яссавий «Ҳикмат»ларида эркесвар, инсонни илоҳийлаштирган Мансур Ҳалложнинг қайта-қайта тилга олиниши бежиз эмас. Мансур Ҳаллож (858—922) комил инсон сифатларини Аллоҳ сифатларига тенглаштириб, «Анал ҳақ» («Мен Ҳақман») дегани учун мутаассиб руҳонийлар уни кофирликда айблаб, дорга осган эдилар. Яссавий шу Мансурга сифинади ва «Мансур янглиғ бошим бериб ишқ дорида...», дейди. Бир ғазалини тўлалигича Мансур Ҳалложга бағишлайди ва бундай дейди:

Билмадилар муллолар «Анал—ҳақ»ни маъносин,
Қол аҳлига ҳол илмин Ҳақ кўрмади муносиб.
Ривоятлар битилди, ҳолин ани билмади,
Мансурдек авлиёни кўйдилар дорга осиб.
...Афсонадур шариат, фарзонадур ҳақиқат,
Дурдонаадур тариқат ошиқларга муносиб.

Яссавий инсонни Аллоҳ сифатлари мезони билан ўлчайди. шу туфайли унинг фазилатлари ва айниқса қусурларини жуда теран таҳлил этади. Бунда Қуръон ва ҳадислар асосий тош-тарозу бўлиб хизмат қиласи. «Девони ҳикмат»нинг мавзу, мазмуни ва фикр-ғоясининг рангбаранглиги, чуқурлиги ва юксаклигининг боиси ҳам шунда. Аллоҳни таниш ва суюшга чорлаш, шариат, ўлимнинг ҳақлиги, тариқат ва ҳақиқат йўлини босиб ўтишга даъват, бу дунёning ўткинчилиги, бойликка ружу қўймаслик ва ўз-ўзи билан, нафси билан қаттиқ курашиш, гарилар, етимларни хўрламаслик, зулм ва золимлар, мутаассиб эшонлар, тавба-тазарру ва бошқа қатор масалалар

тўғрисида фикр юритади. Иззат Султон Яссавий адабий меросининг асоси тўғрисида сўзлар экан, бундай дейди: «Буюк мутафаккирнинг биринчи мақсади — одамларни Аллоҳни танишга, унинг яқини бўлишга даъват этишdir. Иккинчи мақсад — одамни Аллоҳнинг энг азиз ижоди сифатида эъзозлаш ва учинчи мақсади — дунёдаги гуноҳни, айниқса, адолатсизликни қоралаш, бу адолатсизликнинг қурбони бўлган инсонни ҳимоя этиш ва адолатга даъват этишdir. Тўртинчи мақсади — бу дунёнинг доғларини инсонга юқтирумаслик учун, унинг гуноҳларидан инсоннинг тозалигини сақлаш йўли ёки воситаси сифатида бу дунёдан нари туришга, яъни таркидунёчиликка даъват этишdir. Яссавий ижодининг ҳамма бошқа фоялари шу тўрт мавзу, мақсад доирасидан узоққа кетмайди. Бу мақсадларнинг ҳар бири ўз замонаси учун катта прогрессив аҳамиятга эга. Ҳатто таркидунёчилик ҳам адолатсизликка ва бу дунёдаги гайриинсоний ишларга нафратнинг ифодаси сифатида, инсондаги софликни сақлашга интилиш сифатида маълум даражада прогрессив аҳамиятга эга эди». Шу ўринда бир нарсани эслатиб ўтиш лозимки, таркидунёчилик фоясини салбий маънода тушуниш керак эмас. Узлат, хилватга берилиш сўфиийликнинг муҳим белгиларидандир. Н. Комилов «Тасаввуф» номли асарида Имом Фаззолийнинг узлатнинг фойдали ва зарарли томонларини жуда теран очиб берганлигини кўрсатиб, Баҳоуддин Нақшбанднинг шу «икки томонни бирлаштириб, ҳам хилват сари руҳий эҳтиёжни қондириш, ҳам жамоат ичиди яшаб, элга фойда келтириш йўлидан борганларини» алоҳида таъкидлайди. Олимнинг узлат, хилватни (бир сўз билан айтганда таркидунёчиликни) ҳозирги вақтда баъзи тадқиқотчилар бутунлай инкор этишга уринаётганлигини танқид қилиб ўтишини маъқуллаш лозим. «Шуни таъкидламоқчимизки,— дейди Н. Комилов, — Баҳоуддин Нақшбанд ҳазратлари «зоҳирда халқ билан ва ботинда Ҳақ билан» шиорини кўтариб чиққан бўлсалар-да, аммо хилватни бутунлай инкор этган эмаслар. Умуман, хилватни инкор этиб, сўфий бўлиш мумкин эмас. Чунки тасаввуф ботин билан, файб олами

билан ошноликдир, бу эса табиий равиша алоҳида ҳаёт тарзи, омманикига ўхшамаган руҳий-маънавий равиш ва амалларни талаб қиласди. Хилватнинг ҳақиқати файри Илоҳ нарсалар ва ишлардан фориғ бўлиб, дилни Худо муҳаббатига боғлашдан иборат. Нақшбандия буни чилла ўтирмасдан, сухбат билан кўлга киритишни тарғиб этади. Ҳамма фарқ ана шунда, яъни «хилват дар анжуман» қондасини ҳақиқатга етишнинг ўзига хос усули, тариқат тарзи деб билмоқ керак».

АЛИШЕР НАВОИЙ (1441— 1501)

Алишер Навоий — улуғ ўзбек шоири, мутафаккири, ўзбек адабиёти ва ўзбек маданиятининг яловбардори, ўзбек адабий тилининг асосчиси. Навоий асарларининг умуминсоний гояси — инсонпарварлиги, ҳалқпарварлиги, адолатпарварлиги, дўстлик, тинчлик, меҳр-садоқат, пок севги ва вафо, маърифатлилик каби гўзал туйгуларни юксак бадиий шаклда ифодалаши орқали ўзбек адабиёти шуҳратини дунё миқёсига олиб чиқди ва ўзи ҳам Низомий, Фирдавсий, Хомер, Шекспир, Данте, Гёте, Пушкинлар қаторидан ўрин олди. Алишер Навоий ўзбек адабиётидаға ғазалчиликни юксак босқичга кўтарди, бетакрор гўзал «Хамса»си билан ҳамсачилигимизга асос солди, насрый асарлари билан ўзбек насрчилигини катта йўлга олиб чиқди. Адабиёт, айниқса, шоир ва ёзувчилар ҳақидаги аруз илми, тил ва дин, тарих тўғрисидаги илмий асарлари орқали теран олим эканлигини намойиш қилди. Шоҳ Ҳусайн Бойқаронинг энг яқин дўсти ва саройнинг энг обрўли кишиси — улуғ амири сифатида ҳалқ тақдиди, адабиёт, санъат, маърифат, ободончилик ва умуман мамлакатнинг тақдиди, тараққиёти тўғрисида жон куйдиришнинг ажойиб намунасини кўрсатди. У ўз давридаёқ меҳрибон ва талабчан устоз сифатида буюк ҳурмат-эҳтиромга сазовор бўлган эди, кейин ўзбек адабиётининг ярим асрлик тарихида ҳам ижодкорларнинг раҳнамоси бўлиб келди ва бундан кейин ҳам шундай бўлиб қолади.

Алишер Навоий 1441 йил 9 февралда — ҳижрий йил ҳисобида 844 йил рамазон ойининг ўн еттинчисида Ҳиротда дунёга келди. Алишернинг отаси Фиёсиддин Муҳаммад (у Фиёсиддин Кичкина лақаби билан машхур эди) темурйлар саройининг эътиборли-обрўли кишиси бўлиб, Сабзавор ҳокими эди, онаси Қобулнинг амирзодаларидан Шайх Абу Сайд Сангининг қизи эди. Қўринадики, Алишер ўзига тўқ, ўқимишли, маърифатли ва обрўли оилада дунёга келди (тоғалари Мир Сайд Қобулий, Муҳаммад Али Фарбийлар ҳам эътиборли шоир, санъаткор бўлганлар).

Алишернинг саводи жуда эрта чиққан, у болалигидаёт Ғаридиддин Атторнинг «Мантиқ ут-тайр» асарини ёд олган. Йигитлик чоғида эса 50 минг мисрадан кўпроқ шеърни ёд билар эди. Алишер Навоий ўзигача яшаб ижод этган форс, туркий ва араб шоирлари, олимлари асарларини теран ўрганди (Фирдавсий, Низомий, Яссавий, Лутфий ва ҳ.к.). Форс, араб тилларини яхши билган ва «зуллисонайн» (икки тиллик, яъни ҳам туркий, ҳам форсий тилда ижод этувчи) номини олган Алишер Навоийнинг ўз она тилига муҳаббати чексиз эди ва кейин бутун ижоди давомида туркий тилнинг қудрати ва чексиз имкониятга эга эканлигини ёрқин намойиш қилди.

Алишер ўн икки ёшидаёт отаси вафот этди, у анча вақт иқтисодий қийинчиликларни бошидан кечирди. Машҳадда (1456), кейин Самарқандда мусофириликда ўқиди (1466—1469), у ерларда кўп улуғ алломалар билан ҳамсуҳбат бўлди. Ёшлигидан қалин дўст бўлган Ҳусайн Бойқаро Ҳирот тахтини эгаллагач (1469), Алишер Навоийни Самарқанддан чақиртириб олади ва аввал уни муҳрдор этиб тайинлайди, кейинроқ вазирлардангина эмас, ҳатто амирдан ҳам юқори турувчи улуғ амир (амири кабир) даражасига кўтаради. Навоий улуғ амир лавозимида ҳалқ ва давлат тақдиди учун қайғуради, илм, фанмаданият ривожига, шаҳар-қишлоқларни ободонлаштиришга, юртда тинчлик-осойишталикини сақлашга ўз ҳиссасини қўшади. Навоий «Вақфия» асарида «Илгимдин келганча зулм тифин ушотиб, мазлум жароҳатига интиқом малҳамин қўйдим. Ва илгимдин келмаганини ул ҳазрат (Ҳусайн Бойқаро демоқчи) арзига етказдим», дега-

нида жуда ҳақ эди. Навоий давлат маблагини хайрли ишларга сарф этилиши учун жой кўйдирбигина қолмасдан, ўзининг шахсий маблағи ҳисобига юздан ортиқ иншоотлар қурдирди («Ихлосия», «Низомия», «Хусравия» мадрасалари, «Халосия» номли хонақоҳ, «Дорулхуффоз» (қорилар уйи) гумбази ва ҳ.к.). Бобурнинг таъкидлашича, адабиёт, санъат ва фан аҳли тақдиди тўғрисида ҳеч ким Навоийдек қайғурмаган ва кўмак бермаган экан. Бунда, сўзсиз, Алишер Навоий билан Ҳусайн Бойқаронинг яқин дўстлиги, бир-бирига суяниши муҳим аҳамиятга эга бўлди. Ҳусайн Бойқароadolатли ва халқпарвар подшоҳ сифатида Алишер Навоийнинг ҳурматига сазовор бўлган эди. У адабиёт ва санъатни теран тушунадиган, ўзи ҳам Амирий тахаллуси билан мазмун, фоя ва бадиий даражаси юқори ғазаллар ёзар эди. Улар бир-бирларининг шеърларига ўҳшатма — татаббулар, нациралар, муҳаммаслар боғлар ва бир-бирларининг асарларини юқори баҳолар эдилар. Ҳусайн Бойқаро ўз рисоласида Навоийни туркӣ тилининг буюк құдратини нағойниш қылғанлиги учун «сўз мулкининг соҳибқирони», «турк тилининг ўлан жасадига масих анфоси билан руҳ киритди, масих нафаси билан жон ато этди», дейди. Навоий «Ҳамса»ни ёзиг тутатганда Ҳусайн Бойқаро унга ўзининг энг олий ҳурматини билдиради — ўзининг оқ отига шоирни миндириб, ўзи пиёда отнинг жиловидан етаклаб шаҳар ўртасидан олиб ўтади.

Алишер Навоий доим ижод завқ-шавқи билан ёнар, улкан ниятларини рӯёбга чиқариш учун тинмай ишлар, аммо вақти етмас эди. У бадиий ижод деб амирликдан воз кечди, бироқ бари бир шоҳнинг энг ишонган кишиси, унинг номидан мамлакатни бошқариш ҳуқуқига эга бўлган олий мансабдор шахс бўлиб қолди. Навоий сўнгти нафасигача шоҳга буюк иззат-хурмат билан қаради: Ҳусайн Бойқаро сафардан қайтаётганда унга пешвоз чиқиши учун Навоий бир тош йўл босади, шоҳ яқинлашганда Алишер Навоийнинг боши айланиб, беҳузур, беҳаловат бўлади, у шоҳнинг қўлинини ўпиш учун отдан тушади, лекин юришга мадори етмайди, одамлар суянчи ва етовида Ҳусайн Бойқарога яқинлашиб, бошини унинг

қучоғига қўяди. Касал ўз қилмишини қилади, миясига қон қуйилади. Ҳаракат ва сўзлашдан қолган улуғ шоир уч кундан сўнг, 1501 йилнинг 3 январида ҳаётдан кўз юмади. Алишер Навоийнинг жасади Ҳиротга қўйилади.

Алишер Навоийнинг ижоди жуда эрта бошланган. У етти — саккиз ёшидан шеър ёза бошлаган ва 14—15 ёшида эса элга танилган эди. Олим Иззат Султонов Навоийнинг «Фурқатингда заъфарон узра тўкарман лолалар» ва «Лабинг кўргач, илигим тишларим ҳар дам тахайюрдим» мисралари билан бошланувчи, шунингдек «Анга» радиифли ғазалларини Навоий 14—15 ёшида ёзганини ва уларнинг бадиий юксак эканлигини таъкидлайди. Хондамирнинг ёзишича, устоз Лутфий саккиз ёшдаги Алишернинг:

Оразинг ёпқоч кўзумдин сочилур ҳар лаҳза ёш,
Бўйлаким пайдо бўлур юлдуз, ниҳон бўлғоч қуёш.

матлаи билан бошланувчи ғазалини эшитиб, лол қолганини ва ўзининг туркий ва форсийда битган икки минг байтдан ташкил топган девонини шу ғазал билан алмаштиришга рози эканини айтади. Навоий 24 ёшидаёқ девон тузган ва уни «Бадоєъул бидоя» («Бошланғич ижодлар») деб номлаган. Иккинчи девони «Наводирун — ниҳоя» («Энг нодир шеърлар») эса 1480 йилда тузилган. Алишер Навоий ғоят сермаҳсул ижодкор бўлган. Ўзбек адабиёти тарихида янги саҳифа бўлиб очилган ва Навоий шуҳратининг жаҳон бўйлаб кенг ёйилишига сабаб бўлган «Хамса» асарини бор-йўғи икки йилда — 1483—1485 йилларда ёзib битказади, ваҳоланки битта «Садди Искандарий» достони 7215 байтдан иборат (бутун «Хамса» 51230 мисра)дир. Навоий ижодининг яна бир қаноти унинг «Хазойинул маоний» («Маънолар хазинаси») шеърий асари бўлиб (1492—1498), у ҳалқ орасида «Чор девон» деб ҳам шуҳрат топган. Навоийнинг барча туркий шеърларини ўз ичига олган мазкур тўрт девонга 3132 шеър киритилган («Хазойинул маоний»дан кейин Навоий уч йилча умр кўрди ва табиийки, яна бир қанча шеърлар битди). Чиндан ҳам тўрт девондан иборат бўлмиш бу асарнинг би-

ринчиси «Фаройибус-сигар» («Болалик ажойиботлари»), иккинчиси «Наводируш-шабоб» («Йигитлик нодирликлари»), учинчиси «Бадоеъул-васат» («Ўрта ёші бадеалари») ва, ниҳоят тўртинчиси «Фавойидул-кибор» (Кексалик фойдалари) деб номланади. Гарчи Навоийнинг ўзи «Хазойинул маоний»га ёзган «Дебоча» сида ёшлиқ вақтларимдаги шеърларимни «Фаройибус-сигар»га киритдим деб («Туфлият овониким етти, саккиз ёштан йигирма ёшқача чемаси бўлғайким умр фусулининг навбаҳори ва ҳаёт гулшанининг шукуфа ва гулзоридур, анинг мадҳида «Фаройибус-сигар» билан сарф қилдим») таъкидласа ҳам, навоийшуносларнинг текшириши ва иқрорларига кўра (олим X. Сулеймонов) булар шартли равишда умрнинг тўрт фаслига мослаб бўлингандир, масалан, болалик фаслига мансуб бўлмиш биринчи девонда қарилек йиллари руҳиятини ифодаловчи ёки кексалик даврига нисбатан берилган «Фавойидул-кибор»да ёшлиқ кайфиятини ифодаловчи шеърлар ҳам ўрин олгандир.

Алишер Навоий форс тилини жуда мукаммал билган ва ҳатто «Муҳокаматул-лугатайн» («Икки тил ҳақида муҳокама», 1499) китобида форсий ва туркий тилларини бир-бирига илмий қиёслаб, уларнинг ўзларига хос фазилатлари, имкониятлари ва қудратини ёрқин кўрсатиб беради. Ватанипарвар Навоий туркий тилнинг кучи, назокати ва катта имкониятини намойиш қилиш, унинг ривожига катта йўл очиш мақсадида асарларини асосан туркий тилда ёзди. Айни чоқда форс тилида ҳам кучли асарлар ёза олиши, Саъдий, Ҳусрав Деҳлавий, Ҳофиз ва Жомий каби форсигўй улуғ алломалар билан беллаша олажагини амалда исботлаш мақсадида Фоний тахаллуси билан ҳам шеърлар ёзди ва «Девони Фоний» — «Фоний девони»ни тузади (1496), Устози Жомий Навоийнинг туркий ва форсий ижодига жуда юксак баҳо бергани ҳам бежиз эмас эди. Навоий Жомийнинг «Насхатул-унс» асарини ўзбек тилига эркин таржима қилди, тўғрироғи, унга суюниб туриб, фалсафий йўналишдаги асарини яратди ва унга «Насоимул-муҳаббат» деб ном берди. Бевосита устозининг шаъни-шавкатини улуғловчи «Хамсатул-мутахайирн» («Беш ҳайрат») асари-

ни ҳам ёзди (1492). Навоий ўз устоз ва дўстларини улуғловчи «Ҳолоти Саййид Ҳасан Ардашер», «Ҳолоти Паҳлавон Муҳаммад» каби насррий асарларини ижод этди. Алишер Навоий ўзбек насрчилиги ривожига ҳам катта ҳисса қўшган. Навоийнинг «Маҳбубул-қулюб», «Мажолисун-нафоис», «Муншаот» асарлари ҳам ўзбек адабиётти тарихида янги ҳодиса, янгича йўналишдир. Унинг шеър вазни ҳақидаги «Мезонул-авзон» (1492), муаммолар ҳақидаги «Рисолаи муаммо» (1492), тарих ва улуғ авлиёлар, даҳолар тўғрисидаги «Тарихи мулки Ажам» (1485), «Тарихи анбиё ва ҳукамо» (1498—1499) каби асарлари Навоийнинг қомусий билим, юксак талант эгаси эканлиги ва ўта заҳматкашлигини яна бир бор тасдиқлайди. Навоийнинг ҳатто ўз вафотидан бир кун аввал ҳам бир ғазал битганлиги унинг ўз қаламини бир дақиқа ҳам қўймаганлигидан далолат беради (Навоийшунос А. Ҳайитметов «Айламас» радифли ғазали шоирнинг энг сўнгги асари эканлигини далиллайди).

Алишер Навоий шеърияти мазмунининг чуқурлиги, қамровининг кенглиги, олға сурған фикр-фоя, тилак-армонлариниң юксаклиги ва ўтқирлиги, жанрларининг хилма-хиллиги, шаклининг мукаммаллиги ва гўзаллиги, образларининг бойлиги ва ҳаётийлиги билан қимматли ва эътиборлидир. «Ҳазойинул маоний»да олтида лирик жанрга доир шеърлар бўлиб, кўпчилигини ғазал ташкил этади: 2600 ғазал, 135 рубоий («Назмул-жавоҳир»да 266 рубоий, шунингдек насррий асарларида юздан ортиқ рубоийлар бор), 210 қитъа бор. Баъзи жанрларда, жумладан таркибанд, соқийнома каби жанрларда биттадан шеър ёзган. Ўзбек шеъриятида Навоийгача ва ундан кейин ҳам ҳеч ким ғазал жанрини бу улуғ шоирдек юксак даражага кўтартмаган, худди шунингдек рубоий ва қитъа жанрларини ҳам Навоийдек фаол ва зарур жанрлар даражасига кўтара олмаган. Навоий бу жанрларга шунчаки қаламини синаш ва маҳоратини намойиш қилиш учун эмас, балки қалбидаги фикр, орзу-армонлар, туйғу, кайфиятларни ифодалаш имконияти нуқтаи назаридан мурожаат этади, уларнинг янги қирраларини намоён этади. Масалан, ғазалда кўпроқ ишқий туйғуларни ифодаласа, рубоийда

фалсафий қарашларини, қитъада ижтимоий-сиёсий, ахлоций кечинма ва фикрларини акс эттиради.

Навоийнинг ишқ зиммасига юклаган маъноси жуда чуқур ва катта: у инсоннинг инсонга бўлган ишқинигина куйлаб қолмасдан (буни Навоий мажозий ишқ дейди), айни чоқда ҳаққа — худога бўлган ишқни ҳам меҳр-эътиқод билан ифодалади (буни ҳақиқий ишқ деди). Мажозий ишқ ҳақиқий ишқ сари ташланган илк қадамдир. Руҳий пок, комил инсонгина худога етишиши мумкин. Бир ғазалида Навоий «Мажоздин менга мақсад эрур ҳақиқий ишқ», дейди. Бу сўфиёна фикрни бир қитъасида яна күйидаги тарзда айтади:

Эй Навоий, кўр мажозий ишқ ила машъуфсан,
Ўткил андин, доғи ишқи ҳақиқий сори бот.

Навоий ўзи чин мусулмон бўлгани ва асарларида «Куръон» ва ҳадислар ғояларидан мўл-кўл фойдалангани ҳамда «Тарихи анбиё ва ҳукамо», «Насойимул-муҳаббат» асарларини ёзгани ҳолда динни ниқоб қилиб, элни алдаган, гирромлик билан бойлик йиққан ва нопок ишлар қилган риёкор шайхларни, сохта руҳонийларни қаттиқ таңқил қиласиди, бу нарса ҳам улуғ шоирнинг ғоят адолатли бўлганлигидан яна бир далолатдир («Шайх» радиофили ғазали). Навоий «Лисон-ут-тайр», «Фарҳод ва Ширин», «Лайли ва Мажнун» достонларида сўфиёна ғояларни кенг тарғиб этган. С. Олимов «Ишқ, ошиқ ва маъшуқ» китобида (1992) «Лисонут-тайр»ни «соф тасаввуфий асар»дир, «фанога етиш йўллари шарҳланган ўзига хос бир бадиий рисола»дир, дейди. Ҳудхуд, Тўти, Булбул, Кумри, Товус, Олақарға, Қарға, Калҳат каби қушлар одил подшоҳни орзу қиласидилар ва Ҳудхуд шундай подшоҳ борлигини, Симурғ деб аталишини айтади. Қушлар қуръа ташлаб, Ҳудхудни ўзларига раҳбар қилиб белгилаб, унинг раҳнамолигида етти водийни босиб ўтадилар (Талаб, Ишқ, Маърифат, Истиғно, Тавхид, Ҳайрат, Фахру фано водийлари). Қушлар ўзлигини унтишиб, ўзлигидан кечиб, садоқат ва ихлос билан мақсад сари интилиб, «иқбол даргоҳи»га етадилар — фоний бўладилар. Қушлар кейин билишсаки, уларнинг ўзлари Симурғ, яъни «си» ўттиз,

«мурғ»— қүш экан. Инсон бу ерда кўрсатилган етти во-дийни босиб ўтиб, ҳамма қусурлардан фориғ бўлганида-гина комил инсон даражасига кўтарилиши мумкин. Навоийнинг бош мақсади ҳам шу комил инсонни кўриш ва ҳаққа етишишdir.

Алишер Навоийнинг юксак таланти «Ҳамса» асарида янада равшанроқ, тўлароқ намоён бўлади: «Ҳамса» ёзиш Шарқ ҳалқлари адабиётида анъанага айланган бўлиб, қирққа яқин ижодкор бу соҳада ўз қаламини синааб кўрган. Шулардан тўрт даҳонинг асари етуқ, ўзига хос, бетакрор асар сифатида тан олинган. Булар Низомий Ганжавий, Амир Хусрав Деҳлавий, Абдураҳмон Жомий ва Алишер Навоийлар «Ҳамса»сидир. Навоий «Ҳамса»си энг аввало туркӣ тилда бўлиши билан қимматлидир. Юқоридаги зот-ларнинг «Ҳамса»лари форсийда эди. Навоийнинг ўзи:

Форсий ўлди чу аларға адо,
Туркий ила қилсан ани ибтидо.
Форсий эл топти чу хурсандлик.
Турк доги топса барур мандлик, — деди.

Навоий «Ҳамса»сига кирган достонлар «Ҳайратул аброр» («Яхшилар ҳайрати»), «Фарҳод ва Ширин», «Лайли ва Мажнун», «Сабъаи сайёр» ва «Садди Искандарий»дир. Гарчанд бу асарлар бир-биридан мазмуни, йўналиши, оҳангি, шакли жиҳатидан фарқ қилиб турсалар-да, ма-салан, «Ҳайратул аброр» фалсафий-дидактик пардада, «Фарҳод ва Ширин» қаҳрамонлик, «Лайли ва Мажнун» фожиавий пардада, «Сабъаи сайёр» саргузашт сюжетлар асосида ахлоқий-рамзий ва «Садди Искандарий» ижти-моий-сиёсий пардада ёзилган бўлса-да, бироқ ички мо-ҳияти, пафоси, олға сурилган фикр-ғоя, орзу-армон, ижодкор идеали нуқтаи назардан ўзаро жипс боғлиқдир, яхлитдир. Гўё «Ҳайратул аброр»да фозил жамият ва бар-камол инсон,adolатли ва золим шоҳлар, инсонни ин-сон сифатида кўрсатадиган яхши фазилатлар ва унга зид ёмон сифатлар севги, муҳаббат, садоқат, дўстлик ва зулм-корлик, пасткашлик, хиёнаткорлик, нопоклик, бир сўз билан айтганда, яхшилик ва ёмонлик, гўзаллик ва ху-

нуклик тўғрисидаги қарашлари, қолган достонларда аниқ инсон тақдири орқали кўрсатилгандек. Зотан аслида шундай ҳам. «Ҳайратул абзор»да жамиятнинг барча ижтимоий табакаларига баҳо беради, уларнинг сифатларини търифлайди, кейинги достонларида одамларни шу мезон билан тарозида тортади. Айтайлик, унда «Вафо» тўғрисида ажойиб фикрлар айтади, «Фарҳод ва Ширин»да эса қаҳрамонлик ва вафодорликка мадҳия яратади, «Лайли ва Мажнун»да ишқ ўтида ёнган икки ёшни кўрсатади; ўн еттинчи мақолада Баҳром тўғрисида гап очади, «Сабъай сайёр»да Баҳром тақдири асаридаги ҳикояларни, саргузаштларни келтириб чиқаради, уларни ўзаро бир-бири билан боғлайди; «Ҳайратул абзор»да Искандарнинг етти иқлим мамлакатини ўз қўлига киритгани ва бўш қўл билан бу дунёдан кетгани тўғрисида сўзлади, «Садди Искандарий»да бу чизиқ асарнинг марказий масаласини, ўқ томирини ташкил этади.

Достондаги Ширин — Фарҳодларнинг бир-бирига юборган мактублари уларнинг муҳаббат ва садоқат туйгулари тўла қалбларининг тиниқ кўзгусидир. Ширин «Тикон кирса кафинга кинасидан чиқарсан эрди киприк иғнасидин», «Кўруб хору ўрнунгда, ниҳоний сочим бирла супурсам эрди они», дейдики, бу қизнинг ўз ошиғига бўлган чексиз меҳр-муҳаббатининг шарқона ифодасидир. Агар «Фарҳод ва Ширин» билан «Лайли ва Мажнун»ни бир-бирига муқояса қилинса, «Лайли ва Мажнун»нинг бошдан-оёқ муҳаббатга бағишланганлигига ишоч ҳосил қилиш мумкин. Шоир муҳаббат эрки, инсон эрки масаласини жуда чуқур ва теран бадиий талқин этиб, бу ошиқ-маъшуқларнинг жисмонан бир-бирларига етиша олмасликларининг сабаби (улар руҳан бирлашган эди) ижтимоий тенгсизликда — «бой бойга боқар, сув сойга оқар» мақолидаги ҳақиқатда эканлигини кўрсатади.

Навоий ўз орзу-армонини Искандарнинг шоҳлик лавозимини қабул қилиш жараёнидаги ҳолатини тасвирлаш орқали очиқ айтади. Искандар отасидан кейин шоҳлик тожини кийиши керак эди. У кўнмайди. Халқ илтимос қилади. Шунда Искандар шоҳ қандай бўлиши керак, деган саволга жавоб беради, бу хусусдаги ўз қарашларини бирма-

бир санайди: «Ҳар ишда замон аҳлининг талабларига жавоб берадиган одам бўлса», «акл-заковати қўёшдек мунавар, «адолат бобида наврўз фаслидек, сиёсатда эса жаҳонни куйдирадиган яшиндек бўлса», «машаққатли кезларда душманга чора қилувчи, оғир кунларда кўмак берадиган адолатпеша бир зот бўлса, дейди. Давом этиб «Борди-ю девонбегиси фуқарога ситам қилса, унинг қўлини кесиб ташласин, мусофиirlар қатнови тўхтатилсан», «ўғриларни тутиб, уларнинг нопок қўлини қирқсин», «зулм-бедодлик одатлари тамоман йўққа чиқарилсан». «Ҳатто зулм деган иборанинг ўзи эл орасида бўлмасин!» дейди (достонни насрга айлантирувчи Иноят Махсум).

Искандар халқ талаби бўйича тож кияди ва ўзини «инсоф ва адолат таянчи» деб ҳис қилади. У золимларни жазолайди, адолатсиз ҳукмдорларни йўқ қилади, аввал ноҳақ чиқарилган қонунларни бекор этади, бозордаги нарх-навони тартибга солади, тарозининг тошларини темирдан ясатиб, муҳрлатади, узунлик ўлчовларини ҳам темирдан қилдиди, йўлларга қоровуллар қўяди, хуллас, «адолат замон бунёд этади». Искандар амалдорлар, аскарларнинг бирордан ҳатто бир қарич ип ёки бирор тангасини зўрлаб олишига йўл қўймайди. Шоҳ раиятни ўзидек кўриши лозим:

Ҳалойиққа кўрма, қилиб бенаво,
Ўзинга раво кўрмагани раво!

Яна шу ўринда «Шоҳ — халқнинг ризқ-рўзига кафил-дир, бинобарин, барчасини баробар кўрмай, уларнинг бирига ортиқ, бирига кам бермоқ ёмондир», дейди.

Навоий Искандарнинг ўлимини ҳам адолат, ҳақиқат билан мол-дунёнинг бевафолиги, умрнинг ўткинчилиги, поклик, ҳаққа эътиқод масаласи билан жипс боғлайди. Искандар бутун оламни, қуруғу ҳўлни забт этади, аммо унга «нима берган бўлса, ҳаммасини қайтариб олди-да, ўзини ҳам ҳалок қилди». Искандар ўлими олдидан онасига мактуб ёзив, шундай илтимос қилади: «Ва лекин мени тобутга ётқизган пайтингизда ёқут тешигидан ипни чиқазиб қўйилгани каби, албатта, бир қўлимни тобутдан

чиқазиб қўйинг. Токи халойиқ бу қўлга ҳайрат кўзи билан эмас, балки ибрат қўзи билан боқиб, «Бу панжалар саф тортиб, ер юзини ўз қўлига олган эди, мана энди бу қўллар дунёдан шол кишининг Қўлидай қуруқ, чинорнинг япроқсиз бутоғидай бўум-бўш кетаётир!» десинлар. Бу ҳол одамлар учун бир ибрат мактаби бўлиб, дунёни эгаллаш машғулотидан қўлларини тортсинглар».

Навоий доим адолатсиз урушларни қоралаган, тинчликни баҳт-саодат, баркамоллик гарови деб билган. Достонда «Уруш —бу довул! Довулгина эмас, фам-андуҳнинг селидир. Ундан бутун дунё ҳалқларига қулфат ва алам етади», «Уруш кунлари ошнолар бегоналашади», «Уруш балоси ҳалқ бошига қирғинлик, ватангдолик каби қулфатларни солади», дейди.

Навоий раиятдан ўз ватанини севишни, унинг гуллаб-яшинаши учун тинмай ҳалол меҳнат қилишни талаб этди. Ҳалқ шоҳдан, ҳукмдордан адолат, ҳақиқат, меҳрибонлик талаб қилас экан, ўзи ҳам унга чексиз садоқат кўрсатиши керак, унинг эзгу ишлари учун жонини тикиши керак. Ҳукмдор билан ҳалқ тил топмаган ерда душманнинг кераги йўқ ёки душман учун дарвозани кенг очиб қўйилишидек гап. Навоий ватанини фақат имони бор одамтина севали, деган ақидани олға суради: «Фурбатда ғариб бўлиб юриш иккинчи дўзах ҳисобланади, ватанини севиш эса имон нишонасидир».

Навоий «Маҳбубул-қулуб» асарида жамиятни бошқаришда, ватанини гуллаб-яшнатишда юртнинг ҳамма тоифаси иштирок этишини, ҳаммасининг ўз ўрни борлигини ёзади: ҳар бир касбни ва шу касбдаги кишиларнинг ватан, ҳукмдор олдидаги бурчини чиройли қилиб таърифлайди. Ҳатто овчилардан тортиб шилқим гадоларгача ҳамма тоифани таҳтил этади. Ҳаммасига фақат ватан, ҳалқ учун қиласиган ҳалол меҳнати, келтирадиган фойдаси нуқтаи назаридан баҳо беради. Шунинг учун ҳам Навоий ҳаммадан, ҳатто шоҳдан ҳам деҳқоннинг улуғ туришини уқтиради. Бутун тирик мавжудот шу деҳқон яратган неъматлар туфайли тирикдир, шунинг учун уларнинг ҳаммаси «шу деҳқоннинг фарзандию унинг ўзи Одам ато-

дир». «Оламнинг ободлиги дәҳқонлардан, меҳнат аҳли шодлиги улардан!»

Алишер Навоий ижоди чексиз уммон, у ҳақда қанча гапирсанг кам, барча фазилатини очиш мумкин эмас. Навоий ўз замонида ҳам буюк устоз санъаткор сифатида тан олинган, унга Бобур томонидан берилган юксак баҳо бунинг ёрқин исботидир. Мана, беш юз эллик йилдан ошдики, Алишер Навоий ўзбек ёзувчилари учун буюк мактаб бўлиб, уни туркман шоирлари ҳам, қозоқ, қирғиз, қорақалпоқ сўз санъаткорлари ҳам ўз устозларидан бири деб тан олишган. Ўзбек-тожик адабий алоқаларининг ривожида Навоий ва Жомийнинг ажойиб гўзал дўстлиги жуда катта аҳамиятга молик бўлди. 1917 йил октябрь инқилобидан кейин мумтоз адабиётга эътибор сусайган эди, қизил империя халқларни ўзларининг қадриятларидан маҳрум бўлниши учун Қўлидан келганича тўсқинлик қилди: Навоий каби шоирларни сарой шоири деб ёмонлади, араб имлосини лотин, кўп ўтмай кирилл алифбоси билан ўзгартириб, халқни минг йиллик меросидан маҳрум қилди. Иккинчи жаҳон уруши арафасида Навоий ижодини ўрганиш ва асарларидан намуналар нашр этиш иши сал жонланди, 70—80-йилларда унинг кўп жилди асарлари босилиб чиқди (ўзбек ва рус тилларида), ҳозир йигирма жиллик «асарлари» нашр этилмоқда. Навоий ижоди кенг кўламда ўрганила бошланди. Иккинчи жаҳон уруши йиллари адабиётимизда Навоий образи яратила бошланди: Ойбекнинг «Навоий» романни, Уйғун ва Иззат Султоннинг «Алишер Навоий» драмаси, бу асосда яратилган «Алишер Навоий» фильмни улуғ шоир образини яратишдаги дастлабки қадамлардир. Бу асарлар ёзилган пайтда Ҳусайн Бойқаро каби шоҳларга муносабат, динга ва тасаввуфга муносабат салбий эди, шу туфайли мазкур асарларда бу масалалар ўша замон руҳида талқин қилинган эди. Ҳозирги вақтда ижодкорлар олдида Алишер Навоийнинг образини янгича, ҳозирги замон нуқтаи назаридан, яъни ҳаққоний тарзда ёритиш вазифаси турибди.

ЗАҲИРИДДИН МУҲАММАД БОБУР (1483—1530)

Заҳириддин Муҳаммад Бобур XVI аср ўзбек адабиётининг йирик вакилидир. У инсоният тарихида муқаррар ўз ўрнига эга буюк давлат арбоби ва талантли ёзувчи сифатида эътироф этилган ажойиб сиймодир. У тарихда Ҳиндистонда бобурнийлар давлатининг (тарихда нотўғри равишда «Буюк мўғул империяси» деб шуҳрат топган) асосчиси ва «Бобурнома» номли тарихий-жуғрофий мемуар асарнинг муаллифи тарзида тилга олиннади. Бу ерда биргина Жавоҳарлал Нерунинг куйидаги ажойиб фикрини келтириб ўтиш қифоя. У «Ҳиндистоннинг қашф этилиши» ва «Жаҳон тарихига бир назар» асарларида бундай ёзади: «Бобур дилбар шахс, Уйғониш даврининг типик ҳукмдори, мард ва тадбиркор одам бўлган. У санъатни, адабиётни севарди, ҳаётдан ҳузур қилишни яхши кўрарди». «Бобур энг донишманд ва дилбар шахслардан бири эди. Унда мазҳабий таассубдан, қолоқлик ва қисқа фикрликлан асар ҳам йўқ эди. У вайрон қилиш, ҳароб қилиш йўлидан бормади. Бобур санъат ва адабиётни қўллаб-куватлаган кишилардандир».

Бобур 1483 йил 14 февралда Андижонда туғилди. Отаси Умар Шайх Мирзо Темурнинг невараси бўлиб, Фарғона вилоятининг ҳукмдори эди. Онаси Кутлуғ Нигорхоним эса Тошкент ҳукмдори Юнусхоннинг қизидир. Бобурнинг ёшлиги Андижонда, Аҳсида ўтди, саводи эрта чиқди, шеъриятга, ҳарбий санъатга ғоят қизиқди, у мөҳир мергтан эди. У ғоят довюрак, қўрқмас бўлгани учун Бобур, яъни йўлбарс деб лақаб олган эди ва охири бу Заҳириддиннинг тахаллуси бўлиб қолди.

1494 йилда отаси томдан йиқилиб вафот этади, ёш йигитча Бобур шоҳ деб эълон қилинади. Бобур давлат ишлари билан астойдил қизиқади. Ёш бўлишига қарамай Самарқандни ўз қарамогига олиш учун ҳужум қиласи, аммо тажрибасизлиги туфайли ниятига ета олмайди. 1500 йилда иккинчи бор юриш қилиб, қўлга киритади. Лекин Шайбонийхон ҳужум қилиб, шаҳарни тўрт ойча қамал қилиб туради, аҳоли иқтисодий қийналади, шу туфайли

Бобур Шайбонийхон билан битим тузиб, шаҳарни ташлаб кетишга мажбур бўлади. Андикон ҳам қўлдан кетади, уни қайтариб ололмагач, ўзига содиқ одамлар билан 1504 йили Қобулга юриш қиласди ва жангсиз эгаллайди. Қобулни ўғли Комронга топширгунча — 1526 йилгача идора қиласди, юртда кўп хайрли ишлар қиласди: карвонсаройлар, масжид-мадрасалар қурдиради, ариқ-каналлар қаздиради, боғ-роғлар барпо эттиради, янги ерлар очтиради, фан ва адабиёт, санъатнинг ривожига фаол қўмак берали. Ҳатто «Бобурнома»да айтилишича, у ерга шакарқамиш келтириб эктирган.

Бобур айни пайтда ҳарбий юришларини ҳам тўхтатмади: 1506 йилда Самарқандга юриш қилиб, уни забт этди, 1512 йилда Бухорога юриш қилиб, Убайдулла хондан енгилди. 1522 йилда Қандаҳорни қўлга киритди. Ҳиндистондаги ҳокимларнинг иттифоқсизлигидан ва ўзаро жанжалдан фойдаланиб, 1525 йилда Панжоб вилоятини босиб олди. Моҳир саркарда Бобур ўн икки минглик армияси билан Дехли сultonни Иброҳим Лудининг юз минглигъ армияси устидан ғалаба қилди (1526 йил), бир йилдан сўнг Ҳинд ҳукмдорларидан Рожа Санграмни ҳам енгиди, Пойтахтни Аграга кўчирди. Бобур Ҳиндистон халқларининг тинч-тотув яшашлари учун зарур шароит яратди, юртнинг иқтисодий, маданий ривожланишини таъминлади. У 1530 йилда Аграда вафот этди, унинг васиятига кўра 1533 йилда хоки Қобулга келтирилиб, ўзи севган боққа кўмилди. Бобурнинг фарзандлари, айниқса, невараси шоҳ Акбар бобурийлар шуҳратига яна шуҳрат қўшди. «Бобурнома»да қайд этилишича ва айни пайтда авлодлари, замондошлари, тарихчилар, сиёsatчиларнинг таъкидлашларича, Бобур Ҳиндистон юрти учун жуда кўп улуғ ишлар қилди ва одил, маърифатли, илғор ғояли шоҳ сифатида тарихда абадий қолди.

Бобур ҳам шоҳ, ҳам ёзувчи эди. Бу икки соҳадаги фаолият бир-бири билан жисп боғланган. У ўз мақсад идеалига интилишда шоҳлик амалидан ҳам, бадиий ижоддан ҳам фойдаланди. Лекин унинг давлат арбоби сифатидаги фаолияти билан бадиий ижодининг мазмуни ўртасига тенглик аломатини қўйиб бўлмайди. Бобурнинг дунёқа-

рашига (сиёсий, фалсафий, этик-эстетик идроки — шуурига) уни қуршаб турган мұхит, реал воқелик, ижтимои ҳаёт, ҳақсизликлар таъсир қылмай қолмас эди, на-тижада шоҳлик фаолиятига — мавқеига зид фикр-ғояларни ҳам ўз асарларидә ўртага ташлар эди. Унинг устига Бобур бадиий ижодда рост сүзлаш, ҳақгүй бўлишга интилди ва буни ижодий қоида деб билди. «Бобурнома»да шундай дейди: «Бу битилганлардан ғараз шикоят эмас, рост ҳикояттуркум, битибтурмен. Бу мастур бўлғонлардин мақсад ўзининг таърифи эмас, баёни воқеи бу эдиким, таҳрир этибтурмен. Чун бу тарихда андоқ илтизом қилинибтурким, ҳар сўзниң ростини битилгай ва ҳар ишнинг баёни воқеини таҳрир этилгай». Бобур Самарқандни Шайбонийхондан тортиб олишнинг сабаблари-ни санаб кўрсатиб бўлгач, «Бу билганлардин мақсад ўзи-ни ортиromoқ эмас, рости бу эдиким мастур бўлди», дей-ди. У «Бобурнома»ни назарда тутиб шундай дейди:

Бу олам аро ажаб одамлар кўрдум,
Оlam элидии турфа ситамлар кўрдум.
Ҳар ким бу «Воқёс»ни ўкур, билгайким,
Не ранжу, не меҳнату, не ғамлар кўрдум.

Бир маснавийсида «Рост қилғайсан эътиқодингни», бир рубоийсида «Шеъримда агар ҳазил, агар жид кечурунг, яхши борида агар ёмон бўлса нетонг» деган мисра-лар учрайди. Ёки «Бобурнома»да шоир Мир Сарбараҳнинг ижоди тўғрисида сўзлаб, «Мир Ҳамза қиссасининг муқобаласида умри зое қилиб, узун-узоқ ёлғон қисса боғ-лабтур, бу амр мухолифи табт ва ақлдур», дейди. Мана бу эътирофлардан кўриниб турибдики, Бобур ўз фикр-ке-чинмаларини, ҳис-туйғуларини ва кўрган-кечирғанлари-ни, кайфиятларини, ўй-мушоҳадаларини рост, самимий баён қилишга интилган. Унинг бу фазилати «Бобурно-ма»дагина эмас, балки шеъриятида ҳам тўла намоён бўлган.

Биз учун Бобурнинг бадиий ва илмий мероси беис-тинос буюк аҳамиятга эга. У улуф Навоийдан кейинги давр ўзбек адабиётининг энг йирик ва етук намоёндасидир. Унинг устига Бобур Навоийнинг анъанасини самарали

давом эттириди, халқпарварлик, адолатпарварлик, маърифатпарварлик, пок муҳаббатни улуғлаш, риёкор руҳонийларни ва ёмонликни қоралаш каби тенденциялар Бобур ижодида ҳам давом этди. Айниқса, ўзбек тилида асар ёзиш ва бу тилда ижод қилувчиларни қўллаб-куватлаш, фан, адабиёт, санъат, маданият кишиларига ҳомийлик қилиш Бобурнинг ҳам фазилатларидан эди. Шу билан бирга унинг ўзи ҳам, фарзандлари ҳам икки тилда — туркий ва форсийда ижод қилиш анъанасини давом эттириди. Бобур девон тузиш ва насрый асар ёзишдан ташқари, илмий ишлар ҳам қилди, таржима билан ҳам шуғулланди (Хўжа Ахрорнинг «Волидия»сини ўзбекчага ағдарди). Бобур ўз шеърлари, насрый асарларини содда тилда ёзди. У Навоийни улуғлаганда, унинг ўзбек тилида ижод қилганига ҳам аҳамият берди: «Алишербек назири йўқ киши эди. Туркий тил билан шеър айтубтурлар, ҳеч ким онча кўп ва хўб айтқон эмас», дейли. У арушуносликда ҳам Навоий бошлаган ўйлни давом эттириди. Навоийнинг машҳур «Мезонул-авzon» китобига ўхшашиб «Мухтасар» китобини яратди ва ҳатто Навоийнинг баъзи қарашларига эътиrozлар ҳам билдириди. Унда аruz қоидаларидан тортиб ўзбек шеъриятининг мавжуд кўринишлари, ўзига хосликларигача ёритди (арузнинг 21 баҳри ва ундаги 537 вазнга таъриф берди). Навоий таъсири «Бобурнома»да ҳам кўринади. Навоий «Мажолисун нафонс»да шоирлар ижоди, маҳорати, жамиятда тутган ўрни ва шахсиятини лўнда қилиб таърифлаган эди. «Бобурнома»да ҳам Бобур кўплаб шоирлар, рассомлар, мусиқашунослар, ҳаттотлар тўғрисида жуда муҳим, қизиқарли фикр-мулоҳазаларни айтади. Бобурнинг мусиқа, ҳарбий иш бўйича ёзган рисолалари ҳам унинг нақадар қомусий билимга эга эканлигидан далолат беради. Иқтисодий билимларни, «айниқса солиқ солиш тартиби»ни шеърий баён қилувчи «Мубаййин» рисоласи иқтисод-хукуқшуносликка ҳам қўшилган ҳиссадир. Бобур тарихда туркий тил алифбосини яратишга бел боғлаган шахс сифатида ҳам маълум. Унинг «Хатти Бобурий» номи билан аталувчи алифбоси соддалиги, қулайлиги (диакритик белгилардан холилиги) билан аҳамиятга моликдир. Араб алифбоси-

нинг халқ учун қийин эканлигига қарши чиқиб, уни лотин ҳарфи билан ўзгартиришни ўртага қўйган буюк озарбайжон мутафаккири, шоир, драматург Мирза Фатали Охундов (XIX аср) Бобурни ва бобурийларни ҳурмат қиласар эди. Бу борада Бобурдан илҳомланган бўлиши мумкин.

Бобур XVI аср ўзбек адабиётининг ривожланишига ўз шеърияти ва айниқса «Бобурнома»си орқали катта ҳисса кўшли. «Бобурномаси» билангира эмас, балки айни чоқда ғазаллари, рубоийлари, туюқлари орқали ҳам новатор ижодкор сифатида майдонга чиқди.

Бобур 15—16 ёшидан шеър ёза бошлаган, «Топмадим» радифли шеъри 1500—1501 йилларда ёзилган. У юздан ортиқ ғазал, икки юзтacha рубоий, ўнлаб туюқ, бир неча маснавийлар ижод этди. Ўн бир ёшидан Андижон таҳтига ўтирган Бобур Марказий Осиёда бирлашган давлат тузаман деб кўп ҳаракат қиласи, бу уринишлари муваффақиятсиз чиққач, юртини ташлаб кетишга мажбур бўлади. Бу жараёнда бошидан кўп аччиқ-чучук кунларни кечирали. Шунинг учун ҳам унинг шеъриятида таҳт учун курашиб шараёнида қалбida туғилган фикр-ўйлар, ҳис-туйгулар, кечинмалар ва айниқса соғинч-ҳижрон туйгулари марказий ўринни эгаллайди. Улар заминида инсонийликни, ҳаётни, ишқ-муҳаббатни, садоқат ва дўстликни ардоқладайди:

Жонимдан ўзга ёри вафодор топмадим,
Кўнглумдин ўзга маҳрами асрор топмадим.

Ёки:

Диёру ёрдин Бобур жафо, жавр кўп кўрди,
Хуш мулким ёрдин қатъ айлабон тарки диёр этса.

Яна:

Даврон мени ўткарди сару сомондин,
Айирди бир йўли мени хонумондин,
Гаҳ бошима тож, гаҳ балойи таъна.
Неларки бошимга келмади даврондин.

Одамлардан, даврдан куйиб-ёниб ёзилган мисралар Бобур шеърларида кўп учрайди. Булардаги туйгулар Бобур шахсий тақдирин билан жисп боғланганлиги шундай кўри-ниб турибди. Бобурнинг ғазаллари, рубоийлари ва ҳатто «Бобурнома»сида «Оёғим етганча Бобурдек кетар эдим, нетай ...», «Келди ул вақтки, бошимни олиб кетгайман, Олам ичра аёғим етгайман», «Муяссар бўлмаса бошимни қўймоқлик оёғига, бошимни олиб, эй Бобур, оёқ етганча кетгайман», «Чун бошимни оёғингга қўярға ярамас, бо-шимни олиб оёқ етганча кетай», «Бу икки иш муяссар ўлмаса оламда, Бошини олиб бир сорига кетса киши», «Ишқингни доғи бартараф этмак мушкул, бошни олибон ҳар сари кетмак мушкул» каби мисраларда унинг ҳаёт йўли, характеристи, руҳияти билан боғлиқ ҳолати, кайфияти ифодаланмоқда. Ана шу бир сўзлилиги, чўрткесарлиги ва катта фурур эгаси эканлиги уни юргуни ташлаб, Қобул, Ҳиндистон сари кетишга мажбур этганлиги аниқ. Бобур «Ота таҳтида фориғ ўлтурдум, балки Отам кўрмаганин мен кўрдум», «Олти ой ичра олти таҳт олдим, етти иқлима балки кўз солдим» мисраларида бевосита ўз ҳаётини баён қўлмоқда. Айни чоқда Бобур ўз ҳаёти ва тақдирин билан боғлиқ фикр-туйғу, кечинмаларга замонаси, замондошлириникини ҳам қўшиб юборади. Шу туфайли унинг ёридан қилган ҳасрати замондан ҳасрат, ёр висоли тўғрисидаги орзуви ватани ҳақидаги орзу-армони даражасига кўтарилиб кетди. У айни вақтда ёмонликни, зулмни, золимликни қораловчи шеърлар ҳам битди:

Дер эдим, эй вафоси йўқ золим,
Зулмдан стти ўлгали ҳолим.

Зулмдин ўзга ишни билмайсан,
Мени мискинга раҳм қилмайсан.

Гар мен ўлтургулукмени ўлтургил,
Йўқ эса сўргулук эсам, сўргил.

«Бобурнома» Бобур номини, ўзбек халқи шуҳратини жаҳонга ёйган асарлардан биридир. У 1586 йилдаёқ форс тилига, кейин голланд (1705), инглиз тилига (1826), немис тилига (1818), француз тилига (1871) таржима бўлди.

Инглиз, рус ва француз тилига қайта-қайта таржималар бўлди. Асарда Мовароуннаҳр, Афғонистон ва Ҳиндистон тарихига, флорасига, маданияти ва адабиётига, урф-ода-тига доир бебаҳо маълумотлар жамланган. Бобур ўз даврининг неча юзлаб турли шахсларининг жамиятда тутган ўрни, уларнинг маънавий дунёси, эътиқоди, ҳунари, қиё-фаси тўғрисида рост, аниқ маълумотларни беради. Унинг адабиёт ва маданият аҳли тўғрисидаги мулоҳазалари (Навоий, Жомий, Беҳзод, Биноий ва бошқалар) муаллифнинг ўз даврининг етук, илгор адабий танқидчиси эканидан далолат беради. «Бобурнома» ўша давр ўзбек тили ва фольклорини ўрганишда ҳам тенгсиз манба бўлиб хизмат қилади.

«Бобурнома» Ойбек, Уйғун ва Иzzат Султон, Одил Ёқубов, Пиримқул Қодиров, Муҳаммад Алиларнинг тарихий асарларининг ҳаётий, ишонарли чиқишида ҳам бебаҳо манба бўлиб хизмат қилади.

**ЗОКИРЖОН ХОЛМУҲАММАД ЎҒЛИ
ФУРҚАТ**
(1859— 1909)

Фурқат XIX асрнинг иккинчи ярми ўзбек адабиётининг етук вакилларидан биридир. У йирик маърифатпарвар шоир ва ўзбек демократик адабиётининг шаклланишига ўз ҳиссасини кўшган илгор фикрли ижодкордир. Унинг тақдирауда ва ижодида XIX аср иккинчи ярмида Туркистон ўлкасидаги ижтимоий-сиёсий, иқтисодий ва маданий ўзгаришлар, яъни Туркистоннинг Россия томонидан зўравоилик билан босиб олиниши туфайли юз берган салбий ва ижобий ҳолатлар ўз аксини топган. У Муқимий каби мустамлакачиликнинг ёмон оқибатларини кўрди, бундан изтироб чекди ва айни чоқда Россия давлат тизими, фани, техникаси ва маданиятидаги илгор жиҳатларини маъқуллади, тарғиб этди. Фурқатнинг рус, у орқали Оврупо маданиятига яқинлашиши унинг ижо-

дида кучли маърифатпарварлик йўналишини келтириб чиқарди, шу билан бирга унинг ижодида публицистик жанрнинг яхши намуналари пайдо бўлишига олиб келди.

Фурқат асарлари автобиографизм, яъни унинг таржи-маи ҳолига, ҳаётига оид ҳолатларнинг кучлилиги билан ажralиб туради, бу унинг лирикасида ҳам, русларнинг илм-техникасини таърифловчи шеърларида ҳам, чет эллардан дўстларига ёзган шеърий мактубларида ҳам, публицистик мақолаларида ҳам яққол кўринади. Фурқатнинг «Хўқанлик шоир Зокиржон Фурқатнинг аҳволоти. Ўзи ёзғони» деган номда «Туркистон вилояти газети»да эълон қилинганди насрый асарида эса бевосита унинг таржимаи ҳолига доир маълумотлар берилган (профессор А. Абдугофуров «Зокиржон Фурқат» номли монографиясида бу асарни Бобурнинг «Бобурнома»сига ўхшашлигини таъкидлаб, «Фурқатнома» деб атайди).

Фурқатнинг ўзи ҳам шеърларининг ўзи ҳақида тўла маълумот беражагини назарда тутиб, бундай деган эди:

Эй муҳаббат аҳли, рамзи ишқ фаҳм айлай дессанг,
Ёзилганди хуни жигардин, Фурқат, ашъоримга бок!

Фурқат 1859 йилда Кўқонда дунёга келди. Унинг отаси Мулло Ҳолмуҳаммад маърифатли одам бўлиб, тижорат ишлари билан шуғулланган, онаси ҳам оқила ва адабиётни яхши тушунувчи аёл бўлган. Зокиржон зеҳни ўткир бола эди. У олти ёшида Мулла Муҳаммад Олимдан таълим олади, тезда саводини чиқарали, саккиз ёшида Атторнинг «Мантиқут тайр» асарини ўқиб чиқади, Навоий, Фузулийларни ўрганади. «Куръон»ни ифодали ўқишини ва ҳаттотликни ўрганади. Ўн бир ёшида ўзи таълим олган Ашур Муҳаммад Қори мактабида халфалик қиласи. Мударрис Подшохўжа эшондан араб тилидан сабоқ олади ва 14 ёшида мадрасага ўқишига киради. Аммо Туркистоннинг Россия томонидан босиб олиниси ва Кўқон хонлигининг тугатилиши, айни пайтда Фарғона вилоятининг тузилиши каби воқеалар муносабати билан Кўқонда ҳам нотинч вазият юзага келади. Зокиржон ҳам ўқишини ташлаб тирикчилик билан шуғулланишга мажбур бўлади. У Янги Марғilonда (Фарғона шундай деб юритилган) тоғаси билан савдо

ишида ишлайди, кейинча 2—3 йил ўзи мустақил дўкондорлик қиласди. Айни пайтда фуқароларнинг аризаларини ёзиб бериб, миরзалик ҳам қиласди.

Отасининг даъвати билан 1880 йилда Кўқонга қайтиб келади, оила қуради. Бироқ оиласи бузилиб, яна Янги Марғилонга кетади (1886—1887). Бу ерда дўкон очади, яна иши юришмагач, Муродхон деган савдогарнинг ҳисобкитоб ишлари билан шуғулланади. «Фурқатнома» асарида илгари «Русия ҳалқидан бирор одамни кўрсам, қочиб йироқдан ўтуб кетар эдим» деб ёзган Зокиржон энди рус тили, рус маданиятига қизиқа бошлайди. 1889 йилда Тошкентга келади, астойдил рус илми, фани, маданияти билан қизиқади. Бу ерда Н.П. Остроумов, В.П. Наливкин каби маориф, матбуот, илм соҳиблари билан танишади, дўстлашади ва ҳамкорлик қиласди. Тошкентга кетгунча «Фурқат», баъзан «Фарҳат» тахаллуси билан машҳур бўлган ва йигирма ёшларидаёқ девон тузган бу шоир Тошкентдаги ўзбек ва рус зиёлиларининг эътиборини ўзига тортади. Ҳожи Аъзам қўмагида тўққиз ойча Кўкаaldoш мадрасасида, кейин Шайхонтоҳурда яшовчи Маҳмудхўжа исмли маърифатли одамнинг уйида истиқомат қиласди. У Тошкентда «Туркистан вилояти газети»ни иштиёқ билан ўқийди, ҳатто унинг муҳаррири Н.П.Остроумов ва у ерда хизмат қилаётган маърифатпарвар Сатторхон Абдулғафуров билан дўстлашади, 1890-1891 йилларда ўша газетада хизмат қиласди. Гимназия, виставка, концерт ва театрларга боради ва у ерларда олган таассуротлари асосида ўнлаб шеърлар, достон ва мақолалар ёзади. Тошкент муҳити Фурқатда дунёни, ўзга ҳалқлар ҳаётини чуқурроқ ўрганиш истагини уйғотади. Фурқат 1891 йил 14 майда Истамбул, Юнонистон, Макка-Мадина, Бомбей, Кашмир, Тибет, Қашқарга сафар қиласди. 1893 йил сентябррида Ёркентга келади. Ёркентда муқим туриб қолиш сабаблари, биринчиси, рўзгорининг бузилиши («Хотун» ҳажвиясида «Жавридин охир азимат йўлини туткай киши, бу касофат бирла маҳруми диёр айлар хотун», дейди), иккинчиси ўзининг чет элдан юборган хатларида ёзганидек тоға-амакиларидан хафа бўлиб қолиши («Вале бордур гина андак амак бирла тоғалардин»), ўз юритидаги

иқтисодий-сиёсий вазиятнинг оғирлиги, жаҳолат, адолатсизлик, қашшоқлик каби ҳолатлар ҳам уни жаҳонга шта ва мусоғир бўлишга мажбур қилгандир. Фурқат Истамбулдан 1891 йилда Тошкентдаги дўстларига юборган мактубида («Сабоға хитоб») давр-даврон, замон-фалакдан жабр-жафо, бевафолик кўрганини айтади:

Ичим қоп ўлди даврон түссасидан,
Бу даврон ичра ҳижрон түссасидан.
...Билурсизким жаҳоннинг йўқ бақоси,
Жаҳон аҳлини ҳам меҳру вафоси.
Фалак ғаддордир, кажрав замона,
Киши кўрмас муруватдин нишона.
Замонини ҳар нафас табдили бошқа,
Юз онча умрининг таъжили бошқа.

Ёркент аҳолисининг Фурқатга кўрсатган меҳр-оқибати уни ўша ерда турғун бўлишга даъват этади. Ўзи ҳам «Бул шаҳарнинг обу ҳавоси ва мардумлари яхшилигидан кетмакни ихтиёр қилмадим» деб ёзади. Ёркентдан дўсти Тошболтуга юборган шеърий мактубида:

Менга мунида муқим ўлмоқ худо тақдирни ўлмишдур,
Эмасдур бандалик дам урмагим «чину чоро»лардин,

деб тақдир ҳукмига қарши чорасиз эканлигини тан олади. Фурқат ватанидан узоқда яшаши, мусоғирлик оғир кулфат эканлигини теран ҳис қиласар эди ва ўша мактубида «олиб ёнлиға сўрмас кимса Зокиржон Фурқатни», деб афсус-надомат чекади, ўксинади. «Сабоғи хитоб»ида «Фамидин кечакон тонг йиғлар, тонг отқоч доги кун ботгунча йиғлар», дейди очиқдан-очик.

Фурқат Ёркентда янги оила қуради. Нозимжон, Ҳакимжон деган фарзандлар кўради. У ерда шеърлар, сиёсий, публицистик мақолалар ёзади, ўзининг иқорича, саёҳатномалар ижод қиласади, табиблиқ ва тижорат билан шугупланади. Афсуски, Фурқатнинг Ёркентда ижод қилган кўпгина асарлари бизгача етиб келмаган. Фурқат тиним билмади, турмуш, муҳит, замон, тақдир уни у шаҳардан бу шаҳарга, у юртдан бу юртга кўчиб юришга мажбур

этди. Ўттизга кирмай туриб қон томири касаллигига учрайди, Хўжандда, Тошкентда бир оз даволанди, эҳтимол Ёркентда ҳам касалига даво истаб табибликни ўрганган бўлиши мумкин. Фурқат жуда ёш, 50 ёшида, 1909 йилда Ёркентда вафот этди.

Фурқат 9 ёшидан бошлаб шеърлар бита бошлади. 20-22 ёшларида ўз девонини тузди (аммо у топилганича йўқ), 24 ёшида Кўқонда тартиб берилган қўлёзма девонга катта шоирлар қатори унинг ҳам тўққизта ғазали киритилган эди. Унинг илк асарларидан бўлмиш «Ўлтиргуси» ғазалига Муқимий тахмис боғлайди. Бу ҳолатлар Фурқатнинг ўзига хос шоир сифатида жуда эрта тан олинганинги тасдиқлайди.

Фурқат етук ғазаллар, сермазмун мухаммас, мусаддаслар, кучли манзумалар ва достонлар ижод этди, насрый асарлар — «Фурқатнома», ўткир публицистик мақолалар, фельетон, памфлетлар яратди, фольклоршунослар, этнографлар учун муҳим аҳамиятга эга бўлган «Тўй тавсифи», «Гап тавсифи», «Аза тавсифи» каби рисолалар ҳамда шеърият назариясига доир «Илми ашъорнинг қоиди авзони» каби асарларини ёзди.

У Кўқонда, Янги Марғилонда, Хўжанд, Тошкентда ва чет элларда яшаган, сафарда бўлган пайтларида адолатсизлик, зулм, зўравонлик ва камбағалларнинг хор-зорликда яшашини кўриб, ғамгин, фожиавий руҳдаги асарлар ёзади. Унинг қалб кўзи кун сайин очилиб, дунёнинг тескари тузилганлигига ишона боради. «Бўлуб борур жаҳон кўзимға тор оҳиста-оҳиста», дейди ғазалида. Бир ўринда ўзининг ноилож ҳаётидан нолиб афсус чекади ва қаҳрғазаб билан дейди:

«Ҳўпларга зўру зар» — эл ичра бу масал бор,
Мен хастани, фиғонким, илкимда зўру зар йўқ!

Ёки «Тортадур» ғазалида ҳам мана шу сариф олтин касрининг оддий инсонга келтирадиган кулфатини алоҳида таъкидлайди:

Чархи кажрафторнинг бир шевасидин доғман,
Айшини подон суруб, кулфатни доно тортадур.
Сориг олтун касрати кўнгулни айлайдур қаро,
Чунки сафро бўлса ғолиб ўзга савдо тортадур.

Яна:

Йўқ эътибори — зари йўқ, — агарчи бўлса малак,
Эл ичра дев-зари бўлса, — мұтабар кўрдум.
Жаҳонни кулфатида булбул ўрина, афсус,
Либоси баҳмалу кимхоб ҳанги хар кўрдум.

Фурқат ватани Кўқонни тарк этгач, доим уни соғиниб, унга талпиниб яшади. «Сайдинг қўябер сайёд» мусаддаси эрксизликка исён, озодлик, инсон эрки учун курашга чорловчи чин инсонпарварлик руҳидаги асардир. Унда уч образ — овчи, тутқун ва шоир гавдаланади. Сайёд — овчи — зўравонлик, зулм, адолатсизлик рамзи, тутқун — оҳу билан шоир тақдири муштарак. Фурқат охунинг тузоққа илиниши воқеаси орқали тутқун инсоннинг тақдири ҳақидагина ҳикоя қилмайди, кўпроқ ўзининг қисмати тўғрисида сўзлайди:

Сайдинг қўябер сайёд, сайёра экан мендек,
Ол домини бўйнидин, бечора экан мендек,
Ўз ёрини топмасдан овора экан мендек,
Иқболи нигун, баҳти ҳам қора экан мендек.

Ҳижрон ўқидин жисми кўп ёра экан мендек.
Куйган жигари-бағри садпора экан мендек.

Кўринадики, Оҳу худди Фурқатдек доим йўлда бечора, ёрини топа олмай, баҳти қаро, иқболи тубан, ҳижрон азобидан юраги яра, жигар-бағри илма-тешик. Кейинги бандларда шоир овчидан Охуни озод қилишни ялиниб сўрайди, ундан раҳм-шафқат тилайди. Йўқ, у фақат ялиниш билан чегараланиб қолмайди, адолатсизликка қарши исён кўтаради:

Тоғда очилиб лола, ер сабза баҳор ўлса,
Охир бу нечук бедод, олам анга тор ўлса,
Чиқмай деса жойидин — узлатда фигор ўлса,
Гар чиқса баногоҳи — доминға дучор ўлса,

Ҳижрон ўқидин жисми кўп ёра экан мендек,
Куйган жигари-бағри садпора экан мендек.

Фурқат бу мусаддасини Тошкентда вақтида (1889—1891 йиллар) ёзган. Унинг мазмуни ва руҳи, ундаги оҳанг ва кайфият шу даврдаги, сиёсат туфайли эрк, озодлик, адолат излаб чет элга бош олиб кетаётган Фурқат ҳолатига жуда-жуда ҳамоҳанг эди.

Фурқатнинг чет элда ёзган «Адашганман» радифли муҳаммаси «Сайдинг қўябер сайёд»га жуда яқин. Унда ўз ватанидан жудо бўлган инсоннинг қалб түғёни, дард-алаами, ўқинчи, зори, армони бор бўйича тўла ифодаланган.

Замона аҳли тахаллус бу сабабдин Фурқатий дерлар,
Неча йилдурки ошуви замонимдин адашганман.

Фурқатнинг чет элдан ўз юртига — дўстларига ёзган мактублари шахсий қимматга эга бўлибгина қолмасдан, улар энг аввало шоирнинг таржимаи ҳолини (чет эллардаги саёхати ва Ёркентдаги турмушини) ўрганишда катта аҳамиятга эга. Буларда ҳам Фурқат ўз юртига ва халқига муҳаббат ва соғинч туйғуларини ифодалайди. Муқимийга ёзган мактубида (1889) «Соғлиқ йўқдур танимда ҳар куни беморман», дейди. Шу туфайли у Тошкентга келаётиб, Хўжандда бир неча ойлаб туриб даволанмоқчи бўлади, аммо фақат Тошкентга келгач дардига бироз даво топади. Сўнгра хатда Янгиқўргон қишлоғида тура олмаслигини айтиб, «Сўзлашурга бир дуруст одам йўқ, ҳам ғарибдур, мундайин ерда тура олмасман, юраги торман», дейди. Гап бир қишлоқ ҳақида кетаётган бўлса-да, барис-бир бу ерда Фурқатнинг димиқкан муҳитдан чиқишига ва сафар, саёҳатга мойиллиги ҳам сезилиб турибди. «Сафбоги хитоб» мактубида унинг қалбидаги «Ҳижрон гуссаси» акс этади, айни чоқда шоирнинг фалакнинг адолатсизлиги ва замона ташвишлари тўғрисидаги одил фикри ҳам ифодаланган. Фурқатнинг шеърий мактублари унинг қатор мусаддас, муҳаммас ва ғазаллари каби реалистикдир.

Ҳаётга яқинлиги, маърифий қимматга моликлиги жиҳатидан Фурқатнинг «Гимназия», «Илм ҳосияти», «Тошканд шаҳрида бўлғон нағма базми ҳусусида», «Виставка ҳусусида» (учта шеър), «Нағма ва нағмалар анинг асбоби ва ул нағма таъсири ҳусусида», «Акт мажлиси ҳусусида»

каби манзумалари ажралиб туради. Фурқат ўзининг босиб ўтган йўли, кўрган-кечиргандлари, замондошлари ҳақидаги «Фурқатнома» мемуар шаклдаги насрый асари, «Ёқуббек марҳумнинг қўлига тушган Қашқар вилоятининг аҳволоти хусусида» (1897), «Қашқар вилоятидаги сартия ҳалқларининг зиннадонлик ҳаволотлари хусусида» (1897), «Хорижия шаҳардин ёзган бир эшоннинг сўзи» (1905) каби қатор публицистик мақолалари «Туркистон вилояти газети»да босилган. «Фурқатнома»да Фурқатнинг таржимаи ҳолига оид нодир маълумотлар, жумладан илк шеъри, устозлари, замондошлари, фозил кишилар тўғрисидаги мулоҳазалари, ўзбекларнинг урф-олатлари, маориф-маданияти, руслар ҳақидаги қараашлари ўрин олган. Театрни у шундай таърифлайди: «Неча марта театр ном Русия ҳалқининг тамошохонасиға бориб, андаги ўюн — тақлид тартибларини кўрдум. Аларнинг кўрсатган тамошаси бизнинг масҳарабозидек маҳз кулгу учун эмас экан, балки ибрат учун экандур. Бу тариқадаким, ўтган замондаги одамларни аҳволлари ва тирикчиликларини ва ул мардум ораларида бўлгон муомалаларни тақлид қилиб кўрсатар экан ва баъзи кулгулук ўйинлар бўлса, боргандар андин ҳам ибрат, ҳам хурсандлик истифода қилур эканлар. Ул тамошохона катта бир олий иморат ўлуб, анда эркак ва хотунлар келиб ҳаммалари курсида яхши одоб тутиб ўлтурур эканлар».

Фурқат публицистик асарларида дунёдаги сиёсий аҳволни, ҳинд, афғон уруши моҳиятини, инглизларнинг Шарқдаги сиёсатини, Қашқардаги ҳалқларнинг аҳволини чукур билишини ва одил баҳолашини намоён этган. Буларда у инсонпарвар, адолатпарвар инсон ва зулм, тенгиззлик, қирғин келтирувчи уруш душмани тарзидаги кўринади. Энди Фурқат лирик шоиргина, маърифатпарвар ижодкоргина эмас, айни чоқда ўз замонасининг илғор зиёлиси тарзидаги ёз талантининг янги қиррасини кўрсатади.

Фурқат ўзбек шеъриятининг ҳаётийлиги, ҳаққонийлигининг ошишига, достончилик, шеърий мактуб, мемуар жанри, публицистиканинг ривожига, айниқса, ўзбек адабиётида маърифатпарварлик йўналишининг камол то-

пиши ва демократик адабиётнинг ривожига ўзининг катта ҳиссасини қўшган йирик ва ўзига хос ижодкордир.

МАҲМУДХЎЖА БЕҲБУДИЙ

(1875— 1919)

Маҳмудхужа Беҳбудий XX аср аввалида ўзбек ҳалқи ижтимоий тафаккурида янги саҳифа очган, янги йўналишни бошлаб берган зиёлидир. Ўз даврида ҳам, кейин ҳам у «Туркистон жадидларининг отаси», ўзбек адабиёти тарихида ҳозирги замон драматургиясини бошлаб берган кашшофт ёзувчи, ношир ва журналист, йирик сиёсий арбоб сифатида тан олинган.

Маҳмудхўжа 1875 йили Самарқанд музофотига қарашли Бахшитепа қишлоғида имом оиласида туғилди. Ҳожи Муин ибн Шукрулло Маҳмудхўжанинг насл-насаби Аҳмад Яссавийга бориб туташишини эслатади. Маҳмудхўжа ибн Беҳбудхўжа ибн Солиҳхўжа ибн Ниёзхўжа Беҳбудийнинг ота-боболари илми арабия ва диниядан яхши хабардор кишилар бўлиб, қорилик, имомлик ва хатиблик қилганлар. Тоғалари Муҳаммад Сиддиқ ва Мулло Одил ўз даврининг ўқимишли илғор зиёлиларидан бўлиб, Маҳмудхўжа тақдирида катта ўрин тутдилар. Ўткир зеҳни Маҳмудхўжа катта тоғаси, Чашмаоб бўлисининг қозиси Муҳаммад Сиддиқ ёрдамида б ёшида саводини чиқарди, кейин кичик тоғаси муфти Мулла Одилдан араб тили, диний илмлар ва математикани ўрганди. Маҳмудхўжанинг қуввайи ҳофизаси ниҳоятда кучли, зеҳни ўткир эди. У Куръонни тўла ёд олиб, қорилик ҳам қилди. Ҳожи Муин «ўзи ғоят ҳалим, одоблик, оз сўзлик ва ўйин-кулгуни севмайтурғон бўлғон», деб ёзади Маҳмудхўжа тўғрисида.

Маҳмудхўжа 20 ёшга тўлганда отаси вафот этди. У тоғаси Муҳаммад Сидиққа мирзоликка ишга кирди. Қозиҳонадаги икки йиллик хизмат унинг учун катта мактаб бўлди. Муфтиликка доир илм, қонун-қоидаларни ўрганди. Тоғаси қозиликдан кетгач, Кабуд бўлисининг қозиси қўлида мирзолик қилди. Маҳмудхўжа фикҳни, шариат ил-

мини шу қадар чуқур ва пухта ўрганадики, бир оғиздан ўз даврининг энг кучли, пешқадам муфтиси, деб тан олиниди. Кабуд бўлиси қозихонасида бир неча ой ишлагач, муфтиликка кўтарилади. Бу ерда узоқ йиллар давомида (1916 йилгача) ишлаб, ҳақиқат, адолатни ҳимоя қилади. Беҳбудийнинг қизи Парвин Беҳбудийнинг адабиётшунос С. Қосимовга айтишича, у қайси лавозимда ишламасин, умрининг охиригача муфтиликни ташламаган (Жомбойда муфти бўлган).

Бу давр ўзбек зиёлиларининг умумий бир фазилати бор: улар динга, ислом маданиятига, худди улуғ Алишер Навоий каби, ихлос ва муҳабbat қўйган эдилар. Масалан, Навоий мутаассиб шайхлар, умуман сохта дин пешволарини қаттиқ танқид қилди, айни чоқда Қуръон ва ҳадислар руҳи ижодининг мағиз-мағзига сингиб кетган бу улуғ зот пайғамбарлар тўғрисида китоблар ёзди. Беҳбудий, Авлоний, Фитрат ҳам, ислом тарихи хусусида рисолалар ёзғанлари ҳолда, дин ниқобидаги мутаассиб дин пешволарига қарши турдилар. Беҳбудий, айниқса, Макка, Қоҳира, Истамбулга (1900), кейинчалик Петербург, Москва, Қозон, Оренбург, Boқчасарой каби шаҳарларга сафар қилгач (1903 — 1904), дунёқараши, сиёсий туйғуси янада ўди. Бу юртлардаги ижтимоий, сиёсий, маданий ҳаётдаги, техника соҳасидаги тараққиёт омилини илмда, маориф ва маданиятда, деб билди. Иккинчи бор саёҳатга чиққанда (1914) Туркиядаги техника бобидаги янгиликларни ҳавас билан таърифлайди, Туркистон халқининг ҳаётидаги қолоқликни афсус ва изтироб билан танқид қилади.

«Саёҳат хотиралари»да (1914) Измирдаги электр чироқлари, элеватор, темирийўл, турк тайёррасининг кўкда парвози, «ҳадис калимоти шарифни чироғ нурлари ила ёзib танвур қилиш»ларини ёзди. Ҳажга кетаётган паражили ўзбек аёлларини кўриб, «Бу (қўйруқ)ларга нима керак. Қирқилсин бу думлар, токи азият ва меҳнатлари оз эсун», дейди.

Беҳбудий чет элларда бўлганда айниқса мактаб-маориф, таълим-тарбия ишлари, газета-журналлар ва нашриёт масалалари билан асдойдил шуғулланади, қизиқади. У

1901 — 1905 йилларда «Туркистон вилоятининг газети»-да, кейинчалик «Тараққиёт», «Тужжор», «Хуршид» каби вақтли нашрларда публицистик мақолалари билан қатнашади. Айниқса, Исмоилбек Фаспирилининг унга таъсири катта бўлди. Исмоилбек Фаспирили фақат мактаб ва маърифат орқалигина халқни баҳтли-саодатли қилиш мумкин, деган шиорни ўртага ташлаб, янги усулдаги (40 кунда хат-саводли қиласиган) мактабни ташкил этади. Унинг бу ҳаракати жадидчилик деб шуҳрат топди («жадид» сўзи арабча «янги», жадидчилик эса, янгилик тарафдори, демакдир), Туркистонга кириб келди. Беҳбудий Туркистонда жадидчилик ғояларини дастлабкилардан бўлиб тарғиб этди. У Исмоилбек Фаспирили билан биринчи марта Самарқандда учрашган ва уни уйда меҳмон қилган эди. Кейин 1914 йили Ҳажга бораётганда Истамбулда у билан узоқ сұхбатлашади. Исмоилбек бу пайтда Петрограддан шамоллаб келган, ўпкаси касалланган ва ўзи ориқлаб кетган экан. Улар мактаб, маориф ҳақида, Самарқанд, Бухоро, Тошкент, Хива, Фарғонадаги аҳвол тўғрисида сўзлашадилар. Исмоилбек Беҳбудийни Богчасаройга таклиф этади. «Оллоҳнинг лутфи ила, — деб эслайди Беҳбудий, — устод ҳазратларининг танҳо етти соат сұхбатларидан шу қадар файз топиб, мамнун бўлдимики, айтган ила адо эта олмайман. Ва ул сұхбатнинг лаззати асло мандан кетмайдур».

Беҳбудий маслакдошларидан Абдуқодир Шакурий учун ўз уйида мактаб очиб беради, барча моддий харажатларни ҳам ўз зиммасига олади, жуғрофия, тарих, дин тарихи, ҳисобдан дарс ўтади. Болаларни текинга ўқитиб, дарслик ва қўлланмалар ёзиб, нашр қиласи ҳамда уларни болаларга текин тарқатади, Туркистоннинг, Бухоро ва Хиванинг харитасини тузади...

Беҳбудий 1908 йили «Китобат ул-атфол» («Болалар учун ёзув китоби») қўлланмасини яратиб, нашр этади. Бунда иш юритиш қоидалари, ҳар хил расмий ва хусусий хатлар ёзиш йўл-усуллари, тиниш белгилар хусусида фикр юритилади, намуналар берилади. Республикаиз миллий мустақилликка эришгачгина бизда шундай иш юритишга доир қўлланма пайдо бўлди. Беҳбудий эса, ўша вақт-

лардаёқ бу муҳим масала моҳиятини тушуниб етган эди. Беҳбудий ўн саккиз моддада «хат ёзмоқ шартлари»ни тушуниради: мақсад — ниятни аниқ, қисқа, лўнда, сермаъно, тушунарли сўз ва иборалар билан, одоб ва ҳурмат руҳида ёзмоқ кераклигини таъкидлайди. Беҳбудий «ҳар тил ва луғат сўзини ўзи қоида ва имлоси или ёзмоқ лозим», «туркийча ёзилур экан ва бир иборанинг туркийси бўлиб туриб, они ўрнига русий ва ё ажнабий исмини ёзмоқни аҳли дониш манъ қиласурлар», дейдики, бу талаб ҳозир ҳам ўз қимматини тўла сақлаб қолган. Беҳбудий рисолада ойларнинг арабча, форсча, русча ва туркий номларини бериб, ўқувчиларга енгиллик туғдиради. Расмий ва шахсий ёзишмаларнинг форсий ва туркий тилдаги аниқ, қисқа ва мазмунли намуналарини тақдим этади. Улуғ устод доим ҳалққа фойда берадиган зарур китоблар, қўлланмалар яратиш ва нашр қилиш фикри билан яшади. «Туркистон тарихи» (1914) мақоласида ҳар хил олди-қочди, хурофий, афсонавий китоблардан кўра, «мўътабар тарихий, ахлоқий ва адабий рисола ва китоблар нашр этмоқ» кераклигини таъкидлайди, бу фикр бугунги қунимизга ҳам алоқадордир. «Тарих кўб аҳамиятли ва фойдали бир нарсадир, — дейди Беҳбудий, — Тарихнинг фойдаларидан бальзиси ушбукурки, бир миллатнинг тариқати, қайси йўл ила тараққий этганин ўқуб, ибрат олмак ёки бир миллатнинг на сабаблардан таназзул этиб, охири мунқариз бўлуб кетганин ўқиб мундан ҳам истифода этмак мумкиндур... Ҳоло, биз туркистонийлар марҳум боболаримиз аҳволи ҳам Туркистон воқеоти тарихиясидан бутун ғоғил ва бехабардурмиз».

Беҳбудий ислом ақидаларини катта ҳурмат қилгани ҳолда, дунёвий фанларсиз миллатнинг тараққий этиши ва камол топиши мумкин эмаслигини қайта-қайта таъкидларди. «Эҳтиёжи миллат» мақоласида (1913) очиқдан-очиқ дедики, «Бошқа миллатларга қаралса, кўра олурга мунтазам мактаблари бор ва ул мактабларда диний илм устинда дунёвий илм ва фанлар ҳам ўқилур. Чунки дунёга турмоқ учун дунёвий фан ва илм лозимдур. Замона илм-фанидан бебаҳра миллат бошқа миллатларга поймол бўлур». Бу гоят тўғри ва доно фикрлардир.

Беҳбудий замона талаби бўйича зиёли тўрт тилни билиши шартлигини ҳам айтади: «... бугун бизларга тўрт тилни таҳлил ва тақрир этувчилар керак, яъни арабий, русий, туркий ва форсий («Омилимиз ёинки муродимиз», 1913).

Беҳбудий иғвогарларнинг жадид мактабларига туҳмат, иғво қилишлари ва ҳатто имзосиз хатлар ёзиб дўқ уришлари, кўрқитишларидан ҳайратга тушади: «... Биз маълум авлоди мусулмонга, — дейди у, — иймон, ислом, қироат, тажвид, амалиёт, ҳисоб, жуғрофия, тарих ва бошқа керакли нарсаларни таълим берсак, бидъат, залолат бўлурмиш. Субҳон Оллоҳ, бу қандай куфр ва бу қандай кўргулик. Биз бу бежо таъноларни ўз зиммамизга олиб, ушбу мактабни очдик. Ва бир нечасини иншоолло очармиз. Кўча ва далаларга ғойибона сўзлаб юргунча ва исмисиз мактублар ёзиб чарчагунча келиб мактабнинг ҳар бир ишини эртадан то кечгача кўруб баҳс ва мунозара қилишлар нафъи умумдур» («Самарқанд мактаби ҳақинда», 1908).

Маҳмудхўжа Беҳбудий 1913 йили нашр этган «Самарқанд» газетаси (44 сони чиқиб тўхтаган) ва «Ойина» журнали (1913) Туркистонда ижтимоий фикрнинг тараққиётида жуда катта аҳамиятга молик бўлди. Газета тепасига ёзиб қўйилган «Ислом миллатининг саодат ва ислоҳоти, мусулмонларнинг замона фанларидан фойдаланмоқлари учун туркий ва форсий тилда ёзилган мақола ва хабарлар қабул қилинади», деган жумлалардан Беҳбудийнинг қанчалик илғор фикрли ва ҳалқпарвар зиёли эканлиги англашилиб турди. «Ойина» журналининг биринчи сонида Беҳбудийнинг ўзи: «Ойина» шундай бир нарсаки, одам унга ўзини кўриш, юзининг қандайлигини билиш учун қарайди. Юзи эса турли физик ва психик омииллар таъсирида қизил, сариқ, қора ёки оқ бўлиши мумкин. Киши ойнага ногаҳоний пайқаб қолиши мумкин бўлган дардларини даволаш учун қарайди», — дейди.

Беҳбудий ўзи араб, форс тилларини яхши билган, рус тилини тушунган, гаплаша олган. «Ойина»ни тўрт тилда — туркий, форсий, араб ва рус тилларида чиқармоқчи бўлган. «Икки эмас, тўрт тил лозим» (1913) мақолосида «Арабий тил дин учун не даражада лозим

бўлса, русий ҳам тириклик ва дунё учун лозимдур. Арабий билмасанг дин, русча билмасанг, дунё қўлдан кетар», дейди.

С. Айний Беҳбудий табиати ва шахси тўғрисида фикр юритиб, шундай деб ёзганди: «Беҳбудий ҳазратлари кўринишда фоят маҳобатли ва салобатли эди. Аҳволига воқиф бўлмаган кимса, мутакаббур деб гумон қилур эди. Лекин ҳақиқатда мулойим сұхбатлик, такаллуфсиз бир одам эди. Ўз моли ҳақида бўлсин, халқ моли бўлсин, иқтисодга кўп риоя қиласин, ва ижтимоий аҳволимизнинг тузулиши учун иқтисодига риоя қилишни биринчи шартлардан билар эди».

Файзулло Хўжаев эса, «сиёсий, ижтимоий фаолияти ва билимининг кенглиги жиҳатидан Туркистоннинг ўша вақтдаги жадидларидан унга teng кела оладиган киши бўлмаса керак», дейди.

Беҳбудий 1912 йил 23 — 27 июнь кунлари Бухоро уездидаги Қоракўл туз конида бўлади. У ердаги сув танқислиги ва халқнинг ночор аҳволини (тиф, ришта ва яна турли хил касалликлар тарқалганини) кўриб, «Оҳ, бечора Бухоро», деб юборади («Бухоро хонлигинда саёҳат»).

Беҳбудийнинг қатъияти, сўзининг ўткирлиги ва обўйининг баландлиги, адабиётшунос С. Қосимовнинг ҳикоя қилишича, 1914 йил 3 январда Самарқандда Улубек мадрасасида, жума намозида бўлган ифвогарлик воқеасига муносабатида яна бир бор намоён бўлади. Жума намози охирида муazzин мутаассиб руҳонийлар буйруғи бўйича беш-олти минг мусулмонга қараб, кимда-ким фарзандларини жадид ва рус мактабларига берса, ўзи коғир, хотини талоқ, деб эълон қиласиди. Беҳбудий бошчилигидаги тараққийпарвар кучлар ифвогарларни ўз сўзларидан қайтишга мажбур этадилар.

Беҳбудийнинг бу мақоласидаги иккинчи кучли фикр Туркистон халқларини, уларнинг каттаю кичигини бирлашишга чақиришидир. У озодлик, мухторият ўз-ўзидан келмаслиги, балки кураш орқалигина қўлга киритилиши мумкинлигини уқдиради: «Такрор арз қиласизки, ёш ва катталар бир бўлиб ишламак керак. Вале, бизга на ҳуррият қолур, на-да мухторият берилур».

Бундан ортиқ инқилобий фикр, чақириқ, даъват бўладими? Беҳбудий 1917 йил февраль инқилобини хурсандлик билан кутиб олди ва 1917 йил апрель ойида бўлиб ўтган Туркистон ўлкаси Ижроия қўмитаси қурултойида сўзга чиқиб, инқилоб келтирган озодликни қўлдан бой бермаслик учун Шўролар атрофига жисплашишга чақиради. Аммо Беҳбудий октябрь тўнтаришини ёқдамади, зўравонлик деб билди ва унинг 1917 йил ноябрда Мусулмонларнинг Умумтуркистон 4-фавқулодда қурултойида Туркистон мухторияти ҳукуматига аъзо қилиб сайланиши ҳам бу фикрни тасдиқлайди.

«Қозоқ қардошларимизга очиқ хат»ида (1918 йил 26 январь) мухторият олиш учун қозоқ, ўзбек, қирғиз, туркман халқларини жисп бирлашиб, курашишга даъват этади: «Сиз билингки, ҳақ олинур, берилмас. Инчунун, мухторият-да олинур, берилмас. Яъни мухториятни Туркистон болаларининг ўзи бирлашиб, файрат или олур. Албатта, бошқа тарафдан берилмас. Бошқаларнинг қўлидан келса бермаслар. Биз бўшлиқ қилсак ва Туркистондаги халқлар бирлашиб, мухторият йўлига саъй қилмасак, албатта, ҳозирги қоғоз устидаги мухториятимизни ҳам йўқ қилурлар... Ёлғиз мухторият учун ҳар нимарсамизни фидо этмоғимиз лозимдур».

Беҳбудий шу даврда Туркистон халқларининг уюшмасликларини ички бир туйғу билан сезиб турарди. Ўша очиқ хатла «Туркистон халқининг бўлинмоғига ўзимиз сабаб бўлмасак эди», деб шубҳасини ҳам яшимайди.

Беҳбудий ўзининг публицистик ва бадиий ижоди билан ҳам ўзбек адабиёти ва Туркистондаги ижтимоий тафаккур ривожига катта ҳисса қўшди. У икки юздан кўпроқ публицистик асарлар ёзди. Буларнинг мавзуи, уларда кўтарилган масалалар ғоят ранг-баранг, муҳим ва долзарбидир: давлат тузилиши, Туркистондаги жамият тақдирни, халқнинг иқтисодий аҳволи, Русия ва Туркистон халқлари муносабати, Туркистондаги миллатларнинг бирдамлиги, маориф-маданият, адабиёт ва санъат, матбуот ва нашриёт, ўзбек тилини давлат тили даражасига кўтариш ва ривожлантириш, ахлоқ ва урф-одатлар, соғлиқни сақлаш, тарихни ўрганиш, археология, география, астро-

номия ва математика, гигиена, савдо-сотиқ, қишлоқ хўжалиги... Булар ҳақида ёзиш учун қомусий билимга эга бўлиш керак эди, Беҳбудий эса ҳамма илмлардан чукур хабардор инсон эди.

Беҳбудийнинг барча саъй-ҳаракати бир мақсад сари — халқини бахтли қилиш ва маданий-маърифий савиясини кўтариш эди. Шу мақсадда у драматургияга қўл урди. «Театр надур» мақоласида (1914) «театр ибратхонадур», «тарақкий қилмоқнинг энг биринчи сабаб ва боисларидан бири театрулардир», деб уқтириди.

Беҳбудий — илк ўзбек театр назариячиси ва биринчи амалиётчисидир. «Театр хонаси, — дейди у ўша мақоласида, — саҳналаринда қўйилатургон асарлар фожиа, яъни қайгулик, мазахи, яъни култи, драма, яъни ҳангомалик бир воқеа ва ҳодисани тасвир этиб ҳалойикқа кўрсатилур. Шунингдек, у актёрлар билан муҳаррир (драматург)ни нақадар чукур ўйлатгувчи зариф ва назокатлилиги лозим бўлса, мушаҳҳис (ҳодисани кўрсатувчи)ларни ҳам муқаллид ва ҳар нарсани ўзидек қилиб кўрсатувчи нуқтадон бўлиши лозим бўлиб, у алоҳида бир санъатдурки, Оврупо эли мунга ҳам алоҳида мактаб ижол қилғондурлар».

Унинг «Падаркуш» асари, ўзи айтганидек, қайгулик пардада ёзилган.

«Падаркуш» 1912 йили «Турон» газетасида эълон қилинди. Аммо Туркистон хўжайнлари — чор мустамла-качилари асарнинг китоб ҳолида босилишига ҳам, саҳнада қўйилишига ҳам рухсат этишмади. Асар 1913 йили Самарқандда Б. Газаров ва К. Саянов босмахонасида алоҳида китоб ҳолида босилди. Унда араб имлосида асар муаллифи ва асар номини бергач, остида русча номи ҳам айтилган. Русча изоҳлар орасида қуйидаги жумлалар ҳам бор: «Посвящается юбилейной ныне памяти Бородинского сражения и избавления России от нашествия французов». «Разрешено цензурою Тифлисским Комитетом по делам печати к постановке на сценах Кавказского края 23-го июля 1913 года за №19940». Беҳбудий асарни нашр этиш ва саҳналаштириш йўлини қидириб, унинг устига юқоридаги жумлани ёзишга ва Тифлисдаги цензурага мурожаат қилишга мажбур бўлган эди. Миён Бузрук Со-

лиҳов «Ўзбек театр тарихи учун материаллар» асарида (1935) таъкидлаганидек, «Падарқуш»нинг саҳналаштирилиши масаласи ўзи катта бир тарих. Муаллиф «Ойина» журналининг 1913 йил 51-сонида келтирилган қуйидаги хабарни беради:

«Ўйнайтурғон одам йўқ. Азбаски, Туркистонда бекор одам йўқки, халқ учун ишласа ва бекор киши йўқки, театру саҳнасинда чиқиб «масҳарабозлик» қилса (чунки Туркистонда театрнуни масҳарабозликдан айирмайдилар). Қачонки мушахислик (артистлик) заҳматини зиммасига оловчи 10 киши топилса ўйналур».

Охири асарни ўзбек, татар ёшлари саҳналаштириди, ҳатто аёл ролини эркак одам Абдулла Бадриддин ўйнади. Асар шу қадар шуҳрат топадики, театрга одам сиғмайди, чипта нархи чайқовда 3—4 баробар қимматга сотилади. Кейин асарни саҳналаштирган жамоа Кўқонга бориб томоша кўрсатади, сўнгра Тошкентда саҳналаштирилади ва шу тарзда асар бутун юртда қўйила бошлайди ҳамда «Падарқуш» бизда театр санъатини бошлаб берган илк асар бўлиб қолади.

Асар ғоят ихчам, иштирок этувчилик ҳам ўн киши атрофида. Аммо унда ўша давр Туркистон халқи учун энг долзарб масала — маърифатли бўлиш, ёшларни ўқитиш масаласи кўтарилган эди. Биз юқорида Беҳбудийнинг публицистик мақоласидан парча келтириб, ёшларни замона илми, рус тилини ўрганиб, Россия ҳукумати ишларида иштирок этиб, Туркистон халқи манфаатини ҳимоя қилишга даъват этганини таъкидлагандик. Пьесада Зиёли Бой билан баҳслашар экан, шундай дейди:

«Олимий замони бўлмоқ учун болаларни аввало мусулмон хат ва саводини чиқаруб, зарурияти диния ва ўз миллатимиз тилини билдурғондан сўнгра ҳукуматимизни низомли мактабларинга бермоқ қеракдир: яъни гимназия ва шаҳар мактабларини ўқиб тамом қилғонларидан сўнг, Петербург, Москов дорилғунунларига юбориб, докторлик, замончилик, инженерлик, судиялик, илми саноат, илми иқтисод, илми ҳикмат, муаллимлик ва бошқа илмларни ўқитмоқ лозимдир. Россия ватанина ва давлатина билғеъл шерик бўлмоқ қеракдир ва дав-

лат мансабларига кирмоқ лозим. Токи, майшат эҳтиёжи замонамиз тўғрисида ватан ва миллати исломга хизмат қилинса ва подшоҳлик мансабларига кириб мусулмонларга наф еткурулса ва ҳам давлати Россияга шерик бўлунса...»

Кўринадики, пьеса Беҳбудийнинг юрагидаги дардни, орзу-армонни, идеални ўтказиш учун ёзилган. Зоро, пъесадаги Зиёли кўп жиҳатдан Беҳбудийнинг ўзига ўхшаб кетади. Зиёли фақат замонанинг илгор илм-ҳунарини муқаммал эгаллаш орқалигина жаҳолатдан, турғунликдан, баҳтсизликдан қутулиш ва миллий мустақилликка эришиш мумкин, деб билади, ҳамма нарсани тараққий қилган Оврупо мезони билан ўлчайди. Бой унинг куйиниб гапиришига — ташвиқотига парво қилмай, ҳомуза тортиб ухлаб қолганда аламидан йиғлайди. Драматург Зиёлини кийим-кечаги, юриш-туришидан, яъни суратидан сийратигача янги замон кишиси қилиб кўрсатади. Ҳатто унинг тилини зиёлиларга хос тарзда беради («Жаноб бой, сизни кайфсиз кўраман, мумкинми сабабини билсан», «Аҳ-ҳа, қизиқ ва интересний ҳодиса эмиш»), ҳатто унинг ва бошқа персонажлар тилида йигирмага яқин рус ва оврупо тилларига доир сўз-атамалар ишлатилади (марш, турма, файтун, банк, член, гимназия, доктор, инженер, закончилик, судиялик, форма, пиво, дюжина, извошлийлик...). Драматургнинг нутқида ҳам, «стакан, приступ, пивохона, полирус, квас, кроват, полицейский» каби чет сўзлар кўлланилган.

Пъесадаги Зиёли ва унга ҳамфир бўлган Домулло образлари драматургнинг эзгу ниятини ифодалашга хизмат қиласди. Домулла шариат, Куръони Карим воситасида илм-маорифни тарғиб этади.

Беҳбудий пъесада оддий масалани, айтайлик, қорин тўйдириш, бой-бадавлат бўлиш муаммосини кўтармайди. Бой Домуллага қараб: «Ўқиганни бири сиз, емоқға но-нингиз йўқ, бу ҳолингиз ила менга насиҳат қилурсиз»: «Менинг хаёлимға дунёнинг сабаби, иззати-бойлик.... Биз кўрамизки, одамлар бойни мулладан зиёда иззат қила-дурлар», дейди. Мулла ҳам, Зиёли ҳам бой бўлишдан каттароқ, муқаддасроқ ниятни — она-ватанни ва ҳалқи тақ-

дирини ўйлайдилар, илмисизлик, жаҳолат ва вақтингчалик бойлик кишини охири «хор ва зор» қиласи, дейдилар. Юртнинг, «барча савдо»нинг ажнабийлар қўлига ўтиб кетажагини ўйлаб куюнадилар. Драматург Зиёли ва Домулло орқали ўз ниятини очиқ тарғиб қилиш билан бирга Бойнинг ўғли Тошмурод тақдирида улар айтган гапларнинг — ҳақиқатнинг нақадар тўғрилигини амалда намойиш этади. Домулло «Иншооллоҳ, мўйлаб чиқарив алифни таёқ демайтурғон ўғлингиз ҳолини кўрармиз ва ҳам ўқитмаганингиз учун гуноҳкор бўлурсиз» — дейди. Асарнинг иккинчи ва учинчи пардаларида Тошмуроднинг ўз ўртоқлари билан кайф-сафо, ахлоқсиз ишлар қилиб, ақласи етмай, отасини ўлдириб, пулинни ўғирлашлари ва қамоқقا тушиши кўрсатилади. Шу пайт Зиёли яна саҳнада пайдо бўлади ва «илм ва тарбиясиз болаларнинг оқибати шудир. Агарда отаси ўқитса эди, бу жиноят ва падаркушлик алардан содир бўлмас... Оҳ, ҳақиқатда бойни ўлдирган ва бу йигитларни азоби абадийга гирифтор қилган беилмликлар. Бизларни хонавайрон, бачагирён ва беватан ва банди қилғон тарбиясизлик ва жаҳолатдир; беватанлик, дарбадарлик, асорат, фақир ва зарурат ва хорлик ҳаммаси илмисизлик ва бетарбияликни меваси ва натижасидир. Дунёга тараққий қилган ҳалқ илм воситаси или тараққий қиласи», — дейди.

Асада Беҳбудий чоризм истибдодига ишоралар қиласи ва жаҳолат, ахлоқсизлик, қотиллик иллатининг илдинини Русияга олиб бориб тақайди. Бу фикр драматургнинг кўп мақолаларида очиқ-оидин айтилган ҳам эди. Масалан, «Эҳтиёжи миллат» мақоласида диний ва дунёвий илмларни пухта эгаллаган одамлар бўлмаса, «маиший эҳтиёжимиз хароб бўлиб, кундан-кун бегона миллатларнинг забуни ва маҳкуми бўлурмиз», деганди.

Драматург Тошмурод, Нор, Тангиқул, Давлат, Артур ва Лиза тақдирида Туркистонга кириб келган ахлоқсизлик — чиркин турмуш тарзини кўрсатиб, ҳалқни огоҳ бўлишга, уйғонишга, кўзини очишга ва инқизорнинг олдини олишга даъват этади. Асар ёзилган пайтда Туркистондаги илфор одамлар қалбида шу туйғу, шу армон ниш урар эди ва шу туфайли асар тезда шуҳрат

топди. Ҳалқи, ватани учун фидойиларча яшаган ва мөхнат қилган Беҳбудий 1919 йилда душманлар томонидан қатл этилди. С. Айний «Беҳбудий руҳини ىттиҳоф» марсиясида «Сенинг маслагингни Туркистон тополурму, тополмасму», деб бекорга айтмаган. Чунки Беҳбудий маслаги янги замон кишилари маслагига ҳамоҳанг эди. Асар ўзбек адабиёти ва санъатида театрчиликнинг кенг қулоч отишига турткি берди. Дидағтика йўналишдаги бу фожия шакл-шамойили жиҳатидан, айниқса, жаҳон драматургияси даражасидан қаралганда анча содда бўлсада, бу борада ўзбек маданиятида Қўриқ очиб берганига кўра қимматлидир.

Маҳмудхўжа Беҳбудий XX аср ўзбек адабиётига тамал тошини қўйган ҳақиқий зиёли, новатор ижодкор, адолатпарвар ва чин миллатпарвар инсон эди.

ҲАМЗА ҲАҚИМЗОДА НИЁЗИЙ (1889— 1929)

Мустақиллик даврида тарихимизни, адабий меросимизни, айниқса, қирғин-қатағон қилинган ёзувчилар ижодини ўрганишга кенг йўл очилди, бу борада ҳозир кўп ишлар қилинмоқда. Жумладан, Ҳамза шеъриятининг ўзи биланоқ адабиётимиз тарихидан мустаҳкам ўрин олиши мумкин. Ҳамза ўзбек театрининг яратилиши ва ривожига катта ҳисса қўшди. Дарсликларида бутунлай янги принципни кўллади: улар диний ва дунёвий илм асосида ёзилди.

Бир мақоласида «Ким ҳақиқатпаст, ким миллатни суювчи, ким ўз ҳалқини бир кўзда кўрувчи, ким жамоат хизматига жони-молини фило этувчи айтилсун, бу майдону ҳақиқатга кирсун», деб ёзди. Бир мухаммасида «Гар ҳақиқат йўлига бир раҳнамо топса кўнгул», дейди ва «Миллий ашулалар...» мажмуасида шу ниятини журъат билан тарғиб этади. Унда шоир ҳалқни уйғонишга, бирлашиш ва ҳақиқат учун курашга чақиради: «Бирланисун энди бошимиз, маслакда қари ёшимиз», «Ҳақ йўлида жон берсак, бўлсанк миллат қурбони»...

Адиб бошқа бир асарида ҳаммага «бир кўз билан қараийлик», деган иборани ишлатади, ҳалқни бою камбағалга ажратмайди. Ортиқча тўй-ҳашамлар, қиморбозлик, кўкнорихўрлик, маҳаллийчилик, бир-бирини кўролмаслик, дангасалик, айниқса, илмисзликни шафқатсиз танқид қиласди: «Тонумаслар ўзларин бехушлар», деб афсусланади: «Ўзингизга бир боқсангиз эди кўзингиз йиришуб», дея хитоб этади.

Форс ва араб тилларини пухта билған Ҳамза динга сидқидилдан ишонган. Отасига йўллаган бир мактубида «Бир бедона кафши сотиб олган эдим, рамазон келиб қолди: яна сотиб юбордим. Ифторлик ва саҳарликка харжладим», дейди.

Аммо 1917 йилги Октябр тўнташидан кейин мамлакатда большевиклар томонидан динга, мадрасалар, диндорларга қарши бошланган шафқатсиз оммавий кураш жуда ёмон оқибатларга олиб келди. Янги тузумдан нажот кутган Ҳамзага ўхшаган ижодкорлар атеистик мавзуларда асарлар ёзишга ўтди. Сўнгра динга нисбатан бошланган адолатсиз кураш дин раҳнамоларининг норозилигига сабаб бўлди. Бундай ҳол Ҳамзага ўхшаганларни чалғитди. У: «Мулла, эшонлар қутурди, дин, шариатнинг исмидан «ғозийлик» деган ёлғонга адашган эрлар сотилди» ва «Дўзахни писанд этмади куфринда Ниёзий», деб ёзди. Ҳамза аслида жаҳолатга қарши курашмоқчи бўлади. Шўролар даврида бирорта асарида ижобий маънода тасвирланган дин кишиси йўқ.

Баъзилар Ҳамзанинг мардикорлик воқеаси муносабати билан ёзган «Яшасун чун ватан ўғли» ва «Сидқи дил бирла дуо» шеърларида чоризмни мақтаган, ўз ҳалқини мардикорликка даъват этган, деб уларга салбий баҳо берадилар. Эҳтимолки, бу шеърлар маҳаллий маъмурлар талаб-буйруғи билан ёзилган. Лекин Ҳамза «Подшоҳимизга садоқат кўрсатинг, аҳли ватан, то қурбон ўлсун жонимиз», деб даъват этган бўлса-да, шеърнинг руҳига ўз юртини, ўз ҳалқини қадрлаш туйғуси сингдирилган.

Ҳамза аслида мардикорликнинг қандай оғир кулфатлар келтирганини яхши билади. «Софиниб», «Салом айтинг» қаби шеърларида мардикорларнинг фожиали аҳво-

лини кўрсатиб беради. Лекин у шеърларига жуда муҳим бир фояни сингдиради: жаҳолатда қолиб кетган ва ўз баҳтсаодати учун курашмаган одамнинг жазоси шу, бу кунларинг сенларга сабоқ бўлсин, демоқчи. Қаранг: «Жазо шул қаю миллат, ки ҳикмат, илму фан билмас», «Эсак дониш эли ўлмас биз мунча расволар», «Бу кунлар ибрат ўлсун, эй...».

Алиб бошқа бир ўринда очиқдан-очиқ бундай деб ёзган эди: «Мана, буқун ҳақиқат, ҳуррият воситаси билан эски хоин ва золим, мустабид ҳукумати 50 йилдан бери бўйин, кўл ва оёғимизга сезимсиз солуб келган умрлик оғур занжирларин кўзга кўрсатиб ечди, халос қилди. Буқун ҳақиқат, мусовот воситаси била, бир тараф, золим амалдорлар, иккинчи тарафдан, раҳмсиз, шафқатсиз талончилар темир тирноғи остида пўстлари бутун сидирилуб, юраклари эзилуб... турган мазлум, ноҳақ фақиру бечора, етим, ғарибларнинг бургутлар панжай маргидан баҳо қилди... Буқун Остроумов, Илминский кабиларнинг тарбиясида яшаган ва анинг маслакига хизмат этувчи, ватандаги ўз орамиздан чиқкан дин хоинларини ҳётларин ҳақиқат майдонига отур. Ноҳақларни шарманда... қилур».

«Истибод қурбонлари»да рус началниги оғир меҳнатдан ўлиб қолган ўзбек йигитини топиб: «Кўтаринг бу со-баканинг ўлигини», дейди. Ҳеч қайси ёзувчи ўша вақтда чоризм башарасини Ҳамза каби дадил фош этган эмас. 1917 йил 21 октябрда ёзган «Үён Ватан» шеърида «Бу кун миллатга ўлсун ҳарна ҳимматимиз», «Битди истибод, етсун ҳуррият», «Битсун назорат, қуллик, асорат» деб ҳайқирди. «Туркистон Мухториятина» шеърида эса «Тўрт юз йиллик Романов битгач давлати, кўтарилид асорат, ҳўрлик иллати», деб қувонади.

Бу гаплар бежиз айтилмаган эди. Ҳамза ўз юртида, Россияда ва ундан ташқарида юз бераётган ижтимоий-сиёсий воқеалардан яхши хабардор эди. Жадидлар отаси деб шуҳрат таратган Исмоил Фаспиралини ўз устози деб билган шоир у вафот этганда шеър ва мақола ёзиб, «ботди ҳуршиди жаҳон», дейди. Туркистоннинг илғор зиёлиси, машҳур жадид Мунавварқорини эса, «муҳтарам

устози олий», «маънавий ота», деб ҳисоблайди. Унинг «Сариқ гул» (1916) тўпламидан «Яшасун чин ватан ўғли», деган шеър ҳам ўрин олган. Ундаги «Яша, Чайкин, Яшасун чун ватан ўғли Ҳўжаев» деган мисра бўлиб, ҳар тўртликдан сўнг (9 тўртлик) такорланиб келади. Убайдулла Ҳўжаев ва Вадим Чайкин ўша даврнинг илгор зиёлилари, сиёсатчилари эди. «Садои Туркистон» газетасига бош муҳаррирлик қилган Убайдулла Ҳўжаев машҳур адвокат бўлиб, Кўқон Мухторияти ташкил топганда мудофаа нозири ўрнини эгаллаган эди. Вадим Чайкин «Голос Туркестана» газетасининг бош муҳаррири бўлган. Туркистондаги эсерлар партиясининг бошлиги сифатида Беҳбудий, Закий Валидийлар олдинга сурган Туркистонга федерация мақомини бериш гоясини фаол қўллаб-қувватлаган арбобдир. Ҳамза бу икки шахсни Туркистон халқининг оғир, ночор аҳволидан оқ подшоҳни хабардор этувчи ва оғирини енгил қилишни сўровчилар, деб билади.

Ҳамза Аҳмад Закий Валидий Тўғон билан дўст бўлган, у билан бирга ҳалқ орасида тарғибий-ташвиқий ишларни олиб борган. Валидий ҳам уни ҳурмат қилган ва Туркистондаги энг машҳур, фаол сиёсий арбоблардан бири, деб ҳисоблаган. Маълумки, Закий Валидий зўр олимлигидан ташқари Туркистондаги миллий-озодлик ҳаракатининг йўлбошчиси сифатида тан олинган, «Туркистон Миллий Бирлиги» қўмитасининг раиси бўлган, жуда кўп сиёсий дастурлар, йўл-йўриқлар (масалан, жадидлар дастурининг) муаллифи бўлган ва ҳатто Ленинга катта мактуб ёзib, барча ваҳшийликлар, адолатсизликлар, шовинистик сиёсат ва майда миллатлар ҳақ-хуқуқининг поймол қилинишида, эҳтимол, «йўл қўйилган хатолар бошида сиз ўзингиз тургандирсиз» дейишга журъат этган сиёсатчидир.

Тошкентда ўтадиган «Туркистон Миллий Бирлиги» конгрессига қатнашувчилар тўғрисида сўзлаб, Валидий шундай дейди: «Лекин Туркистоннинг таниқли сиёсий арбоблари Алихон Букайхон, Турор Рисқулов, Аҳмад Бойтурсун, Муҳаммаджон Тинишбоев, ўзбеклардан Мунавварқори, Бухородан Ҳакимзода, Мирза Абдулқо-

дир Мұхиддин, туркманлардан адвокат Қақажон Бердиев ва бошқалар узоқ вақт большевиклар махсус хизматларининг таъқиби остида бўлганликлари сабабли бу конгрессга кела олмайдилар» (таъкид бизники — С. М.) Закий Валидийнинг мана бу фикри Ҳамзанинг қалбидан муҳторият гояси чукур ўрин олганини ва «Муҳторият ёки автономия» драмаси, кейинча «Туркистон Муҳториятина» шеърининг дунёга келиши бежиз эмаслигидан далолат беради.

«Мен ва Беҳбудий, тошкентлик ёш муҳаррир Толибжон, ёш ўзбек шоири Чўлпон, нўғайқўргонлик татарлардан Тоҳир, Самарқанддан Ҳакимзода билан бир қанчаша шаҳарларга бориб йигилишлар ўтказдик, турли-туман жойларда бўлиб, Туркистон Марказий Шўросига одамларни жалб қилдик. Натижада Муҳтория фикрининг асл душмани саналган кадет партиясининг Тошкентдаги бошқармаси ўз таъсирини йўқота бошлиди. Июн ойи бошидан бошланган кураш натижасида Муҳторият гоясининг таъсири ҳамма ерда кучая борди». Валидийнинг бу гаплари Ҳамзанинг сиёсий кураш жабҳасида фаол ишлаганидан яна бир далиллар.

Маълумки, 1917 йил бошларида Туркистон Миллий Шўроси тузилади ва унинг гояси Ҳамзани ҳам мафтун этади. У «Таржимаи ҳол»ида 1917 йил бошида Шўрои исломнинг озуқа шуъбасига кириб, иттиҳод таъмин жамиятини ташкил этишда қатнашганини ёзади. Шу пайтларда «Хой, ишчилар», «Биз ишчимиз», «Ишчилар, уйғон», 1918 йили «Туркистон Муҳториятина» шеъри билан кетма-кет «Уйғон», «Яша, Шўро» каби шеърларини ёзган. Бу шеърларнинг мағзини миллий ишчилар синфини яратиш ва миллий шўрони ривожлантириш гояси ташкил этади. Фикримизнинг исботи учун яна Закий Валидийнинг Мустафо Чўқаевга ёзган катта мактубидан бир парча келтирамиз: «1917 йилнинг июнида Самарқандда Ҳамза Ҳакимзоданинг, Маҳмудхўжа Беҳбудий билан менинг миллий ишчилар касаба уюшмаларини ташкил қилиш йўлидаги фаолиятимизнинг асосини ташкил қилган тадбир шу бўлди. Озарбойжон миллий социалист партиялари, мусоват партияси 1918 — 1919-йилларда бундай мил-

лий касаба уюшмаларини жуда яхши уюштиришди. Биз социализмни ҳар бир миллатнинг ўзига хосликларини кўзда тутиб, ҳар бир миллатда майдонга келган уюшмаларнинг Русия донрасида уюшиб бирлашган демократик федерация тариқасида кўз олдимишга келтирад эдик. Диктатура тартибига қаттиқ қарши чиқдик... 1919 йилда Туркестонда социализм ғояси кенг тарқалди. Социалист бўлмаган бирорта партия тузиш имкони берилмади, тўхтабиб қўйилди».

Ҳамза ўз «Таржимаи ҳоли»да «1917 йилнинг 28 майида Қаландархонада 400 га яқин рабочийларини тўплаб, зўр намойиш қилиб, рабочий меҳнаткашлар жамияти ташкил қилдик», дейди. Агар шоирнинг «Ҳақингни ол, ишчилар» («Ҳой ишчилар»), «Замона келди, кўтарайлик оёқ остдан бошимиз» («Биз ишчимиз»), «Ишчилар уйғон, уйғон. Сенга ишлашга етишди замон» («Ишчилар, уйғон») мисраларига эътибор берсангиз, уларда ўша Закий Валидий таъкидлаган ғоя руҳи борлигини англаш мумкин.

Шоир советлар даврида кўп шеър ёзмади, йигирма саккизтacha шеърдан ўн тўрттаси хотин-қизларни илм-маърифатга ва эркка чорловчи асардир. Бир неча шеърларида ҳалқни уйқудан уйғотиш ва озодлик қарор топганини кутлаш ётади. Бу ерда Анвар Пошонинг адъютанти Мұхитдинбекнинг Закий Валидий тўғрисидаги мақоласидаги (1928) «Закий Валидий рус инқилобига катта умид боғлади. Туркий ҳалқларга инқилоб бир нажот ва баҳт келтиради, деб ишонди. Лекин умидлари рўёбга чиқмади. Закий Валидий Анвар Пошо билан алоқа боғлаб, большевикларнинг ҳийла-найрангларини яхши тушунгандан кейин бир қанча вақт бекиниб юриб, иш кўришга аҳд қилди ва шундай қилди ҳам...», деган фикрини келтириш ўринли. Ҳамза ҳам, Чўлпонлар ҳам дастлаб худди шундай адашдилар. Тўғри, Ҳамза совет ҳукуматининг ўз одамига айланишга ва уни қўллаб-қувватлашга интилди. 1926 йили унинг дўсти Сўфизодага «Ўзбекистон ҳалқ шоири» ва Ҳамзага «Ўзбекистон ҳалқ ёзувчиси» фахрий унвонлари берилган бўлса-да, Сўфизода 1937 йили ўлдирилди. Ҳамза эса доим тазиқ остида юрди, бирор ерда

муқим ишлаш имкониятига эга бўлмади. «Таржимаи ҳоли»—да айтилишича, ганимларининг унга «очиқ ҳужумга тикланганларини билиб», Бухоро ва Хоразмга кетиб қутулади. Ҳамзанинг русларни фош этувчи асарлари, миллий муҳториятни орзу қилган шеърлари, Закий Валидий, Мунаввар Қори, Чўлпон, Беҳбудий каби замонасининг илфор зиёлилари — адолат ва ҳақиқат учун курашувчилар билан дўстлиги шўро тузумининг маҳсус қўриқчиларига аён эди. Шунинг учун уни ҳам сиёсий, ҳам иқтисодий жиҳатдан қийнадилар. У дўстлари ва юқори ташкилотларга ёзган ўнлаб мактубларида «ёрдам сўрасак бизга тескари қарайдилар», «ёзувчи бўлмай ва дунёга келмай ҳам ўлай», «ҳозирда кўриб турган кунларимни итлар кўрмайдур», дейди. Бир Қайдида «Оч туришга чора йўқ, ўғирлиқка укув йўқ. Мардикорликка куч, усталикка хунар йўқ. Дехқончиликка ангал-дангал. Ўлишга текин ажал йўқ. Қочай десанг, на йўл бор, на тинч жой. Муни устига сан ҳам бўларсан-да шуларга ўхшаган бедин, ноинсоф бир большовой», дейилган. Ҳамза 1928 йил 25 сентябрда бир дўстига йўллаган мактубида ҳаётининг хавф остида қолганлигини айтиб,» пичогимнинг гулдастаси синмасун эди. Ул иғвогарларнинг тегишлик чораларини кўрмасликлари яна бир зарба бермай қолмас», деб ёзади. Кўп ўтмай, 1929 йил 18 марта эса Ҳамза ваҳшийларча ўлдирилади. Бу ишда сиёсий кучлар ҳам иштирок этанига шубҳа йўқ.

ФИТРАТ

Фитрат ҳозирги замон ўзбек адабиёти, фани ва маданиятининг йирик вакилидир. У қомусий билимга эга олим, адабиёт назариячиси, ўткир тилшунос, ўзига хос драматург ва шоир, жанговар сиёсий публицист, ношир, журналист ва талантли давлат арбоби эди.

Фитрат ўз таржимаи ҳолида ёзишича, 1884 йилда Бухорода туғилди (С. Айний уни 1886 йилда туғилган дейди). Отаси Абдураҳимбой савдо иши билан шуғулланарди. Шунинг учун чет элларга (Қашқар, Туркия, Эрон) борар, дунё аҳволидан боҳабар эди. Онасининг исми Биби-

жон эди. Фитрат бошланғич тарбияни диний мактабда олди, кейин «Мирараб» мадрасасида таҳсил қўрди. Форс, араб тилларини мукаммал билган Фитрат ўз давридаги ижтимоий-сиёсий воқеаларга ҳам қизиқиб қаради. Ўзининг айтишича, аввал жадидлар ҳаракатига қаршилик қилди, кейин унинг моҳиятини англаб етгач, бу ҳаракатга қўшилди. Ҳатто ашаддий тарғиботчиларидан бирига айланди. Шу жадидлар маслаҳати ва ёрдами билан Истамбулга (Туркияга) ўқишга борди ва 1909 — 1913 йилларда шу ерда истиқомат қилди. Туркиядаги ҳаёти Фитратнинг дунёқараши, сиёсий онгини кескин ўзгартириб юборди. У Туркистон ҳаётига Туркиядаги ўзгаришлар (бу пайтлар «Ёш турклар инқилоби» воқеаси бўлган эди) ва илфор мамлакатлар даражасидан чиқиб қарай бошлади: диний хурофотни кескин танқид қилди, ҳатто динни, мактаб-маорифни ва Туркистондаги идора усулини ҳам ислоҳ этиш фояси билан нафас олди.

Фитратнинг 1909 йилда Истамбулда «Ҳиндистонда бир фарангি ила бухороли бир мударриснинг бир неча масалалар ҳам усули жадида хусусида қилган мунозараси» китоби босилиб чиқди (Фитрат асарини 1908 йилда ёзганини айтади). Асарнинг Бухорода босилишига амир руҳсат бермагач, Истамбулда нашр эттирган эди. Асар форсча ёзилган, уни Ҳожи Муин ўзбекчага айлантиради ва «Туркистон вилоятининг газетаси»да бостиради (1911). 1913 йилда алоҳида китоб ҳолида чиқади, унга Беҳбудий кириш сўзи ҳам ёзган эди. «Ҳибс қилиш, ўлдириш, сангсор қилиш кундаги одатлардан эди, — дейди Фитрат — у замонларда китоб ёзишининг ўзи «кофир»-лик эди. Мен шу вақтларда биринчи асарни ёздим. Бухоронинг идора усулини, таълим-тарбия усулини, бир куй расмий идораларни танқид қилдим. Бу китоб Бухорода тарқалар эди. Унинг ноширлари бўлғон Бухоро жадидларини таҳликага туширмаслик учун амирга қаратиб бир сўзбоши ёзи ва шунинг билан, гўё, танқиднинг унга эмас, маъмурларига оид бўлғонини кўрсатдим. Бу замондаги Бухоронинг ижоби эди. Шунинг билан мени Бухоро амирининг тарафдори, дейиш ҳам мумкин эмас. Менинг Бухоро амирига қарши ҳар вақт курашганим ва

курашган ташкилотларга раҳбарлик қилганимни билмаган йўқ».

Фитрат адабиётнинг ҳамма жанрларида қалам тебратади. У 1910 йилда Истамбулда «Сайха» («Чорлов») деган шеърлар тўпламини бостириди. У ҳам форс тилида эди. «Ҳинд саёҳининг қиссаси» ҳам форсча ёзилиб, 1912 йилда Истамбулда нашр этилди. Фитрат Туркиядан қайтгач, Бухоро, Самарқанддаги қизғин адабий жараён, маданий, маориф ишларига ва сиёсий ишларга аралашиб кетди. Самарқандда 1917 йилдан чиқа бошлаган «Ҳуррият» газетасига (27—87-сонларига) муҳаррирлик қилди. Газетада миллий мустақиллик гоясини тарғиб этди. Большевиклар ҳаракатини ёқлаш керакми ёки йўқми, унга қарши туриш керакми, деган масала кун тартибида турган пайтда Фитрат большевикларни ёқлаб, «Ҳуррият» газетасида бош мақола эълон қилди. «Мақолала, — дейли Фитрат, — курашнинг қайси томонига қўшилиш керак?» деган саволни қўйиб, ўзим сўл томонга қўшилишни ёқладим. Бу курашнинг «ўнг» томонидан бизга хайр йўқлигини даъво қилдим. Менинг бу даъватим каромат эмас, тажриба натижаси эди, чунки Бухоро амири билан бўлган жанжалимизда муваққат ҳукуматнинг тўппа-тўғри амир томонидан турганини, бизнинг эса, рабочийлар томонидан, ишчи-деҳқон-солдат депутатлари Совети томонидан ҳимоя қилинганимизни ўз кўзим билан кўрган эдим ва коммунистлар фирмасининг миллат масаласини бутун дунёдаги сиёсий фирмаларга кўра тўғри ҳал қилғонини яхши билар эдим. Менинг муҳаррирлигим остида чиқсан мазкур «Ҳуррият» газетаси Самарқанд жадидларининг ношири афкори эди, сўнг замонларда бир бойнинг пули билан чиқар эди. Мен шунга қарамасдан газетамни большевикларга хайриҳоҳ бир нуқтада сақлашга тиришдим, большевиклар мақолаларига ўрин бердим. Самарқанддаги ишчилар ташкилоти билан «Шўрои ислом» орасидаги курашда ишчилар ташкилотининг ношири афкори каби ҳаракат қилдим».

Қўқон Мухторияти тузилганда (1917 йил ноябрь) Фитрат Самарқандда эди. Шу ердан унга аъзо қилиб сайланади. «Қўқонга бормадим. Мухториятнинг ҳеч бир ишига

иштирок қилмадим» дейди Фитрат. Аммо ўзининг «Хуррият» газетасида бу воқеани юракдан қувватлаб мақола эълон қиласди: «Эллик йилдан бери эзилдик, таҳқир этилдик. Кўлимиз боғланди, тилимиз кесилди. Оғзимиз қопланди. Еримиз босилди. Молимиз таланди, шарафимиз емурулди. Номусимиз фасб қилинди, инсонлигимиз оёқлар остига олинди. Тўзимли турдик. Сабр этдик. Кучга таянган ҳар буйруғга бўйин сундук. Бутун борлигимизни кўлдан бердик. Ёлғиз бир фикрни бермадук, ёшунтурдук, имонларимизга ўраб сақладук. Бу — Туркистон мухторияти.

Маҳкама эшикларидан йиғлаб кеттганда, ёруқсиз турмаларда ётганида, йиртқич жандарманинг тепкуси билан йиқилғонда, юртларимиз ёндурулғонда, диндошли римиз осулғонда онгимиз йўқолди. Миямиз бузилди. Кўзимиз ёғудисиз қолди. Бирор нарсани кўролмадик. Шул чоғда тушкун руҳимизни кўтармак учун, шул қоп-қора дунёнинг узоқ бир еринда ойдин бир юлдуз ялқиллаб турар эди. Бирор нарсага ўтмаган кўзимиз шуни кўрар эди. Ул нима эди? Туркистон мухторияти» («Хуррият», 1917, 5 декабрь).

Фитрат Бухорога бориб Колесов воқеасига (Туркистон халқ Комиссарлар Кенгашининг раиси Ф.И. Колесов отряди билан ёш бухороликларнинг биргаликда амирикни ағдариб ташлаш учун қилган қуролли қўзголони) аралашади. Қўзголончилар томонидан Бухоро амирига топширилган ультиматум Фитрат томонидан ёзилган эди (1918). Бу пайт Фитрат Бухоро компартиясининг аъзоси эди, 1919 йилда эса Марказий Комитет ва кейинча Сиёсий Бюро аъзоси бўлган. Колесов мағлубиятидан кейин у Тошкентга келади ва Афғонистоннинг Тошкентдаги элчихонасида таржимонлик қиласди (1919 — 1920), Бухоро большевикларининг «Тонг» журналига муҳаррирлик қиласди (у Тошкентда нашр этилар эди, 1920). 1918 йил охирда «Чигатой гурунги» ташкил этилади. Фитрат унинг раҳбарларидан ва фаол аъзоларидан бири эди. Бу ҳаракатнинг вужудга келишига зарур сабаблар бор эди: мактабларда усмонли тил ва усмонли адабиёт она тили ўрнида ўқитила бошланади, ўзбек тилининг мавқеи тушиб кетади. Фитратнинг таъкидлашича, «Чигатой гурунги» ўзбек

миллатчилиги: ўзбек тили, ўзбек адабиёти шиорлари остида пантуркист тўдаларга ва шунга берилган жадидларга қарши курашди... «Чигатой гурунги» ўз замонида пантуркизм, панисломизм ҳаракатларига қарши курашмоқда эди. Фитрат 1921 йилда Бухоро ҳукуматида Халқ маорифи нозири, кейин Хорижия нозири, халқ хўжалиги Кенгашининг раиси, жумҳурият Марказий ижроия қўмитасининг ўринбосари, халқ нозирлари Шўросининг муовини, ҳукумат режа ва харж-сарф ташкилий ҳайъатининг раиси каби масъулиятли вазифаларда ишлаб, Бухоронинг равнақи учун қўлидан келган ёрдамини аямади. Айни пайтда Ф. Ҳўжаев бошчилигидаги Бухоро ҳукумати раҳбарларининг миллатнинг тараққиёти учун олиб борилаётган кенг кўламдаги яхши ишлари Москвага ёқмади. Москва Бухоро ҳукумати таркиби бой, савдо гарлардан иборат бўлиб қолган, деган айбни қўйиб, ҳукумат аъзолигидан беш кишини, жумладан Фитратни ҳам чақирали (1923 йил июндаги Пленумда). Фитрат Москвага кетишга мажбур бўлади. У ерда Шарқ тиллари институтида илмий ҳодим бўлиб ишлади (1923 — 1924). Шу йиллари унга профессорлик унвони берилди.

Фитрат Москвадан қайтиб келгач, Бухоро, Самарқанд, Тошкент университетларида дарс берди. Ўзбекистон Давлат илмий-тадқиқот институтида, Тил ва адабиёт институтида, Ўзбекистон Фанлар комитетида ишлади. Бу йиллари қатор бадний асарлар билан бирга жуда кўп илмий асарлар яратди. Аммо Фитратнинг миллатпарварлиги большевиклар ва шўро ҳукумати раҳбарларига ёқмас эди. Уни Чўлпон, А. Қодирий, У. Носирлар билан бирга миллатчиликда айблаш тобора кучайди. Фитрат Бухорода ишланганда у ерда Ёш бухоролик инқилобчилар фирмаси ва Бухоро коммунистлар фирмаси бор эди, у коммунистлар фирмаси томонида турди, кейин ҳам, Тошкентда бўлган вақтида ҳам шу йўналишда ишлади. Фитратнинг ўзи «Мен ўзбек миллатчиси бўлган замонларда (миллатпарвари демокчи — С.М.) ҳар вақт Шўро ҳукуматига ва коммунистлар фирмасига хайриҳо бўлиб турдим», дейди. Афсуски, коммунистик идеал учун, ҳақиқат, адолат, маориф, фан, маданият ва миллат тақдирни учун туну кун меҳнат

қылған бундай улуғ зотни шу партия, шу шўролар ҳукумати қамоққа олди, у 1938 йил 4 октябрда А. Қодирий, Чўлпонлар билан бирга ваҳшийларча отиб ташланди.

Фитрат кўп қиррали ижодкордир. Бу — унинг лирикаси, драматургияси, публицистик ва илмий мақолалари-дир. Аммо шуни айтиш керакки, Фитрат ҳамма жанрларда ҳам битта, ягона қалби билан намоён бўлади: у бадиий ижодда ҳам, илмда ҳам, ижтимоий фаoliятида — давлат ва жамоат арбоби сифатидаги хатти-ҳаракатида ҳам бир мақсад, бир орзу-армон билан нафас олди. Бу — халқни жаҳолат, турғунлик, ғафлатдан уйғотиш, илм-маърифатга чорлаш, эркин, озод, баҳт-саодатли ҳаётга, биринчи навбатда, миллий мустақилликка эришишга чорлашдир. У ўзбекнинг ўзлигини таниши, ота-боболари каби улуғвор қашфиётлар қилишга, бирлашган, кучли, қудратли давлат тузишга ва дунёнинг илфор маданиятли мамлакатларига етиб олишга чақирди. Бутун ижоди халқнинг қалб кўзини очишга ва меҳнат, ўқиш, яратиш, курашга — инқилобга даъватдан иборатdir.

Фитратнинг илк тўплами «Сайха»нинг фазилати, Файзулло Хўжаев таъкидлаганидек, «Бухоро мустақиллиги ғояси ёрқин миллий шаклда биринчи бор ифодалаб берилиши эди». Шу туфайли бу тўпламнинг Бухорода бошлишига амир Олимхон қаршилик қиласди. Шунга қарамай «Сайха»ни 1910 йилда Туркияд (Истамбулда) ўз ҳисобидан нашр эттиради. Тўпламдаги шеърлар форс тилида, ундан 15 тачаси ўша вақтларда (1914 йил) «Садои Туркистон» газетасида ўзбекча изоҳи билан босилади. Тўплам Ватангга муҳаббат, халқ ғам-ғуссасига ачиниш ва зулмдан қутулишга ундаш туйғуси билан йўғрилган.

Ҳам моҳи мангу осойиши, иззу шарафи ман,
Ҳам каъбаи ман, қиблай ман, чамани ман.

(У — менинг осмондаги осойишта ойим, иззатим, шарафим.

У — менинг саждагоҳим, жону танимдир).

Фитратнинг «Учқун» деган тўплами чиққанлиги тўғрисидаги хабар ҳам матбуотда босилган (1923), аммо у топилмаган. Республика матбуотида, «Ўзбек ёш шоирлари»

тўпламида (1922) қатор шеърлари босилган. Гарчанд Фитрат форс, араб тилларини яхши билса-да, ўз шеърларида иложи борича уларни ишлатмасликка ва содда ўзбек тилида ёзишга интилди. Унинг устига Фитрат ўз бадиий ижоди ва илмий мақолалари орқали бармоқ вазнининг қулайлиги ва кенг имкониятларини тарғиб қиласди. «Бир оз кул», «Ишқимнинг тарихи», «Яна ёндим», «Ўқитувчилар юртига», «Қора» каби шеърлари соддалиги ва ички туйғу ва кечинмаларни ҳаққоний ифодалаб бериши билан жозибалидир. «Ўқитувчилар юртига» шеърида элни маърифат, ҳақиқат йўлига йўналтириш, жаҳолатга қарши курашишга даъват этади:

Орқадошлар жангли ўйин йиққали,
Эл кўзини олғон қоронғу пардаларни йиққали,
Биз эрурмиз маърифат арслонлари, илм эрлари,
Тўпланийлик, туринг, элга тўғри йўллар очғали.
Эллари маҳвдан қутқарон илм эрур,
Бизларни ҳам бу кундан ўзи қутқарур.
Биз эрурмиз элнинг инсонлик қопин қайнатувчи,
Турк арслонин ўриисиз уйқудан уйғатучи.

Фитратнинг энг машҳур шеърларидан бири «Миррих юлдизи»га деб номланади. Бу шеър унинг бошига кўп кулфатлар солади, уни миллатчи деб айблашда яна бир қўшимча дастак бўлиб хизмат қиласди. Шеърда Фитрат юлдуз баҳонасида Оллоҳга мурожаат этиб, большевикларнинг, босқинчи рус аскарларининг ваҳшийликларини фош этади ва юртошларини уларга қарши қайрайди:

Борми сенда бизим каби инсонлар,
Икки юзли ишбузарлар, шайтонлар.
Ўртоқ қонини қонмай ичган зулуклар,
Қардош этин тўймай еган қоплонлар?
Борми сенда ўксус, йўқсулнинг қонин —
Гурунглашиб — чоғир каби ичганлар?
Борми сенда бутун дунё тузугин
Ўз қопчиғин тўлдиргани бузганлар?
Борми сенда бир ўлкани ёндириб,
Ўз қозонин қайнатгувчи ҳоқонлар?
Борми сенда қорин, курсоқ йўлида,
Элин, юртин, борин-йўғин сотгаилар?

Мана шу мисраларнинг ўзиёқ Фитрат шеърларининг миллий уйғониш ва инқилобий руҳда эканлигидан далолат беради.

Фитратнинг «Сайёҳ ҳинди» («Ҳинд сайёхининг қиссаси») насрый асари 1912 йилда босилди. Бу асарнинг аҳамияти унинг шеърияти ва драматургиясидан қолишмайди. Асарда жаҳон ҳалқлари, илғор мамлакатлар фуқароси кўзи билан Бухоро, умуман Туркистоннинг давлат тузумига, тартиб қоидасига, ҳалқнинг турмуш тарзига, иқтисодига, сиёсатига, мафкураси, маданиятига, маорифига назар ташлаб, улардаги ибратли жиҳатларни қўллаб-қувватлаб, иллатларини беаёв фош этган. Фитрат асарда Бухоро ҳаётини беш қўлдай билиши, унинг ривожига гов бўлган барча иллатларни бартараф этиш чораларини кўрсатиб бера олишини намойиш қиласди. Асадаги сайдоҳ номидаги шахс («Мен») Фитратнинг ўзидир, у бирор шахс билан — мезбон билан суҳбат қилиш, мунозара этиш жараёнида ўзининг эзгу фикр, тилак-армонларини айтади. Асарни Бухорони, умуман Туркистонни тараққиёт йўлига олиб чиқиши дастури дейиш мумкин. «Уламо» бобида Бухоронинг илм маркази бўлганлигини таъкидлагани ҳолда энди ортда — жаҳолат ботқоғида ботиб қолганлигини айтиб, шу бухороликларга бошқалар ҳам «Жаҳолат ва ғафлат ботқоғига ботдилар», «буғунги ҳақиқий илмдан мутлақо хабарсизлар», дейди. «Умаро» бобида эса амалдорлар «хукмронлик отига миниб, бечораю бадбаҳт ҳалқнинг мол, жон, арз, номус ва шарафи ни шафқатсизларча поймол этадилар», дейди. Фитрат иллатларни жуда асосли, шафқатсиз таҳлил қиласди: ҳовузлардаги ифлос сувлардан ичиш — касалликларни ичишдир, сохта мозорларга эмас, фақат Оллоҳга сиғиниш лозим дейди. Мутаассиб руҳонийларнинг ҳадисларда йўқ гапларни ташвиқ қилишларини танқид қилиб, ўзининг Куръон, ҳадисларни, Имом Исмоил Бухорийни чуқур билишини намойиш қиласди: Бухорода нечта мадраса борлиги, уларнинг номлари ва «оламга тўрт юз олимни ҳадя этгани»гача, ҳозир эса чўкиб қолганини гапиради.

«Эй бечора миллат. Буларнинг барчаси мажбуран шаър-ийлаштирилган ҳуқуқлар бўлиб, сен ана шу зўравонлар —

қонингни сўрувчи, хонумонингни кўкка совурувчи, ша-раф ва номуснинг бунёдига ўт қўювчи кишилар тараф-дорисанки, ҳали ҳам буни тушунмайсан! — дейди. Яна бир жойда «Ҳаммага маълумки, ҳар бир миллатнинг та-раққиёти учун илм асосий сабабдир. Сизнинг илмингиз йўқ», дейди.

Фитрат тижорат ва бой бўлишни тарғиб этади, аммо бойликка сажда қилиш, имон-эътиқодни, инсофни йўқо-тишни қоралайди. Шариат пешволари тижоратни, бой-ликни қоралайди, дейишади. Фитрат пайғамбаримиз «кам-бағаллик коғирликка яқиндир» деган эди дейди ва фа-қат нафсни тийиш кераклигини уқтиради («Тижорат масаласи башариятнинг ҳаёт-мамот масаласидир» дейди Фитрат). Асарда ҳалқни бирлашишга, завод-фабрикалар қуришга, тижоратни ривожлантиришга чақиради.

Фитрат яхшигина иқтисодчи ва доно сиёсатчи эди. «Шарқ сиёсати» (1920) китобида «Мусулмон дунёси оёқлари остида йиқилғон, тебраниб, талпиниб туралир» деяр экан, Туркистоннинг инглизлар қўлига тушмаслик ва тараққий қилиши учун Россия билан яқинлашиши ке-раклигини айтади: «Мусулмон дунёсини Оврупо жаҳон-гиrlаридан қутқармоқ керак. Лекин мусулмон дунёси би-лимсиз, онгиз, ҳунарсиз қолғон: бирлиги йўқ, иш йўлла-рини билмайдир, уруш яроғи йўқдур, шунинг учун Овруподаги кучларнинг бириси билан қўшуладардан бош-қа чора йўқ», шунинг учун «Русия Шўролар ҳукумати билан келишмак, бирлашмак керак» дейди.

Бу кўчирмани келтиришимизнинг боиси яна шунда-ки, 1920 йилда «Чин севиш» ва ундан уч йил кейин 1923 йилда «Ҳинд ихтилолчилари» фожиасини ёзади. Бунда инглиз босқинчиларидан Ҳиндистонни озод қилишга ки-ришган ёшларнинг кураши, жасоратини кўрсатади. Бу гоя «Чин севиш» пъесасида ҳам олга сурилади. «Чин севиш» Фитратнинг сиёсий-фалсафий йўналишдаги кучли аса-ридир. Фитрат тасаввуф, нақшбандлик, яссавийчилик тўғрисида теран рисола, мақолалар ёзган. «Чин севиш»да буларнинг таъсири сезилади. Асарда инглиз босқинчиларига нисбатан, капитализмнинг ахлоқ бобидаги қусурла-рига, Оврупонинг мусулмон дунёсига бўлган душманлик

сиёсатига нисбатан нафратини ифодалайди. Фитрат Овруподан давлат тузуми, фан-техника соҳасидаги барча ютуқларни ўрганиш, ўзлаштириш тарафдори. Аммо у ерда меҳр-шафқатлиликни бир чеккага сурib бутун чоралар билан фойда кетидан қувишни, пулга, олтинга сажда қилишни қаттиқ танқид қиласди. Асар қаҳрамони Каримбахши «Оврупода билим бор, лекин инсоф йўқ. Оврупнинг билими қоплоннинг тиши, тирноғи каби бир нарсадир. Кучсизларни йиртиб емак тўғрисида кўп иш кўрмишдир», дейди. Асаддаги Ватани озодлиги учун жонини тиккан йигит Нуридиннинг Зулайхога бўлган ишқи сўфиёна ишқ —чин севишдир. Мажнунлар ишқи сингариридир. У севгилисига жисмонан етишишдан кўра юқорироқ тилакни — руҳий бирлашишни орзу қиласди. «Оврупода руҳ йўқдир. Улар руҳоний лаззатдан бир нарса англаёлмайдилар. Чин севиш ва ҳақиқий ишқнинг туб ери Шарқдир. Мажнун, Фарҳодлар каби ишқ пайтамбарлари Шарқда етишдилар. Бутун Овруподаги ишқ отини олган ҳоллар ҳайвонлиқ ҳаваслардан бошқа нарса эмасдир», лейди. Албатта, Фитрат бу ерда Овруподаги бешарм, ялангоч, ибосиз севгини, айш-ишрат ва бойиш манбаига айланган сохта муҳаббатни, ҳайвоний ҳирсни назарда тутмоқда.

20-йиллар охири ва 30-йиллар бошида Фитратни миллатчиликда айблаш ҳаракати авж олган пайтда пъесаларидан ҳам дастак сифатида фойдаланганлар. Айниқса Ҳ. Олимжоннинг Фитрат тўғрисидаги каттагина мақоласида «Чин севиш», «Ҳинд ихтилолчилари», «Темур соғанаси» (бундан бир парча қолган холос) пъесаларидағи барча фикр-ғояни шўроларга қарши айтилган, деб даъво қиласган. Аслида ҳам Ҳиндистон ва инглизлар масаласи ўша даврнинг кун тартибида турган масала эди. Фитрат шу ҳолатдан фойдаланиб туриб, босқинчиларга, айниқса, босмачилик ҳаракати, яъни ҳалқ озодлиги кураши авж олган пайтни, ўша даврдаги қирғин, адолатсизликни назарда тутиб, ҳалқни миллий мустақиллик, озодлик курашига чақиради. Фитрат пъесаларида шу рамзийлик, имоишора усули кенг қўлланилган. «Ҳинд ихтилолчилари»да Рахибахш ва унинг севгилиси Дилнавоз, қаландар Лола-

хардиёл каби Фидойиларнинг ватанпарварлигини кўрса-тиб беради. Асардаги жуда кўп гаплар сўзсиз «қизил империя»га ҳам қарши қаратилган эди: «Инглизни Ҳиндистондан қувмоқ эзгу ишларнинг биринчисидир», «Куръонни ҳайвон тепкисидан қутқаришдек буюк», «...чўчқани масжиддан ҳайдаш каби эзгу» иш лозим, «улар талови-дан қутулмоқ учун бирлашмоқ» керак, «Бу кун ўлкада қўйдан ортиқ одам кесиладир», «Масжидда номоз учун йигилганлар — сиёсий йигин ясоғон бўлиб, тўпро боғла-нар эди, эр билан хотин ўзаро кўпроқ гапирганда ҳуку-матга қарши бўлиб, дорға осилар. Бу кун устидагина шу ўлкага қарағанда, йиқилғон шаҳарлар, ёндирилган қиши-лоқлар, таланғон уйлар, кесилғон бошлар, осилғон гав-далар, тўкилғон қонлардан бошқа бир нарса кўрмаймиз...»

Пьеса юртдошлари учун бир сабоқ, дастур, чорлаш, ундов эди. Асарнинг «Йиртқичлардан элимизни қутқара-миз», деб тугатилиши ҳам бежиз эмасдир.

Фитратнинг «Абулфайзхон» трагедияси 1924 йилда Москвада нашр этилади. Трагедия гарчанд XVIII асрда яшаган аштархонийлар сулоласининг сўнгги вакили Абул-файзхон ҳаёти ҳақида ҳикоя қилса-да, аслида босмачи-лик даври руҳиятига ҳамоҳанг эди. Драматург тож-тахт ва шоҳ, тож-тахт ва адолат, тож-тахт ва халқ тақдири, мам-лакат тақдири масалаларини қўяди. Зулм, адолатсизлик, зўравонлик мамлакат ва халқни хароб қилишини кўрса-тиб беради: золим шоҳ, золим амалдорнинг тақдири фо-жиали якунланиши ва фақат адолатли ҳукмдоргина халқ, юрга тинчлик, баҳт-саодат бериши мумкин, деган ғоя олға суриласди. Шу жиҳати билан асар 20-йиллардаги юрт-даги қирғин, зўравонлик ва уни келтириб чиқарган тузум билан жисп боғлангандир. Абулфайзхон фақат қон, зулм эвазига тахтга чиқали ва шу йўл билан ҳукмронлик қиласди. У акасини, ота ўрнидаги Фарҳод оталиқни, дўстла-рини ўлдириб, тахтни эгаллайди, бу қилмиши туфайли бемалол ухлай олмайди, доим кўрқув, таҳликада яшайди. Бу ҳақда шундай дейди:

«Ортуқ ҳеч кимнинг менга ишончи қолмади... Буларнинг ўзи йўлга келиб, менга душманлиқ қилмоқни таш-ласа, нима бўлур? Йўқ... Йўқ... Буларнинг ўзи йўлга кел-

майдир. Ўлдираман, ўлдираман. Дунёда битта душманим қолмағонча, қон тўкаман. Улфатнинг сўзи тўғри. Подшолик қон билан суғорилатурғон бир ёғочдир».

Сарой аҳли Ҳакимбий бошчилигига Абулфайзхонга қарши туради. Эрон шоҳи Нодиршоҳ Бухорони олиш учун йўлга чиқади. Суянчиғи йўқ Абулфайзхон унга қарши курашмоқчи бўлади. Ҳакимбийлар кучи, қуроли йўқ, ноиттифоқ хоннинг бу йўлини қувватламайди. Нодиршоҳ билан музокара олиб бориб, тинч йўл билан таслим бўлиш фойдали эканлигини айтишади ва шунга қарор қилишади. Нодиршоҳ фоят уста ҳукмдор бўлганлиги учун Бухорони олишга эмас, балки у ерга меҳмон бўлиб келаётганлиги ва Абулфайзхонни ўз ўрнида қолдиражагини айтади, совғалар келтиради. Лекин Ҳакимбийлар бу ҳийланни билишиб, Абулфайзхонни ўлдиради, фарзандларини ҳисбсга олади. Унинг ўрнига Абулфайзхоннинг 15 яшар ўғли Абдулмўминни хон қиласидилар. Раҳимбий унга заҳар бериб ўлдириб, ўзи тахтни эгаллайди, у ҳам қирғини бошлиайди.

Фитрат ижодида диний мавзуда ёзилган қатор рисола, мақола, ҳикоя ва пъесалар бор. «Қиёмат» (1924), «Мерьорож», «Зайнабнинг иймони», «Оқ мозор», «Қийшиқ эшон», «Зайд ва Зайнаб» каби фантастик ҳикоялар (1928—1932), «Шайтоннинг тангрига исёни» (1924) ва «Рўзалар» (1930) пъесалари шулар жумласидандир. Адабиётшунос Б. Қосимов «Шайтоннинг тангрига исёни» асари тўғрисида тўхталиб, «Айрим тадқиқотчилар унда атеистик оҳанглар кўрадилар. Бу, бизнингча, тўғри эмас. Унинг ҳаёти ҳам, фаолияти ҳам бундай дейишга имкон бермайди. У динга эмас, аксинча динсизликка, имонсизликка, эътиқодсизликка қарши. Айни пайтда мутаассибликнинг ҳам душмани», дейди. Бу олим ҳатто мазкур асарда ёзувчининг Октябрь инқилобига муносабати акс этган фикрни ҳам ўртага ташлайди. Бу олимнинг «Айни пайтда мутаассибликнинг ҳам душмани» деган гапида жон бор. Фитрат исломга эътиқод қўйган, унинг тарихини чукур билган шахс эди. Мадрасада ислом тарихидан дарс ҳам берган ва «Мухтасар ислом тарихи» (форсчадан ўзбекчага қилинган таржимаси 1915 йилда нашр этилган) рисо-

ласи бунинг исботидир. Рисолада на ислом ва на пайғамбаримиз шаънига бирор оғиз танқидий гап йўқ, аксинча пайғамбаримиз сифатларини маҳсус таърифлаб, ибрат қилиб кўрсатади:

«Ҳазратнинг ахлоқ ва одоблари бисёр мақбул ва комил бўлғон, ҳеч вақт ёлғон гапирмаганлар, ҳеч кимга хиёнат қилмаганлар, ноинсофлик, муруватсизлик ва беҳаёликдан йироқ эдилар», у «энг олий хулқ ва раҳимли сифатларга эга бўлғонлар. Раҳим ва шафқат, қарам ва саховат, мадад ва илм бобларида оламга машҳур бўлғонлар, бехуда ғазабга келмас эдилар. Дин ишларидан бошқа масалаларда жузъий камчиликларни кечирар эдилар. Инсоф доирасидан бир қадам ҳам ташқарига чиқмас эдилар, ҳар каснинг билими ва имкониятига қараб иш буюрадилар. Ҳеч касдан ҳеч нарсада тамагир бўлмоғонлар ва садақа ҳам олмағонлар», дейди.

Фитрат «Ҳинд сайёҳининг қиссаси» асарида Бухорода икки юзга яқин мадраса борлиги, унинг уч тоифага бўлниши ва барча мадрасаларнинг номини бирма-бир санайди. У бу мадрасалар энди «разолат уйига» айланниб қолганини, бу ердаги уламолар «мазлум халқларнинг қонини ичib келаётганини» қаҳр ва алам билан ёзади. «Рўзалар» пьесасида соҳта эшон ва қозиларни одамларни соғми-касалми, бундан қатъи назар, мажбуран рўза туттиришлари, ўзлари эса яширинча овқатланиб, кўкнори еб юришларини фош этади. «Оқ мозор» ҳикоясида ҳам дин ниқобидаги юлғич, товламачи ҳожини кўрсатади. Етти бор ҳаж қилган бу одам эшаги ўлгач, уни кўмиб, авлиёнинг мозори деб гап тарқатади. Фазабланган халқ уни қозига олиб боради. Қози ғазаб билан уни сўроқ қиласди. Шунда ҳожи ўғтиз сўм пора бериб, «буни эшагим «Қози бобомга бер», деган» дейди. Қози «Раҳматликнинг бошқа васиятлари йўқми?» дейди ва ҳожини ҳимоя қиласди. Кўринаники, бу ҳикояда ҳам дин эмас, балки уни сотиб еовчиларни қоралайди. «Қийшиқ эшон» ҳикоясида ҳам «зарбани дин билан қуролланган хоинлар»га қаратади.

«Шайтоннинг тангрига исёни» асари юзаки қараганда замона билан жипс боғланмагандай ва ундаги шайтон образи ислом адабиётида, айниқса, Куръон, ҳадислар,

халқ ижодидаги талқинга ҳамоҳанглек туюлади. Чуқурроқ эътибор берилса, замона билан яқиндан боғлангани ва шайтон образини, анъянавий йўлдан бормай, янгича талқин қилганини сезиш мумкин. Фитрат «Шайтоннинг тангрига исёни»да ўша оғир вазиятдан келиб чиқиб, доим салбий маъно қўтариб юрган Шайтон образига ижобий мазмун юклайди. Шайтон одамга қараб туриб, «Сен эслик бўл, туша қолма тузоққа», дейди. Худога қараб:

Узоқ бўлсинг, мени юраман бу кун шод,
Туткунликдан, кулликдан да озод.
Раҳбарим фан, пайғамбарим билимдир.
Топингумдир ёлғизгина ўзига,
Ёлғиз ўзим қутидим деб юрмайман,
Бошқалардан хабар олмай юрмайман

(*Одамни кўрсатиб*)

Буни дахи қутқарғумдир қўлингдан,
Чиқарғумдир сенинг янглиш йўлингдан.

Ўзини эркин ҳис қилган Шайтоннинг озодликка, илм-фандага чорлаши, ҳаётга очиқ кўз билан қараб, ўз кучига суюниб иш тушишга ундаши, албатта, Фитратнинг билвосита, киноя, қочирим йўли билан айтган фикрларидир, дарлидир.

Фитрат ижодининг яна бир асосий йўналиши унинг илмий асарларидир. У ҳам талантли адабиётшунос, ҳам кучли тилшунос эди. «Ўзбек тили грамматикаси» («Сарф», «Нахв», 1924 — 1930 йилларда олти марта нашр этилди), «Тожик тили грамматикаси» (1930) ва «Тилимиз» каби тил ҳақидаги ўнлаб мақолалари унинг зўр тилшунос бўлганлигини кўрсатади. Адабиёт соҳасидаги фаолиятига назар ташласак, унинг ўзбек ва форс адабиётларини, адабиёт назариясининг чуқур билимдони эканига ишонамиз. «Эски ўзбек адабиёти намуналари», «XVI асрлариги сўнгги ўзбек адабиётига умумий бир қараши», «Чигатой адабиёти» ва Яссавий, Навоий, Муҳаммад Солиҳ, Машраб, Турди, Фурқат, Муқимий, Нодира, Умар Ҳайём, Фирдавсий, Бедил ҳақидаги ва назарияга доир, «Адабиёт

қоидалари», «Аруз ҳақида», санъатнинг келиб чиқиши ва шеърият, ўзбек мусиқаси тўғрисидаги асарлари унинг илмий куч-кудратининг зўрлигини тасдиқлайди. Машраб тўғрисидаги мақоласида «Қаландар» деб кимларнинг ишини, уларнинг мақсади, яшаш тарзи, кийим-кечаги, сочсоқоли, хуллас, театр режиссёри, рассоми учун қаландарнинг қиёфасини яратиша тайёр намунани кўрсатиб, таърифлаб беради. Ёки «Тилимиз» мақоласида ўзбек тилининг ашаддий тарғиботчиси ва ҳимоячиси сифатида кўринади. Битта «бил» ўзагидан 98 та сўз ясаш мумкинлигини ва туркий тилнинг сўз бойлиги форс, араб тилларига нисбатан кўпроқ эканлигини таъкидлаб бундай дейди: «Араб, форс, рус, немис, француз тилларидан қай бирининг сарф (морфология демоқчи) китобларини олиб қарасак, кўрамизки, бир сўзни ясамоқ учун бир қанча ёзилғон, ундан сўнг шул қоидадан ташқари қолгон (мустасно) сўзлар деб тўрт-беш сўз кўрсатилган. Турк сўзларида эса бундай сўз топилмайдир... Тилимизнинг авжи тўғрисида ҳам бойлиги, тугаллиги билиндими? Энди сўзни туркчанинг баҳтсизлигига кўчираман. Турк тили шунча бойлиги, шунча тугаллиги билан баҳтсизликдан кутула олмамишdir. Турк тили дунёнинг энг баҳтсиз тилидир», деб араблар, форслар ҳукмронлиги даврида бу тилнинг қисилганлигини айтиб, шўролар даврида ҳам эркин ривожланмаётганига очиқ ишора қилади. Ёки Фитрат яшаган даврда Машрабнинг тарихий шахс эканлигига шубҳа билан қаралар эди. Фитрат аниқ далиллар асосида унинг афсонавий шахс эмас, балки яшаб ижод қилиб ўтган улкан ўзбек шоири эканлигини исботлаб беради. Фитрат адабий ҳодисалар илдизини аниқ топади. Сомонийлар, газнавийлар, салжуқийлар ва ҳоразмшоҳлар даврида форс адабиётининг «кўтарилган қисми қасидачилик эди», дер экан, бу қасидаларни ҳукмрон доира, «ўз фойдаларига ташвиқот учун ишлатиш» туфайли оммавий тус олганига эътиборни тортади. Фитрат мусиқани яхши тушунган, ўзи ҳам чалган зот эди. У ўзбек классик мусиқасини шу қадар яхши билганки, қайси куй қай пайтда — ҳолатда чалинишинигина эмас (мақомлар ёки тароналар), айни чоқда қайси асбоб қайси асбоб билан бирга чалингандада куй

аниқ, гўзал чиқишини ҳам айтади: «Бир гижжак товуши икки танбур товушини еб қўяди», дейди ва схемасини беради: уч танбур, бир рубоб, бир дутор, бир гижжак, бир болотон, бир қўшнай, бир чанг, бир доира бир ансамблни ташкил этади ва ҳ.к. Фитрат «Ҳалима» операсига суюниб туриб ажойиб миллий опера яратиш мумкин экан, деган бояни тарғиб этади. «Шарқ чолғуларидағи «мунг» Европа музикасинда йўқдир. Шунинг учун Шарқ музикасида руҳга таъсири Европа музикасинда руҳга таъсиридан буюқдир», дейди у.

Кўринадики, Фитрат адабиёт ва санъатнинг барча турини нозик тушунган ва улар тўғрисида шу соҳанинг етук мутахассиси сифатида фикр юритган.

Фитрат адабий ижоди, илмий асарлари ва ижтимоий фаолияти билан ўзбек адабиёти, санъати, фани ва маданиятига катта ҳисса қўшган улуғ зотдир.

АБДУЛЛА ҚОДИРИЙ (1894— 1938)

Абдулла Қодирий XX аср ўзбек адабиётининг асосчиларидан бири, икки минг йиллик ўзбек адабиёти тарихида реалистик роман жанрини бошлаб берган кашфиётчи ёзувчи ва ўзбек халқининг бахт-саодати учун жонини фидо қилган улуғ инсондир. У Марказий Осиё халқлари адабиётида романчилик бобида устоз санъаткор сифатида якдиллик билан тан олинган ва ҳозирги замон ўзбек адабиёти шуҳратини жаҳон миқёсига олиб чиқсан адиблардан биридир.

Абдулла Қодирий 1894 йил апрелида Тошкентнинг Бешёғоч даҳаси Эшонгузар маҳалласида туғилган. Отаси Қодир ота аввал дўкондорлик — тижорат ишлари билан машғул бўлган, кейинча бу соҳада иши юришмай қолгач (сингач) дәҳқончилик билан шуғулланган. Абдулла туғилгандага Қодир ота етмиш ёшдан ошган эди, у яна йигирма йилча умр кўриб, 1924 йилда вафот этди. Абдулланинг онаси Ҳосият биби ҳам бола тарбиясидан бўшаган пайтларида (Абдулланинг Раҳимберди исмли акаси, Кудра-

тилла исмли укаси бор эди) эрига деҳқончилик ишларида кўмак берар эди (у 1943 йилда вафот этган).

«Бошида бой оиласида туғилдимми ёки камбағал оиласами, албатта, билмадим, — деб ёзади Абдулла Қодирий ўз «Таржимаи ҳоли»да — аммо ёшим 7-8 га етгач, қорним ошга тўймоғонидан, устим тузукроқ кийим кўрмогоғонидан аниқ билдимки, беш жоннинг томоги фақат 80 ёшлик бир чол отамнинг меҳнатидан, 1300 саржин боғнинг ёзда етишириб берадиган ҳосилидан келар экан. Агар баҳор ёмон келиб, боғ мевалари оғатга учраб қолса, биз ҳам очликка дуч келиб, қиши билан жаврашиб чиқар эканмиз».

Абдулла аввал эски мактабда ўқиди. У ёшлигидан китоб ўқишни севар, чиройли ёзар ва зеҳни ўтқир эди. Саводи чиққан пайтларданоқ «Юсуф ва Зулайҳо», «Ҳурилиқо», «Лайли ва Мажнун», «Чор дарвеш», «Рустам достон» каби китобларни ўқишга киришган ва қўлидан тушмас эди. Икки-уч йил эски мактабда ўқигач, оиласаги қашшоқлик туфайли уни бир бойга хизматчи қилиб берадилар. Абдулланинг хўжайини савдогар бўлиб, русча ёзувчизувга эҳтиёж сезади. Шу туфайли у Абдуллани рус-тузем мактабига ўқишга юборади. Икки йил ҳам ўқиб, ҳам бойга хизмат қилиб қўйналади. Уйига қайтиб келади, энди ўша мактабга ўз уйидан қатнайди. Дурадгор акасидан ҳунар ўрганади. 1912 йилда енгил саноат билан савдо қилувчи Расулмуҳаммад исмли бир бойга, йилига 50 сўм иш ҳақи олиб приказчи бўлиб ишга киради. Шу бойнинг ташқарисидаги меҳнатсеварлиги, ҳалоллиги ва китобни кўп ўқиши қўл келади. Расулмуҳаммад унинг эртасига катта умид билан қарайди ва икки қизидан бирини унга беришга қарор қилади. У инсофли, камбағалпарвар ва ҳаётни, замонни яхши тушунадиган одам эди. Абдулла хўжайнининг катта қизи Раҳбарнисога уйланади. 1915 йилда хўжайнининг иши юришмай қолади. Абдулла ҳам приказчиликдан бўшаб, уйига қайтади ва дурадгорлик қилади. Қишида — дурадгорларга иш камчил фаслда мадрасада ўқииди. 1917 йил февралда Николай таҳтдан тушганда ҳалқ милициясига кўнгилли бўлиб хизматга киради.

Бир ойдан кейин Тошкентнинг эски шаҳаридаги очилган Озуқа қўмитасига мирза бўлиб ишга киради.

Абдулланинг зулм, истибодод ва қашшоқликка қарши нафрати кучли бўлса-да, бирор сиёсий партияга боғланмаган эди. Бу пайтлар «Турон жамияти», «Турк адам марказияти», «Мухторият», «Уламо жамияти», «Шурий ислом» каби турли-туман жамиятлар тузилди. Абдулла «Турон»га аъзо бўлди. Озуқа комитетига ишга киргач, уни «Турон»дан чиқаришади. Ўзининг айтишича, у сиёсий партияларнинг «чин» маъносига тушуна олмас эди. 1917 йил Октябрь воқеасидан кейин ишчи-меҳнаткашларнинг раҳбарларидан Исмоил Обидов ва кейинроқ Марказий Ижроқўм раиси муовини Султонхўжа Қосимхўжаев билан танишади. Исмоил Обидовга мирза бўлиб, «уламо ва бойларга қарши хитобнома ва ишчиларни ташкилотга чақириб тарғиботномалар ёзади». 1918 йилда Озуқа комитетининг раиси Султонхўжа Қосимхўжаевга ўзбекча саркотиб бўлиб ишга киради. Шу комитетнинг 1919 йилдан чиқа бошлаган «Озиқ ишлари» газетасига муҳаррирлик қила бошлияди. 1920 йилда Касабалар шўросига саркотиб бўлди, кейин «РоСТА» газетасида мухбир, «Иштирокиён», «Қизил байроқ», «Инқилоб», «Коммунист йўлдоши» тўпламларида ходим, саркотиб бўлиб ишлади. Абдулла Қодирий «Муштум» журналининг ташкилотчилаridan эди (1923) ва унда 1924 йилгача — то Москвага ўқиншга кетгунча фаол ишлаб, журнал шуҳратининг кенг ёйилишига катта ҳисса кўшиди. Москвада уч-тўрт йил ўқимоқчи эди, бироқ Абдулла Қодирийдек заковатли, ҳалол, қатъиятли, жасур ва бир сўзли кадр республика учун сув ва ҳаводек зарур эди. 1925 йилда, ёзги таътилдан кейин, ўз юртида қолиб, «Муштум»да хизматга киришди (Москвада Валерий Брюсов номидаги журналистлар институтида ўқиди), Абдулла Қодирий бу йиллари ҳам ҳикоянавис, ҳам фельветончи, ҳам журналист, ҳам таржимон — хуллас, кўп қиррали ижодкор сифатида шуҳрат қозонди. Унинг уйига Алексей Толстой ташриф буюорди (1933), Москвада Максим Гор'кий билан сұхбатда бўлди (1934), Қозонда Татаристон ёзувчилари қурултойида қатнашиб (1936), татар овулларида икки ҳафтача меҳмон бўлди (Қо-

зонга F. Фулом, Зиё Сайд, Шокир Сулаймон ва бошқалар билан бирга борган эди).

Абдулла Қодирийнинг шафқатсиз фельетонлари, жасурина ёзган сатирик ва танқидий мақолалари, буларда қолоқлик, жаҳолат, зўравонлик, юлғичлик, адолатсизлик, тўрачилик, нопоклиник шафқатсизларча фош этилиши унинг душманларини тинч қўймади. Ёзувчининг ўткир тифи ҳукумат, коммунистик партия ва большевикларни ҳам талвасага солди. Айниқса Абдулла Қодирийнинг романлари ва сатирик ҳикоялари орқали топган катта шон-шуҳрати ҳасадгўйларга уйқу бермади. Матбуотда, мажлисларда уни бекордан-бекорга, тирноқ ичидан кир ахтариб, бетўхтов танқид қилиш авж олди, энг катта айбни «Ўтган кунлар» романидан топишга уринишиди. Масалан, С. Ҳусайн «Ўтган кунлар» тўғрисидаги мақоласида Абдулла Қодирий пролетар инқилобига нисбатан узоқроқ қишидир. Чунки ҳақиқатан А. Қодирий «майда буржуазия ёзувчисидир», деган нотўғри қоидага суюниб, романни таҳлил этиб, гўё жиддий камчиликларини топади. Афсуски, бундай танқидлар остида ижодий-эстетик ниятдан бошқа каттароқ мақсад — сиёсий мақсад ётар эди. 1938 йил 4 октябрда Абдулла Қодирий, Фитрат, Ҷўлпонлар ваҳшийларча отиб ташланди — ўзбек адабиётининг гуллари хазон бўлди. Абдулла Қодирий гарчанд коммунист бўлмаса-да, унинг ўз сўзи билан айтганда, «аммо ўзим ғоя ва иш эътибори билан чин коммунист эдим», «Мен Маркс ва Лениннинг ҳароратли шогирдиман», «ҳақиқат ўтининг учқунларимиз» деб, шу тузум, шу замон учун сидқидилдан хизмат қилса-да, шу тузум, шу марксча-ленинча ғоя ва шу коммунистик партияниң ўзи уни шафқатсизларча жазолади.

Абдулла Қодирийнинг беш фарзанди — Назифа, Ҳабибулло, Адиба, Маъсуд, Аниса қолди.

Абдулла Қодирий ўз замонасиининг энг илғор зиёлиларидан бири эди: араб, форс, турк тилларини пухта билар, рус тилида яхши ёзар ва гаплашар эди, умуман Шарқ, Оврупо адабиётларидан яхши хабардор бўлган. У довюрак, бир сўзли, қайтмас, вазмин, камган, босиқ, тортинчоқ, мулоҳазакор, ўткир қўзли, деҳқонсифат одам

бўлган. Ўғли Ҳ. Қодирий «Дадам ўрта бўй, кенг елка, қораҷадан келган киши эди. Унинг юзи тўғаракка мойил, узун тим қора соchlари силлиқ таралган, кенг пешона, қора ясси қош, қисиқроқ зулукдек қора жозибали кўзла-ри ҳамиша узоқни кўргандек, ўйлагандек, бурун қанот-лари бир оз керилган, қисқа мўйловли, лаблари юпқа-қалин оралиғида, пастки жағи сезилар-сезилмас кенг ўсиқ, ияги чуқурроқ эди. Сўл юзи билан иягининг ўнг томонида уч тийинлик чақадек билинар-билинмас ямоқ (пендинка ярасининг изи) бор, юз, пешона ва бурун устларида сийрак бўлса-да сепкил доғлари кўринар, ўнг қулоғида эса «зирак тақиши учун» бўлса керак, чақалоқ-ликда тешилган тешик ўрни бор эди... Дадам кўпинча қора ёки мош ранг баҳмал дўпписини, қиши кезларида эса узун беқасам ёки чит тўнини, савсар телпак, маҳси-калиши-ни устидан қўймас эди. У ёлғиз чоқларида ҳамиша ўйчан, гўё бир ташвиши бордай, қайғу чеккандай, хаёл сургандай кўринар эди», деб ёзади. «У сандалда ўтириб ижод қилар, ўша вақтда энг оғизга тушган «Эпоха» деган па-пиросдан чекар эди. Асарини бошида обдан пишириб, бир йўла араб алифбосида ёзар эди, камдан кам ҳолларда тузатиш қилар эди. Жуда эрта туриб ёзишга ўтирада ва ҷарчаганда ўтин ёрар, кетмон чопар эди. Чойхонада, ҳар хил тоифа, ҳар хил қасбдаги одамлар орасида, ҳатто кўкнорихоналарда, жинни, девоналар орасида ҳам бўлиб, улар руҳиятини ўрганишга интилар эди. Пиёда юришни афзал кўрар ва қариндош-уруғлар, таниш-билишлар ҳаёти, сийрати ва суратини, қилиқларини, ўзбекнинг миллий турмуш тарзини, хусусиятларини синчковлик билан кузатар ва эслаб қолар эди. Буларнинг ҳаммаси унинг асарларида ишлатилар эди».

Абдулла Қодирий ижоди 1914 йиллардан бошланган. Ҳ. Қодирий «Садои Туркистон» газетасининг 1914 йил 1 апрель сонида босилган «Янти масжид ва мактаб» хабарини А. Қодирийнинг биринчи мақоласи деб айтади: Ке-йин «Бахтсиз куёв» драмаси (1915 йилда китоб ҳолида босилган), «Жувонбоз» (1915), «Улоқда» (1916), «Жин-лар базми» ҳикоялари эълон қилинди. Булар маърифат-парварлик йўналишидаги, тўғрироғи, жадидчилик руҳи-

даги асарлардир. Абдулла Қодирий адабиётга жаҳолат, қолоқлик, турғунликни ва умуман инсоннинг баркамоллигига халақит берувчи иллатларни танқид қилувчи ва кўп ўтмай ўткир ҳажв билан фош этувчи ёзувчи сифатида кириб келди. «Бахтсиз күёв» фожиасида Солиҳ деган йигит кўрпасига қараб оёқ узатмасдан катта қарз эвазига тантанали тўй қиласи, қарзини узолмай эр-хотин ўзларини пичоқлаб ўлдирадилар. Асар 1915 — 1920 йилларда саҳнадан тушмаган. «Жувонбоз»да ҳам илм-хунар ўрганмаган йигитнинг майший бузуқликка берилиши ва охироқибатда Сибирга сургун қилинишини кўрсатади: «Улоқ»да ёзувчи улоқ манзарасини чизар экан, унда ҳалок бўлган инсон тақдирига ачинади. «Жинлар базми»да ёзувчи холис тасвир усулини қўллаб, ўзи холис туришга — чин ёзувчилик йўлидан боришга уринади.

Абдулла Қодирий 20-йилларда ўткир, даҳшатли фельетонлари ва заҳарханда мақолалари билан «Фельетонлар қироли» леб шуҳрат қозонган. «Муштум» журнали 1924 йил 4-сонидаги Абдулла Қодирийнинг ўртоқлик ҳазили йўналишидаги кулгили суратига журнал «фельетонлар қироли Жулқунбой (Абдулла Қодирий) кулдириб йиглатади, йиглатиб кулдиради» деган изоҳни беради. Абдулла Қодирий фельетонлари ва ҳажвий, танқидий мақолала-рида элликдан ортиқ тахаллус ишлатади (Жулқунбой, Жубой, Думбулбой, Жиян, Калвак махзум, Тошпўлат Тажанг, Овсар, Шапалоқ, Маҳзум, Шоший, Мошхўрдачи ва ҳ.к.).

«Калвак махзум хотира дафтаридан»(1923—1927), «Тошпўлат тажанг нима дейди?»(1924—1927), «Ширвон хола нима дейди?» (1926) каби ҳажвий ҳикоялари Абдулла Қодирий ижодидагина эмас, айни чоқда умуман ўзбек адабиётида янги ҳажвий ҳикоя, янги сўз, янги адабий ҳодиса эди. Булар шу жиҳатдан эътиборга лойик; биринчидан, Абдулла Қодирий кулгини характерга кўчиради, буни у «сажиавий кулги» дейди. Иккинчидан, ёзувчи ўзи холи туриб, воқеани қаҳрамоннинг ўзига ҳикоя қилдидари ва бунга боғлиқ белги шуки, ёзувчи пичинг восита-сида қаҳрамонни, воқеликдаги иллатларни фош этади. Мана, ёзувчининг ўзи нима дейди: «Кулги майдонида

кейинги янгилик сажия музикасидир. Яъни кулгиликнинг учинчи пояси сажиявий қулгига. Биз бунинг мисоллари ни маним «Тошпўлат тажанг», «Калвак маҳзум», «Овсар» ва «Ўтган кунлар» романидаги Ўзбек ойим ҳам бошқаларда кўрамиз... Маним кулгиликдаги қаҳрамонларимни олсан, мунда асли ёзувчининг шахсини тамоман кўролмайсиз. Фақат сўзни имзо эгасининг ўз оғзиданги на эшитасиз. Калвак маҳзумда: кўпдан ҳақиқий ҳаёт билан алоқаси узилган, мадраса хурофоти билан мияси говлаган холис бир маҳалла имоми, Тошпўлат ишсиз, бири бит, бити сирка бўлмаган ва шу фақирик орқасида ўғрилик ва фоҳишият денгизида сузиб, тажанглаган холис бир чапани кўрилур».

Абдулла Қодирий қаҳрамонлари ўзининг ёши, эътиқоди, касб-кори, илм даражаси, фаҳм-фаросати, қизиқишига қараб сўзлайди—фикрлайди, шу фикрлаши ишига, қилмиш-қидирмишига мос, мувофиқдир. Ёзувчи ҳикоя, романларида воқеани сўзлаб бериш йўлидан юрмайди, балки кўрсатиш, тасвираш, гавдалантириш йўлидан боради, персонажлар фақат ўзига, ўша вақтдаги, ўша вазиятдаги ҳолатига қараб сўзлайди ва айни чоқда воқеани силжитади.

Абдулла Қодирийнинг улкан таланти «Ўтган кунлар» ва «Мехробдан чаён» асарларида айниқса ёрқин намоён бўлди. «Ўтган кунлар»нинг дастлабки боблари «Инқилоб» журналининг 1923 йил 9—10 сонларида босилган ва «Ёзувчидан» деган сўзбоши остига 1920 йил деган сана қўйилган. Демак, роман 1918—1919 йилларда ёзила бошлаган ва уч бўлимдан иборат бўлган бу асарнинг I бўлими 1924 йилда (I бўлим тузатилиб, 1927 йилда қайта босилади), II бўлим 1925 йилда, III бўлим 1926 йилда алоҳида-алоҳида китоб ҳолида чиқади. Кейин 1927 йилда яхлит шаклда нашр этилади. 1926 йил кузидан «Мехробдан чаён»ни ёзишга киришади ва 1928 йил 15 февралида ёзиг битираади. 1929 йил март ойида китоб ҳолида босилиб чиқади.

1928 йилда Абдулла Қодирий татар олимни Абдулла Шуносийнинг «Физика курси» дарслигини ўзбекчага таржима қилди. 1933—1934 йилларда «Русча-ўзбекча тўла сўзли луғат»нинг «П» ҳарфини тузди, луғат 1934 йилда нашр

қилинади. 1932—1934 йилларда «Обид кетмон» қиссасини ёзди, у 1935 йили босмадан чиқди. А. Қодирий тарихий мавзуда асар ёзишнинг моҳир устаси эди. Уни ҳозирги замон мавзусида асар ёзишга дайвват этишгач, у қиссага қўл урди. Гарчанд қисса кўнгилдагидек чиқмаса-да, А. Қодирийнинг деҳқон меҳнатини меҳр билан улуғлагани ёрқин сезилиб туради. А. Қодирий Н.В.Гоголнинг «Уйланиш» драматик асарини (1935), Чеховнинг «Буқаламун» ҳикоясини (1936) таржима қилди.

«Ўтган кунлар» романи А. Қодирий насрининг чўққини сидир. Мазкур роман сўзнинг чин, тўла маъносидаги ҳақиқий миллий романдир. И.С.Тургенев «Миллийликдан ташқарида санъат бўлиши мумкин эмас», деб ҳақ гапни айтган эди. «Миллийлик психологияси» китобининг муаллифи Д.Н. Овсянико-Куликовский ажойиб фикрни ёзган эди: «Ақл жиҳатидан ўртадан ҳам паст даражада турувчи шахслар миллий белгилардан маҳрумдурлар» («Психология национальности, 1922, с. 6.). Туғма талант эгаси бўлмиш А. Қодирийнинг ақл-заковати, илмий тафаккури ва бадиий диди ниҳоятла юксак эди. Унинг ўзида ўзбек халқининг характеристики, табиати, психологияси, руҳияти, образли фикрлаш тарзи, тил ва тафаккур олами мужассамлашгандир. Белинский «Ҳар қандай халқнинг ҳаёти унинг ўзигагина хос бўлган шаклда намоён бўлади, агар ҳаққоний кўрсатилса, демак у асар халқчилдир», деган эди.

Халқ ҳаётининг шу ўзига хос шакли эса мазкур халқ истиқомат қилаётган жамият ҳолатига, турмуш тарзига, табиати, шарт-шароитига, ижтимоий онг даражасига, халқ ижоди ва адабий анъаналарига боғлиқ. Шу каби энг муҳим омиллар халқнинг ўзига хос характеристини, миллий психик тузилишини ва бадиий тафаккур тарзини шакллантиради. А. Қодирий ўз романларида ўзбек халқининг яқин ўтмиш тарихидаги шу ўзига хосликни ниҳоятда теран илғаб олади ва ўзбек халқининг адолатли тузум, адолатли ҳукмдор тўғрисидаги (Беруний, Форобий, Навоий каби даҳолар тарғиб этган бу гояларни), инсонийлик, одамийлик, поклик, севги эрки ва оила тўғрисидаги, тинч-тотув яшаш ва иттифоқлик тўғрисидаги, зулм ва настликни, ёмонликни

Қораловчи қарашларини, нуқтаи назарини акс эттириди. Аслида бу масалалар моҳиятига кўра умуминсоний қимматга эга, умуминсоний дард-ташвишлар, фикр-ғоялар, муаммоларни ҳар бир ҳалқ ўзича кўради, идрок этади ва ўзига хос тарзда бадиий тушунтиради. Дарвоҷе, адабиёт, санъатдаги миллийлик бадиий шаклдагина эмас, балки энг аввало асар мавзуи, материали, сюжети, конфликтларида ва қаҳрамонлар тақдирида намоён бўлади. «Ўтган кунлар» ва «Мехробдан чаён» романларининг мавзу-материали, унлаги воқеалар, қаҳрамонлар саргузаштлари, ўзаро алоқалари ва курашлари, улар ҳаракат қилган жойлар, шартшароитлар, муҳит — ҳамма-ҳаммаси ўзбек ҳалқи ҳаётига оидdir. Романлардаги фольклор ва адабий образлар, рамзлар, кийим-кечаклар, асбоб-ускуналар, дов-даражатлар, паррандалар, ўсимликлар, куй-кўшиқлар, ранглар, инсон қилиқлари ва имо-ищоралари —буларнинг ҳаммаси ўзбек ҳалқи характерини, психик оламини, маънавиятини акс эттиришга хизмат қилган. Аввало шуни айтиш керакки, романдаги инсон эрки учун кураш ғояси адолатли тузум ва одил ҳукмдор, тинч-тотув, иттифоқда яаш орзумони билан жисп боғланиб кетган. Отабекнинг муҳаббат саргузаштлари, Кумуш—Отабекларнинг висол онлари ва ҳижрон кунлари, фожиали ҳолатларини ҳалқнинг ҳаёти, тақдири, тарихи, ўша даврдаги ижтимоий аҳволдан мутлақо ажратиб бўлмайди. Отабек Шамайдан келгач, гапхонада Россиянинг давлат тизими, у ердаги ҳалқларнинг турмуш тарзи (гап ейиш ҳам миллӣ турмуш тарзи бўлиб, у ерда ижтимоий-сиёсий воқеалар ҳам муҳокама қилинади) ва ўрганиш учун зарур бўлган мақбул томонларини мақтайди. Отабек «Менимча, ўриснинг биздан юқоридалиги унинг иттифоқидан бўлса керак, аммо бизнинг кундан-кунга орқага кетишимизга ўзаро низойимиз сабаб бўлмоқда», дейди. Отабекдаги бу фазилат, кайфият эл орасига ёйилган эди, ҳатто Марғилонда Отабек билан Қутидорни Ҳомидлар ҳибсга олишганда унинг шу сифати ва илғор фикрли отаси Юсуфбек ҳожи фаолияти далил қилиб келтирилган эди. Отабек ўша гапхонада золим ва ёмон бошлиқларни йўқотиб, иш бошига «яхши ва холис одамларни ўтқазиш нажотимизнинг йўлидир», деган эди.

Аслида бундай илғор фикр кўпроқ, унинг отаси Юсуфбек ҳожига мансубдир. Юсуфбек ҳожи Тошкент беги Азизбекни инсоф-адолатга чақиради. Отабекка ёзган мактубида унинг «қонли қиличини фуқаро устида юргизиб турган қонхўр» дейди. Юсуфбек халқни, адолатни ҳимоя қилади ва ҳатто Азизбекни ҳокимликдан олиб ташлаши учун бошланган ҳаракатга бошчилик қилади. Шу иши туфайли Худоёрхон Отабек ва Кутидорни дордан озод қилади ва зарбоф тўйнлар кийлиради. А. Қодирий Юсуфбек ҳожи образига ҳукмдор қандай бўлиши керак ва юртга, инсонга, фуқарога қандай раҳбарлик қилиш керак деган муаммо хусусидаги фикр-ғояларини, орзу-армонларини сингдиради. Юсуфбек ҳожи юртни одил бошқариш, камбағаллар тўғрисида қайғуриш, золимларни йўқотиши, миллий адоват ва ўзаро тахт учун курашга чек қўйиш тарафдоридир. Қушбеги, амалдорлар, қипчоқларга қарши қирғин бошламоқчи бўлганда Юсуфбек ҳожи кескин қарши туради: «наинки, тўртта муттаҳамни деб бутун бир халқقا ҳужум қилиш керак бўлса, мени ўлди деб ҳисоблаб, бундай «шум иш»ни қилишларингиз мумкин» деб мажлисни ташлаб чиқиб кетади. Ҳон ўн беш ёшдан етмиш ёшгача бўлган қипчоқларни қирғин қилишга фармон беради. Ҳасанали сўзи билан айтганда, «худди қиёмат бўлди».

Дарвоҷе, Отабек отасининг ҳалиги қарши туришидан бехабар, қирғинни кўриб ўйига келгач, биринчи бор отасига салом бермайди: «Отабек терсайғанча келиб ўтириди, отасига салом ҳам бермади», дейди ёзувчи. Ўзбек миллий характеристидаги бу нуқтага эътиборни тортган ёзувчи шу деталь ёрдамида Юсуфбек—Отабекларнинг ҳалиги сиёсий воқеага бўлган муносабатларидаги яқдилликни кўрсатмоқчи бўлади. Юсуфбек ҳожи ҳақиқатни ҳимоя қилиш йўлидаги кураши бефойда кетганини айтиб, «Ўз қўлимиз билан ўзимизнини кесишимиздан мамлакат учун қандай фойда бор?», дейди. Отабек отасининг ҳақ эканлигини тушунади.

А. Қодирий Юсуфбек ҳожи характеристига, образига ўзининг эзгу тилакларини сингдиради. Қаранг, унинг тили орқали нима дейди:

«Иттифоқни нима эканини билмаган, ёлғиз ўз манфаати йўлида бир-бирини еб, ичган манфаатпараст, дунёпарат ва шухратпарат муттаҳамлар Туркистон тупроғидан йўқолмай туриб, бизнинг одам бўлишимиизга ақлим етмай қолди».

Ёзувчи Юсуфбек ҳожининг сиёсий дастурини ҳам беради:

«... Аввало манфаати шахсиятидан кечиб, фақат эл баҳти учун бош тикканлар жамоаси керак ва бу жамоанинг ўз маслаги йўлида кузатган маълум бир нишонаси бўлмоғи зарур. Ана шундан кейин ҳалиги нишонага қараб интилишда оёқ остига олишган чўп-хасларни супура бориш лозим. Мана шундагина тўкилган қонлар ўринли ва берилган бошлар чин қурбон ҳисобланадилар. Йўқса, сизнинг бош олишининг ҳам ановилар қирғинларидан фарқли бўйлолмас (қипчоқларни қирғанларни назарда тутмоқда— С.М.). Шу ёшга етиб бу халқ орасида ҳалиги жамоани учтourt нафардан ортиқ учратолмадим, афсус».

А. Қодирий Юсуфбек ҳожини Кумуш тили орқали «нур ичига чўмилгандек бўлиб кўринган сиймо», деб таърифлайди.

Романдаги муҳаббат олами, ундаги ширин висол онлари, қаттиқ ҳижрон-айрилиқ пайтлари, фожиали якунларига доир чизиқлар, тарихлар, саргузаштларнинг ҳаммаси миллийдир. Ҳатто ёзувчи роман бошида «халқимизни шу замоннинг «Тоҳир ва Зухро»лари, «Чор дарвеш»лари, «Фарҳод ва Ширин» ва «Баҳромгўр»лари билан таниширишга ўзимизда мажбурият ҳис этамиз» деб уқтиради. Кумушнинг Отабекка юборган бир мактуби бундай бошланади: «Юсуф савдосила беқарор Зулайҳо исмидан, Мажнун ишқида йиғлаган Лайли отидан—сизга бошимдаги соchlаримнинг тукларича беҳад салом. Мендан ҳалду-ҳисобсиз гуноҳ, сиздан кечириш». Отабек ва Кумуш севгиси ҳам худди шу Лайли ва Мажнунлар, Тоҳир ва Зухролар севгилари каби фожиалидир. Фожиа илдизи, асоси эса ижтимоий тузумда, умри тугаган урфодатлардадир.

Отабек Кумушни бир кўришдаёқ мафтун бўлади, севгилисининг Қутидор қизи эканлигини англайди, Зиё шо-

ҳичини совчиликка юбориб, қиз ота-онасининг розилигини олади. Отабек отасининг рухсатисиз бирор иш қилмас эди, аммо муҳаббат ўти уни эркинлик сари етаклайди ва ота-онасининг иштирокисиз Марғилонда уйланади. На Кутидор, на Офтоб ойим Кумушдан бўлажак күёвни ёқтирасанми-йўқми, деб сўрашмайди. Чунки Тўйбека сўзи билан айтганда, «одат шул, Кумуш ота-она ёқтирган кишига рози бўлиш учун мажбур» дир. Кумуш күёвнинг ўша бир бор кўриб, кўнгли тушиб қолган йигит Отабек эканлигини мутлақо билмайди. Шунинг учун тўй тайёргарлиги бошлангандан то Отабекни чимилдиқда кўргунча ғамҳасратда яшайди. Аммо исён у ёқда турсин, ҳатто йўқ тегмайман деб айтолмайди ҳам. Чимилдиқда Кумуш «мажбурият остида ёвқараш билан секингина душманга қарди... Шу қарашда бирмунча вақт қотиб қолди. Шундан кейин бир неча қадам босиб Отабекнинг пинжига яқин келди ва эсанкираган, ҳаяжонланган бир товуш билан сўради:

—Сиз ўшами?

—Мен ўша,—деди бек. Иккиси ҳам бир-бирисига беихтиёр термулишиб қолдилар.

А. Қодирий Кумуш, Отабекдаги ибо, шарм-ҳаёни, ғурур-суурурни ўзбек халқининг характеристидаги муҳим фазилатлардан деб беради. Кумуш қундоши Зайнабга сира қаттиқ гапирмайди, аммо Отабекнинг битта ўзиники бўлиши унинг ягона орзуси эди. Зайнаб Кумушга заҳар берганда Отабек қаҳр-ғазабининг ниҳояси бўлмайди ва «Кет ифлос, кет. Талоқсан, талоқ!», дейди. Бу орзиқиб кутилган «Талоқ» сўзини эшитган Кумушнинг кўзи ярқ этиб очилиб, яна юмилди». Адабий танқидчилигимиз эътибор берган яна бир деталь: «Юсуфбек ҳожи жон бераётган Кумуш ҳузурига кирганда Кумуш ҳам ҳурмат юзасидан, ҳам қайнота олдида ётганидан ҳижолат тортиб—бесаранжом унга назар ташлади ва таниб...қўзғалмоқчи бўлди». Яна бир муҳим нуқта. «Кумуш сўнгти куч-мадорини, имкониятини йигиб, «Ойи...Дада...—сўнгра—бегим» деб ингради. Эрининг юзини юзига қўйди, уялгансимон кўзини юмди...» Қаранг, жон бераётсиб ҳам шарм-ҳаёни унутмайди, чунки бу фазилатлар унинг қон-қонига синг-

ган эди. Ёки Отабекнинг одоби, гуурининг қандай бе-рилганилигига эътиборни қаратайлик. Ҳомиднинг ифвоси туфайли Кутидор Отабекни уйига қўймай ҳайдаб юборади. Отабек Ҳомидларнинг Кумушни ўғирламоқчилигини билиб, бу ишни Кумуш ва ўзи учун ор-номус деб билади ва тунда учта ёвузни чавақлаб ўлдиради. Аммо бу ишни ҳеч кимга билдирмай, Тошкентга қайтади. Қайтиш олдида Кутидорга хат қолдириб, бор гапни айтиб, яна «улуғ гуноҳим учун афв сўраб, ҳайдалган ўғлингиз», деб кечирим сўрайди. Отабекнинг Кутидор олдига кирмаслигининг яна бир сабаби бор эди. Отабекнинг Тошкентдан иккинчи хотинга уйланишига Кутидор ҳам фаол бош қўшади. Чунки қизи Тошкентга бормаганидан кейин Юсуфбек ҳожи ва Ўзбек ойим келин кўришлари керак, шунинг учун Отабек уйланса майли, Марғилонга ҳам келиб туради деб ўйлаган эди. Отабек эса қайнотаси шу йўл билан ундан Кумушни ажратиб қолмоқчи деб гумон қиласди. Худди шу ерда яна бир ўзбек урф-одати Отабек—Кумуш муҳаббатининг фожиали якунланишига олиб келади. Яъни ўтмишда(ҳатто ҳозир ҳам учрайди) бир шаҳар бошқа шаҳардан, бир қишлоқ иккинчи қишлоқдан қиз олиш-қиз бериши ҳодисаси кам учрайди. Ўзбек ойим ҳам марғилонлик Кумушга шу одат туфайли норози бўлган эди. Ўзбек ойим Кумуш Тошкентга келмас экан, шу ердан уйланасан, деб туриб олади. Отабек ҳам шу одат—асос учун зўрга рози бўлади, аммо Марғилонга боргач, яна уйланиш фикридан қайтади. Кутидор кўнишга давлат этади, қизи Кумушни ҳам кўндиради. Кумушнинг Отабекка бўлган оташин севгиси Тошкентга боришга мажбур этади ва кундошлик оловида ҳалок бўлади.

Миллийлик ва миллий психология рангларга бўлган муносабатда ҳам кўринали. А. Қодирий ёрқин рангларни — оқ, ҳаво ранг, пушти, қизил рангларни севади, унинг Кумуш ва Отабеклари ҳам бу рангларни хуш кўради. Кумуш тўйда оқ шойи рўмол, оқ шойи кўйлак, оқ кумуш заррин сирилган пўстин кияди. Аммо бу оқ ранглар унинг зимистон кўнглининг акс-садоси эмас эди, аксинча, бу қизиқ мажлис унинг учун базм ўрнини эмас, аза жойини тутгандек эди.

Отабек ҳам, Кумуш ҳам қора рангни, сариқ рангни баҳтсизлик, зулм, қабоҳат рамзи деб билалилар. А. Қодирий қора бўёқни ўшаadolatsizlik тузумини ифодалаш учун ишлатади. Романдаги «Ёзувчидан» деган ўринда А. Қодирий «мавзуни мозийдан, яқин ўтган кунлардан, тарихимизнинг энг кир, қора кунлари бўлган кейинги «хон замонлари»дан белгиладим», деб ёзади. Роман мазманини ва руҳи, оҳангидан шу қора ранг ҳокимлик қилишидан ташқари, бир қатор бобларни «Қора тунлар», «Қоронғу тунлар» деб сарлавҳалайди ҳам. Отабек—Кумуш севгисига, оиласавий муносабатларига, баҳтига рахна соглан Ҳомидни «қора тиканак» деб таърифлайди. Кумуш ўн бешта кўйлагининг орасидан қора атлас кўйлагини танлаб кияди. Отабекка бу кўйлак ёқар эди деб, соғиниб кийган эди. Бироқ бу кўйлак мудҳиш хабар элчисига айланади: Ҳомид Отабек номидан талоқ хати киритиб юборади ва ёзувчи ибораси билан айтганда, энди Кумуш ҳаётидаги «қора тунлар» бошланади, «бу ҳовлини чин маъноси билан қоронғулик босди». Ёзувчи шу машъум хатни олиб қелган пучуқ хотинни—Жаннатни «алвости» деб айтади. Уйини, туриш-турмушини қора бўёқ билан тасвиirlаб, ифлос маразлигини таъкидлайди. Кумушнинг ҳижронли кунлари билан «ер юзи ўзининг қишки сариқ кийимини кийган эди», деган тасвир ўртасида боғланиш бор. Ёки Отабек бўзахонада ҳижрон оловида ёниб ўтирас экан (қай-notasi эшикни юзига ёпиб, ҳайдагандан кейин), чолғу-чидан ажралиш куйини чалишини илтимос этади. У бундай куйни билмаслигини айтиб, «Наво»ни дуторда ижро этади, куй фожиали руҳда эди, дуторнинг ўзи «қуруққина йигламас эди, балки бутун коинотни «зир» эттириб ва хаста юракларни «дир» силкитиб йиғлар эди». Отабек ҳам «дунёсини унутиб йиғлар ва ҳасрат аламини кўз ёшиси билан тўкиб йиғлар эди».

Туш ва унинг таъбирини айтиш ўзбеклар орасида кенг тарқалган одат. «Ўтган кунлар»да тушдан бўлажак воқеалар хабарчиси сифатида фойдаланади. Отабекнинг тушида бир сигир гулларни пайҳон қилибди. Отабек қўлида ханжар билан сигир томон югурибди, бир қараса сигир «сариқ сочли алвости» бўлиб қолибди, Отабек «дармон-

сизланган ва ханжари қўлидан тушган эмиш... Дунёни қоронғулик босган эмиш». Шу куни Зайнаб Кумушни заҳарлаб ўлдиради. Кумушнинг ўзи ҳам бу фожиали тақдирини бир ой бурун ҳис этган эди. Онасига ёзган мактубида «Келаси ойдан жуда юрагим уюшадир... Кечалари кўкка қараб келаси ой шу кунларда ёруғ дунёда бормани, йўқманми дейман... Келаси ойдан қўрқаман... Қўриша олмасак мендан рози бўлинг, дадам ва бошқа ёру дўстлар ҳам», деган эди. Ёзувчи ўзи қаҳрамонларидаги бу телепатик туйғуларни берганда ўзбек ҳалқи табиати, психолого-гик хусусиятларидан ва мифологик тасаввурларидан келиб чиқади. Отабек ҳалқ достонларидаги ва Навоий «Хамса»сидаги қаҳрамонлар каби фавқулодда ақл, куч-кудрат ва ирода-кудратга эга. У Ҳомид, Мутал ва Содиққа қарши бир ўзи курашга отланганда «ё ҳаёт, ё мамот» деган ҳамлетона қоидадан келиб чиққан эди. Ўлса ҳам севгилисининг шон-шарафи, иффатини, ўз ғурурини ҳимоя қилмоқчи бўлади. Ёзувчи унинг дилидаги фикрни «гўё дунё гўзали билан видолашар эди», деб изоҳлайди. Отабек ғолиб чиқади. Ҳақиқат учун олиб борган кураши Уста Олим сўзлари билан айтганда, уни «ақллар ишонмас қаҳрамонлик» кўрсатишга сабаб бўлади. Романда ўзбек ҳалқи характеристи, урф-одати, психик олами, фикрлаш тарзи билан боғлиқ нуқталар шу қадар кўпки, улар асар мазмани, сюжети, қаҳрамонлар тақдирига сингиб кетган, буларнинг барчасини кўрсатиш романни бир неча бор қайта ҳикоя қилиш демакдир. Битта Отабек—Кумуш тўйи муносабати билан А. Қодирий ўзбек тўйига доир муҳим тартиб-одатни намойиш қиласи: хотинлар мажлиси, қизлар мажлиси, Кумушдан ваколат олиш—никоҳ ўқитиш маросими, Кумушга маҳр бериш, унинг қўлига узук тақиши, келин-куёв кийимлари, музика асблоблари ва ҳ.к. А. Қодирий ўзбекларнинг ичкари ва ташқариллик уй қуриш одатлари, уни кун юриш томонга қаратиб қурицларини ҳам алоҳида таъкидлайди. Ёзувчи асар воқеаси Қўқон хонлигига кўчганда хон ўрдаси тавсифидан воз кечади ва буни шундай изоҳлайди: «Романинг ўн учинчи фаслида Марғилон ўрдасининг таърифи ёзилганликдан ва бу ўрданинг ҳам ташқариги айланаси ўша ўрда каби бир тусда,

бир услугуб ва бир кенглиқда бўлғанлигидан бу ўринда яна қоғоз қоралаш ортиқадир» дейди.

Биз юқорироқда Кумушдан бир оғиз розилигини сўрамай ва унга бўлажак куёвни кўрсатмасдан тўй қилинганигини, баҳтли тасодиф туфайли Кумушнинг ўз орзусидаги ва ёқтирган йигити Отабекка тушганлигини айтган эдик. А. Қодирий ўзбек халқи урф-одатидаги мустаҳкам қондага амал қилганидан шундай тасвирилаган эди. Танқидчи С. Ҳусайн «Ўтган кунлар» романни ҳақидаги мақоласида шу хусусда фикр юритиб, ёзувчини мантиқсизликда айблайди. Гап шундаки, Отабек билан Кумуш ўртасидаги англашилмовчиликлардан кейин алоқалари узилиб кетгач, Кумушга турли жойлардан совчилар келади, шунда ота-онаси ундан розилигини сўрайди. С. Ҳусайн шунга асосланниб туриб, «Кумуш қиз экан, ота-онаси ундан сўрамай, розилигини олмай эрга беради, эрдан чиққандан сўнг (Отабекдан сохта ажралгандан кейин) иккинчи эрга беришда ота-онаси Кумушнинг розилигини оламиз, деб овора бўлишади. Бу мантиқсизлик А. Қодирийнинг эсига келмайди, чунки шу мантиқсизликни ишлатмаса, романни боғлайдиган ип чўзилиб кетади» деб ёзади. А. Қодирий танқидчига жавобида «Холбуки, бу «мантиқсизлик» турмуш ҳақиқатига қараб ихтиро қилингандир. Зоро, эски турмуш айтади: «Кумри қиз экан, ота-онасининг танлашлари билан эрга чиқсан, бу одоб, иффат тақозоси. Вақтики, эри ўлди ёки эрдан чиқди, эндиликда ота-онасининг унинг эр қилишида ихтиёрлари йўқ, фақат улар маслаҳатчиларгина (бу одат йигитлар устида ҳам шундай. «Ўтган кунлар»нинг I бўлим, I-фаслига мурожаат). Қизлари эндиликда ўз кўзлари билан кўради, уй-жойларини, касби-корини текширади—унга рухсат. Бинобарин, «Ўтган кунлар»даги мантиқсизлик ҳам шу мақомдадир».

А. Қодирий халқ орасидаги маълум ва машҳур одатга қаттиқ амал қилгани учун романни боғлайдиган ип, С. Ҳусайн айтгандек «чувалаб кетмади», аксинча янада таранглашди: Кумуш кимга турмушга чиқаётганини билмай то Отабекни кўргунча ўт ичиди ёнади, ўша одат таёфи билан мажбуран чимилдиққа киради. Отабек билан Кумуш сохта ажралгандан кейин олти ой муддат ўтади, шундан

кейин Кумушга «совчилар турна қатор» бўлиб кела бошлиди. Ҳатто извогар ва ифлос Ҳомиддан ҳам келади: Қутидор билан Офтоб ойим уни ёқтиргмагани учун, Кумуш кўнглидан келиб чиқиб «Қизимиз бундан сўнг эр қилмасликка қаттиқ исорот этадир», деб жавоб беришади. Кумуш аслида умуман эр қилмасликка қарор берган эди ва «Мен энди эр қилиб бўлдим», деган эди. Бироқ Қутидор тузуроқ ердан совчи келса, зўрлаб бўлса ҳам бермоқни ният қилиб кўяди. Шунда шаҳарнинг олдинги аъёнларидан Салим шарбатдор ўз ўғлига сўратиб совчи юборади. Қутидор Кумушни кўндиришига уринади. Кумуци сўзида қаттиқ турди ва «Бундан сўнг бу ишни хоҳламайман», дейди («эр» сўзини тилга олингга иффати йўл қўймайди). Шунда Қутидор яна бир катта далилни ишга солади: Ҳомид Отабек номидан Кумушга талоқ хати ёзган эди. Кумуш мактубга жавоб ёзган эди. Ҳомидлар яна Отабек номидан иккинчи талоқ хати уюштириб юборган эди. Қутидор бу талоқ хатини Кумушга кўрсатмай юрган эди. Кумуш Салим шарбатдор ўғлига ҳам рад жавобини бергач, Қутидор қизининг тамоман бўйинни эгиш ва ўз йўлига юргизиш мақсадила шу хатни берали. Кумуш «юрак жароҳатини қайтадан тирнаб ташлаган» иккинчи талоқ хатини ўқигандан кейин яна кескин равишда севган эрдан «бу янглиғ вафосизлик кўрдим», «бундан кўра дунёда тоқ ўтган яхшироқ», деб жавоб беради. Қутидор барибир ўз ниятидан қайтмайди, Салим шарбатдорга ваъда бериб юборади. Ваъдасининг устидан чиқиши учун Офтоб ойимга охирги буйруқни беради: «Кўнлирсанг кўндири, бўлмаса мендан умидингни уз» дейди. Кумуш эйли севимли онасининг тақдирини ўйлайди, ўзини «баҳтсиз», ташландик қиз, «ўйинчоқ қиз» деган қарорга келади ва тўйини бир йилдан кейин қилиш шартини қўйиб розилик беради(ички туйғуси Отабекдан умидини уздирмайди. Бу шарт қўйиш ўзбек халқ достонларида кўп учрайди).

Кўриниб турибдики, А. Қодирий типик образлар яратиш устидагина қайғурмай, айни чоқда ўз қаҳрамонлари, персонажлари яшаётган, ҳаракат қилаётган, курашаётган муҳит, шарт-шароитнинг типик бўлиши учун катта меҳнат қиласи.

ни, характерини шу шароит, мұхит, халқнинг күп аср-лик руҳий, маънавий тажрибаси, урф-одати яратади ва улар онгидаги янгиликлар, ўзгаришлар билан тўқнашувга киради. Зотан, А. Қодирий бадиий асарнинг ҳаққонийлиги, ҳәётийлигининг бош асоси унда кўтарилган масалаларнинг халқнинг тақдирини, ҳәёти ва характеристи, психологияси, руҳияти билан нечоғлик жипс боғлиқ эканлигига кўради. Шунинг учун ҳам С. Ҳусайнга берган жавобида ёзувчиларимиз ва танқидчиларимиз учун халқ орасига кириш, унинг урф-одатига гарчи машаққат бўлса ҳам вуқуф ҳосил қилиш лозимdir», дейди. Халқ ҳәётидан, урф-одатидан, маданиятидан, характеристидан вуқуф бўлмаслик—хабарсизлик сохталикка, ёлғончиликка, уйдирмаликка олиб келади. А. Қодирий «Равот қашқирлари» мақоласида шу номдаги фильм намойиши муносабати билан ҳаққонийлик ва миллийлик хусусида фоят мұхим жiddий фикрни ўртага ташлайди. А. Қодирий ёзадики, «Шу кунгача ўзбек ҳәётидан ёки умуман Ўрта Осиё халқлари турмушидан олиб ўйналган фильмларнинг ҳәётилизга ёндашиб кетган лавҳалари кўринишлари бус-бутун деб бўлмаса-да ва лекин қисман хаёлий сохтанома бўлади. Бу ҳол ёлғиз кинолардагина эмас, европаликларнинг, ҳатто Ўрта Осиёда чиқадиган кундалик газета, журнallарида ва адабиётларида бизга бағишилаб ёзилган парчаларида, лавҳаларида ҳам шу хаёлот ёки ривоят орқали ёзилган «ваҳималарга» күп учраймиз. Халқ «ўзига иснод қилинган» бу тўқима-уйдирмалардан «ёқа ушлайди». А. Қодирий шу сохталиктан кутулиш — «афсона кўчасига кирмаслик»нинг ягона йўли — халқ турмушини чуқур билишидир, деб ҳисоблайди, «мумкин қадар сценарий ёзувчиларни ўзбеклардан етиштириш ва ҳозирча бўлса ҳам европалик сценаристлар ёнига ўзбекларни тиркаб қўйиш, артист ва артисткаларни ўзбеклардан тарбиялашдир», дейди. А. Қодирий бу ерда бошқа миллат ёзувчисини заррача камситаётгани йўқ. «Ўзбек турмушининг майдада-чуйдасигача ўзбек боласи билади», деганда ёзувчи фақат ҳаққонийлик, ростгўйлик, асарнинг ишонтириш қудратини мезон қилиб олмоқда. А. Қодирийнинг бу сўзларида мутлақо миллий маҳдудлик йўқ. Қон-қонигача одамий-

лик, инсонпарварлик, байналмилаллик түйфуси сингган А. Қодирий Ўзбекистон Республикасининг тузилганига бир йил тўлиши муносабати билан ёзган мақоласида бирликни — иттиҳодни нотўғри тушунгандар танқид қилиб шундай дейди: «Биз ҳақиқатни ҳаётдан олдик. Ҳаммадан илгари шахс ўзини танисин, сўнгра бошқани. Зоро, «ўзини билмаган ўзгани билмас» сўзи турмуш онасининг дард чекиб туққан тўйнғич ўғлидир. Биз миллатларни озод ўстирғоч, доираси ғоят тор бўлғон, иттиҳоди ислом ва ё туркгина эмас, балки бутун дунё меҳнаткаш ва деҳқонларни иттиҳоди энг авжидаги бутун дунё инсонлари иттиҳодини вужудга келтирамиз».

А. Қодирий ўз асарларида ана шу эзгу ниятни тарғиб қилди. Гарчанд унинг асарларининг воқеаси ва қаҳрамонлари Туркистондан олинган бўлса-да, умуминсоний, гуманистик ғояларни олға сурди. Фозил давлат тузуми ва шахс эрки масаласи Шарқ алломаларининг қалбини қанчалик банд қилган бўлса, жаҳоннинг барча сўз санъаткорларининг ҳам диққат марказида турди. «Ўтган кунлар», «Меҳробдан чаён» асарларининг узоқ-узоқларга парвоз қилишининг боиси шундаки, Солиҳ Махдум ўзбек тупроғида туғилган хасис, аммо унинг хасислигининг намоён бўлиши — ҳалқ орасида «зарбулмасал бўлиши» миллий турмуш тарзи билан жипс боғлиқ бўлса-да, аммо моҳияти жиҳатидан умуминсонийдир, муштаракдир (ҳамма кийимига ямоқ тушган, бир чопонни саккиз йилда ҳам ташламайди, бир ойда бир кир ювдиради, уйида асоссан суюқ овқат қилдиради, шолғом, лавлаги ишлатади, ҳатто куёв қиласман деб юрган Анвар бош мирзаликка тайинланганда уни қутлагани келувчилар учун юмшоқ нон олишга ҳам оғринади, хон Раъони хотинликка сўраганда Анвардан воз кечиб, унга розилик беради). Тошпўлат тажанг образида ҳам шундай муштараклик бор. «Муштум» журналида «Тошпўлат тажанг нима дейди?» ҳикояси билан Тошпўлат тажангнинг расми ҳам берилади. «Фарғона» газетасида босилган бир мақолада бу расм «Мулла Насрилдин» журналидаги расмнинг ўзи, демак, «Муштум» ўғирлик қилган деб ёзилади. Шу муносабат билан

А. Қодирий жавоб бериб, бундай дейди: «Кавказ билан Туркистон типларда ва урф-одатда бир-бирига жуда яқинлир. Буни яхши билиш керак. Шунинг учун Туркистонда туғилган ўзингизнинг тогангиз «Тошпўлат тажанг»дан то-ниб, уни кавказлик дейишингиз қаландарона бир сўздир. Ишонмасангиз «тажанг» тогангизнинг сўзларига, қилиқларига, маданият дунёсига бўлган «писанди»га бир қаранг (23—25-сонлар. Жулқунбой мақоласи). Бу тип ёлғиз Туркистоннинг ўзидағина эмас, Туркистоннинг ҳар бурчагида ҳам бор ва шунинг учун бир «чапанингиз» ҳақидаги соғ бир карикатурани ўз молимиз деймиз, сизнинг «ўғри ушлаш» нуқтангизга қўшилишимиз ҳам «бу тип Кавказ туркларида ҳам бор экан» дейишдадир».

А. Қодирий «Мехробдан чаён»да ҳам худди «Ўтган кунлар»даги каби ҳаёт ҳақиқатига содиқ қолади ва ҳар бир нарсага ҳалқ кўзи билан қарайди, унинг қалби билан тинглайди ва шу ҳалқнинг миллий характери тўғрисидаги мавжуд тасаввурига суюнади. Романнинг кириш қисмida ёзувчининг ўзи номарғуб ва марғуб қаҳрамонларни тасвирилашдан мақсадини айтади ва камбағалларнинг «хонлик тузилишига, қора куч — уламо алайхига чиқиши, меҳнаткаш камбағалларнинг ахлоқи, сажиаси, оиласи, турмуши ва бир-бирига алоқаси самимияти»ни беражагини таъкидлайди. Ёзувчи ўша ҳаётни «тарихнинг ҳазми кўтарганча» бериб, сохталиктан қочганини айтиб, эътиборни қуйидаги миллий ҳаёт нуқталарига қаратади: «Шу икки синф курашини тасвир қилиш воситасида хон ҳарами, хотинлари, қирқ қизлар, тарихий ва этнографик лавҳалар, ўзбек ҳаёти, қизиқчилиги, танқидчилиги, ўзбек хотин-қизлари орасидаги истеъдолли шоирлар, асқиячилик ва бошқа яна кўп нуқталар қамраб олинди. Ёзувчи романда бутун миллий ҳаёт тасвирини одил ҳукмдор фалсафасини, инсонпарварлик, эркпарварлик фалсафасини ифодалаш учун хизмат этиради, ёвузлик, риёкорлик, адолатсизликни, пасткашликни фош этишга йўналтиради. Анвар қайнотасининг илтимосига кўра мулла Абдураҳмонни ўрдага ишга олдирган эди, фисқу фужурни авж олдиргани учун кейинча уни саройдан узоқлаштиради. Мулла Абдураҳмон

Анвардан ўч олиш учун саройда ҳукм суреб келган разил одатдан фойдаланади, яъни Раъонни хонга мақтаб, хотинликка тавсия этади. Икки ёш тақдиридаги алғовдалғовлик шундан бошланади.

Романда ўзбек достончилиги анъанаси руҳида Анвар — Раъно ҳаёти уларнинг болалигидан бошлаб тасвиirlанади, бу Тоҳир — Зухролар саргузашти ва тақдири хонлик тузумининг чиркин манзарасини тұлалигича очиб ташлайди. Шарқ адабиётида, шу «Тоҳир — Зухро» каби ҳалқ достонларида, Навоийнинг «Лайли ва Мажнун», «Фарҳод ва Ширин» достонларида, шунингдек Низомий ва Жомийларнинг шу типдаги достонларида ошиқ-маъшуқлар висолига ғов бўлган ҳажр-ҳижрон инсон севгисини синовдан ўтказувчи, тобловчи ва шахсни камолотга етакловчи куч сифатида тасвиirlанган. А. Қодирий «Ўтган кунлар»да ҳам, «Меҳробдан чаён»да ҳам масалага шу тахлитда ёндашади. Ёзувчи «Меҳробдан чаён»да ўз қаҳрамони тилидан «Ишқ давоми овом ўйлагунча васл эмас — ҳажрdir. Зоро, васл ишқ ўтин сўндирувчи, ҳажр эса камолотга эриштирувчидир», дейди. Анвар ҳам, Раъно ҳам ўткир зеҳнили, илмли, шоиртабиат, одил, юксак дидли ёшлардир. Ёш, етим йигитчанинг бош мирзоликка кўтарилиши ҳам бежиз эмас. Раъно «шесърий бир ҳусн» эгаси, «фазл ва заковатда ҳам ўтган хон замонлари асрининг нодир учрайтурғон ягона фозила қизларидир». Хон уни Анвардан тортиб олаётганда эртаклардаги қизлардек жасорат кўрсатади. Ёзувчининг ўзи «Раъонининг жасорати, хонга қарши исёни, ҳатто маъюс қолган Анварни йўлга солиши ўз замонаси учунгина эмас, бизнинг ҳозирги асримиз учун ҳам лойиқи таҳсин ва Раъно ёш қизларимизга ибратдир», дейди. Анвар ҳам ҳақиқат учун фидойиларча курашувчи инсон даражасига кўтарилади. Анвар дўсти Султоналини ўлимдан қутқариш учун ўз бошини жаллод куниласига қўяр экан, бу жасоратни ёзувчи ўрда аҳли «мужассам бир виждон, тоғюрак бир йигит ва ўлим сари кулиб келувчи бир арслонни ўз тарихида биринчи маротаба кўрди ва тонг ажабда қолди. Бу улуғ жасорат бир неча дақиқаларгача зулм итларини сукутга солди», деб таърифлайди.

Ёзувчи ўз қаҳрамонларини мана шундай күтаринки, шоирона услубда, қуюқ, ёрқин бўёқларда — романтик пардада тасвирлайди. Ислим жисмига мос Раънога рамзийлик маъносини ҳам юклайди. Раъно сўзи ва қиз тақдири ўша тузумни гўзаллик душмани тарзида талқин қилишга кўмак беради. Хон томонидан Анвар севгилисинг тортиб олинаётганилиги воқеасини ёзувчи «Шу дамда фалокат бир неча кун ичиди Раъно гулини сўлитаёзди», деб талқин қилади. Бу ерда асл маъносидан кўра рамзий маъносига кўпроқ ургу берилмоқда.

А. Қодирий романларидағи миллий руҳ ташқи томондан жуда оддийгина бўлиб кўринган нуқталарда, масалан, ҳатто қаҳрамонларнинг бир-бирига мурожаатларида ҳам яққол кўриниб туради. Инглиз, француз, немис халқарида одамлар бир-бирига мурожаат этганда кўлланадиган маҳсус сўзлар бор (мисс, мистер каби). Рус ти-лида бундай анъана йўқ (гражданка — гражданин, мужчина — женщина, деб чақирилади). Ўзбеклар орасида жинси, ёши, мавқеига қараб мурожаат этадиган сўзлар жуда кўп, А. Қодирий ўз романларида бундай сўзлардан кўп ва ўринли фойдаланади. «Ўтган кунлар»да бегим, бек ака, жиян, опа, сингил, амаки, ака, бекачим, мулла ака, уста ака, фуқаро каби сўзлар учрайди. «Мехробдан чаён»даги «Шу тўғрида жанобингиз Мирзо Анвардан тўйга уринишимиз учун бир калима жавоб олиб берсангиз, «Тақсиirimda ожиза борлигини пушти ианоҳ эшиитган эканлар», «Бундан сўнг қўқонлик Миён Фазл Ваҳҳоб ҳазратга эрга чиқди», «Йўқ, тақсирип — деди деҳқон, — тақсиirim шу қофозни питиб бердилар» каби жумлалардаги сўзларда қанча иззат-хурмат бор.

Мазкур кузатишлардан мълум бўлиб турибдики, А. Қодирий асарларидан ўзбекнинг ҳиди келиб туради, ўзбек руҳи жўш уради, ўзбек куйи жаранглайди. Туркистон табиатининг барча ранглари жилоланади. Ўзбек тилининг бутун жозибаси ловуллаб туради. Ўзбек бадиий тафаккур тарзи ярақлаб кўринади, унинг адолатпарварлик, эркинлик, инсонпарварлик, дўстлик туйгулари мавжуланди, одоби, шарму ҳаёси, меҳр-оқибати, фурур ва сурурни, мардлиги, ватанпарварлиги акс этади. Бу фазилатлар

А. Қодирийнинг халқ ҳаёти ва руҳига жуда яқинлиги, унинг тарихи ва тақдирига астойдил куюнганлиги, унинг сиёсий-иқтисодий ва маънавий камолотига, ўз-ўзини англашига дил-дилидан қайғурганини ҳамда ўзбек халқи турмушининг қайта қурилиши, фориғланиши, саодатлашига халақит берувчи ёмонликларга чексиз нафратидан туғилгандир.

ЧҮЛПОН (1897— 1938)

Чүлпон XX аср ўзбек шеъриятининг энг йирик вакили. У ўткир шеърияти, юксак таржималари, кучли драмалари, мумтоз романни ва қуюнчаклик билан ёзилган публицистик мақолалари ҳамда жанговар ижтимой фаолияти билан ўзбек адабиёти, ўзбек маданияти ва ўзбек миллый тафаккури ривожига ўзининг улкан ҳиссасини қўшиди. Адабиётга маърифатпарвар сифатида кириб келган Чүлпон озодлик, тенглик, адолат, мустақилликнинг кўрқмас куйчиси ва зуми, ёвузлик, босқинчилик, талончиликнинг ашаддий душмани сифатида шуҳрат қозонди, ҳатто, «чўлпончилик» деган йўналишнинг сардорига айланди (совет мағкурачилари «чўлпончилик» иборасини аслида салбий, яъни «миллатчилик» маъносида қўлланган, ҳақиқатда эса у миллатпарварлик, адолатпарварлик тушунчасини ифодалаган).

Чўлпон шоирнинг таҳаллуси бўлиб исми-фамилияси Абдулҳамид Сулаймоновдир. У 1897 йилда Андижон шаҳрининг Қатортерак маҳалласида дунёга келди. Шоирнинг синглиси Фоиқа ая, «Абдулҳамиднинг йили сак эди, демак, 1898 йилда туғилган», дейди. «Садои Туркистон»-нинг 1914 йил 18 апрель сонида Абдулҳамид имзоси билан «Туркистонлик қардошларимизга» ва 24 сентябрь сонида «Маорифпарвар» бобомиз муҳтарам Исмоил Гаспиринский ҳазратлари ҳақида таъзияномамиз» деган шеърлари босилади. Биринчи шеър остига Абдулҳамидни 15 ёшда, иккинчи шеър остига 16 ёшда, деб қўйилган. В. Ян томонидан «Катта совет қомуси» учун ёзилган ма-

қолада (улар дўст бўлишган, мақоладаги далилларни бевосита Чўлпондан сўраб ишлатган) ва НКВД ҳужжатларида 1897 йилда туғилган дейилган.

Чўлпоннинг отаси Сулаймон Мулла Муҳаммад Юнус ўғли ўз даврининг илғор, ўқимишли зиёлиси бўлган. У аввал деҳқончилик билан шуғулланган бўлса-да, кейинча савдо-тижорат ишлари билан машғул бўлган, Сулаймон баззоз деб ном чиқарган. Гарчанд у руҳоний бўлса-да, жаҳолатга қарши турган, вақтли матбуотни мунтазам ўқиб борган, шеърлар битган, ғазалларига «Расво» таҳаллусини қўйган. Абдулҳамидни ҳам мулла қилмоқчи бўлади, эски мактабда, сўнгра мадрасада ўқитади. Бўлғуси шоир рус-тузем мактабида таълим олиб, рус тилини ўрганади. Абдулҳамиднинг онаси Ойша аянинг саводи бўлмаса-да, ўткир зеҳнли, халқижодини яхши билган шуурли аёл бўлган. Чўлпон ўша вақтда Тошкентда, Самарқандда, Қозонда, Бокуда ва Туркияда чиқиб турган газета, журналларни ўқиб борган. Исмоил Гаспиринский, Маҳмудхўжа Беҳбудий, Абдулла Авлоний, Ҳамза, айниқса, Фитрат асарларини, уларнинг ижтимоий-сиёсий қарашларини ўрганади, улардан руҳланади. «Улуғ ҳинди» мақоласида ёзишича, Чўлпон, Навоий, Лутфий, Ҳусайн Бойқаро, Машраб, Умархон, Фазлий, Фурқат, Муқимийдан тортиб Боту, Файратий, Олтой, Ойбек, А. Қодирий, Авлоний, Тавалло, Сиддиқий, Ҳамзагача ҳар хил даражадаги ва йўналишдаги ижодкорларни, шунингдек Тўқай, Ҳ. Жовид, Алиф Сайфи, Ризо Тавфиқ, Яхё Камол, Тагор каби ҳинд, озарбайжон, турк, татар ёзувчиларини ўқийди-ўрганади. Булардан Ризо Тавфиқ, Яхё Камол, айниқса, Тагор дилига яқин туюлади.

Чўлпоннинг сиёсий онги, ижтимоий қарашлари ва миллий бадиий тафаккурининг ўсишида унинг ижтимоий ҳаётда фаол иштироки муҳим аҳамиятга молик бўлди. Барча вақтли матбуотларда ўз мақолалари, фельетонлари, шеърлари билан иштирок эта бошлайди. Аҳмад Закий Валидий Чўлпоннинг 1917 — 1918 йилларда Бошқирдистонда ҳукумат раисининг котиби бўлиб ишлаганини айтади. 1919 йилда Фарғонада чиқадиган «Янги Шарқ» газетасида ишлайди. 1921 — 1922 йиллар-

да «Ахбори Бухоро» газетасида муҳаррирлик қилади. 1923 йилда Андижонда «Дарҳон» газетасида масъул муҳаррир ўринбосари бўлиб ишлайди. 1924 йилда Москвада ўзбек маориф уйида ўзбек театр студияси ташкил этилди. Унда А. Ҳидоятов, Л. Назруллаев, Уйғур, Е. Бобоҷонов, М. Муҳамедов, С. Эшонтӯраева каби ёшлар таълим олишган. Чўлпон шу студияда раҳбар, адабий эмакдош сифатида ишлаган, «Ревизор», «Маликаи Турандот» асарларини таржима қилиб берди ва ўзбек артистлари уларни саҳналаштириди. Студия талабалари 1927 йилда ўқишини тамомлаб Тошкентга қайтишди. Москвада катта ижодий муҳитда сиёсий онги ва эстетик диди ўсиб, камол топиб келган Чўлпон большевиклар учун янада хавфлироқ туюла бошлади. 20-йиллар бошларида Чўлпонга қарши бошланган кураш энди авжига чиқди, матбуотда кетма-кет уни миллатчидан олиб миллатчига солишиди. Олим Шарафиддинов «Чўлпон йўқсул халқнинг шоири эмас. У — миллатчи, ватанпараст, бадбин зиёлиларнинг шоиридир», деди. 1927 йил 4—5 октябрда Ўзбекистон маданияти ходимлари II қурултойи бўлади, унда Чўлпонни ҳатто Акмал Икромов ҳам танқид қилади, қурултойдан у ҳайдаб чиқарилади. Чўлпон шу қурултой раёсатига мактуб ёзиб, «ўз хатоларимга ўзим тушундим. У ёзган нарсаларим ва сўзлаган сўзларим камбағал ва йўқсуллар душманларининг фойдасига хизмат қилганини билдим», деб йўқ айбини бўйнига олади ва театр соҳасида ишлар қилиб «айбини ювишга» ваъда беради. 1928 йилда «Замона хотини», яъни «Муштумзўр» пьесасини шу ваъдасини устидан чиқиши учун ёзган эди.

Чўлпонга бўлган хуруж, тазиқ кучайса кучаядики, лекин сусаймайди. У Файзулло Ҳўжаев маслаҳати бўйича 1932 йилда Москвага кетади ва у ерда СССР Халқ Комиссарлари Кенгашида таржимон бўлиб ишлайди. Чўлпон 1923 йилда Солиҳа деган қизга уйланган эди, шоир ўзидан фарзанд бўлмаслигини аниқлаганидан сўнг унга жавоб беради ва 1932 йилда Москвада Екатерина Ивановна деган аёлга уйланади. Солиҳа бошқага турмушга чиқиб, тўққиз фарзанд кўради.

Чўлпон шеър ёзадими, пьеса ёзадими ёки романми — нима ёзса, матбуот уни дўппослайверади. Ҳатто унинг маҳорат билан таржима қилган «Ҳамлет» ёки «Она» романларини ҳам қадрламайдилар. 1937 йил 7 — 8 апрелла Ўзбекистон ёзувчилар Уюшмасининг мажлиси бўлади. Чўлпон сўзга чиқиб имкони борича меҳнат қилиб, янги асарлар ёзгани, кўплаб таржималар қилгани, бироқ улар адолатсизларча танқид қилинганини айтиб, «мен миллатчи эмасман», дейди. Бу вақтда Чўлпон Ҳамза театрида адабий эмакдош эди. «Муштум»да ҳам адабий ходим эди. Чўлпон совет тузумини, компартияни, Ленинни мақтаб «Соз» тўпламини чиқарди, «Жўр» тўпламини нашрга топширди, «Кеча ва кундуз» романнида ўтмишни фоиҳ этди, «Борис Годунов», «Она» каби асарларни таржима қилди, «Замона хотини» пьесасида аёллар озодлиги масаласини ҳимоя этди. Лекин уринишлари уни фожиадан сақлаб қололмади. 1937 йилда уни ҳибсга олишиди, 1938 йил 4 октябрда отиб ташлашиди.

Чўлпонда ижод туйғуси эрта уйғонди. Ҳали талабалик йилларида ёк унинг шеър, мақола, фельетон ва ҳикоялари матбуотда кўрина бошлайди. 1914 йилда унинг «Бизнинг ҳалқ» шеъри, «Курбони жаҳолат» ҳикояси, «Дўхтур Муҳаммадёр» ҳикояси («Садои Туркистон») ва «Мадрасаларимиз аҳволи» («Садои Фарғона»), «Мактаб» («Садои Туркистон») каби мақола, хабарлари босилди. Буларда маърифатпарвар ёзувчи сифатида кўринади. Чўлпон бадиий адабиётнинг вазифаси ҳалқни жаҳолат уйқусидан уйғотиш, жамиятнинг ривожига ва инсон баркамоллигига халақит берувчи иллатлардан ҳолос бўлиш — руҳий, маънавий форигланишдан иборат деб билди. У «Садои Туркистон» газетасининг 1914 йил 15-сонида босилган «Адабиёт надур?» мақоласида «Бас, масала бу тариқ экондур, ҳаётимизнинг бетўхтов ҳаракат қилиб турмоғи учун сув, ҳаво нақадар зарур бўлса, кундалик майшатимиз йўлида руҳимиз ва вужудимизни заҳматкаш фалакнинг қора кирлари, аччиқ қурумларидан ювиб турмоқ учун адабиёт шу қадар зарурдир», дейди. «Қор қўйнида» ҳикоясида қари чолга учинчи хотин қилиб берилган ўн стти яшар Шарофатнинг қора куни — қора тақдирини кўрса-

тади. Тўй бўлиб ўтган кўчани «қол-қоронги жимжит бир гўристон», «бу кечада худди эшон бобонинг кўнглидек бўлиб қолган», деб таърифлайди. Мамат қоровул бу фожиали ҳолни «Дунё ўзи шу қадар тескари дунё экан... лоланинг устига қор ёғди», дейди. Чўлпон ижодига фожиали мавзу шу ҳикоясидан кириб келди ва охир-оқибатда ижодининг ўқ томирига айланди. Фожиали вазият, фожиали муҳит ва шароит, фожиали қаҳрамонни тасвирлаш унинг шеъриятию, ҳикоя, пьеса ва романининг марказий масаласига айланди. «Курбони жаҳолат»ни ёзганда Беҳбулийнинг «Падаркуш» пьесаси юртда жуда машҳур эди. «Падаркуш» фарзанднинг ўғирлик йўлига кириши ва оқибатда ўз отасининг қотилига айланишининг сабаби жаҳолат ва илмсизликка боғланган эди, бир ўринда қурбони жаҳолат бўлди, дейилади. Чўлпон ҳикоясида ҳам ўғрилик қилган йигит, унинг касофатига айбисиз йигитнинг ўзини ўлдириши ҳақида ҳикоя қилинади. Шу жаҳолат қурбони Эшмурод «Биз одам бўлмаймиз... Битамиз... Инқироз бўламиз... Оҳ жаҳолат. Жаҳолат, битдук, битдук. Ўлдук... тирилмайман...», деб фикрлайди. Чўлпон кейин ҳам «Ойдин кечалар» (1922), «Новвой қиз» (1927) каби ҳикояларни ёзди. Булар бадиий жиҳатдан пишиқ. Аммо илк катта ҳикояси «Дўхтур Мұхаммадёр» ҳикоясида қолоқлик, жаҳолат танқид қилиниб, илм орқали баҳт-саодатга эришиш мумкинлигини кўрсатувчи бу ҳикоя эса бадиий жиҳатдан суст. Унда публицистик тафаккур устун, ёзувчиғояси қаҳрамон тақдирига, образ мағзига сингдирilmagan. Албатта, бу ҳикоя Чўлпон ижодининг илк даври, илк босқичига мансуб.

Дарвоқе, Чўлпон ижодий йўлини бир неча босқичга бўлиш мумкин. Ҳаётдаги воқеалар таъсирида унинг дунёқараши, нуқтаи назарида ўзгаришлар юз бераб турди. Биринчи босқичи ўша маърифатпарварлик, жадидчилик руҳидаги асарларини ўз ичига олса, иккинчи босқичи Октябрь тўнтириши кунларида ёзган шеърларидир. Чўлпон Октябрь инқилоби халққа орзу қилинган озодликни, тенгликни, мустақилликни беради, деб умид қилди ва ишонди. Унинг «Қизил байроқ» (1917), «Шарқ нури», (1918), «Қизил байнамилал» (1920) каби шеърлари шу руҳга

йўғрилган. Кўп ўтмай ўйлаган орзулари сароб бўлиб чиққанлигини англади. Юртла мустамлакачиликка қарши озодлик ҳаракати авж олди. Чўлпон бу курашдан фоят руҳланди, зулм, босқинчилик, тенгсизликни фош этиб, чин озодликка чақирди. «Пўртана», «Ёруғ юлдузга», «Тортишув тонги», «Халқ», «Мен қочмадим», «Бузилган ўлкага» (булар 1920-1921 йилларда ёзилган шеърлар бўлиб, шу йўналишдадир). Тўртинчи босқичдаги шеърлари 1921-1923 йил ўрталарига тўғри келади. Бу даврда босмачилик ҳаракати мағлубиятга учрай боради. Шундан сўнг Чўлпон «Амолимнинг ўлими», «Ёнгин», «Кураш», «Виждон эрки», «Кўзгалиш», «Кўнгил», «Бас энди» каби шеърларини яратади. 1923 йилга келиб Туркистонда «босмачилик» ҳаракати тор-мор этилади, шу туфайли Чўлпон руҳий таслим йўналишидаги шеърларини ёзади. «Сомон парча», «Хазон» (1923) шеърлари мана шу бешинчи босқичга доир. Шоир ижодининг олтинчи босқичи эса, унинг совет позициясига ўтиши, «қизиллашиши» давридир. «Созим», «Мен шоирман», «Ўн олти», «Октябрь», «Яна олдим соғимни», «Янги мен» каби шеърлар ана шу руҳдаги асарлардир.

Ҳақиқий ижодкор яратган образларда қалбининг таржимаи ҳолини ҳамда у мансуб бўлган халқнинг ҳаёт йўлини ўқиши мумкин. Агар Чўлпон образларига назар ташланса, Октябрь инқилобига болаларча самимий ишонишидан туғилган романтик шеърларидан тортиб, то умидларининг сароб бўлиб чиққан пайтларидаги мунгли, фожиавий руҳдаги шеърларигача, халқни ёвдан ўч олишга, эзгу ният учун жонини қурбон қилишга чорловчи ва ниҳоят руҳий тушқунликка тушган муҳит, замон — тузум ҳукмига таслим бўлган онларидаги кайфијати — ҳолатигача билиш, сезиш мумкин. Чунки Чўлпон ўзини халқнинг бир зарраси, унинг дилининг ифодачиси ва унинг халоскори деб ҳис этар эди. У ниҳоятда таъсирчан, эҳтиросли, қайноқ, ёниқ шоир эди. Унинг ўз ибораси билан айтганда, «туйғуси сел шоир» эди, инсоннинг «руҳига кириш»га мувваффақ бўларди. Чўлпоннинг ҳамлеюна руҳдаги — «Улуғ, қаттиқ ағдарувчи бир кураш. Ё бор бўлиш, ё йўқ бўлиш: йўқ яраш», деган

мисралари эътиборга лойиқ. Чўлпон ўз виждонини «илоҳий виждон», севгисини шунчаки муҳаббат эмас, балки «илоҳий муҳаббат», дейди, юртини, халқини шунчаки яхши кўрмайди, балки «фақат Мажнун бўлиб севади» ва «бошимни у учун дорга қўйман», дейди, душманинг қудратини ҳам яхши билади ва шунинг учун «улуг ёв» дейди. Чўлпон воқеликдан, ҳаётдан қандай қаттиқ таъсирангган, қандай ҳолатга ва кайфиятга тушган бўлса, айтайлик ё қаттиқ қаҳрланса, ё чексиз изтиробга тушса, ё руҳи инқилоб қилса, шу ҳолатини, шу кайфиятини борлиғича шеърга кўчиришга эришади. «Мен шоирми?» шеърида «Шундай гўзалликни, аттанг, агар мен рассом бўлсан эди, чизиб берардим», «ҳар бир тушунчамни ёза олмагач, рассомдек хаёлга чиза олмагач», «шоирлик менда бир соями дейман», дейди. Аслида Чўлпон инсоннинг руҳий ҳолатини равshan чизиб берувчи, ҳар бир тушунчанинг ҳам суратини ола билувчи буюк рассомдир. Шеърларининг ўқувчини сехрлаб, мафтун қилиб қўйишининг боиси шу ерда. Унинг аксарий шеърлари ё ўзининг — «Мен»нинг бевосита дардини изҳор этади ёки кўпроқ иккинчи шахсга қаратилиб, ҳам унинг, ҳам сўзловчининг руҳияти, кайфиятини ифодалайди. Шунинг учун очиқ, самимий, рост ва тоҳ сўроқ, тоҳ мурожаат, тоҳ ундов, тоҳ сұхбат оҳангини олиб туради. Такрор ва синонимлар, ҳар хил таъкидларнинг кўплиги ҳам шу туйфуни, ниятини мукаммал бермоғидан, «Қиз қўшиғи» шеърида банднинг бешинчи мисрасида «Қора кунлар тушди менинг бошимга» деган жумланинг фақат биринчи сўзи алмаштирилиб, ҳар сафар такрорланиб келади (ёмон, оғир, қийин, қонли, ўтли, ёрсиз кунлар тушди менинг бошимга) ва қиз ҳолатини бор бўйича гавдалантиради. «Қизил байроқ»да, «Энди қора яқин келмас нурлар сачраттган оққа», деган мисра бор. Чўлпон зулмини, адолатсизликни, тенгсизликни, бахтсизликни қора рангда ва эзгулик, поклик, бахтиёрлик, адолатни оқ рангда идрок этади. Бу шеърни ёзган пайтида Октябр инқилоби халқни қора кундан — ўтмишдан, бахтсизликдан халос этди, деб тушунган эди. Кўп ўтмай бу шодлиги шунчаки бир сароб, хаёл бўлиб чиққанини сезади

ва Энди ўзбек халқининг қайтадан баҳтсиз бўлиб қолганини ифодаловчи «кўланка», «булут», «парда», қисқаси «қора» образи янгича маънода фаоллашади, бу образлар то «Кеча ва кундуз» романни ёзилгунча шу маънода қўлланади. Бу роман ёзилган пайтда Чўлпон руҳий енгилган, совет тузумига таслим бўлиб, яна ўтмишни қоронғу, яъни кеча тусида идрок этишга мажбур бўлган эди. Чўлпон романни «Кеча ва кундуз» деб, «Кеча» қисмидаги ўтмишнинг қоронғу манзарасини чизган бўлса (ёзувчилик таланти билан чоризмнинг мустамлакачилик башарасини ҳаққоний очган ва ўзбек халқи орасида миллий уйғониш юз берәётганини кўрсатган бўлса), ёзилмаган ёки ёзилган бўлса-да топилмаган «Кундуз» қисмидаги, эҳтимол, халқнинг Октябрь инқилобидан кейинги ҳаётини баҳтиёр кўринишда бермоқчи ва шу йўл билан ўзини таъқиб-сиртмоқдан сақлаб қолмоқчи бўлганадир. Чўлпон «Кеча» романидаги ўша тузумни «сиқиқ муҳит», «кишанли жамият», «қоронғи муҳит» дейди, бир қаҳрамони «кеча-кундуз ишлаб қорнинг тўймаса, бу қандай замон бўлди?» дейди. Чўлпон «Қизил байроқ» шеъридаги Октябрь инқилоби халқнинг қора кунини ёруғ қилди, деган фикрдан тезда қайтади: юртда авж олган талончилик, қирғин, бузғунчилик, адолатсизлик, тенгсизликни кўргандан кейин икки ўт ичидаги қолади, ўртагади, ёнади, йигелайди. Энди «ўшал эски, жароҳатли қалбини сатрларнинг наштари-ла тилади», «йиғловчи чолгувлари-ла» ўша фожиали муҳитни таҳдил қиласиди:

Бир кўз йўқми қонли ёши томмаган,
Бутун кўнгил умидсизми, синиқми?

(«Ёнғин»)

Ёки:

Кўз ёшимда ювсам
Юртнинг бағрини,
Тилим билан сўрсам
Оққан қонини...
Қонли кунлар тушди менинг бошимга.

(«Қиз қўшиғи»)

Чўлпонни ўша 20-йиллари йиғлоқи шоир, деб тилини қисишиган, ижодини бўғишган. Ёнаётган юртини кўриб туриб, халқ бошига тушган катта фожианинг гувоҳи бўла туриб, фожиавий шеърлар ёзмасдан иложи йўқ эди.

Чўлпон Тагор тўғрисидаги мақоласида унинг бошига тушган кулфатни — аввал биродарининг хотини, кейин ўзининг хотини, икки қизи, икки ўғли ва отаси ўлганини айтиб туриб, бундай дейди: «Тагорга ўлимнинг зарбаси ҳам жуда қаттиқ бўлғон. Шунинг учун унинг асарларида ўлим тўғрисида кўп учратиларди». Мана, Чўлпон ўз кўз ёшларининг сабабини — ижодининг фожиавий пардада бўлғанлигининг сабабини қандай равшан очиб беради. Чўлпон халқни бир жигаридек ҳис этган ва унинг фожиаларини ўз бошига тушган фожиа деб билган. Чўлпон «Менинг ўйимми қора? Ёки юрт кўқида булат?» «Йўқса унга мангуликми қора тун?» дейр экан, ўз танқидчиларига жавоб бергандай бўлади, яъни уни йиғлатган юртдаги аҳвол эканлигини таъкидлайди. Шоир зулмга бутун халқ қаршидир, яъни «халқ истаги: озод бўлсин, бу ўлка, кетсин унинг бошидаги кўланка» дейди. Чўлпон халқни озодликка, мустақилликка чақирувчи жарчига айланади: янги тузумни бир кишан ва халқимизни қул тарзида идрок этади.

Тириксан, ўлмагансан,
Сен-да одам, сен-да инсонсан,
Кишан кийма,
Бўйин эгма,
Ки сен ҳам ҳур туғилгансан.

(«Қўнгил»)

Чўлпоннинг «Гўзал Фаргона», «Бузилган ўлкага» шеърлари шу қадар халқ орасига кенг ёйилдики, унга шу қадар катта руҳий мадад бердики, совет тузумининг ҳимоячилари бу асарга қарши қанчадан-қанча шеърлар, мақолалар ёғдиришиб (Файратийнинг «Тузалган ўлка» каби). Бироқ шеър озодлик мадҳиясига айланиб кетди. Боймирза Ҳайит бундай ёзади:

«Миллий қўмита (Олмонияда тузилган Миллий Туркестон Миллий қўмитаси — С.М.) Чўлпоннинг «Гўзал

Фарғона» шеъри ва унинг куйи асосида бироз ўзгартиш билан миллий Туркистон миллий маршининг пайдо бўлишига ташаббусчи бўлди. Бу «Гўзал Туркистон» бугунги кунда чет мамлакатларда яшаган муҳожирларимиздан бугунга қадар ажралмаган севикли бир миллий куй бўлиб хизмат этмақдадир...»

Чўлпоннинг образлари орасида «бўри», «қарға», «бой-қуш», «шайтон» каби рамзлар тез-тез учраб туради. Қаранг: «Бўрилардан омон кутмак тентакларнинг ишидир», «Кўнглим каби йиқиқ уйлар, қишлоқлар бойқушларга бузуқ кўксин очганми?». Бу образлар остида шоир рус халқини эмас, балки рус босқинчиларини, большевикларни, чоризм сиёсатини давом эттирувчиларни фош этмоқчи. Чўлпон рус халқи, рус адабиёти ва маданиятини фоят севар, қадрлар эди: рус тилини зўр билган, рус ёзувчиларининг шоҳ асаларини ўзбекчага афдарган, рус аёлинига уйланган. «Кеча ва кундуз» романидаги рус аёлининг ижобий образини яратган ва ҳ.к.

«Аслида большевизм Чор Русиясининг Туркистон сиёсатини мураккаб равишдаги давомидир, — деб ёзади Боймирза Ҳайит. — Биз бу ерда нима учун бундай фикрда бўлмоқдамиз, дейилган саволга жавоб бериш ўрнига муъжоҳид ва шаҳид шоиримиз Чўлпон шеърларидан бир байтини хотирласак, масала аниқ бўлса керак, деб ўйлаймиз: Чўлпон шундай ёзган эди:

На исёи, на тўлқии, на тўфон, на ўт.
Кўзимда оғир бир таслим нури бор.
Эй ўтли кечмишим, юзингни беркит,
Сенда шайтонларнинг ҳақсиз зўри бор.

Миллатимиз Чўлпон орқали билдирилган туйғуни кўп вақтдан бери англаган эди. Миллатимиз шайтонларнинг зўрлигидан қутулмоқ йўлига кирди. Туркистон Русияни истило этмади, аксинча Русия Туркистонни ишғол этди. Бунинг билан икки халқ орасида тарихий рақобатлар бошланди. Рус миллати империалист эмасдир. Аммо унинг империалистик табиатини ташиған вакиллари бутун дунёдаги империализмнинг устозларидир. Русиянинг шундай бир тўдаси Русиянинг ҳам ҳокимиmdir. Туркистон Руси-

янинг Салтиков-Шчедрин айтганидек «абадий ейдиган, лекин тўймаган» («вечно жиরюющих, но не сытых») табиатидан қутулмоқни истайди. Туркистон ҳеч бир вақт рус халқининг душмани бўлмагандир».

Чўлпон худди шу позицияда турди. Чўлпон ҳам рус халқининг душмани бўлмаган, аксинча унинг маданиятини, эркинлик руҳини ўзбеклар орасида тарғиб этган. Аммо босмачилик даврида золим большевик руслар элни шафқатсиз қирди, талади. Туркистон Халқ Комиссарлар Кенгашининг раиси К. Отабоев 1922 йил 18 июлда Туркистон коммунистларининг тўртинчи пленумида қилган докладида Кўқонга дашноқлардан тузилган отряд юборилганини айтади. Улар савдогарлардан тортиб шаҳарнинг оддий косибларигача ҳаммасининг бор-будини тортиб олади, ўзларини отиб ўлдиради, мачит-мадрасаларни, Қуръони Каримни ёндириб юборадилар, ҳатто намоз ўқиётгандарни ўққа тутадилар, хотин-халажларни зўрлайдилар, қози-уламоларни ҳибсга оладилар, дехқонларнинг овқатидан тортиб уруғликларигача ҳаммасини тортиб оладилар. Шу туфайли «бутун омма совет тартибига қарши қўзғолон кўтарди», дейди Отабоев. Чўлпоннинг большевизмга, рус босқинчиликларига қарши исёни қонуний ва адолатли эди:

Қўлимда сўнгги тош қолди,
Ёвимга отмоқ истайман.
Кўзимда сўнгги ёш қолди,
Амалга стмоқ истайман.

Бу қаҳрамон, жасур шоирининг рост сўзлари эди. Ҳаёт, воқелик шу қадар қайноқ, алғов-далғовли эдикি, бу ҳолат Чўлпон шеърларида «денгиз», «тўлқин», «пўртана», «қиёмат» каби образларни туғдирди. «Қанот» образида эса эрксизлик ва озодлик учун интилиш туйғусини беради: «Менда қанот бор, лекин боғланган», «Чарчаган қанотим куч сезди» дейди. Шоирнинг «чечак», «кўклам», «бахор», «гул» образларида ҳам унинг олий орзу-армони — озодлик, мустақиллик туйғуси ётади. Маҳмудхўжа Беҳбудий хотирасига ёзган шеърида «Азиз отам, қўлимдаги гулларнинг мотам гули эканини билмайсан, шодлик гули

кўпдан бери сўлганин», дейди «Кўклам билан юргимга ҳам бир кўкариш келсайди», деб орзу қилади. Шоирнинг «тилак юлдузи», «нажот юлдузи», «чиқадиган қўёш» иборалари остида ҳам унинг умиди ётади.

Чўлпоннинг қалби, орзу-армони шеъриятигагина эмас, балки бутун ижодига синггиб кетган эди. Ҳатто «Ҳамлет» ёки «Она» романни таржимасида ҳам Чўлпоннинг эрк, адолат, одамийлик ва ҳақиқатга бўлган чексиз ташналиги мавж уради. Зероки, бундай асарлар худди шундай рух билан Чўлпонни мафтун этган эди.

Чўлпон ўнлаб драмалар ёзди, кўплари ўз вақтида саҳналаштирилди. Афсуски, уларнинг талайгинаси босилмаган эди, қўлёзмалари ҳам йўқ бўлиб кетган. «Бой», «Ҳалил фаранг», «Чўпон севгиси», «Чўрининг исёни», «Узун қулоқ бобо» каби саҳна асарларини ёзган. «Ўртоқ Қаршибоев» пьесаси қўйилганда матбуотда қизғин мунозаралар бўлган. «Ёрқиной» пьесаси нашр этилган, 1992 йилда Чўлпоннинг «Замона хотини» (ўз вақтида «Муштумзўр» сарлавҳасида саҳналаштирилган) асари топилиб нашр этилди. Чўлпон В. Яннинг «Хужум» пьесасини ўзбек тилига таржима қилиш ва қайта ишлаш, тўлдириш орқали ҳам ўзбек театри шуҳратини Москвада ёйилишига ўз улушини қўшди (1930 йилда Москвада ўзбекистонлик артистлар уни намойиш қилди ва ижобий баҳоланди). В. Ян ўз «Кундалиги»да «Хужум»ни биз Чўлпон билан бирга ёзганмиз», деб таъкидлаган. Асар тили фоят жозибали, ҳалқ қўшиқларига бой, ҳазил, мутойиба, аскиялар сингдирилган унга. 1921 йилда саҳна юзини кўрган «Ёрқиной»ни танқидчилик найза билан кутиб олган ва ҳатто «бугундан бошлаб пролетариат саҳнасидан қўтариб ташлансин», деб ҳукм қилинган эди матбуотда. Аслида эртак асосида ёзилган бу асарда зулм, адолатсизлик, эрксизлик, қонхўрлик қаттиқ танқид қилиниб, унга қарши фаол курашган одамлар улуғланган, адолатли, фозил тузум, адолатпарвар шоҳ, чин севги-садоқат идеали олға сурилган эди. Ёрқиной ва Пўлатлар адолат учун курашчилар тимсоли сифатида берилади. «Замона хотини» (1928) пьесасида аёллар эрки ва уларнинг жамиятни бошқаришдаги иштироқи масаласи қўтарилган бўлса-да, асар моҳиятида адолатли

тузум, ҳақиқатпарвар ва инсонпарвар жамият орзуси ётади. Бош қаҳрамони Раҳима хола тили орқали Чўлпон «Билингки, ҳукумат чироғ: сизнинг қўлингизда ўғирлика ишласа, менинг қўлимда тўғриликка ишлайди», деб ёзди. Қаҳрамонлардан бири «Қандай қилайлик шуларнинг кўлида қул эканмиз», бошқаси «илоҳим, ер ютсин большовойни. Ҳаммани қон қақшатиб кетди. Бу ҳукумат ўзининг амалдорини ҳам ҳеч аямайди. Қанча катталарни ўзи отиб юборди» дейди. Кўриниб турибдикি, Чўлпон ўша тузум, ўша тартибга жуда танқидий ёндашади, ўзи қаттиқ тазйикда бўлса ҳам ҳақиқатни айтишдан қайтмайди.

Чўлпоннинг жамият, гузум қандай бўлиши керак, халқ қандай яشاши кераклиги ва зулм, зўравонлик, тенгсизлик, мустақиллик хусусидаги қарашлари унинг «Кеча ва кундуз» романида янада кенг, атрофлича ўргага ташланди. Биринчи жаҳон уруши пайтидаги Туркистон халқининг аҳволини, турмуш тарзини, чоризм мустамлакачилигининг мудҳиш оқибатларини, чор амалдорларининг маънавий бузуқлигини ва халқнинг зулмга, зўравонликка қарши исёни, маърифат, нурга интилишини акс эттирган бу роман Чўлпон талантининг яна бир ёрқин қиррасини на-мойиш қиласди. Романда жадид Шарафиддин Хўжаев Мирёқубга чор амалдорларини назарда тутиб: «Биз буларни ёмон кўрамиз. Булар — бизнинг душманлар», «Бизнинг мамлакатимизга рус ҳукумати бир «мустамлака» деб қарайди, яъни мамлакатларнинг ўгайи сингари... Шу учун бу ерга яхши амалдорларни юбормайди», дейди. Чоризм вакили Нойиб тўра ҳам чоризмнинг инқироз сари юз тутганини ҳис қиласди. У «буюк империя даҳшатли тўлқинлар ичига зулматга, белгисизликка, йўқликка қараб кетаётир», дейди. Мирёқуб империянинг нима эканлигини сўраганда, Тўра подшоҳнинг девордаги суратини, сўнгра ўзини ва елкасидаги погонини кўрсатади. Чўлпон романда шу империянинг ҳалокат сари йўл тутганига китобхонни ишонтиради: биринчи жаҳон урушида Россиянинг толикиши, мустамлака ўлкаларда маҳаллий халқнинг чор зулмига қарши исёнлар кўтаришини кўрсатади. Тўра юзлаб одамларни қириб ташлайди, қамоққа олади, сургун қиласди. Қишлоқларни ер билан яксон этади, оддий халқни

одам ўрнида кўрмай, бой-амалдорларга ён босиши, миллат манфаатини ўйламайдиган лаёқатсиз, қўғирчоқ одамларни (Акбарали каби) раҳбар қилиб тайинлаши, ахлоқий тубанлиги (Тўра ҳам бузуқ, хотини эса хизматкор Зуннун, кейин Мирёқуб билан ишрат қилади) ва ҳ.к. Ҳатто кундошлар можароси билан тасодифан заҳарланиб ҳаётдан кўз юмган Акбарали мингбоши ўлимини (унинг учинчи хотини Султонхон Зебини заҳарлаш учун тайёрлаган сувни тунда Зеби билмасдан эри Акбарали мингбошига ичириб қўяди) ҳам Зебини суд қилаётганда прокурор «Русия давлатига ва подшога садоқат билан танилган одами» қасдан ўлдирган деб сиёсий тус беради ва Зебини ўлимга ҳукм қилинишини талаб қилади.

Романда Чўлпон ўлканинг мустақилликка эришишиғосини («Кичкина миллатлар мустақил бир ҳукумат куриб» яшаётганини айтади), туркий халқларнинг бирлашишида «тилда, фикрда, ишда бирлик» керак дейди ва иқтисодий бирдамликка эришиш учун шахсий ташаббусга, ишбилармонликка кенг йўл очиб бериш, эркин савдони ривожлантириш лозимлиги тўғрисида фикр юритади. Бу фикр-армонларни жадид Шарафуддин Хўжаев образи орқали, Мирёқуб тақдиди орқали олга суради. Илгари Акбарали мингбошининг суюнчиғи, айтиш мумкин, ақли, тили-забони бўлган, ниҳоятда эпчил, ишбилармон, аммо ахлоқий бузуқ Мирёқуб жадид Шарафуддин Хўжаев билан сухбатлашгач, жадилликни англайди, «кўзим очилди», дейди ва бундан кейинги ҳаётини жадидлар каби миллат манфаатига бағишлишини айтади. Ёзувчи Мирёқубни унинг вижданни орқали тергов қилади. Мирёқуб барча қилмиш-қидирмишларининг сабабларини айтади. Шу тергов ва қундалик дафтари орқали Мирёқубнинг, Марямнинг руҳиятида содир бўлаётган ўзгаришларни кўрсатиб беради. Бундай ўринлар драмага ўхшаб кетади. Дарвоқе, романда кўрсатиш, ҳаракат, саҳнавийлик кучли. Ҳамма воқеа ва қаҳрамонларнинг ҳолати, хатти-ҳаракати, кураши бевосита кўз олдингизда намоён бўлади. Роман мустақил, аммо бир-бирини тақозо этиб турган саҳналардан ташкил топгандай. Бу саҳналар ўткир драматизм билан сугорилган. Роман заминида фожиавий-

лик ётади. Асар бошиданоқ, табиат ҳам, Зебилар ҳам эркинликка талпинишиди. Ёзувчи Зебини тутқун — қафасдаги қушга ўхшатади. У бир оз озодликка чиққан қушдай қишлоқда озод нафас олади ва худди шу ерда тузоққа илинади — Акбарали мингбошига тўртинчи хотин бўлиб, кундошлар жанжалининг ўпқонига тушади. Бойнинг учала хотинининг тақдири ҳам фожиали, ўша тузум уларни ахлоқий майиб қилган. Зебининг суд қилиниши жараёни романнинг энг юксак нуқтасидир. Мустамлакачилар Зебини сиёсий жиноятчига чиқариб, Сибирга сургун қилали. Зеби ўзининг айбизз эканлигига қаттиқ ишонади, бу содда қиз суд қўйиб юборгандга уйга қандай кетишини ўйлаб ўтиради. Ҳукмни эшитгач, лол, караҳт бўлиб қолади ва уларга бўлган бутун ишончини йўқотади. Отаси Раззоқ сўфи аёлларга паст назар билан қарар ва бойлар, амалдорлар, айниқса, пири эшонларнинг соясига салом берар эди. Зеби тақдирини эшитиб, эшонга ёрдам сўраб боради, у ашула айтиб, курсанд ҳолда кутиб олади, далда бериш ўрнига уни сургун қиммаганликлари учун афсусланади. Шунда Раззоқ сўфининг кўзи очилади, унга қарши қўл кўтаради. Эшон уни дарра билан савалатиб, музлаган ҳовузга ташлатади. Кейинча сўфи барибир эшонни ўлдириб кетади. Зеби ҳажрила онаси ҳам жинни бўлиб қолади. Зебининг илк муҳаббати ҳам ғунчалигига ётмиш — «кеча» туфайлидир, демоқчи бўлади.

Чўлпоннинг «Кеча ва қундуз» романи А. Қодирийнинг «Ўтган кунлар» ва «Мехробдан чаён» романларидан кеинин ўзбек адабиётида яратилган етук романлардан бўлиб қолди. Чўлпон шеърияти, прозаси, драматургияси ва бебаҳо таржималари доим маҳорат мактаби бўлиб қолади.

ОЙБЕК (1905— 1968)

Ойбек XX аср ўзбек адабиётининг йирик сўз санъаткорларидан бири. У ўзбек насрини янги тараққиёт босқичига олиб чиқиб, ўзбек адабиёти шуҳратининг жаҳон

бўйлаб ёйилишига ўзининг муносиб ҳиссасини қўшиди. У айни пайтда бетакрор лирик шоир ҳамдир. Унинг йигирма жилдлик «Муқаммал асарлар тўплами»нинг икки жилди лирик шеърлар ва икки жилди достонлардан иборатдир. Ойбек теран олим ҳам эди, мазкур куллиётнинг бир жилдини олимнинг Алишер Навоий ижодига бағищланган тадқиқоти ташкил этади. Ойбек моҳир таржимон сифатида ҳам тан олинган. У ҳар томонлама камол тоғган фозил, юксак маданиятли шахс, ҳақиқий зиёли эди.

Ойбек 1905 йил 16 январда Тошкентнинг эски шаҳарида тўқувчи оиласида туғилди. Ўз таржимаи ҳолида «Узоқ ёшлиknинг ёрқин таассуротларидан бири ҳали-ҳали эсимда, — деб ёзади, ёп-ёруғ ойдин кечада уйимизнинг яssi томида онам билан турардим; тўлишган оппоқ ой осмон бўйлаб сузарди; у менга жуда ҳам гўзал кўринарди. Мен унга қўлларимни чўзиб интилар ва «Ойи, ойи, олиб беринг», — деб хархаша қилардим. Ўша дамларда мени қамраб олган ҳаяжонни ҳануз ҳис этаман». Эҳтимол, ана шу туйғу кейинча Ойбек тахаллусини танлашига сабаб бўлганadir ва ижодида бир умр ойни, қўёшни, нурни меҳр-муҳабbat билан куйлаб ўтгандир. Мусо унинг асл исми бўлиб, Тошмуҳаммад отасининг исмидир. Мусо мусулмон мактабида дастлабки таълимини олди, шу ерда Алишер Навоий, Бедил, Ҳофиз, Сўфи Оллоёр каби шеъриятнинг ёруғ юлдузларини танили. Шу ерда Куръони Карим, ҳадислардан хабардор бўлди, ғазалнинг нима эканини билди. Одат бўйинча, мусулмон мактабларида диний илмларга эътибор берилиб, аниқ фанларга у қадар диққат қилинmas эди, 1917 йил октябрь воқеасидан кейин Мусо совет мактабининг иккинчи синфига кириб ўқишга мажбур бўлади. Бу вақтда у ўн тўрт ёшда эди. Ўткир зеҳнли, тиришқоқ ва илмга чанқоқ Мусо синфдан-синфга муддатидан илгари ўтиб, мактабни тенгдошлари қатори та момлали. Ўша мактабга биринчи қадам қўйганида глобусни илк бор кўриб ҳайрон қолган эди ва кейинча «Глобус» ҳикоясини ҳам ёзганди (1934). Мусо 1925 йилда педагогика техникумини битириб, Ўрта Осиё Давлат университетининг иқтисод бўлимига ўқишга кирди. 1927 йилда Санкт-Петербургдаги халқ хўжалиги институтида ҳам таҳ-

сил олди, қайтиб 1930 йилда Ўрта Осиё Давлат университетини тугатди. 1932 — 1935 йилларда иқтисод кафедрасида асистент бўлиб ишлади. Шу вақтга келганда Ойбекнинг олдида икки йўлдан қайси бирини танлаш масаласи кўндаланг бўлиб қолди — илм йўлидан кетсинми ёки бутунлай ўзини бадиий ижодга бағишиласинми. Ахир бу пайтда «Туйғулар» (1926), «Кўнгил найлари» (1929), «Машъала» (1934) тўпламлари, «Дилбар — давр қизи» (1932), «Ўч» (1932), «Темирчи Жўра» (1934), «Бахтигул ва Соғиндиқ» (1933), «Ўрознинг бахти» (1938) каби достоилари босилиб чиқкан, адабий жамоатчилик ва кеңгитобхонлар томонидан тан олинган шоир бўлиб қолган эди (Ойбек мактабда вақтида шеър машқ қила бошланган, «Ишчиларга» шеъри матбуотда босилган ilk асари, «Муқаммал асарлар тўплами»га 1932 йилдан босилган асарлар киритилган). Ойбек бадиий ижод йўлини танлади. Илмий тадқиқотларни ҳам давом эттира бошлади. У Ўзбекистон Фанлар комитети қошидаги Тил ва адабиёт институтида илмий ходимлик ва нашриётларда муҳаррирлик, таржимонлик қилди. Ойбек Туркистоннинг машҳур жадидларидан, тараққийпарвар бойларидан бўлмиш Сайдносирнинг фарзанди Зарифахонга уйланган эди (бу аёл кейинчалик машҳур кимёгар-профессор бўлиб етишади). Ойбекнинг ilk тўпламлари «Туйғулар» ва «Кўнгил найлари»да мунгли руҳ кучли эди. Чунки у «босмачилик» — халқимизнинг зўравон большевизмга қарши олиб борган курашини, шу даврдаги халқнинг фожиали аҳволини ўз кўзи билан кўрган эди, устоз санъаткорлар — Чўлпон ва Фитратларнинг ижоди таъсирида Ойбек ҳам ўзининг норозилик кайфиятини ифодаловчи шеърлар ёзган.

Икки-уч йил кейин ёзган «Кеча туйғуси» шеърида Ойбек «Ҳар кун ҳар чоқ қайғулар кўнглимда, қандай қилиб руҳим қувнаб ўйнасин», деб ёзади. Мана шу икки нуқта, яъни Ойбекнинг мунгли шеърлари ва Сайдносирнинг қизига уйланиши воқеаси қизил империя қўриқчилари учун Ойбекни қувғин қилишга сабаб бўлди. У анча муддат ишсиз қолди. Ачинарли томони шундаки, адабий танқидчилик ва адабиётшунослик фани Ойбекнинг ilk ижодидаги шу реалистик кайфиятни ҳаёт ҳа-

қиқатидан, воқеликдан чекиниш, ҳаётни бузиб кўрса-тишга уриниш деб талқин қилди, бу нуқтаи назар то шу мустақиллик кунларигача ёзилган тадқиқотларда такрорланиб келинди. Ойбек ғоят иродали, чидамли, кечиримли шахс эди, бир дақиқа ҳам бадиий ва илмий изланишларни тўхтатмади: жаҳон адабиётидан зўр таржималар қилди. Алишер Навоий тўғрисида теран тадқиқотлар олиб бориб, олимлар орасида обрў-эътиборга сазовор бўлди, гўзал шеър, достон ва «Кутлуғ қон» каби ажойиб романлар яратди. 1943 йилда Ўзбекистон Фанлар академияси таъсис этилганда Ойбек Faфур Fулом билан биргаликда Академиянинг ҳақиқий аъзоси қилиб сайланди. Ҳамид Олимжон муҳбир аъзо бўлди. 1943 — 1951 йилларда шу Академияда ижтимоий фанлар бўлимини бошқарди. «Шарқ ўлдузи» (1945 — 1949), «Ўзбек тили ва адабиёти» (1957 — 1968) журналларининг бош муҳаррири бўлиб ишлаб, адабиёт ва фанимиз ривожига катта ҳиссасини қўшди. СССР ва Ўзбекистон Олий Кенгашларига депутат этиб сайланди. Ўша даврнинг энг юксак орден ва медаллари билан тақдирланди, «Навоий» романни учун СССР Давлат мукофоти (1946), «Болалик қиссаси» учун Ҳамза номидаги Ўзбекистон Давлат мукофоти (1963) берилди ва адабиётимиз ривожига қўшган катта хизматлари эвазига «Ўзбекистон халқ ёзувчиси» деган юксак фахрий унвон билан тақдирланди. Ойбекка 50-йилларда ҳам жаҳолат ва сиёsat ҳужум қилиб, юрагига заҳарли найза санчиб кўрдилар. Душманлар унинг сўзлаш қобилиятини йўқотишга мусассар бўлдилар-у, аммо қуёшли қаламини синдира олмадилар. Халқ муҳаббатини қозонган ва унинг қалб кўридан муттасил равишда баҳра олиб турган Ойбек янги-янги романлар, қиссалар, достонлар, шеърлар яратиб, Ҳақиқатни, Қўёшни этак билан тўсиб бўлмаслигини амалда исботлади. Шу маънода Ойбекнинг порлоқ ижоди ҳам, саботли йўли ҳам бир сабоқдир ва шундай бўлиши ҳам керак...

Ойбек тарихий қаҳрамон ва тарихий колорит тарихий романнинг бош белгиси эканлигини теран тушунарди. У тарихий романнавис энг аввало «тарихий даврнинг тўғри картинасини чизиши», «турмушнинг тарихий хусусияти»,

«характерли аломатини», «тарихий муҳитни» ҳаққоний, аниқ ишонарли чизиши керак ва шу йўл билан «тарихий манзарани тавмин этиши», «тарихий турмушни эслатиши», «тарихий сезгини» юқтириши мумкин деб билди. Ойбек «Навоий» романини ёзишга киришмасдан аввал, ўзи таъкидлаганидек, «Навоийнинг барча асарларини, Навоий яшаган даврнинг тарихи, даврнинг социал қиёфаси, у давр жамиятининг характеристи, урф-одати, хулқ-атворини пухта ўрганди ва бунга шунинг учун ҳам ишониш керакки, агар «Навоий» романи 446 бетдан иборат бўлса, Навоий ҳақидаги тадқиқотлари 390 бетни ташкил қиласди. Ойбек миллий колоритни яратувчи омиллар тўғрисида фикр юритар экан, эътиборни икки муҳим нуқтага қаратади. Бири шуки, миллий колоритни берувчи миллий тарихий деталлар (у тарихий хужжат бўладими, урф-одат ёки миллий кийим-кечак, шароит, муҳит белгиси бўладими, барибир) шуичаки «тарихий фон, манзара, кўргазмали декоратив воситалар» бўлиб қолмасдан, «асарнинг foявий бадиий ўқига» боғланиши унинг «драматик қисмининг, бадиий тўқимасининг узвий элементи»га айланиши лозим. «Тарихий воқеалар, тарихий шахслар романнинг асосий сюжетини ишғол» қиссин, «сюжетнинг тугунчак моментларини ташкил этсин, «ҳар бир эпизод, ҳар бир картина ва деталь сюжетнинг таркиби қисмига кириши лозим, у ҳар вақт тарихий ҳаракатга боғлансин, бўйсунсан». Акс ҳолда булар «ташқи жимжимадорлик»-дан бошқа нарса бўлмай қолади. Ёзувчи «обстановка, уй ичи тавсифини шахснинг ҳолатига мувофиқ равишда ва тарихий ўтмиш даврни эслаттиарли сезгилар билан» бериши керак. Асаддаги барча персонажлар «ўзларига мунносиб тил или сўзлаб, ўзларининг кимликларини равшан англата» олсинлар, тарихий романда «аввало даврнинг тили акс эттирилсин», тарихий тўғрилик нуқтai назаридан ёзувчи ўз даврининг услубини бериши» лозим, бунинг учун ҳар бир шахс «ўз мавқеи»га мос тарзда фикрласин, «ҳар бир табақа вакили ўз тили, ўз услуби билан сўзласин». Ойбек тарихий, миллий колоритни яратман деб меъёрни бузиш ҳам, яъни миллий колорит деталларини керагидан ортиқча ишлатиш ҳам ёзувчи

ниятининг «равшанлигини хиралаштириб қўяди», деб огоҳлантириб қўяди.

Миллий тарихий колоритни яратувчи иккинчи, тўғрироғи, бош омил роман учун тасвир асоси қилиб олинган даврнинг бутун моҳиятини, манзарасини, руҳиятини, белгисини ўзида мужассамлаштирган қаҳрамонларни, характерларни, сюжетни, конфликтни бера билишдир. «Навоий романини қандай ёздим» мақоласида Ойбек романда «асосан у даврдаги социал ҳаётни, кучли интригаларни, мураккаб сиёсий воқсаларни акс эттиришга тиришдим», деб ёзади. Булардан аниқ билиниб турибдики, Ойбекнинг «Навоий» романидаги тарихий колоритни, миллий жозибани таъминловчи бош нуқталар романнинг мавзу-масалаларида, ғояларида ва буларни ўзида ташувчи характерлари, сюжетлари, конфликтларида ва ўша даврга мос миллий деталларда ётади. Ойбек Навоий тимсолида миллатнинг сиёсий, маънавий ва ахлоқий такомилини, ўз-ўзини англаш ва қадрлаш жараёнини акс эттиради. Навоийнинг инсонга бутун тирик мавжудотнинг тожи деб қарashi ва баркамол инсон тўғрисидаги орзумонини, адолатли шоҳ ва фозил, саодатли жамият хусусидаги ўй-тилакларини унинг характерини ҳаракатлантирувчи куч сифатида талқин қилди. Зероки, Навоий ва унинг маслакдошларининг шу гуманистик интилишлари ўша давр миллий тарихининг энг ўткир зиддиятларини ҳаққоний кўрсатишга ёрдам беради. Ота-болалар, акаукалар ўртасида тож-тахт учун Кураш, саройдаги ўткир интригалар, иғволар, ҳийла-найранглар, ўз мухолифига заҳар беришлар, туҳмат қилишдан тоймаслик, қизларни тортиқ қилиш эвазига мартабалар олишлар, саройдаги кайфу сафолар, оғ манзаралари, сафардан қайтган шоҳни тантанали кутиб олиш маросимлари, шеърхонлик мажлислари, ҳар хил шарқона жазолар — зиндонлар, дорлар, жарималар, терисига сомон тиқишлиар — булар миллий ҳаёт манзараларидир. Ойбек машҳур сайёҳ Клавихонинг Темур саройидаги «олтин дарахт» тўғрисидаги хотирасидан ёки Бобурнинг Ҳирот тўғрисидаги таърифларидан миллий колоритни тиниқ чизишида усталик билан фойдаланади. Адид ўз «Қайдлар»ида «Ўрта аср ша-

ҳарларига хос унсурлардан бири гадой — бу йўқ менда», деб ёзиб қўяди ва кейин асарда гадойларни ҳам кўрсатади. Романнинг илк нусхаси биринчи бобининг дастлабки икки бўлими воқеа бўлаётган жойнинг миллий манзараси аниқ ва етарли бўлмаганлиги учун Ойбек уни бошқатдан ёзди. Беҳзодга бағишлиган илмий мақола-мушоҳидасида «рассом қалами», «Беҳзод кисти» деган бўлса, романда ўша замон атамасини топиб «қалами мўй» деб беради. Ойбек ўша давр тушунчаларини ифодаловчи сўз ва атамаларни топади, уларни ҳам персонажлар нутқида ҳам ўзининг тасвирида — ҳикоячи тилида ишлатади. Масалан, Навоий амирликка кўтарилиганда унга кийдирилган маҳсус тўн ва бош кийимнинг ўз номи бор бўлиб, Ойбек буни илмий мақоласида қайд қиласди, романда, «жуббай тилладўзи ва кулоҳ наврўзи»ни Навоийга тақдим этишди», деб ёзди. Подшоҳ никоҳида бўлмаган сарой аёлларининг номи «ғунчачи», подшоҳ аёлига яқин аёлни «надима», дейилар экан, ёзувчи шу ном билан атайди. Ойбек ўша давр солиқларини тадқиқ этади ва романда шунга оид сўзларни ишлатади. Жанг билан боғлиқ атамаларни тўғри топган: жангда олдинги қисмни «Ҳировул», кўшиннинг ўрта қисмини «Ғулда», ўнг томонини «Жиронfir», сўл томонини «Биронғор» ва қўшин орқасида юриб бозор ташкил қилувчини «Урду бозор» дейилар экан. Жангда ноғора, карнай, сурнай доим иштирок этади. Ойбек мусиқий асбоблардан фижжак, най, сурнай, уд, танбур, чанг, дафни ўша даврнинг асосий чолғу асбоблари тарзида кўрсатади. Ёзувчи мадрасаларнинг улувор кўринишини, гувала, тош аралаш пастак биноларни ёки юқори табақанинг зарбоғ тўнлари, кўнғир мовут чакмонлари, хитойи шойидан тикилган кўйлаклари, гулдор этик ва маҳсиларини тасвиrlайди — буларнинг ҳаммаси ўша замонни гавдалантиришга қўмаклашади. Айниқса, персонажлар тили уларнинг кимлигини — ижтимоий мавқеи, илмий-маданий даражаси, ёши, касби-кори, руҳий дунёсини ойнадек кўрсатиб туради.

Аммо шуни айтиш керакки, «Навоий» романида тарихий ҳақиқатни, давр руҳини, колоритини беришда роман ёзилган даврдаги сиёсий вазият, марксча-ленинча

таълим ниқобига беркинган ғайри илмий-сиёсий йўл-йўриқлар тақозоси билан, айни чоқда адабиётшунослик илмининг даражаси билан боғлиқ ҳолда юз берган қусурлар ҳам бор. Бири шуки, Ойбек илмий мақолаларида ҳам, романда ҳам Навоий ва Ҳусайн Бойқаро муносабатларини совуқроқ бўлган деб кўрсатишга, шоҳга нисбатан қора бўёқни меъёрдан ошириб ишлатишга ҳаракат қилган. Ойбек бир мақоласида ёзади: «Султон Ҳусайн билан Навоий орасидаги муносабатни деярли ҳамма муаллифлар идеаллаштириб келдилар... ҳақиқатда эса подшоҳ билан вазир орасидаги муносабатларда шундай моментлар бордирким, улар баъзан ҳалиги дўстлик бοғичларини узишга қадар олиб борганилиги маълум... Султон Ҳусайн каби «айш-ишрат»га ботган подшоҳ шоирни бутун маъноси билан қадрлай олмасди... Ҳатто, Султон Ҳусайннинг дўстлиги зоҳирий, демак, самимий эмас эди, деган фикрга ҳам кела оламиз», маълумки, Султон Ҳусайн жуда узок хукмронлик қилди, мамлакатда нисбатан тинчликни барқарор қилди, фан-маданиятни ривожлантириди. Кўп хайрли ишлар қилди. Булар Навоий бошчилигидаги илғор кучлар иштирокида амалга ошли. Ўзбек тилининг (туркий тилнинг) давлат тили даражасига кўтарилишида Навоий ва Ҳусайн Бойқаро ҳал қилувчи роль ўйнадилар. Реакцион кучлар — жаҳолат билан илғор кучлар ўртасида муросасиз кураш бир дақиқа ҳам тўхтамади, аммо илғор кучлар эл манфаати, миллат учун кўп яхши ишлар қилди.

ҒАФУР ФУЛОМ

(1903— 1966)

Ғафур Фулом XX аср ўзбек адабиётининг йирик намояндаси. У ўзбек шеърияти, бадиий публицистикаси, фельетончилиги, ҳажвий ҳикоячилиги, юмористик қиссачилиги ва таржимачилиги ривожига катта ҳисса қўшган йирик сўз санъаткоридир. Ғафур Фулом шеъриятда ўз мактабини яратганлардан бири. Ғафур Фулом 1943 йили Ўзбекистон Фанлар академиясининг ҳақиқий аъзоси этиб сайланган. У «Ўзбекистон халқ шоири» унвонига сазовор бўлган

эди. Халқ унинг руҳини эъзозлаб нашриёт, университет, метро бекати, мактаб ва кўчаларга номини берди. Ўн жилдлик «Асарлар» (1972 — 1977) ва ўн икки жилдлик тўла асарлар тўплами (1984 — 1989) босилиб чиқди. Шоир асарлари бир неча ўнлаб ўзга тилларга таржима этилди, «Шум бола» қиссаси асосида фильмлар яратилди.

* * *

Faafur Fulom 1903 йил 10 майдага Тошкент шаҳрининг Кўргонтиги маҳалласида деҳқон оиласида дунёга келди. Отаси Fулом Мирза Ориф ўғли ва онаси Тошибиби Юсуф қизи ўқимишли, зеҳни, форс тилини билган, адабиётни севган меҳнаткаш одамлар эди. Отаси яна татар, озарбайжон, рус тилларини ҳам биларди. Туйғун ва ўткир зеҳнили Faafurning саводи жуда эрта чиқди, тўққиз ёшидан Навоий, Ҳофиз, Саъдий, Фузулий асарларини севиб мутолаа қила бошлади. Афсуски, отаси (1912) ва онасидан (1918) эрта жудо бўлди. Рӯзгор тебратиш ва сингилларини боқиши ташвиши унинг олий мактабларда таълим олишига имкон бермади, фақат саккиз ойлик муаллимлар тайёрлаш курсини битирди (1918). Унинг энг кучли, шафқатсиз, талабчан ўқитувчиси ҳаёт ва вақтли матбуот бўлди. Мустақил ўқиши орқали замонасининг илфор, етук зиёлиси даражасига кўтарилиди. Жуда ёшлигидан масъул ишларда ишлай бошлади: бир вақтнинг ўзида икки мактабга мудирлик қилди, шаҳар маорифи ходимлари комсомол қўмитасига котиб ва маориф уюшмаси раиси ўринбосари бўлиб ишлади (1924-1928). Етим болаларни интернатга йиғиб, улар ҳаётини яқиндан кузатган Faafur Fулом илк шеърларини шу етимларга бағишилади ва бу мавзудан бир умр узоқлашмади. Шу йиллари, ундан кейинги пайтларда «Камбағал деҳқон», «Шарқ ҳақиқати», «Муштум», «Ер юзи», «Қизил Ўзбекистон» каби газета-журналларда адабий ходим, бўлим мудири, бош муҳаррир ўринбосари лавозимларида ишлаб, тез ва ҳар томонлама ўсли, этилди. «Халқ аҳволи — руҳиясини, талаб»ни теран англади, «газета мен ўқиган олий мактабларнинг бири ва биринчиси бўлди», дейди шоирнинг ўзи. Faafur Fулом 1943 йилдан то умрининг охиригача Ўзбекистон

Фанлар академиясининг Адабиёт (Тил ва адабиёт) институтида катта илмий ходим бўлиб ишлаб, адабиётшунослик илмилъ ҳам ибратли ишлар қилди.

* * *

Faфур Fуломда адабиётга бўлган иштиёқ ва муҳаббат эрта уйғонди. Улар оиласини кичик адабий муҳит деса бўларди. «Отам адабиёт билан жуда қизиқар экан, — дейди Faфур Fулом. — Уйимизга ўзбек шоирлари ва ҳаттотларидан Xислат, Шомурод котиб ва бошқалар келиб юрганини эс-эс биламан. Фарғона водийисидан келадиган шоирлар: Муқимий, Тошхўжа Асирий, Фурқат, Муҳий ва бошқаларнинг бизнигига кўп келганини айтадилар. Отам «Мирза» ва «Fулом» тахаллуслари билан талай шеърлар ёзган. Лекин булар бир ерга тўпланиб, ё бўлмасам босилиб чиқсан эмас. Сўнгги йилларда амаким (отамнинг кичик укаси) Мирза Абдулла Мирза Ориф ўғли «Мирза» тахаллусини ўзиники қилиб олиб, шеърлар ёзар эди. Унинг «Баёзи Мирза» деган китоби 1913 (1331 ҳижрий) йилда Тошкентда «Fуломия» босмахонасида босилган.

Онам ҳам ўзбекча, тожикча адабиётни ўқиб, англаб оладиган зеҳнли хотинлардан эди. Ўзи шеър ҳаваскори бўлганидан халқ оғзаки термалари вазнида унча-мунича шеърлар айтиб юрганини эслайман».

Буларнинг уйига Қозон, Оренбург, Боку, Боқчасаройда чиқадиган газета ва журнallар келиб турарди («Мулла Насриддин», «Ялт-юлт»). Отаси Абдулла Тўқай, Фотиҳ Амирхон, Ризоуддин бинни Фахриддин, Сайд Азим Шервоний, Аббос Сиҳнат, Алиакбар Собир Тоҳирзода каби ёзувчилар асарларини уйига сотиб олганди. Отаси ёрдамида форс-тожик, озарбайжон, татар ва рус тилларига қизиқди, кейинчалик араб тилини ҳам тушунишга эришли. Оила кутубхонасида Собир Тоҳирзоданинг «Хўп-хўпнома»сининг биринчи нашри бор эди. «Менинг бошлангич ижодимда юмор ва сатирага майлим кўпроқ эди. Демак, шу йилларда менинг ижодимга Собир Тоҳирзоданинг қисман таъсири бўлиши мумкин», — дейди Faфур Fулом. Унинг шоирлик истеъодидининг камол тошицида Шарқ шеърий мактаби — Навоий, Бобур, Маш-

раб, Муқимий, Ҳофиз, Шайх Саъдий, Рудакий, Фирдавсий, Умар Ҳайём, Бедил кабиларнинг ижодлари катта таъсири кўрсатди. Кейинчалик Саъдийнинг «Гулистан» асарини, Рудакий, Фирдавсий, Бедил шеърларини, Навоийнинг Фоний тахаллуси билан ёзган форсий ғазалларини ўзбекчага таржима қилди. Рудакий ижодидаги кўтарикилик, фалсафийликFaфур Ғулом руҳига яқин эди. Рудакийнинг «Кўзингнинг соққасидек айланиб турувчи жаҳон ҳамиша айланади, ҳамма вақт гардон эди» байтидаги образ яратиш йўли билан Faфур Ғуломнинг «Кўзим қорачигида кезмоқда бутун олам» мисрасидаги образлилик ўртасида яқинлик бор. Фирдавсий ижоди эса ўзининг улкан мазмуни, улуғвор образлари билан Faфур Ғуломни ўзига жалб этди. «Ўзбекистон» шеърида «Тарихинг ёзмоққа кичиклик қилур шоир Фирдавсийнинг катта достони», — деса, иккинчи жаҳон уруши қаҳрамонлари хусусида сўзлаб «Минг «Шоҳнома» достонини қонлар билан битгулик», — деб ёзади. Тўрт минг йиллик узоқ тарихни (50 подшоҳлик тарихи) қамраб олган, юзлаб образни тасвирилаган ва 60 минг байтдан иборат бўлган ҳамда 30 йил давомида ёзилган «Шоҳнома» достонини муқоясага тортиши жуда ўринли эди. Faфур Ғулом мумтоз адабиётимизнинг муҳим тасвир усусларидан бўлмиш бу талмехга — достонлар, қаҳрамонлар, афсонавий образлардан фойдаланиб образ яратиш усулига кўп мурожаат этади. Бир шеърида «Рустамдек бу элнинг ўз паҳлавони», «Ўтдан Сиёвушдай қўрқмай ҳатлаган» одамлари бор, деб яна «Шоҳнома»га мурожаат қилади. Faфур Ғуломда ўзи олға суроётган гояни қувватлаш нуқтаи назаридан мумтоз асарларидан иқтибос — кўчирма олиш хусусияти бор. Масалан, «Етар май, рубоий ва анекдот» шеърида Умар Ҳайёмнинг май ҳақидаги рубоийсини «ёрдамга чақиради».

Faфур Ғулом ғазал жанрининг моҳир устаси Ҳофизнинг теран, исёнкор, ижтимоий кучли, ҳис-ҳаяжонга тўла лирикасига мафтун бўлади. «Анор» шеърида «Кошкийди халқим учун Ҳофиз ғазалларидек тинч-омонлик ва замонининг лирикасин ёзолсан», деб орзу қилади. Унинг Ҳофиз, Бедил, Навоий ва бошқа Шарқ мумтозларидан

ўрганган энг муҳим хислатларидан бири шеърнинг ҳар мисра ва байтига катта мазмун, маъно юклашидир. Шоирнинг «такдирин қўл билан яратур одам, Фойибдан келажак баҳт бир афсона», «Йиғламоқ қайгуни юмшатар, балли, Кўз ёши мотамга берар тасалли», «Бир оннинг баҳосин ўлчамоқ учун, Олтиндан тарозу, олмосдан тош оз», «Ҳар лаҳза замонлар умридек узун, Асрлар тақдири лаҳзаларда ҳал» каби юзлаб мисралари чуқур мустақил маънога эгаллиги ва айни чоғда ўша шеърларнинг жисмига қон томирдай узвий боғланиб кетиши билан қимматлидир. У ҳар бир мисрага мустақил ҳаёт баҳш этиш санъатини эгаллашда, фалсафий ва фикрий теранликка эришишда, ҳайратомуз ва ҳаётий образлар яратишда Бедилдан кўп ўрганди. «Сарҳисоб» шеърида «Навоий байтидек тўлқинли ёшлиқ, Бедилнинг шеъридай фалсафий умр» дейди. У ёзади: «Мирзо Абдулқодир Бедилнинг кўп байтлари ўз фалсафий мазмуни билан жуда катта бир бадиий асар бўларли маънони қамраб олади».

Бедилнинг «Шўх юзлари терлаганда ярақлаб, гўё юзлаб юлдуз чиқар чарақлаб», «Соқийларнинг шодлик эди сузгани», «Дил тутуни чилвир соядек буралди», «Ноз ўти яшиндек ярақлаб кетди» каби мисраларидаги гоят кучли муболага — ифроқлар, айниқса, мавҳум тушунчаларни ҳаётда мавжуд нарсалар орқали кўз билан кўрадиган, қўл билан ушлайдиган даражада аниқ, чиройли тасвирлаб бериш санъатини ҳам Faфур Fулом эгаллаганди. Унинг «Шодлик» қўшини босди саодат кўчасини», «Қалбимнинг чўққисига умид байробин тикиб» каби мисралари бунга мисолидир. У Бобур лирикасидаги ҳаётийлик, соддалик, латифликни, Машрабдаги исёнкор, оташин, жўшқин шеърларни ёқтирас эди. У Муқими, Фурқат ҳақида мақолалар ёзди, улардан баҳраманд бўлди. Навоий тўғрисида тадқиқотлар ёзишдан ташқари, «Фарҳод ва Ширин» достонининг ҳозирги замон тилидаги насрый баёнини яратди. Навоий асарларидаги қомусий мазмун, мавзу кенглиги, инсон қалб дунёсининг теран ифодаланиши, улкан ижтимоий-сиёсий масалалар, уларнинг бадиий талқини кўплаб ўзбек шоирлари қатори Faфур Fулом учун ҳам зўр мактаб бўлди.

Faafur Fulom Navoriyning «Tun ilala tong» radiofili fazarliga muhammas boglab, shu nomdagi asarinini yaratdi. Shoir Xirot safaridan qaytgach (1964), shu muhammasi, keyin «Xoki Musallo», «Taxti safar» maqolalariini ezdidi. Uning ijodiida tong obrazni markaziy yurinda turadi, uni char doim tun obrazni bilan birgaliqda talqin qiladi («Kimsanoy t'ugrisida besh k'ushiq» asarida «Yiiflamagin Kimsanoy, tez orada tong otar» misrasasi, «Sen etim emassan» da «Tong yakin, tong yakin, oppoq tong yakin», «G'ilam» she'riida «Oqishomni k'im yahshi k'uradi, d'yustlar, tong otar choqqa cha k'uzim tolikur» misralarini eslailik). Shunинг учун Навоийнинг шу руҳдаги ғазали унга илҳом беради. Навоий ғазалида инсон кайф-сафо билан қанчалик банд бўлмасин — faflatda ётмасин, у тонгга етиш учун интилиши, курашиши керак, деган foя ҳам мавжуд:

Бирорки, тонгу турун бода бирла ўткаргай,
Яқинки бўлмагай онинг малоли тун ила тонг.

Faafur Fulom ўз асарларида одам ўз taқdiri, baxtinii ўз mehnati va kuraishi orqali yaratadi, degan fikrni ўtka-zadi («Mehnatciz umrning tongi omagai»). Bu muhammasida ҳам у «Жаҳон iшини этак силкимак-la биткорган», «Қоронги кеча юриб субҳидам томон борган» odamgina ўз мақсадига etadi, deydi.

Folklor esa, Faafur Fulom ҳaёtiida жуда катта aҳamiyatga molik bўlgan buyok maktab edi. U xalq ijodining fojaviy-estetik anъanalariidan жуда кенг k'ulamda va chukur ijodiy urgangan sўz ustasidir. U xalq ҳaёti va orzu-tiylaklarini, xalqning ruhiy olami, psixologiyasi, xarakteri, maъnaviyati, estetik didi va badiy taфakkuri, boy tilini folklordan uқib oldi. Nasriddin Afandi fazilatlarining k'upginasasi uning shaxsиятига singhib ҳam ketgan, ҳatто «Bizning uйga k'uniб ўting, d'yustlarim» she'riida «Faafur degan bir Nasriddin kitobi» ҳam deydi. 1939 yil mart oйida Ўзбекистон shўro ёzuvchilarininng II съezdisida Faafur Fulom xalq ijodi t'ugrisida katta maъruza qiladi va u «Folklordan urganchilik» sarlavhasi bilan bosiliб чиқadi.

Faafur Fulomda xalq ijodi ta'ysiirinинг ниҳоятда хилма-хил кўринишларини топиш мумкин: унда фольклор асарларини қайта ишлаш («Афанди ўлмайдиган бўлди»), фольклорга ўхшатма — стилизация усули («Ҳасан Кайфий»), фольклор мотиви, образлар хусусияти, баён усули («Тирилган мурда»), характер моҳияти ва типиклаштириш принциплари («Шум бола, Мамажон образлари»), сюжет схемаси, фабуласи («Шум бола»даги саргузашт сюжет тури), композицияси («Ёдгор»даги қолиплаш усули), жанри (латифа, достончилик, қизиқчилик) сатира ва юмордан ижодий ўрганишнинг ажойиб намуналари бор. Ўнлаб фельетонларини Насриддин Афанди латифалари сюжети, шакли асосига қуради ва шу йўл билан уларни ҳатто сатирик ҳикоя даражасига кўтариб юборади («Хотинга олиб берилмаган қавш», «Оёқ олишишга қарайди», «Шудгорда қўйруқ...»). Xalq ijodi Faafur Fulom насли ва шеъриятида ҳазил мутойiba, қаҳрамонлик, ҳаётбахшлик, донишмандлик руҳини кучайтирган.

Адид биринчи жаҳон уруши қулфатини, чоризмнинг шафқатсиз зулмини «Шум бола»да ҳам кўрсатади. Асар бошида ўша пайтда Тошкентда саноғига етиб бўлмайдиган жиннилар пайдо бўлганини тасвиirlайди. Бундай тасвир кейин чизиладиган турфа ҳаётнинг элчиси, дебочаси эди. Кейин Шум бола саргузашти баҳонасида ўша фожиавий ҳаётдаги инсон ҳолатини, унинг ахлоқий-маънавий дунёсини, одамийлиги ва меҳр-шафқатини, ҳайвоний қиёфасини ҳаққоний кўрсатади.

«Шум бола» автобиографик асар эмас. Повестда реал, тарихий аниқ фактлар, воқеалар, тарихий шахсларга нисбатан бадиий тўқима, фантазиянинг салмоғи ортиқ, «Шум бола» на Л. Толстойнинг «Болалик», «Ўсмирлик», на М. Горькийнинг «Болалик», «Одамлар орасида» асарларига ўхшайди. Чунки бадиий-автобиографик асарда воқеанинг йўналиши, сюжет чизиги, конфликт, персонажлар сони ва асар сюжетида ўйнайдиган роли шу асарга асос бўлган шахснинг ҳаёт йўли қандай бўлса, шундай, қанча мураккаб, бой ва қизғин бўлса, автобиографик асар ҳам шунча қизиқарли бўлади.

«Шум бола»даги қаҳрамонларга хос «эркин», «ташқи» автобиографик белгилар уларни ўз орқасидан эргаштириб кетмайди: воқеа мантиқи характерлар мантиқига кўра туғилади ва ривожланади, қаҳрамонларнинг ҳаракатлари, асар сюжети, конфликтни ҳаёт ҳақиқатига мос. «Шум бола»да бадиий-автобиографик асарларга хос фазилатлар ҳам талайгина. Шум бола, унинг ўртоқлари тарихий шахслар, улар туғилган макон — кўча, маҳалла аниқ. Шум болага Fafur Fулом характерининг кўпгина хислатлари сингиб кетган. Асарда ҳаётнинг ранг-баранг, мураккаб томонлари, тарих ҳаракати, ҳалқ тақдири кўрсатилган. Бироқ булас қаҳрамоннинг дунёқараши, тушунчаси, кечинмаси нуқтаи назаридан ёритилган. «Шум болада ҳам воқелик шум болалар тақдири, нуқтаи назари орқали тасвирланади. Шум болалар ҳаёт ҳодисаларини ўз ёши, онги, дунёқараши, ҳаётий тажрибасидан келиб чиқиб тушунади, баҳолайди. Китобхон эса, ҳаётнинг улар кўзгусидаги инъикосига қараб туриб, ўзича хуласалар чиқаради, ёзувчи ниятини туюди...

«Шум бола»да Султон ўғри, ўлик ювиш воқеасида қатнашган домулла, Шум бола томонидан сўйиб қўйилган эшакнинг эгаси, Шум бола хизматида бўлган эшон ва унинг хотинлари, Сарибой оиласи каби персонажлар йўл-йўлакай пайдо бўлиб, воқеалар тизмасидан тушиб қолади. Бу хислати билан «Шум бола» бадиий-автобиографик асарларга яқин туради. Бироқ автобиографик асарлардаги йўл-йўлакай асарга кирувчи эпизодлар ва образлар характери бир-биридан фарқ қиласи. «Шум бола»га янги янги воқеалар ва қаҳрамонларнинг кириб келиши, бир томондан, характерлар мантиқига боғлиқ. Характер мантиқи эса кетма-кет кулгили вазиятларни келтириб чиқаради.

«Шум бола» — юмористик асар. Ёзувчи асар бошидаёқ юмористик рух яратади, туйфу, кечинмалар таҳлилига берилмайди. Бутун диққатини характерлар мантиқи билан туғилган комик вазиятни, комик воқеа ва деталларни тасвирлашга қаратади. Бора-бора юмор сатирага ўтади. Асарда сатирик рух кучли, бу ёзувчининг шартлилик принципига кенг мурожаат этишининг натижаси ҳамдир. Шу

шартлилик усули мантиқан асосланган ва у ҳаёт ҳақиқатини очиш, характер яратиш учун хизмат қилган.

Faфур Fуломнинг инсонийликни улуғловчи асарларидан яна бири «Ёдгор» повестиdir. Ёзувчи ўша пайтдаёқ муҳаббат эрки масаласини кўтариб чиқиб, қолоқ психология, жаҳолат инсон бошига оғир кулфатлар олиб келиши мумкинлигини кўрсатиб беради. Эртакнамо йўсинда ёзилган бу асар замирида ғамгин ҳикоя, фожиали тақдир бор. Faфур Fулом жаҳон адабиётида ҳозирги вақтларда кенг қўлланилган тасвир усулини ўша вақтдаёқ ишга солганди: содир бўлган бирор воқеага одамларнинг муносабатини кўрсатиш, уларни синов чиғириғидан ўтказиши орқали уларнинг кимлигини, руҳий оламини, маънавиятини очиб бериш усули бу.

Faфур Fулом «Нетай», «Ёдгор», «Шум бола», «Кимсаной тўғрисида беш қўшиқ» асарларида ҳам бу мавзуга қўл урган эди. Шунинг учун иккинчи жаҳон уруши бошида минглаб ота-онасиз болалар Ўзбекистонга келтирилганда Faфур Fулом тезда «Сен етим эмассан»дек юксак шеърини яратди.

Улуғ шоирнинг «Кузатиши», «Софиниш» ва улар билан мазмун-руҳий жиҳатдан туташ бўлмиш «Фолиблар байрами» шеърида ўзининг оталик туйғулари, қалбидаги таҳлика ва изтиробларни жуда табиий, таъсирили ифодалайди. Биринчи шеърда шоир «Тарих талаб қилган улуғ қирон йил» деб уруш даҳшатини чуқур ҳис қиласди, аммо душманнинг албатта тор-мор бўлишига ишонади («Ўлур Гитлер фашизм, ўлур даҳшат — тун»). «Софиниш»да ҳам ғалабага ишонч туйғуси ифодаланади («Иблиснинг гарази бўлган бу уруш, албатта, етади унинг бошига»), айни чоқда унда бутун эътиборини жангнинг беомонлиги туфайли қалбига туғилган оталик хавотирларини беришга қаратади. Faфур Fулом шеърларининг мазмуни ва руҳида, шоирнинг бадиий тафаккурида ўзбекларга хос миллий жозиба равшан намоён бўлиб туради. «Софиниш» шеърида ҳам шу соғинч туйғусини ва ота қалбидаги таҳликани, руҳий изтиробларни миллий турмуш тафсилотлари ва миллий тушунчалар, тасаввурлар орқали беради: «Кутаман узоқдан кўринса бир от», «Кечқурун ош сузсак, бир насиба

кам» каби фикр-туйгулар ўзбек халқи хусусияти, руҳиятига хосдир. «Голиблар байрами» шеъри 1945 йил 8 май, яъни ғалаба куни битилган, шунинг учун унда шодиёна руҳ ҳоким. Бироқ бу ғалаба катта курбонлар эвазига қўлга киритилди. Шоирнинг «Кузатиш», «Софиниш» шеърларида тасвиirlанган фарзанди жангда қаҳрамонларча ҳалок бўлган эди. Ғалаба куни шоир бошқа оталар каби хурсанд, айни чоғда юрагида айрилиқ дарди, яраси бор. Бу ҳолатни мумтоз адабиётимиздаги анъанавий образ — «лола» ёрдамида шоир жуда чиройли тасвиirlаб беради:

Кўнгиллар агарчи лоладек хандон,
Мусибат тамғаси қалб устига доғ.

Шодиёнадан қалб лоладек очилиб, хандон кулиб турибди, аммо қалбда лоланинг ўртасидаги қора доғдай дард ётибди.

Faфур Fулом урушдан кейин «Вақт», «Йигитларга», «Сиёҳдон», «Алишер», «Ёз», «Шараф қўлёзмаси», «Пол Робсонга», «Фарғона учун», «Сен саломат бўлсанг бас», «Анор», «Бизнинг уйга қўниб ўтинг, дўстларим», «Кулол ва заргар» «Алишер Навоий қабри устида», «Тун билан тонг» каби бир неча ўнлаб етук шеърлар яратдики, булар айрим танқидчиларнинг Faфур Fулом урушдан кейин етук шеърларни кам ёзди, деган даъволарининг асоссиз эканлигини кўrsатади. Буларда Faфур Fулом теран файласуф шоир сифатида намоён бўлади. Биргина «Бизнинг уйга қўниб ўтинг, дўстларим» шеърини олайлик. Шу шеър Москавда газета ва тўпламларда босилгач, оғизга тушди, шоир ҳатто чет эллардан мактублар олди. Шеърда шоир ўзбек халқининг меҳмондўстлиги, очиқкўнгиллиги, сахийлигини жуда жозибали акс эттириб берган.

Faфур Fулом бетакрор шеърияти ва «Шум бола» асари мисолида ўзига хос мактаб яратди, кўплаб қаламкашларни орқасидан эргаштирди, устоз санъаткор, деб тан олинди. Ойбек 1935 йилдаёқ Faфур Fулом тўғрисида сўзлаб: «Faфурнинг шеър ва достонлари аксар вақт жанговар ҳам курашчан руҳни ифода этади, буюк инқилобий даврнинг фикр ва туйгулари, мотивлари, жўшқинлигини куйлай-

ди. Фикр, сезгиларни, воқеаларни аниқ, яққол, қирралы, қабариқ ва янги образларга беришга интилади», деб ёзган эди. А. Фадеев ҳам «Ўзбек халқининг гурури» (1945) мақоласида «Шоир ва академикFaфур Ғулом совет поэзиясининг энг ўзига хос ва мислсиз ҳодисаларидан биридир.... Унинг шеърлари ҳамиша фикр ва теран туйғулар билан сугорилган», деб юксак баҳо берган эди. Л. Бать эса, «Шум бола» тўғрисида сўзлаб, «Моҳият жиҳатидан чуқур миллий руҳдаги бу асар Марк Твенning «Том Сойернинг саргузаштлари», Диккенснинг баъзи романларига яқиндир», деган эди.

Faфур Ғулом чиндан ҳам XX аср ўзбек шеърияти ва насрининг йирик, бетакрор вакилидир. У ҳозирги замон ўзбек адабиёти ва маданияти ривожига муносиб ҳисса кўшган сўз санъаткоридир.

АБДУЛЛА ҚАҲХОР (1907— 1968)

Абдулла Қаҳхор ҳозирги замон ўзбек насрининг пешқадам ёзувчиларидан бири. У ўзбек реалистик ҳикоячилигини дунё миқёсига олиб чиққан нодир талант эгасидир. Ёзувчи Леонид Ленч А. Қаҳхорнинг «Тўйда аза» ҳикояси хусусида тўхталиб, «одамнинг ўлими ҳақида кулгили қилиб ёзиш жуда қийин иш. Бу фақат Чеховнинг кўлидан келарди. Faқат француزلар бунинг уддасидан чиқарди. Ҳозир буни бизда эплайдиган ёзувчи камдан-кам. Буни қарангки, Абдулла Қаҳхор шундай қийин ишни бемалол бажарибди», дейди. А. Қаҳхор ҳаққоний, ҳаётий, кенг қамровли, содда, психологик таҳлили чуқур ва миллий характерни аниқ, жозибали қилиб тасвирлаб берувчи, ниҳоятда ихчам ва гўзал ҳикоялари билан ўзбек ҳикоячилигида етакчи ўринни эгаллади ва устоз даражасига кўтарилиди.

Абдулла Қаҳхор 1907 йилда Кўқонда Кўмирбозор мажалласида туғилди. Отаси темирчи бўлган, шунинг учун бир жойда муқим яшашмаган — тирикчилик деб қишлоқма-қишлоқ кўчиб юришган. Абдулла эндиғина бирор

қишлоқдаги муҳитга ўрганиб, ўтроқ топай деганда тирикчилик ўтмай ёки бой, амалдорлар сифдирмасдан бошқа қишлоққа кўчишга мажбур бўлишган. Чунки отаси ғуурли, тўғри сўз, бир сўзли одам эди. Бунинг устига Абдулла беш ёшга киргандга онаси вафот этади. Онасининг ўлимидан сўнг у индамас, одамови бўлиб қолган эди. Дастрлаб маҳалласидаги отинойида ўқиди, аммо кўпроқ китобга ишқибоз, ўткир зеҳнли отасидан илм ўрганади («Баҳори дониш», «Бобо Равшан» каби китобларни ўқиб беради). Октябрь тўнтаришидан кейин жадид мактабида ўқийди. Абдулла Авлоний, Тавалло асарлари билан танишади. «Истиқбол», «Коммуна мактаби», «Намуна» билим юргида таълим олади. «Адіб» деган адабий деворий газета чиқариб, унда ўз машқлари билан қатнашади, мукофотлар олади. Шу билим юртида Чўлпон, Рафиқ Мўмин, Ҳамзаларни кўради, тинглайди. У ерни битирмай шаҳар комсомол қўмитасига ишга киради (1924). Шу йили ой тутилади, унга бағишлиб шеър ёзади, у «Норин шилпик» имзоси билан «Муштум»да босилади. У 1925 йилда «Қизил Ўзбекистон» газетасига ишга чақирилади. Бу йиллари ёзган фельетон, ҳикоя, мақолалари ўзи ёзганидек «деярли ҳаммаси диний урф-одатларга, дин аҳлига, динга қарши қаратилган асарлар эди». Уларга «Норин шилпик», «Мавлон куфур», «Гулуёр», «Эркабой» имзоларини қўяр эди. Шуни эслатиб ўтиш керакки, Октябрь тўнтаришидан кейин мамлакатда диний жаҳолатга қарши кураш ҳаракати бориб-бориб умуман динга ва динга эътиқод қўйган одамларга қарши курашга айланиб кетди, шу туфайли 1917 йилгача диний шеърлар ёзган Ҳамзадан тортиб деярли барча ёзувчилар дин ва дин ҳомийларини қораловчи асарлар ёзишди. Фақат қайта куриш даврида, айниқса, республикаиз мустақилликка эришган пайтдан бошлиб диний эътиқодга, умуман динларга кенг йўл очилди.

Абдулла Қаҳҳор Ўрта Осиё Давлат дорилфунунининг ишчилар факультетида ўқиди, у ерда «бўйи баравар китоб ёзган Толстой», «русларнинг буюк шоири Пушкин» номини эшилди. Кейинча Чехов, Гоголь, Тургенев, Достоевскийларни таниди, айниқса, Чеховдан ҳикоячилик,

проза «сири»ни ўрганди: қаҳрамонларни жонли одамдек гавдалантириш, фикр-ғоя, мақсад-идеални персонажлар тақдири, воқеага сингдириш маҳоратини, содда ва ихчам ёзишни ўрганди. Ўқиши битиргач, Қўқонга келиб қишлоқ ўқитувчиларини қайта тайёрлаш курсида дарс берди, кейин «Янги Фарғона» газетасида котиблик қилди ва «Чигириқ» ҳажвий бўлимини бошқарди. «Ниш» таҳаллуси билан танқидий мақолалар эълон қилиб борди. Сўнгра Ўрта Осиё Давлат дорилфунунининг педагогика факультетини битирди, Тил ва адабиёт илмий текшириш институтида аспирантурада ўқиди. Бу йиллари республикада миллий мустақиллик учун курашга отланган зиёлиларни (жумладан А. Қодирий, Фитрат, Чўлпон ва бошқаларни) миллатчиликда айблаш ҳаракати авж олган эди. А. Қаҳҳор каби ёшлар ҳам «миллатчи», «синфий душман», «халқ душмани» деган туҳматларга ишонишиб, уларга қарши олиб борилаётган курашни ёқлашар, ҳатто кўмак беришар эди. А. Қаҳҳорнинг ўзи ёзган эди: «Тақдир мени шу душман синф вакиллари бўлган эски ва «янги» зиёлилар, ўзини миллат ҳомийси, миллатчи, деб атаган бир гуруҳ ватан хоинлари билан учраштириди. Булар билан учрашиш мен учун, бир жиҳатдан, оғир кўргулик бўлса, иккинчи жиҳатдан катта мактаб бўлди... Мен адабиётнинг кураш қуороли бўлишига ҳеч қачон бунчалик зарурат ҳис қилмаган эдим. Чўлпоннинг қўп шеърлари ёшларнинг бағрига отилган заҳарли ўқ бўлганини ҳам ўшанда англағанман. Мана шунинг натижаси бўлиб «Сароб» роман майдонга келди».

«Сароб» романни маҳорат жиҳатидан юксак санъат асарининг намунаси бўлса-да ва жуда қизиқиш билан ўқилса-да, халқимизнинг совет ҳукумати йилларида босиб ўтган йўлига, айниқса, босмачилик, миллатчилик деган гапларга янгича қараш юз берган ҳозирги мустақиллик даврида бу романда ёзувчи тутган йўл, у олға сурган фикр-ғоя иотўғри бўлиб чиқди. Асарда бирор персонаж йўқки, у миллатчи деган гуруҳга ёки уларга қарши турган тоифага алоқадор бўлмасин. Барибир роман ўша давр ўзбек адабиёти тарихини ўрганишда, ўша вақтдаги ижтимоий фикрни ва ҳукумат сиёсатини акс эттиришда кўмак бе-

ради. Ахир, «Сароб» ўша пайтда жумҳурият энг яхши асарлар учун эълон қилган конкурсда ғолиб чиққан. Адабий танқидчиларининг баъзилари уни танқид қилган бўлса-да, лекин кўпчилиги, кенг жамоатчилик уни яхши кутиб олди. А. Қаҳҳорнинг «Бемор», «Анор», «Ўғри», «Адабиёт муаллими», «Санъаткор», «Жонфифон» ва Иккинчи жаҳон уруши ва ундан кейинги даврда ёзган «Қобил бобо», «Даҳшат» каби ажойиб ҳикоялари, «Қўшчинор чироқлари» романни, «Синчалак» ва «Ўтмишдан эртаклар» каби қиссалари майдонга келди. «Ўтмишдан эртаклар» Ҳамза номидаги Республика Давлат мукофотига сазовор бўлди. «Янги ер» («Шоҳи сўзана») комедиясига Иттифоқ Давлат мукофоти берилди. У Москва, Санкт-Петербург, Хитойда, умуман 73 та театрда қўйилди. Кейин «Тобутдан товуш», «Оғриқ тишлар», «Аяжонларим» комедияларини ёзди. Булардан «Тобутдан товуш» жамиятимиздаги пораҳўрлик иллатини шафқатсиз йўсинда фош этгани учун ҳукumat томонидан тазиёқقا олинди, йигирма йилча саҳнадан олиб ташланди.

А. Қаҳҳор ҳикоя ва қиссаларини ҳаққоний, ҳаётий ва ишонарли қилган муҳим бир омил бор: у ғоят кузатувчан, сезгир, сермулоҳаза ижодкор. Деярли барча асарларининг асосида ҳаётда ўзи бевосита кўрган-кузатган, яхши билган воқеалар, одамлар туради. Ёзувчи учун булар хом масаллиқ бўлиб хизмат қилган. Уларни ўз тилаги, орзуармони, идеалидан келиб чиқиб, обдан қайта ишлади, бутун қалбини, туйғусини уларга сингдиради. Ёзувчининг ўзи бундай дейди:

«Агар ёзувчининг мақсади турмушда кўрган нарсаларининг ўзинигина ёзишдан иборат бўлганида, дунёда бундан осон иш бўлмасди. Ҳаётдан тўғридан-тўғри кўчириб ёзиш китобдан китобга кўчириб ёзишдай яхши натижа бермай, айни пайтда фақатгина нусхагина бўлиб қолаверади. Бундай нарсалардан оригиналликни кутиб бўлмайди. Оригиналлик ҳаёт ҳақиқатини кўнгил призмасидан ўтказиш, уни ҳис қилиш, унга ўйлаб юрган гапларингни сингдириш, тилак ва идеалларнинг қўшиб ифодалаш билан юзага келади. Бадиий ҳақиқатни туғдирадиган маҳалла комиссиясининг «бунга ишонинглар»

деган мазмундаги справкасига ҳожат қолмайдиган факт ва уйдирмаларини топиш мушкуллиги ҳам худди ана шундадир».

А. Қаҳҳор реализмiga ҳаётбахш қудрат берган манба қаерда? Унинг бадииятини мафтункор қилган куч-сехр нимада? Булар ёзувчининг шахсиятига, фуқаролик сиймосига бориб тақалади. У ростгўй, ҳақиқатгўй ёзувчи эди. Ундаги ҳақиқатгўйлик, жасорат ва фаол курашчанлик фазилати унинг қаҳрамонларининг ҳам қон-қонига сингиб кетди, уларнинг бош фазилатига айланди. Бу борада А. Қаҳҳорнинг ўзи бундай дейди:

«Агар ёзувчининг ахлоқ кодекси тузиладиган бўлса, мен ҳалоллик билан шижаотни биринчи модда қилиб қўяр эдим, чунки ёзувчининг бошқа ҳамма хислатлари унинг қай даражада ҳалол, нақадар шижаотли зеҳнига боғлиқдир, санъат асарида яхшини яхши деб одамларга ибрат қилиш, ёмонни ёмон деб одамларни ундан жиркантириш учун шижаот керак бўлса, шижаот ҳалолликни талаб қиласди. Шунингдек, шижаотсиз ҳалолликнинг ўзи ўлик сармоядир. Улуғ Навоий ҳақ-ҳаққониятга келганда, вазирлик либосини ечиб ташлаб, «қора ҳалқ» қучогига интилган. Фурқат ёлғончилик уяси бўлмиш бойларнинг юзига «туф» деб шеър ёзган. Чехов ва Короленко ҳаққониятсизликка қарши норозилик юзасидан академик унвонидан воз кечган эди-ку. Короленко ўзи маҳбус бўлгани ҳолда, чор ҳукуматининг бутун бир ҳалққа зулм ўтказгани тўғрисида баланд товуш билан қичқирган, М. Шолохов ноҳақ ҳалқ душмани номи тақилган кишиларни ҳимоя қилган эди-ку. Буларнинг ҳаммаси мазкур ёзувчиларнинг гражданлик шижаоти талант кучидан кам бўлганини кўрсатмайдими?».

А. Қаҳҳор уч нарсани: ҳалоллик, шижаот-жасорат ва талантни бадиий ижоднинг устуни деб билади. Шунинг учун меҳригиёси йўқ асарларни, ловуллаб ёнмай бир умр тутаб ўтган ёзувчиларни мутлақо тан олмаган, улар юзига тўппа-тўғри «Бошқа иш қилинг» деб айтган.

А. Қаҳҳорнинг ўзида шу уч фазилат тўла мужассамлашган эди. Унинг асарларида ўзбек ҳалқининг ўтмишдаги оғир турмуши, совет давридаги ҳаёти акс этган. У

ўтмиш ҳақилаги «Ўғри», «Томошабоғ», «Бемор», «Анор» каби ҳикояларини ғам-ғуссага тұла» асарлар, дейди. Чиндан ҳам у трагедия, яъни фожиавийликни теран бадиій таҳмил қылған ёзувчидир. Мазкур ҳикоялардаги Туробжон, Қобил бобо, Сотиболди ёки «Даҳшат» ҳикоясидаги Унсин образлари ёзувчининг ўша меҳнаткаш инсонга ёв тузум устидан чиқарған ҳукмидир. Ёзувчининг «Ўтмишдан эртаклар» повестининг пардасини, руҳини ҳам фожиавийлик белгилайди. Зулм, адолатсизликни ва инсон бардошини ҳаққоний акс эттиради, «Синчалак»да ҳам, «Янги ер», «Тобутдан товуш»да ҳам инсоннинг қадр-қимматини унинг жамиятга ва халқ манфаатига келтираётганды фойдаси ёки зиёни нұқтаи назаридан баҳолайди, ўлчайди.

А. Қаҳдор ҳәётни, воқеликни турли ва қоронғу томонлари, яъни бутун зиддиятлари билан күрсатиш йўлидан боради. Одамлар яхшиликдан ўрнак олсин, ёмонликдан жиркансин ва унга қарши курацсин, демоқчи бўлади. «Синчалак» асарида Саида тили орқали сизнинг вазифа... одамлар кўнишиб қолган ёки ноиложликдан кўз юмган ҳамма иллатларга халқнинг диққатини тортиш, бу иллатларнинг сабабини, натижасини эл кўзига кўрсатиш, одамларда фикр уйғотиш, уларни бу иллатларга қарши курашга йўллаш»дир, дейди. «Синчалак»да, сатирик комедияларида, мақола, фельетонларида порахўрлик, тўралик, маҳаллийчилик, текинхўрлик, кўзбўямачилик, бузуклик, жаҳолат, ароқхўрликни кескин танқид қиласи, аёллар, ўқувчилар меҳнатини енгиллаштириш, заҳарли химикатларни йўқотиш хусусида жон куйдиради. Афсуски, ёзувчининг бу нидосига ўша 60-йилларда қулоқ солинмади, аксинча, унинг «тилини кесиб» қўйишга уринишди.

«Ҳаётимизнинг айрим пайтларида, — деган эди ёзувчининг ўзи, — иллатлар ҳақида минг мuloҳаза билан айт-тилган баъзи бир камчиликлар ҳам «типик эмас», «сиёсий хато», «душман тегирмонига сув қуиши», «туҳмат» ва ҳоказо ҳисобланар эди. Бу ҳол ўтмиш сарқитларининг яшашига, ҳатто урчишига қулай шароит туғдириб берган эди».

А. Қаҳҳор қаҳрамонлари унинг ўзи қаби курашчан, журъатли, интилувчан. Сатирик образлари, салбий қаҳрамонлари ҳам ўз ғоя, мақсади учун жон олиб-жон беради. Ёзувчи икки қутбни ҳаёт-мамот учун муросасиз курашувчилар қилиб қўрсатали. Бу нарса асар конфликтининг кескин бўлишига, ундаги драматизмнинг таранглашишига, характерларининг ёрқин чиқишига олиб келди. Ижобий қаҳрамонлари кураш ва меҳнат билан ўз баҳтини топади ва шу жараёнда маънавий ўсади. «Синчалак»даги Саида Қаландаровлар яратган турғунлик мұхитини, шароитни ўзгартириш учун қанча тер тўкмади. «Синчалак»да ёзувчи «Тақдирини ўз кўлига олган одамларнинг келаҗаги, албатта, ёрқин бўлади, ҳали бу неъматга эришмаганларнинг кураш йўлини ёритади», лейди. Саида худди шундай маёқлардан.

А. Қаҳҳор асарларининг куч-қудрати, жозибаси уларда ўткир ижтимоий-сиёсий, ахлоқий масалаларнинг журъат билан кўтариб чиқилишида эмас, балки шу жиддий фикр-ғояларнинг «китобхоннинг қалбига олиб кирадиган образлар», заргарнинг сабри, ҳафсаласи-ю, нақ-кошнинг ҳунари билан оро берилган образлар» орқали ифодаланишидадир. Унинг асарларидағи персонажлар тирик, жонли одамлардек кўриниб туради, бир-бирига асло ўхшамайди — ҳаммасининг ўзига хос овози, сўзлаш тарзи, қилиғи, туриш-турмуши, характеристери бор, ички дунёси ҳам мана-ман деб кўриниб туради. Ёзувчининг ўзи воқеага аралашмасдан холис тасвирлайди: сўз, бўёқ, тасвири ниҳоятда ихчам, қисқа, содда, меъёрида. А. Қаҳҳорнинг ўзи «Кўп сўз ёлғоннинг юзини пардалаш учун керак. Ҳақиқат шундай жононки, пардоz унинг ҳуснини бузади», дейди. Ёзувчининг 1967 — 1971 йилларда нашр этилган кичик шаклдаги олти жилдли «Асарлар»ига разм солайлик: энг катта ҳикояси «Асрор бобо» саккиз варақ, «Бемор», «Санъаткор» бир варақ, «Ўғри» икки варақ, «Даҳшат» тўрт ярим варақ. Лекин булардаги мазмун чуқурлиги ва характеристларнинг ёрқинлиги ўқувчини лол қолдиради. «Синчалак», «Ўтмишдан эртаклар» иккаласи биргаликда бир юз етмиш бет. Йирик прозаси ва пьесалари ҳам шундай ихчам. Бу мисоллар ёзувчининг минг

ўлчаб бир кесганини, ҳар бир сўз, ҳар бир деталь зим-
масига катта юк ортилганини тасдиқлади. А. Қаҳҳор про-
засининг драма жанрига яқинлиги ҳам бежиз эмас: воқеа-
ҳаракат кучли, конфликт ўткир, характерлар ёрқин,
эҳтиросли, яхлит композицион бўлак — саҳнавийлик
бор, диалоглар айни чоқда ҳаракатни тезлаштирувчи,
конфликтни кескинлаштирувчи куч ҳам. Ёзувчи ва пер-
сонажлар нутқида халқ, фольклорнинг буюк қудрати
намоён бўлган. Унинг асарларида катта бадиий юк та-
шийдиган рамзий образларни эслайлик: «Синчалак»нинг
охирида асар сарлавҳасига изоҳ беради. Қаландаров Са-
идани синчалакка ўхшатган эди. Бу ўхшатишнинг нотў-
ғри эканлигини икковининг ўзаро кураши, фаолияти
ва бунинг натижасини тасвирилаш орқали исботлайди.
Қаландаров охири «Кичкина, нимжон бўлсанг ҳам, ос-
монни кўтаргули қувватинг, гайратинг бор экан» деган
холосага келади, тан бериб айтади. «Даҳшат» ҳикоясида-
ги барча образ ва деталлар «тирик» гўристон бўлган, бу
даргоҳнинг (яъни Олимбек додҳоҳнинг уйи) даҳшати
олдида ўликлар гўристонининг даҳшати унга даҳшат
бўлиб кўринмас» деган фикр-ҳақиқатни ўтказиш учун
хизмат этади. «Оғриқ тишлар», «Тобутдан товуш» деган
сарлавҳалар ҳам икки асарнинг бутун руҳини, йўнали-
шини акс эттиради. Асар қўлёзмаси мухоммасида баъзи
танқидчилар асарда ёруғлик, нур кам, яъни ҳаётнинг
яхши томонлари жуда кам кўрсатилган, унда зулмат,
даҳшат кўп ўринни эгаллайди, деган мулоҳазани айт-
ганда, А. Қаҳҳор бор ҳақиқатни тасвирилаши ва шунинг
учун унга бошқача ном эмас, балки эртак, яъни «Ўтмиш-
дан эртаклар» деб ном кўйганини таъкидлади. Сўнгра
асарнинг Л. Толстой, М. Горькийларнинг «Болалик» асар-
ларига ўхшамаслигини, улар типидаги асарни кейин
ёзажагини ҳам уқтиради. Чиндан ҳам асарда ёш Абдул-
ланинг ҳаёт йўлини кўрсатиш бош ўринда турмайди,
аксинча, ўткир, даҳшатли ҳикоялардан ташкил топган
бу қисса ўша замоннинг руҳини ифодаловчи кўплаб тақ-
дирлар тўғрисида ҳикоя қиласиди. А. Қаҳҳор «Ҳаёт ҳодиса-
ларидан бадиий тўқимага» (1965) мақоласида «Анор»
ҳикоясидаги Туробжон образи учун Бабар деган йигит-

нинг фожиали ҳаёти туртки бўлганини айтиб, ёзган эди-
ки, «Бабар қиссасининг давоми фожиали, бу ҳақда яна
бирон нарса ёзиш ниятим бор». Сўнгра Бабарнинг хоти-
нини қутурган ит қолиб олганини, даволаш учун Тешиктошга олиб боргани, бозорда уни ўғри деб калтак-
лаб қамаб қўйишгани ва эсларидан чиқиб совуқда эрта-
лабгача қолиб кетгани, отқоровул бошидан ошириб ўқ
отганда ҳам миқ этмай тургани ва уйига қайтаётib со-
вуқда музлаб ўлиб қолганини ҳикоя қиласди. Худди шу
воқеани «Ўтмишдан эртаклар»нинг «Тешиктош» бобида
янада даҳшатлироқ қилиб тасвирлайди. Ундаги «Хур қиз»
бобида ҳам шундай фожиали тақдир (Саври) ҳақида
ҳикоя қиласди. Ёзувчи ҳамма асарларидағи каби бунда ҳам
қаҳрамонлар психологиясини шундай далиллайдики,
шундай ёрқин, чукур таҳлил қиласди, улар тирик одам-
лардек гавдаланади, кишини ишонтиради.

Ёзувчининг сўзни заргарона ишлатишини тасдиқлов-
чи ва характернинг руҳиятини тиниқ очувчи айрим нуқ-
таларга разм солайлик. «Синчалак»да Эшонни мана бун-
дай тасвирлайди: «Унинг бўйни тошбақанинг бўйини
эслатар, юзи сўриб ташланган ҳусайн узумга ўхшар, ле-
кин бир томонга силлиқ қилиб тараалган сочи оёғидаги
амиркон туфлисидан ҳам қорароқ ва кўпроқ ялтирад эди».
Шу тасвир орқали китобхон муносабатини Эшонга нис-
батан белгилаб қўяди.

Сайданинг аччиқ кесатигини кўрайлик. Қаландаров
унга «колхоздан кет» дейди. У кетмаслигини айтади. Шунда
Қаландаров:

«Колхоз ёқиб қолган бўлса, эр-пер топиб бера қолай, —
деди. Саида унинг афтига қаради.

— Мен сизни фақат яхши пахтакор деб билар эдим,
бошқа касбингиз ҳам бор экан.

Қаландаровнинг дами ичига тушиб кетди.

«Даҳшат» ҳикоясининг биринчи жумласиданоқ таби-
ат ҳолатини шундай тасвирлайдики, бу тасвир кейинроқ
юз берадиган даҳшатнинг элчиси — даракчисидек туую-
лади: «Яқин икки ҳафтадан бери кўз очирмаётган кузак
шамоли яйдоқ дарахтлар шохида чийиллайди, шувуллайди,
томларда вишиллайди, ёпиқ эшик ва дарчаларга бош

уриб уф тортади». Ёзувчи ҳикоянинг фожиавий пардасини шу жумладаёқ белгилаб олади.

А. Қаҳҳор образли тафаккурнинг нодир намунасини яратибгина қолмади, айни чоқда бадий асар тили устида қандай ишлаш борасида ҳам муҳим фикр-мулоҳазаларни ўртага ташлади.

«Гап шундаки, — дейди ёзувчи, — ҳозирги вақтда, тилимизнинг бойлигини, унинг қочириқларини ўрганишга эринган, сўз санъатига ҳунар деб эмас, касб деб қарайдиган, бисотидаги бир ҳовуч сўзни йиллар давомида айлантириб кун кўриб юрган бир туркум қалам аҳли фаолияти», чала мулла баъзи олимларнинг «илмий хуласа»лари натижасида ажиб бир тил бунёдга келган. Бу тилда ҳеч ким гапирмайди, зотан гапириш мумкин ҳам эмас, фақат ёзиб ўқиб бериш мумкин. Бу тилда ёзилган нарсанни бир қиёсда ўқимасдан ҳам илож йўқ. Бу тилнинг ҳеч қаерга ёзилмаган, лекин амалда жорий бўлган темир қонунинг кўра «яхши овқат едим», деб бўлмайди, албатта «сифатли овқатландим» деб ёзиш шарт. «Папирос чекадиган одам гугуртни олиб юриши керак», деб ёзиш тўғри эмас, «Папирос чекиши одатига эга бўлган киши ўзини тегишли гугурт билан таъминлаб юриши керак», деб ёзилса тўғри бўлади. Бу тилда латифа айтиб бўлмайди, ёзиб бўлмайди. Бу тилда ҳазилга, мақолга, масалга, ажойиб ҳалқ ибораларига ўрин йўқ. Бу тил ҳар қанақа жонли фикрга кафан кийгизади, ҳар қанақа йўноқи мазмунни таҳтага тортади, ҳар қанақа лекторни фурбатнинг уясига, ҳар қанақа аудиторияни ўлик чиққан ҳовлига айлантиради».

Бу сўзлар ҳозир ҳам ўзининг тўла аҳамиятини сақлаб қолган.

А. Қаҳҳор майда гапни кўтариб, қашшоқ шакл ва тилда асар ёзиб кеккайиб юрган ёзувчиларни «маҳалла классиклари», «Тўйтепадан нарига ўтолмайдиган» асар муаллифлари деб атарди. У А. Қодирий тўғрисида сўзлаб, «Абдулла Қодирий одамлар айтимоқчи «бир-икки рисола ёзган» анчайин бир ёзувчи эмас, балки янги давр адабиёти, Европа адабиёти гази билан ўлчаганда ҳам тўлақонли асарлар ёзган, ўзбек романчилигини бошлаб берган улкан

адибдир», дейди. Бу сўзларни Абдулла Қаҳҳорнинг ўзига ҳам тўла нисбат бериш мумкин. Унинг бадиий олами сўз санъатининг ҳар қандай юксак мезони, гази ва тоши билан ўлчаганда ҳам бардош беради, кўтаради, арзийди.

ЭРКИН ВОҲИДОВ

(1936 йилда туғилган)

Эркин Воҳидов ҳозирги замон ўзбек шеъриятининг йирик вакилидир. Айни чоқда, «Олтин девор» каби комедияси, Гётенинг «Фауст»и каби ажойиб таржималари билан ҳам ўзбек адабиёти ва санъати, ўзбек маданияти ривожига салмоқли улушини қўшиб келаётган кўп қиррали ижодкордир.

Эркин Воҳидов 1936 йилда Фарғона вилояти Олтиарик туманида ўқитувчи оиласида дунёга келган. Отаси тарих ўқитувчиси, билимдон, дилкаш, қувноқ, сўзга чечан одам эди, онаси ҳам саводли, ўткир зеҳни аёл бўлган. Отаси фронтда бош миясидан жароҳатланади ва ўлка шамоллаш касалига дучор бўлади. Бу дард 1945 йилда уни олиб кетади, кўп ўтмай онаси ҳам оламдан ўтади. Тўққиз ёшидаёқ ота-онасиз қолган Эркин Воҳидов адлия ходими бўлмиш тоғасининг қарамоғига ўтади. Эркинжон оиласи ягона фарзанди — ёдгори эди, унгача туғилган қиз тўдаклигига ва укаси икки яшарлигига вафот этишган эди. Тоғаси адабиётни дилдан севгувчи, қўлидан Навоий, Бедил, Фузулий асарларини қўймайдиган одам эди. Уларницида шоир Чустий, шоир, таржимон, олим Алихон Соғуний, ака-ука хонанда Шожалиловлар тез-тез йиғилишиб, Шарқнинг буюк шоирлари ижоди хусусида баҳслар қилишар эди. Эркин Воҳидовда Навоий, Фузулий ижодига, ғазалчиликка буюк муҳаббат шу оиласида туғилган эди. Кейинчалик у ажойиб камтар ва дилкаш инсонлар — Файратий тўгараги, Миртемир семинаридан ҳам катта баҳраманд бўлди, бу устозларни доимо ҳурмат билан ёдга олади. Эркин Воҳидовда шеъриятга ҳавас-иштиёқ жуда эрта туғилди: еттинчи синфда ўқиётган вақтидаёқ «Муштум»да биринчи шеъри босилди ва 1961 йил-

да, йигирма беш ёшида «Тонг нафаси» деган илк тўплами нашр этилди. Шу вақтдан бошлаб Ойбек, Faфур Гулом, Абдулла Қаҳҳор, Миртемир, Шайхзодалар эътиборига тушди ва номи эл орасида тобора кенг ёйила бошлади. Кейин ўзбек ва рус тилларида ўнлаб китоблар бостириди. «Ёшлиқ девони» (1969), «Мұҳабbat», «Тирик сайёralар» (1980), «Рұхлар исёни» (1979), икки жилди Сайланма (1986), «Яхшидир аччиқ ҳақиқат» (1992) каби шеърий китоблари, достонлари ва «Олтин девор» (1969), «Истамбул фожиаси» (1985) каби драматик асарлари ва «Итироб» (1992) каби публицистик китоблари китобхонларнинг мұҳабbatига сазовор бўлди. У «Ёш гвардия» нашриётида бош мұҳаррир, «Ёшлиқ» журналида бош мұҳаррир ва Faфур Гулом номидаги адабиёт ва санъат нашриётида директор лавозимларида хизмат қилиб, маданиятимиз ривожига ўз улушини қўшиди. У ҳалқ ноиби сифатида ҳам жумҳуриятимизда адолат ва ҳақиқатни ҳимоя қилишда жонбозлик кўрсатди. Унинг китоблари Ёшлар мукофотини, Ҳ. Олимжон номли мукофотни, Ҳамза номли давлат мукофотини олди, шоирга «Ўзбекистон ҳалқ шоири», «Ўзбекистон Қаҳрамони» унвонлари берилди.

Эркин Воҳидов шеърияти бугунги ўзбек адабиётида ноёб ҳодисалир. Унинг шеърияти ҳалқ қалбига чуқур кириб борди. Бунга сабаб шоирнинг ижодга, шеъриятга катта мұҳабbat ва чуқур эътиқод билан ёндашиб, уни инсоннинг баҳт-саодати учун кураш воситасига айлантиришидир. «Ҳамма даврларда ҳам ёзувчилар ҳалқнинг кўрар кўзи, виждони, қалб садоси бўлганлар. Бизнинг бу чигал замонда ҳам одамлар ўз юракларидаги минглаб саволларга ёзувчидан жавоб қидирадилар, уларга умид боғлайдилар», — дейди Эркин Воҳидовнинг ўзи. Шоир ўзбек ҳалқининг кишилик жамияти бешигини тебратишдаги буюк ҳиссасини, ўрнини яхши билади, ундан фуурланади. Унда она-Ватан, меҳрибон ҳалқига мұҳабbatи чексиз, улар учун жонини садақа деб билади ва унинг баркамоллик йўлига ғов бўлган кучларга қарши шафқатсиз туради, демак, унда кураш, исёнкорлик ғояси — руҳи ҳам кучли. Унда отабоболар ишига, руҳига, орзу-армонига садоқат туйғуси

мўл-кўлдир. Фалсафийлик, донолик, ҳазил-мутойибага мойиллик, нозик кесатиш ва қочириқлар, киноя, рамзийлик, мусиқийлик, самимилик, содалик, жўшқинлик, тиниқлик унинг шеъриятига хос фазилатдир. Унинг шеърияти ростгўй-ҳаққоний ва айни пайтда кўтаринки, ҳаётбахш шеъриятдир. У «олов бўлиб» ҳалқ қалбини иситишини бош орзу-армони деб билади. Шеъриятда «бутун одамнинг шавқ-дарди мужассам» бўлишига интилади. «Рубобим тори иккидур» ғазалида қувноқликни ҳам, маҳзунликни ҳам — зиддиятли, мураккаб олам ва одамни ҳаққоний кўрсатишга бел боғлади. У «Ҳеч қачон одам дилин виждон юки, имон юки тарқ этмасин» деб куонади, «оталарнинг эътиқоди, эзгу ҳислари, исёнкор руҳи» билан яшаш, курашишга чорлайди. «Эркин Воҳидов шеъриятида, — дейди Абдулла Орипов, — абадий мавзулар хазинасига аниқ замон ва макон калити орқали кириб борилади. Ҳалқимиз кейинги даврлар мобайнида босиб ўтган ва ўтаётган гоҳ машаққатли, гоҳ армонли, гоҳ туғёнли, гоҳ ифтихорли йўлларининг манзара ва оҳанглари садолари Эркин Воҳидов шеъриятида тўла мужасамдир».

Эркин Воҳидов бу даражага кўтарилиш учун ижоднинг узоқ машаққатли йўлларини босиб ўтди: шеърият сирини ўрганишдан ташқари воқеликка, ҳаётга ва инсонга қарашда мустақил назарга ҳам эга бўлиш ва буларни ўзига хос тарзда ифодалаш йўллари, усулларини тошиш керак эди. Эркин Воҳидовлар адабиётга кириб келган 60-йиллар бошларида адабиётда кўтаринки руҳ ҳоким эди. Айни пайтда ёш қаламкашларгина эмас, балки энг аввало Миртемир, Мақсуд Шайхзода каби катта авлод вакиллари ҳам ҳаётнинг номукаммаллигидан, инсон эркини бўйувчи кўринмас занжирлар борлигидан қайғуриш ва нолишга ўта бошладилар. «Биз бугунги кун назари билан эллигинчи йиллар адабиётига «соҳта кўтаринкилик», «тантанаворлик» адабиёти деб қарамаслигимиз керак, — дейди Эркин Воҳидов — Ўша адабиётлар ҳам миллионларнинг қалб эҳтиёжи туфайли яратилган. Эллигинчи йиллар ўртасида жамиятда янги руҳ, янгича қарашлар бошланди. Адабиёт ва санъатда ҳам янгиланиш белгила-

ри пайдо бўлди, ижод заминий ҳисларга, ҳақиқатга, инсон қалбининг мураккабликларига яқинлаша бошлади».

Шу янги рух, янгича қараш Эркин Воҳидов шеърларида ҳам кўрина бошлади. «Юрак ва ақл» шеърида юрак буюрган ишни қўлмоқдигини, ақл жиловидан ташқарига эркин чиқиши орзу қилди. «Юрак мени алдамас» деб ишонди. «Фузулий ҳайкали қошида» шеърида юрагига қулоқ солиб, Фузулий шеъридаги дардни тинглай бошлияди. Ундаги «Фузулий нолай дил сўзини тутмишлар», «Кўз ёшларнинг ҳолин ва билсин мардуми ғофил» мисраларни келтириб, «Менинг шоирлигим ёлғондир, аммо Фузулий шеърига ошиқлигим рост» дейди, яъни унингдек инсонга ҳамлард ва ростгўй бўлишни орзу қилади. Шоирдаги бу ниятни сезиб олган «сезгир» ташкилотлар — адабиёт шу тузумни фақат мақташи керак, деган посбонлар Эркин Воҳидовга таъна ва тазииклар қилди. Бу шеърдан икки йил кейин — 1964 йилда «Вокзалда» шеърини ёзди. Бунда «инсоннинг нечоғли туйугуга бойлигига» эътиборни тортиб, ана шу туйфуларни — ҳаяжон, шодлик, умид, армон ва кўз ёшларни тасвирлайди. «Кардиограмма» (1971) шеърида ҳақиқатгўй шоир сифатида шакллананаётганлигини намоён қилади:

Юрагимга қарши бир сўз айтдимми?
Ёки кимларгадир тавозе этиб
Оқни-қора дедим — имон бсхабар?
Ёки поҳақликни кўриб, эшитиб,
Кўзимни кўр қилдим, қулогимни кар?

У «Ўзбекистон» фахриясини, «Илтижо» ва «Ўзбегим» каби машҳур шеърларини ҳам худди шу йиллари (1968 — 1971) ёзди. Шоирнинг Фузулий ҳақидаги ақл ва юрак мунозараси ёки кардиограмма, вокзал ҳақидаги шеърларида асосий ниятини жуда яширин мисраларнинг қатқатига сингдириб беради. Умуман бу йиллари шоирлар имо-ишора, рамзий йўллар орқали ҳақиқатни айтишга уринардилар. Эркин Воҳидовнинг ўзи кейинча «Шеъриятимиз ишоралар шеърияти бўлиб қолганди. Мана энди ҳамма гапни айтиш мумкин пайтда лол бўлиб қолдик. Биз бир умр ниқобни кўтаришга уриниб яшадик», дейди.

«Ўзбекистон» ёки «Ўзбегим» шундай уринишилардан бири эди. Шоир юртини ва халқни инсоният жамиияти тарихидаги ўрнини тасвирлаш орқали, унга ўзлигини англатмоқчи, фуур туйғусини уйғотмоқчи ва яна улуғвор ишларга сафарбар этмоқчи бўлди. Шоир «Ўзбегим» қасидаси тўғрисида «Бундай шеър халққа ўз қадрини англаш учун керак», дейди. Яна бир ўринда «Халқни мақтаган шоир улуғ эмас, унинг ўзлигини ўзига кўрсатиб беролган, аёвсиз гапни айтотган шоир улуғ» дейди. Ҳатто қасиданинг ўзида ҳам «Ўзбегим билмоққа даврим берди имкон, ўзбегим» деган мисра ҳам бор. Шоир қасидада улуғ ота-боболардан тортиб то ўзбекнинг кимлигини кўрсатишга дадил бўлувчи одамийлигигача — ҳаммасини келтирас экан, эътиборини унинг бойлиги, борлиги, эрки, ҳуқуқининг оёқости қилингани, юлиб олиб кетилганлигини таъкидлашга қаратади. Ўч, алам, армон, қаҳр-ғазаб, нафрат туйғуси ловуллаб туради:

Ёғди тўрт ёндии асрлар
Бошингга тийри камон,
Умри қурбон, мулки торож,
Юрти вайрон ўзбегим.
Давр зулмига ва лекин
Бир умр бош эгмадинг,
Сен — Муқанна, сарбадор — сен,
Эркесвар қон, ўзбегим.

Қасида эл орасида шу қадар машҳур бўлдики, совет империяси ҳимоячиларини чўчитиб юборди. Қасиданинг қўшиқ қилиб айтилишига, ҳатто шеърнинг бирор йифинларда ижро этилишига очиқдан-очиқ тўсиқлар қўйилди. Қасиданинг бу қадар шухрат топиши халқ қалбида ўзлигини таниш иштиёқи уйғонганилигини тасдиқловчи далил ҳамдир.

«Ўзбегим» Эркин Воҳидовнинг «Ёшлиқ девони»дан ўрин олган эди. «Ёшлиқ девони» ўша давр ўзбек шеъриятида бир воқеа бўлган: шеъриятнинг янги авлоди нигоҳини арузга, ғазалчиликка бурди ва охир-оқибатда аруз ҳозирги замон адабиётимизда ўз мавқеини тиклаб олди. «Ўлмас аруз вазнига қарашиб ҳали ҳукмрон бир шароит-

да, — деб ёзганди Абдулла Орипов, Собир Абдулла, Ҳабибий, Чархий сингари мўътабар сиймолардан кейин мумтоз ғазалиётимизнинг олтин эшиклари абадий бекилади деб каромат қилишаётганда ёш авлод орасидан биринчилардан бўлиб Эркин Воҳидов арузнинг табаррук остонасида посбон янглиг пайдо бўлди».

Бу Эркин Воҳидов ижодида тасодифий ҳодиса эмас эди. У ёшлиқдан мумтоз адабиётга меҳр қўйган, унинг фалсафийлиги, теранлиги, ҳиссий жўшқинлиги, кўтаринки руҳи, сербўёқлиги, мантиқий изчиллик, ички мусиқийлик ва юксак санъатидан тинмай ўрганар эди. «Классик адабиётнинг ўзи менинг таянч нуқтам экан. Чунки мен ёшлиқдан классик адабиёт руҳида тарбияланганман», дейди шоирнинг ўзи. Эркин Воҳидовнинг «Ҳаёл», «Сенга бахтдан тахт тиларман», «Дўст билан обод уйинг», «Севги шундай навбаҳорки» каби ўнлаб ғазалларига куй басталаниб, ҳалқнинг севимли қўшиқларига айланиб кетди.

Ана шу «Ёшлиқ девони», ундан кейинги шеърияти, айниқса, «Тирик сайёralар» туркуми, «Донишқишлоқ латифалари», «Рухлар исёни» достони, «Истамбул фожиаси» драматик достони, «Олтин девор» комедияси Эркин Воҳидовнинг зўр истеъдод, туфма талант эгаси эканлигини тасдиқловчи асарлар эди. У ёзганди: «Истеъдод — бу мумкин бўлмаганни мумкин қилиш, ҳукмрон эстетик принципларни синдириш, шеърият мана бундоқ бўлади деб янгича нуқтаи назарга одамларни ишонтириш демакдир. Одатда, улуғ истеъодлар ижоди бир қанча вақтгача жамиятнинг дидини белгиловчи мезон бўлиб қолади».

Бу ажойиб сўзларни Эркин Воҳидовнинг ўзига ҳам нисбат бериш мумкин. Эркин Воҳидов шеърияти ва комедияси қудратини, умуман унинг ижодининг жозибасини белгилайдиган бир бош нуқта бор. Бу улардаги чукур миллий руҳ, миллий тафаккурдир. Миллийлик ижодкор асарларининг мазмуни, материали, фикрлаш тарзи, қаҳрамонлари характеристида, образларида, ифода воситаларида, жанрида ётади. Унинг ўзи «Лекин мен ҳеч қачон ғарбий қирғоқлардан адабий шакл ва оҳанглар ахтарган эмасман, ўзимни икки оёғим билан шарқий қирғоқда турган одам деб ҳисоблайман... Ҳар бир ҳалқнинг миллий

хусусиятлари санъатида, адабиётида ёрқин намоён бўла-ди. Миллатлар бир-биридан тили, урф-одати билангина эмас, фикрлаш хусусияти билан ҳам ажралиб туради... Шунинг учун ҳам муайян оҳанглар, муайян халқларга марғуб ва манзур» деб ёzádi.

Фаргона водийсида Эркин Воҳидовнинг «Донишқишлоқ дафтарлари» туркумидаги афандинома одамлар тўғри-сидаги латифалари кенг тарқалган. Эркин Воҳидов шу латифалар асосида Матмуса тўғрисида ўнлаб ҳангомалар яратди. Таşқи томондан шунчаки беозор кулгили воқеа бўлиб туолган бу латифаларда одамлар ва воқелигимиз-даги жиддий иллатлар фош қилинади. «Матмусанинг чарх-палаги» ҳангомасида Матмуса чархпалакни тескарисига ўтқазиб қўяди, одамлар нима қилишини билмай, гоҳ чарх-палакни гал билан тескарисига айлантиrsак, гоҳ дарёни тескари оқизсак деб маслаҳат беришади ёки «Матмусанинг тандири»да у шундай тандир қурадики, оғзидан бо-шини чиқаролмай қолади. Эркин Воҳидовнинг ўзи ҳангомалари хусусида сўзлаб шундай ёzádi: «Донишқишлоқ латифалари»ни ўқиб ҳамма кулади. Ваҳоланки, мен уларни алам билан ёзганман. Ақл-идрокка зид, тескари иш-ларимиз эл бошига кулфат ва уқубатлар келтириб ётгани сир эмас-ку. Косаси тескари қурилган чархпалаклар камми? Бир пардани тутганча қолаберган, бир хил оҳангни қўймай чала берган матмусалар озми? Ўзимиз яратган қолипларни кийиб олиб, йўлни кўролмай, осмонга қара-ганча кетаётган ҳолларимиз йўқми? Булар кулгили иш-лармас, ачинарли, офатли ҳодисалар».

Эркин Воҳидов воқеавий сюжет асосига қурилган кўплаб ҳазил шеърларини ҳам ёзган. Буларга инсон руҳи-ягини, унинг характерини, психологиясини жуда нозик ва ёрқин чизади («Соф ҳавонинг фойдаси» каби).

Эркин Воҳидовнинг «Ёшлик девони»гача бўлган шеърлари бошқа пардада, бошқача усулда ёзилган бўлса, «Ёшлик девони» аруздаги ғазаллар, қасидалар, фахриялардан иборат. «Донишқишлоқ латифалари» эса ҳазил-мутойиба, воқеавий сюжет асосида яратилган. «Тирик сайёralар» туркуми умуминсоний мавзулардаги фалсафий-публицистик йўсинда ижод қилгандир. 80—90-йиллардаги шеърларида

воқеликнинг, ҳаётнинг зиддиятли жиҳатлари, дунёнинг мураккаб, фожиавий томонлари, инсон қалбидаги изтиробли тўлқинлар, туғёнлар, руҳий исёnlар ғоят чуқур ва теран таҳлил этила бошланди. Энди 60-70 йиллардаги романтика, кўтаринкилик ўрнини таҳлилийлик эгаллади. Эркин Воҳидовнинг ўзи атайин шундай изланишлар, тажрибалар қилаётганини тан олади. «Лекин буни ижодий эстетик маслакдан чекиниш деб бўлмас, — дейди у. — Бу китоб ҳали юрак туйғуларига, унинг ҳолатларига ифода услубини излаш йўлидаги бир уриниш...» дейди. «Тирик сайёralар»ни назарда тутиб. — Сўнг ҳадеб бир хил оҳангда, бир хил мақомда ёзавериб, одамларнинг меъдасига тегмадингми, деган савол юки. Шоир қанча кучли, ўзига хос бўлмасин, бир оҳангда, бир услубда ёзверса, ўз-ўзини такрорлаб қўйиши мумкин».

«Тирик сайёralар» шеърида инсонни, унинг руҳий оламини ўрганиш мушкуллигига эътиборни қаратади. «Унинг ўзи сирли бир дунё», «Аммо не бор ўз юрагида билмай ўтиб кетадир инсон», «Бонг уринг», «Ёлғизлик истаги», «Темиртан даҳолар», «Арслон ўргатувчи», «Кумурсқалар жанги», «Ёмоннинг сўзи» — булар инсоннинг сийрати ва суратини чизишга бағишланган. Одамларни янги уруш хавфининг олдини олишга, турғунлик ва ёмонликка қарши курашга, қалб қўзини очишга чақиради:

Одамлар
уйқудан
үйғонинг,
Шошилинг,
қидиринг
тез нажот.
Жон куйсинг,
қалб ёнсинг,
сиз ёнинг,
То ёниб
кетмасин
бу ҳаёт.

Эркин Воҳидовнинг «Нидо», «Руҳлар исёни» поэмаларида ҳам шу руҳ ҳокимдир. Шоир «Нидо»да «дунёда энг қутлуғ эътиқод учун» фидойиларча жанг қилиб кур-

бон бўлган отаси баҳонасида (отаси аслида оғир ярадор бўлиб келиб вафот этган эди, бу ерда шоир умумлаштириб олмоқда) тарихнинг сабоқли нуқталари, халқнинг жасорати, фарзанднинг ота ҳажридаги изтироблари ва унинг «мардлик мактаби»дан олган таълими, улар руҳига садоқатини ифодалайди. Ота ва уруши ҳақидаги ўй ҳозирги қалтис замон — «тацивишли дунё, сермашақват олам» ҳақидаги баҳсга айланади, фарзанд шу оламнинг «ўз елкасида қолганини» чуқур ҳис этади ва «она тупроқни бу дунёнинг жаннатига» айлантиришга қасамёд қиласи. Шоир Она ер «киприкдаги ёш каби титраб турибди», уни авайлайлик, дейди.

«Руҳлар исёни» поэмаси ёзувчининг, шоирнинг гражданлик бурчи, замон, халқ, кишилик тарихи ва келажак олдидаги масъулияти ҳақидаги, инсониятнинг юксак орзуармонлари учун ўзини фидо қилган улуғ сиймолар тўғрисидаги асаддир. Поэмада инқилобий шоир Назрул Ислом тақдири мисолида аввало руҳ масаласининг ҳаётий ва фалсафий илдизларини очади. Халқ ва унинг бахти, порлоқ келажаги учун курашиб ўтган улуғ одамларнинг руҳини олий руҳ, дейди. Худди шу руҳни эътиқод, имон, виждон деб талқин қиласи ва шунинг учун бу руҳ одамларни эзгу ниятлар, гўзал ишлар сари етаклади, ёмонликнинг олдини олиб, яхшиликка йўл очади, адолат ва ҳақиқатни ҳимоя қиласи. «Тутқуниликда» бобида Назрул Ислом кўз олдидан аввал яшаган шоирларнинг оғир қисмати ўтади: Рудакий, Фирдавсий, Навоийлар адолат учун курашиб, уни тополмай ва зулмни енголмай фарёд чекиб ўтдилар. Уларнинг «нидоси Назрул фарёдига ўхшайди». Насими, Пушкин, Лермонтовлар жаллод тузумни «ўққа тутдилар», лекин у машъум тузум бирининг терисини шилди, иккинчисини дорга осди, қолганларининг қалбини ўққа тутди. Назрул Ислом озодлик учун курашибди, барча орзуармони шеърларига, халқнинг қалбига кўчди — «Олий руҳлар» сафига қўшилди. Эркин Воҳидов руҳ ҳақидаги афсоналар, нақллардан агадият, фидойилик, жаҳолат, шоирлар ва пайғамбарлар тўғрисидаги ривоятлардан фойдаланади ва эзгу ниятини ифодалашга хизмат эттиради. Эркин Воҳидов «Замон унинг ёниб тур-

ган юрагини сўради», дейди ва талант қимматини ижодкорни ўз халқи эзгу орзу-армонлари учун хизмат эттириш нуқтаи назаридан баҳолайди:

Ҳар нечаким зўр истеъдод,
Тошқин илҳом,
У нега,
Халқинг ётса

ческиб фарёд.

Ярамасанг кунига.

Шоир эрсанг,

Шоир бўлиб

Нега келдинг ҳаётга,

Элинг ётса

дардга тўлиб,

Келолмасанг пажотга.

«Абадият ҳақидаги ривоят»да абадийлик бефойда узоқ умрда эмас, балки халқ, жамият учун фойда келтирган қисқа умрдадир, дейилади. «Фидойилик тўғрисида ривоят»да «ҳақ учун бош тутган мардлар, фидойилар» бοқийлир, «Жаҳолат тўғрисида ривоят»да шоирнинг вазифаси» қалблар кўзини очмоқ»дир, дейди шоир.

Эркин Воҳидовнинг «Олтин девор», «Истамбул фожеаси» асарларининг асл моҳияти ҳам инсоннинг қалб кўзини таҳдил этишдан иборатдир. «Олтин девор» ёзилгандан буён саҳнадан тушмайди. «Олтин девор»ни жозибали комедия даражасига кўтарган омиллар унинг сюжети, конфликти, ҳолат-вазиятлари ва характерларининг соғ кулги хамиридан ясалишидадир, айни чоқда муаллифнинг кулги ҳосил қилувчи хилма-хил воситаларни қўллаб, уларни бош ниятни рўёбга чиқаришга хизмат эттиришилир. Унда комик жанрнинг саналган усусларидан бўлмиш сир сақлашнинг бир неча кўринишлари бор: мақсадни билдириласлик, воқеа қизиқ ерга келганда уни тўхтатиб қўйиши, персонажнинг ўзини танитмаслик — бошқаларнинг ролида ўйнаши (Зухронинг Дилором бўлиб кўриниши ёки милиция лейтенанти Анварнинг Қиличбек исмида қора илон Сайдмаликни фош қилиш учун унга гумашта бўлиб хизматга кириши), персонажларнинг

имтиҳондан, синовдан ўтказиш усули. Муаллиф олтин кучлими, эски урф-одат кучлими ёки чин муҳаббат, инсонийлик кучлими, деган жумбоқقا диққатни тортади. Зотан, конфликт калавасининг учи ҳам тўйдан бошланади: қоровул Мўмин ўғли Нодирга ямоқчи қўшниси Абдусаломнинг қизи Дилоромни олиб бермоқчи бўлади. Абдусалом «ўзим камбағал бўлсам ҳам ҳимматим баланд», деб Мўмин олдига катта шарт қўяди (шарт қўйиш ҳам комедия жанри хусусиятларидан). Тўйни кимникида ўтказиш хусусида ҳам тортишиб, охири ўртадаги деворни бузиб, бир ерда ўтказишга қарор қилишади. Шунда девор остидан кўзачада олтин топиб оладилар. Кўп тортишади, насл-насабини ўргага қўйишиб, олтинни тенг бўлишади. Энди муаллиф шу олтинни ўз персонажларининг руҳий олами, онги, инсоний қиёфасини намойиш қилувчи кўзгуга айлантиради. Энг аввало бу олтин Нодир — Дилором муҳаббати ўртасида қўйилган «тирик девор»ни келтириб чиқаради: олтинларни заргар Сайдмаликка пуллаб, kekкайиб кетган Абдусалом Дилоромни Нодирга бериш ниятидан қайтади ва Қиличбекни қуёв қилмоқчи бўлади. Мўмин эса тилла масаласига бутунлай бошқача қарайди (Қиличбек «ҳақиқий имтиҳон энди бошланди», деганда шу тилла келтирган машмаша — ташвишни назарда тутади). Мўмин содда, ҳалол, имонли одам, у фронт кўрган. Олтинни олишга олиб қўйиб, нима қиларини билмайди, бутун ҳузур-ҳаловати йўқолади, кечалари алаҳсиб чиқади, жиннига ўхшаб қолади. Дарвоҳе, Мўминнинг юриш-туриши, ҳолатидаги шу кескин ўзгаришлардан, айниқса, олтинни ўғирлатиб қўйганидан кейинги оғир аҳволидан (саидмаликлар олтинни ўғирлаб, ўrniga тош солиб қўядилар) оила аъзолари ҳам, қўни-қўшнillар ҳам уни жиннига чиқаришади. Сайдмалик бундан фойдаланиб, уни жиннихонага бериб юборади. Врач «кўзингизни очинг», «тилингизни кўрсатинг», деса «кўзангизни очинг», «тиллангизни кўрсатинг» деб англайди. Бу ҳам кулдириш йўллари. Драматург Мўмин ҳолати ва драматик тақдирли орқали олтиннинг «сариқ шайтон», «сариқ иблис» эканлигини кўрсатади. Абдусаломнинг ҳам пешонаси деворга теккач, кўзи очилади. Мўминдан кечирим

сўрайли. Асарда таҳдил қилиш усули (Мўмин ўзини милиция ходими ўрнига қўйиб, унинг номидан ўзига ўзи буйруқ беради), вазият, ҳолатни такрорлаш йўлидан (Мўмин ва Абдусаломларнинг ўз насл-насаби ҳақидаги гаплари), икки томоннинг бир-бирини алдаши, пойлаши усули бор. Мазкур асарда персонажларнинг психологик дунёси, ички коллизиялари теран очилган. Шу маънода уни лирик комедия дейиш мумкин. Асардаги севги чизиги ҳам бунга асос бўлади. Айни чоқда Сайдмалик ва қисман Абдусалом образларини чизишида драматург сатирик бўёқлардан ҳам фойдаланади, Сайдмалик кишини нафратлантирувчи образга айланган. Хуллас, асар жуда томошабоп, мафтункордир.

«Истамбул фожиаси» чукур психологик асар. Унда имон, эътиқод, виждон, бурч, инсонийлик масаласи таҳдил этилади. Кутимаган воқеа — Жалолнинг иккинчи жаҳон урушида ҳалок бўлган укаси Искандарни Истамбулда учратиб қолиши шу ака-ука ва аканинг хотини қалбини, руҳий оламини очишга хизмат эттирилади. Учовининг алоқаси ҳам жуда чигал, мураккаб: Искандарни урушда ҳалок бўлган деб унга ёдгорликлар қўйилади, аслида у яраланиб, асирга тушиб ўзга юртларда хор-зор бўлиб, ватан кўйида ўртаниб юради, шу Искандар туфайли Жалол амал пиллапоялардан юқорига кўтарилади, энди укасининг тириклигини кўриб, боши берк кўчага кириб қолади, хотини эса Искандарнинг тириклиги элга маълум бўлиб қолса, у туфайли оила топган баҳтдан ажralиб қолишиди деб қайғуради — булар асарни драматик изга солади, унинг устига Искандар Саодатни севар эди ва ҳозир ҳам севади, Жалол уни тортиб олган эди ва Саодат эса Жалол позициясини ҳимоя қиласи, бу яна вазиятни таранглаштиради. Драматург Искандарнинг бошидан шунча оғир синовлар ўтса-да, эътиқоди мустаҳкам, виждони пок, чин инсонлигича қолганини намойиш қилишга диққат қиласи. Акаси ва суюклиси билан учрашув унинг шу инсоний туйғуларини очишга хизмат қиласи. Жалол ва Саодатга келганда, муаллиф шу ўта қалтис учрашув жараённида

улар онги, қалбида буюк бурилиш юз бериши, виждан амрига бўйсуниб, ўтмишдаги хато, жиноят, фирромлик, манфаатпарастлик, шахсиятпарастлик иллатларидан фориғ бўлишларини акс эттиради. Гарчанд Жалоллар фожиасининг бош сабабчиси машъум уруш деб кўрса-тилса-да, аслида Жалол характерида ҳам адолатсизлик илдизлари бор эди, уруш ва турғунилик йиллари бунга қанот берди. Шундай қилиб, драматург ҳам инсон ха-рактери, ҳам замонни бир бутунликда таҳлил этиб, ин-сондаги замонни ва замондаги инсонни ҳаққоний кўрса-тади.

80-йилларда, айниқса 1985 йилдан кейин жамиятимизда юз бера бошлаган сиёсий, иқтисодий, ижтимоий ўзгаришлар, республиканизмнинг миллий мустақилликка Эришиши Эркин Воҳидов илҳомига илҳом, журъати-га журъат қўши. Шоир энди истиқлонни мадҳ этиш билан овора бўлмади, аксинча, жамиятимизни ва одамла-римизнинг баркамол бўлишнига ҳалақит берувчи иллат-ларни аямай фош этишга бел боғлади. «Девонаи ҳақгўй» туркумига кирган «Дардошлиқ», «Куролсизланиш», «Биздан кейин ҳеч бир авлод қайта қурмасин», «Эски ҳаммом, эски тос», «Уятчанлик», «Ажаб эрмас», «Ден-гиз ташлаб кетган кемалар» каби шеърлари, «Изтироб» деган каттагина публицистик китоби, «Яхшиидир аччиқ ҳақиқат» деган шеърий тўплами ҳалқ, ватан тақдири билан куйиб-ёнган фидойи шоирнинг қалб ифодасидир. Эркин Воҳидов «Бизга ўз ватани, ҳалқига садоқатли, ўзга жаннатни эмас, балки ўз юртида жаннат бўлишини истаган, шу эзгу мақсад учун курашга ҳозир фидойилар керак», дейди. У юрак-юрагидан ҳалқнинг уйғониши, ўзлигини таниши ва бирлашишини, ҳақиқат учун жо-нини тикиб курашиш кераклигини тарғиб қиласди: «Фикрда инқилоб қилиш зарур», «Ҳалқ эртанди куни яхшироқ бўлишини истаса, бирлашмоғи, уюшмоғи ва ҳақиқат учун курашмоғи керак», «энди бундай кўнувчанлик билан яшаш ҳалқ ва ҳақ олдида катта гуноҳ» дейди. Шоирнинг кейинги ижоди мана шу инқилобий руҳ билан жо-забалидир.

АБДУЛЛА ОРИПОВ

(1941 йилда туғилган)

Абдулла Орипов ҳозирги замон ўзбек шеъриятининг йирик вакилларидан бири. 60-йилларда адабиётга кириб келган Эркин Воҳидов ва Абдулла Орипов ўзбек шеъриятида янги тўлқинни бошлаб бердилар. Абдулла Орипов ҳаётга, воқеликка ва инсонга, замонага янгича кўз, янгича нуқтаи назардан қаради ва шу туфайли илк шеъридан ҳақиқат изловчи ижодкор сифатида кўрина бошлади. У ҳаётдаги гўзалликдан беҳад қувониб, хунукликтан қаттиқ изтиробга тушиди, яхшиликни эҳтирос билан шарафлади, ёмонликни қаҳр-ғазаб билан танқид қилди. Бу муаммоларга Ватанини ва Инсонни севиш, ардоқлаш, баркамол қилиш нуқтаи назаридан ёндашди. Ватанини онаси каби улуғлади ва баркамол инсонни кўриш бир умрлик орзу-армонига айланди.

Абдулла Ориповнинг таржимаи ҳоли оддий, ўз тенг-қурлариникидан фарқ қилмайди. Аммо у ҳалқ таржимаи ҳолини ўзиникидай идрок қила олди, ўзини мураккаб ва ранг-баранг шу оламнинг, замоннинг бир фарзанди деб ҳис қила билди. Шунинг учун унинг руҳий таржимаи ҳоли ғоят бой, ранго-рангдир. Абдулла Орипов 1941 йилда Қашқадарё вилоятидаги Некӯз қишлоғида дунёга келди. Бу қишлоқ қир ёнбағрида катта кенглиқда жойлашган, баҳаво жой. Тунда кўкка қарасангиз юлдузлар қўлингиз етадигандай жуда яқинда ярқираб туради. Абдулла Орипов шеърларидаги кенглиқ, тиниқлик илдизлари шу ерда бўлса керак. Абдулланинг доно, очиқкўнгил отаси узоқ йиллар қишлоққа раҳбарлик қилган жуда обрўли одам. Абдулла Орипов ўрта мактабни битиргач, Тошкентга келди ва дорилфунунни битирди. «Ёш гвардия» нашриётида, Рафур Ғулом номидаги Адабиёт ва санъат нашриётида муҳаррирлик қилди. «Шарқ юлдузи» журналида ишлади, «Гулхан» журналига бош муҳаррирлик қилди, Ўзбекистон Ёзувчилар уюшмасига котиблиқ қилди. Ҳозир республика ёзувчилари ҳуқуқини муҳофаза қилувчи ташкилотга раҳбарлик қиласиди. Абдулланинг биринчи шеъри

бўлмиш «Учқун» матбуотда 1957 йили босилган, илк тўплами «Юлдузча» деб номланган, у 1965 йилда нашр этилган. Шундан кейин унинг деярли ҳар йили битта шеърий китоби нашр этилди («Онажоним», «Юртим шамоли», «Ўзбекистон», «Юзма юз», «Йиллар армони», «Ишонч кўприклари», «Ҳаж дафтари»...). Дантенинг Абдулла Орипов томонидан ўзбек тилига таржима қилинган «Илоҳий комедия»си маданий ҳаётимиизда катта воқеа бўлган. Абдулла Орипов халқнинг меҳр-муҳаббатини қозонган, унинг қалбидан мустаҳкам ўрин олган етук сўз санъаткори даражасига кўтарилган ижодкордир. Шу туфайли у қатор мукофотлар совриндоридир (жумладан Ҳамза номидаги республика Давлат мукофоти), «Ўзбекистон халқ шоири», «Ўзбекистон Қаҳрамони» деган юксак унвонларга сазовор бўлган. У мустақил Ўзбекистон Республикаси мадҳиясининг — гимнининг муаллифидир.

Адабиёт майдонига қадам қўйган одам ижодкор масъулиятини, халқ, жамият ва тарих олдидаги бурчини, вазифасини қандай тушунади, қайси йўлдан боради, қандай орзу-армонлари бор, имон-эътиқоди мустаҳкамми — ҳамма нарса шунга боғлиқ. Ижодкор талантининг камол топиши, бор имкониятини намойиш қилишнинг илдизи шу ерда. Абдулла Орипов шеъриятга илк қўйган қадамидан йўлини, идеалини тўғри белгилади. У дастлабки шеърларидан бошлаб ўз эстетик принципларини — ижод дастурини тўғри белгилади. «Учқун» (1957) шеърида:

Шалоладек бўлса шеърларим,
Еғду сочса мисли алангага.
Сидқидил-ла қобил ўғилдек
Хизмат қилса элга, Ватангага.

У ўша пайтда «осмонларнинг ҳилоли» ё ёруғ юлдизи бўлишни орзу қилди. Ҳали 1962 йилда ёзган «Куз қўшиқлари» шеъридаёқ табиат ва инсон бирлиги, умр ва абадийлик, инсон умрининг қисқалиги хусусида кексалардек фикр юрита бошлади. Бу туйғуси ўзига эриш туюлади ва «Гарчанд йигит ёшим яшнаб турса ҳам, кексалик

Қисматин ўйлайман шу дам», дейди ўша шеърида. Абдулла Орипов шу шеъридан 30 йил кейин бундай деб ёзди: «Дорилфунундаги бир учрашувда шундай бир савол тушган эдики, «Нима учун қарияларга ўхшаб шеър ёзасиз?» Мен энди нима қилай, шунақанги шеър ёзгим келганидан ўзимни айблайман. Ўзи руҳиятим шунақароқ, ҳайронман». Аслида бу унинг илк ижодидан туғила бошлиған теранлик, фалсафий идрок белгиси — фазилати эдиким, кейинча унинг ижодининг етакчи хусусиятига айланаб кетди.

Абдулла Орипов ижодининг бош мавзуси, асосий муммоси, бош хати деб Ватанини, халқини, инсонни ва ҳақиқатни күйлаш деб билди. «Ўйлардимки...» (1963) шеърида «Катта йўлга чиққанман» дейди ва дунёнинг улкан лардлари турганда майда икир-чикир туйғулар ва арзимас гаплар билан овора бўлишни қаттиқ қоралайди. «Адабиётда гражданлик мавзуси, ижтимоий тема ҳамма вақт асосий ўринда бўлиб келган. Бусиз халқ юраги, замон дилига кириб бўлмайди. Шу маънода Ватан мавзуси энг ижтимоий мавзулардан биридир», дейди шоир. Абдулла Орипов «Эҳтиёж фарзанди» номи билан нашр этилган мақолалар тўпламида (1988) шеър ва шоирлик сир-асорини янада чуқур ва равшан очади. Унингча, шеър кучли ҳайратланиш, юксак завқ ёки қаттиқ қаҳр-ғазабдан, руҳий ташналиқдан, чексиз эҳтиёждан туғилади. Шеър тақдирини ўта самимийлик, юксак даражадаги соддалик, ҳаққонийлик, «тасвирида ҳаётийлик, психологик теранлик ва ишонарлилик», шоир услубининг бетакрорлиги ҳал қиласиди. Мумтоз адабиётни — Шарқ шеъриятини юракдан севадиган Абдулла Орипов «Классиклар ижодига хос бағрикенглик, руҳий беспоёнлик, жаҳоний дардкашлик ҳали кўп авлодларга маҳорат мактаби бўлажак», «Навоий ғазалларида (умуман Шарқ классик шеъриятида) ногаҳоний образлар, муқоясалар, фикр ўйинлари шунчалик кўпки, битта мисранинг ўзидаёқ уларнинг ҳаммасини топиш мумкин», дейди. Абдулла Орипов айниқса ижодкорнинг миллий тафаккурга эга бўлиши масаласини жуда жиддий қўяди. Жаҳон шеърияти шакли ва тасвирий во-

ситаларидан, образ яратиш йўлларидан ўрганиш зарурлигини уқтиргани ҳолда «шарқона руҳий теранлик»ка эришиш кераклигини айтади. Абдулла Ориповнинг шоир ва шеър ҳақидаги мулоҳазалари шунчаки панд-насиҳат бўймасдан, аввало унинг ўз ижодида рўёбга чиқсан фазилатлардир, унинг ўзига хос услубий белгиларидир. Шоир шу тажрибаларидан келиб чиқиб, ўз фикр-мулоҳазаларини ўртага ташламоқда.

Албатта, Абдулла Орипов дарров ўзи юқорида айтганидек етук шоир бўлиб қолмади. У устозлар мактабидан ўқиб, баҳраманд бўлди (Навоий, Бобур, Faфур Фулом ва бошқалар), дастлаб уларга тақлид ҳам қилди, кейин ҳаёт ва инсон ҳақида мустақил фикрлайдиган ва уларни ўз нуқтаи назаридан «ўз сўзлари, бадиий воситалари орқали тушунтиришга ўтди, ўз овозини топди. Абдулла Орипов ижодида Faфур Фулом оҳанги, оламии тушунтириш тарзи жуда равшан сезилди, ҳатто устознинг образларини сезиб-сезмай қўллаб юборган чоғлари ҳам бўлди: Faфур Фулом «Шуҳрат қолдирмоққа Геростратдек Диана маъбудин ёқмоқ шарт эмас» деб ёзган бўлса, Абдулла «Дунёда бирор ном қолдирмоқ учун юрт бузиш шарт эмас деган гап-ку рост» деб мисолга тортди. Faфур Фулом «Қишининг гулдуросини кутиб ағрайма, карнай овозига ишқибоз кардек» деган бўлса, Абдулла «Бамисоли карнайга ишқи тушган кар, боқиб бу савдога ҳайрон ўсдик биз», деб ёзди. Faфур Фулом «Ҳаётимиз ҳали минг «Шоҳнома» бўлади» деса, Абдулла «Сенинг шавкатингни ёзаверса гар, «Шоҳнома» янглиғ бир достон бўлгуси», дейди. Бу — ҳар қандай ижодкорнинг ўқувчилик даврида учрайдиган табиий ҳолдир. Абдулла Ориповнинг илк шеърларида ва ҳатто 80-йиллардаги айрим шеърларида воқеликни марксча-ленинча дунёқарашибдан, коммунистик партия ва социалистик реализм ақидалари нуқтаи назаридан баҳолаш билан боғлиқ иллатлар бор эди. Бу — совет даври адабиёти учун қонуний тусга айланган ҳодиса бўлиб, ундан ҳоли ижодкор жуда кам топилар эди. Абдулла Орипов 1960 йилда ўтмиш ва ҳозирги замонни муқояса қилиб туриб, «Ва ул жаллод замон битган абадий («Пушкин»)

дейди. Ёки «Она сайёра» (1969) шеърида «Унинг қучогида ғамдан йўқ нишон, у ерда тентимас иблис хаёли» дейди, «Юртим шамоли» шеърида «Фақат қайгулардан сен ўзинг ҳоли» дейди юртига. Ёки Америка туркумидаги шеърларида у ердаги ибратли, нурли томонларни қидириб ўтирумайди. «Ленин» шеърида мангулик тўғрисида фикр юритар экан, «дунёда событ нарса йўқ асло?», деб ҳайраттга-таажжубга тушиб қолади», деб хулоса қиласи. Абдулла коммунизмга ҳам самимий ишонган эди ва комил инсон ва адолатли тузум фақат шунда туғилса кепрак, деб умид қилган эди: «Фақат коммунизм — ул эзгу ният, инсонга соғлигин берар қайтариб», «Унда мен ахтарган энг порлоқ инсон, унда мен истаган синмас ҳақиқат», дейди. Етмиш беш йиллик совет даври далолат бералики, жаллод замон ҳам, адолатсизлик ҳам, чексиз қайғу ҳасрат — ҳамма-ҳаммаси унда тўлиб-тошиб кетган эди. Коммунизмдан ҳам қайтилди. Абдулланинг бундай шеърлари кўп эмас эди. Борлари ҳам ўша муҳит, ўша давр одати бўйича ёзилиб келинган эди. Унинг ўзи кейинча «50-йилларда кўпчилик нима мавзуда, қайси шахс ҳақида шеър ёзган бўлса, мен ҳам ўша атрофида нималарнидир ёзаверганман», дейди. Ҳатто «Авлодларга мактуб» (1966) шеърида ижоддаги ёлғончиликка ишора қилиб, «Дўстлар жасоратин гоҳи-гоҳида бироз кўпиртириб ёзар эдик биз», деган эди. Аслида Абдулла Ориповнинг бу даврлардаги ва кейинги ижодида аччиқ ҳақиқатни айтиш бош фазилат эди. Шу туфайли у ғам-ғусса тўғрисида, номукаммал инсон ва ғурбатли ҳаёт ҳақида кўп ва хўп ёзар эди, шу туфайли уни ғамгин шоир дейилар эди. Қайсиdir танқидчилар уни ғамгин шоир эмаслигини таъкидлар ва исботлашга уринар эди (М. Кўшжонов Абдулла Ориповни баъзи бирорлар мунгли шоир дегандек бўлардилар. Бизнинг назаримизда, Абдулла мунгли шоир эмас, балки унли шоир», дейди).

Абдулла Ориповнинг ўзи ҳам бу таъна-танбеҳларни эшитиб, жим турмади. «Шоир» (1966) шеърида «қалбимга оламдан оқар оҳанглар», дейди, яъни шеърида қандай оҳанг, рух, кайфият, қандай дард бўлса, улар шу ташқи

оламнинг инъикосидир, инсон қалбининг акс-садосидир, демоқчи:

Парво қилма, дўстим, эзилма сира,
Фамгин кўшиқларни куйласа шоир.
Мисралари гарчанд маъюс ва хира,
Лекин барчаси ҳам қалбига доир.

Абдулла Орипов ўз ижодидаги фожиавий руҳ илдизларини ҳам очиб беради. «Мұхаббат» (1965) шеърида ўртоқлари шоирни ўртага олиб, унинг фам-ғуссага тушишидан таажжубини айтишади», айтгин ахир, нима сенга етишмас, нима? деб сўрашади. Унинг уқтиришича, инсон шод, баҳтиёр бўлса, ҳаётда факат шодиёналикини кўради, дарди бўлса, ташқи дунёдаги ўз қалбига туташ фам-аламни кўради. «Боқувчи кўзида фам бўлмаса агар айтичи, ким порлоқ юлдузни фамли деб айта олади?» («Пушкин»), ҳатто «Валий наздида ҳам бенурдир жаҳон магар ўз қалбига бўлмаса зиё» («Зиё»). Гап шундаки, Абдулла халқ дардини, юртининг фам-ғуссасини, инсоният юрагидаги оғриқни ўзиники деб ҳис қилди. Унинг кўз ўнгига «Фамлардан тўқилган шу кўхна олам» туради, у «одамзоднинг дил ярасини санаб етолмайди охиригача» («Үйқу»), шу туфайли инсон учун минг оташда куяр эдим мен» дейди («Ўйларим»). «Муножот»ни эслаб каби ўнлаб шеърлар ёзиб, инсон фожиаси, халқимиз тарихидаги фожиавий нуқталарни теран таҳлил қиласи. У ўз асарларида фам-алам дард-изтироб, мунг ва армоннинг кўплигини яхши билади. Паҳлавон Маҳмуд тили билан «Ҳаётн, бунчалик фарёд айлама», дейди. Шоир одам ва олам фожеасини кўрсатиш орқали кишини руҳий тушкунликка солмоқчи эмас, йўқ, аксинча уни огоҳ қилмоқчи, қалб кўзини очмоқчи, уйғотмоқчи ва зулм, ёмонликка, адолатсизликка қарши курашга чақирмоқчи, сафарбар этмоқчи. «Балки ер юзида қолмас эди фам, бундан ҳам ёруғроқ бўларди, дунё» деб комил инсон, инсонпарвар жамиятни орзу қиласи. «Бўлармикан бу дунёда бир мурод ҳосил, тугалликка етишарми бирор кун жаҳон» ва «Сен қайдасан, покдомон зот, фидойи Инсон» деб ҳайқири-

ши ҳам шундан. Йўқ, Абдулла фақат фожеани тасвирлаш билан банд бўлмади ва яхшилик, эзгулик, гўзалликни, ёруғликни излади, уларни меҳр-муҳаббат билан куйлади. «Гўзаллик» (1966) шеърида «Шундай гўзалларни яратмасанг гар қолиб кетармидик доимо замонда» дейди ва бошқа бир шеърида «Кечаги гамини ўйласа обдан, букчайиб қоларди бугун одамзод», дейди. «Арманистон» шеърида шундай ёзади:

Бахтни куйламакка анча моҳирман,
Фамини куйламакка тилларим тугун.

Абдулла Орипов ижодига хос бош фазилат бор. Бу руҳий эркинлик, исёнкорликдир. Ҳар қандай кашфиёт, ҳар қандай янгилик, ҳар қандай талант, буюклик илдизи ҳурфикарликдадир. «Дунёга сифмаган буюклар ночор», деб бежиз ёзмаган Абдулланинг ўзи ҳам. Китобхонлар Абдулланинг ўша ҳурфикарли ва исёнкор руҳли шоир сифатида шеъриятга кириб келаётганлиги учун унинг илк асарларидан бошлаб севиб қолган эди. Турғунлик ҳукм сурган ва ҳар қандай йилт этган ҳурфикар қатағон қилинган ўша пайтларда Абдулланинг ҳаққоний шеърлари қувғин қилинар эди. «Дунёни бир кўлмак ҳовуз деб билган тилла балиқча»ни — худбин, калтафаҳм ва жоҳил инсонни кўрсатувчи «Тилла балиқча» шеъри ёки «Минораи калон тепасидаги лайлак» шеърлари туфайли қандай маломатларга қолмади шоир. Лайлак ҳақидаги шеърида шоир ўзбекнинг ўзлигини билдирувчи кўплаб фазилатлар, миллий белгилар, миллний жозибалар сурини чиқарилиб, қандайдир белгисиз ҳолга келиб қолганлигига кинояномуз ишора қиласди. «Ажаб қушнинг оёқлари гўзага ўхшар, қанотлари эса унинг пахтадек оппоқ» бўлган лайлаккина қолганини тасвирлаб туриб, пахта яккахонлигига ҳам имо-ишора қиласди. Ўзбек халқининг ер ости, ер усти бойликларини узоқ-узоқларга ташиб кетилаётганлигидан юраги алам билан ачишганини Абдулла Орипов «Совға» шеърида усталик билан ифодалаган эди ва шу туфайли бу шеъри учун ҳам у аччиқ таъналар эшитган эди. «Юзма-юз» шеърида

«Наҳотки дунёда ҳақсизлик мангу?» дейишигача борган шоир яна дейдики:

Халқим, мозий ўтди, тола қўрмадинг,
Пиширдинг, ўзингга бенасиб таом.
Кийгиздинг бировга, ўзинг киймадинг,
Юлдузни кашф этиб ном олдинг: авом.

Шоир бу ерда ҳақиқий ҳолни борлигича ҳаққоний айтмоқда. Некрасов тўғрисида ёзар экан, яна қалбидаги армонни ифодалайди: «Озод бўлармикан нотавон Ватан?».

Унинг «Илгор ишчи ва чаққон мухбир қисссаси» деярли йигирма уч йилдан кейин матбуот юзини кўрди. Қўлмақўл тарқалган бу шеър ҳам босилмасдан туриб бўғизланган эди. «Биринчи муҳаббат» деган кашфиёт шеърини тазийқ қилинишига қарамай ҳалқ оғзидан туширмади, ҳатто қўшиқ қилиб айтиб юрди. Шундай шеърларидан бири бўлмиш «Муножот» ҳам қўшиққа айланиб кетди. Абдулланинг шеърлари ростгўй, қўйма, мусиқий, уларда инсоннинг руҳий ҳолати, кечинмаси, қалб тебранишлари изчил, манзарали тарзда тасвирланди. Шунинг учун улар осонгина чиройли қўшиққа айланади. У «Генетика» шеърида «ҳаққа ҳақиқатга ташна ўтдик биз» дейди. «Бир танишим ҳақида баллада» асарида шу «қомати дол эди бир оз» танишини таърифлаб туриб, «номи эса унинг Ҳақиқат эди», дейди. Абдулла Орипов ҳадеб шеърларини ҳибсга олинаверилганидан қалбидаги дард-аламни айтишнинг ҳар хил йўлларини қидирди, топди. Кўплаб ҳазил шеърлар, ҳангомалар ёзди, киноя, кесатиқлар, имо-ишоралардан фойдаланди, афсонавий сюжетлар воситасида достонлар тўқиб, фикр-гояларни олға сурди. Рамзийлик йўли кейинча умуман ҳозирги ўзбек шеъриятининг муҳим усувларидан бирига айланиб кетди.

«Жаннатга йўл» драматик достонида Абдулла Орипов афсонавий сюжет асосида яхши одам ҳақидаги орзусини, ижодкор ҳалқ манфаати учун, адолат учун, яхшилик учун ёмонликка, ёвузликка, адолатсизликка қарши фаол курашиши керак деган гояни олға суради. Асарда шоир (Йигит) образи бор. У «Инсонларнинг руҳларига жа-

вобгардир», у ҳалол, пок яшабди, ўзгаларга ёрдам берибди-ю, аммо ёмонликка қарши курашмабди. Шу туфайли у дунёга борганда Жаннатга кириш учун умр бўйи йиққан савобига икки пайса етмай қолади, шунинг учун уни Жаннатга қўйишмайди. У ерда ота-онасига дуч келади, улар ўз савобларидан бермоқчи бўладилар. Йигит олмайди. «Инсон учун асли кураш экан-ку жоиз, ҳа, дўзахи эканман мен, ўзимдан кўрдим», деб тақдирига тан беради. Бир дўстига ҳам икки пайса савоб етмас экан, улар бир-бирларига ўз савобларидан бермоқчи бўладилар. Икки дўстнинг садоқатини кузатиб турган парвардигор икки дўстнинг ҳам Жаннатга киришига йўл беради. Абдулла Орипов «Жаннатга йўл»да ҳам ҳасадгўй образини чизган эди. «Ҳаким ва ажал»да даҳо ва ҳасадгўй масаласига махсус тўхталади. Ибн Сино ҳаёти асос қилиб олинган бу достонда ҳасадгўйни — Мирзони қаҳр-ғазаб билан фош этади:

Айт-чи энди, қай биримиз йиқилган, йиққан?
Қани мени сингиб кўр-чи, ажал мен ўзим.
Мен — иблисман, одамларнинг ўзидан чиққан,
Сен закосан, йўқдир сени кўтарга кўзим.

Дарвоқе, Абдулла Орипов шеърияти кўп овозли, кўп оҳангли. Шоирни ҳар хил ҳолатда, ҳар хил кайфиятда кўриш мумкин. Ўзбекистондек дунёда ягона юрти ва ўзбек ҳалқидек мушфик, меҳрибон, меҳнаткаш, қўли очиқ, пок, сахий, танти суюнчиғи борлигидан фурури-сурори оламга сифмаган пайтини, олам сирларининг, жумбоқларининг кўплигидан, одам сийрати ва суратининг мураккаблигидан лол қолганини, ҳаётнинг, умрнинг бевафо ва бебақолигидан чуқур изтиробга тушган ва ниҳоясиз ўйга чўмган онларини, одамлар ёмонлиги, ифлослиги, носамимилигидан қаҳр-ғазаби кўкка сифмаган чоғини, ҳатто дунёдан ва дўстларидан қўл силташгача борган онини (бунинг ўткинчи ҳолат эканини ўзи сезади ҳам) ва олий туйғу муҳаббатнинг оромбахш қийноқларида ўзини фариштадек сезганини кузатиш мумкин. Шоир инсонларнинг юриш-туришларидаги, муносабатларидаги,

қалби ва онгидаги, кайфиятидаги турли-туман ҳолатларни, рангларни, чизикларни теран илғаб олади, уларни аниқлаб исм беради, номлайди. «Онамга хат» шеърида «Юрагимда исмсиз дардлар» деган сатр бор, бошқа бир шеърида «Яшайсан номи йўқ бир дардга тўлиб» ва «Сиздан нима кетди» шеърида «Қандай номсиз меҳр, исмсиз нафрат?» дейди. Бу шунчаки шоирона лутф эмас (Тўгри, турғунлик даврида ўша дардни била туриб, очиқ айта олмас эди). Унинг ўнлаб шеърларига эътибор берилса, бирор ҳаётий ва инсоний белгини қашф этиб, унга ном бериб кишини лол қолдирганига амин бўлиш мумкин. Ахир бирлашмаслик, уюшмаслик, маҳаллийчилик, иллатимизни сезиб, унга «оломон» деб ном беради («Қачон ҳалқ бўласан, эй, сен — оломон?»). Ҳиссиз, меҳрсиз, тошюрак, манқурт одамларни «Темир одам» деган Абдулла Орипов эмасмили? Жумхуриятимизда она тилига нисбатан бемехрлик, камситиш авж олаётганини кўрган шоир 1965 йилда ёзган бир шеърида бу ҳолни тўтилик деб таърифлайди ва она тилидан ажralиб қолса бир «тўти бўлиб қолажагини» алам билан гапиради. Нима учун Ўзбекистонни севасан, деган саволга кутилмаган ва энг тўғри жавобни беради: ажойиб ҳалқи борлиги учун чексиз севади ва бойлиги, гўзаллиги учун суйғанларни инсон қаторига қўшмайди. Шоирнинг «Дорбоз», «Биринчи муҳаббатим», «Маломат тошлари», «Генетика» каби шеърлари худди шу таҳлитдадир. Унинг «Ўзбекистон», «Онажон», «Онамга хат» шеърлари — Ўзбекистон ва она, аёлни юксак маҳорат билан улуғлаган бу асарлар ўзбек шеъриятининг дурдоналаридан бўлиб қолди.

Абдулла Ориповнинг кейинги ўн йилликлари, тўғрироғи, мамлакатда қайта қуриш шабадалари эса бошлаган ва айниқса республикамиз мустақилликка эришдан кейинги даврдаги ижодида эркинлик руҳи янада баралла жаранглади. У ҳақиқатни дадил, тортинмай айта бошлади, илгариги йиллардаги ҳадиксираш, қимтиниш йўқ эди. У энди жуда кўп воқеалар, кулфатлар, ўзгаришларнинг гувоҳидек — катта руҳий тажрибасига суюниб сўзлади. Шунинг учун шеърларида («Мингга киргандайсан ўзинг ҳам

гўё» дейди) сабоқли гаплар, яссавийнома насиҳатлар, машрабнома юксак, кутилмаган образлар, чуқур ўй-мушоҳадалар, қўйма, мақолнома иборалар вазни ошли. Аввалги севиб куйланган Ватан, Она, Аёл, баркамол инсон, поклик, самимилик, муҳаббат, яхшилик мавзуларини яна давом эттириди. Ёмонликка қарши кескин, дадил кураша бошлади. Унинг устига Абдулла Орипов «Жаннатга йўл» драматик достони ва яна ўнлаб шеърларида намоён бўлганидек, ислом ақидаларига, ислом маданиятига, Куръони карим, пайғамбаримиз ҳадисларидан яқиндан хабардордир. Юрганидек диний эътиқодларга эркинлик берилгандан кейин ислом маданиятини, айниқса, Куръони каримни, ҳадисларни ўқиш-ўрганиш учун кенг йўл очилди. Шу жумладан ижодкорлар ҳам исломнинг инсонни баркамол қилишга ва ҳақ йўлига йўналтиришга, жамиятни инсонпарвар қилишга хизмат этадиган барча йўл-йўриқларини ўрганиш, истеъфода қилишга киришилар. Абдулла Орипов ҳатто ҳажга бориб келди. «Ҳаж дафтари» (1992) шеърлар тўпламини нашр эттириди. «Маккай мукаррамага борганимнинг дастлабки кунида Каъбатуллоҳда — Оллоҳ уйи ёнида тунни бедор ўтказиб, тиловат билан бир қаторда байтлар ёза бошладим, — дейди Абдулла Ориповнинг ўзи. — Мен бу ҳолатга аввалдан бирмунча тайёр бўлганим сабаблими, сатрларим ўз-ўзидан куйилиб келавердилар. Шеърий ҳадисларимнинг барчаси пайғамбаримиз Муҳаммад алайҳиссалом суханлари билан бевосита боғлиқ эди». Йўқ, Абдулла Орипов пайғамбаримиз ҳадисларини шунчаки шеърга солиш билан овора бўлгани йўқ, аксинча, уларга суюниб туриб ва уларни дастак этиб туриб, ўзининг аввалдан қизиқиб келган муаммолари — баркамол инсон ва пок жамият ҳақидаги қарашларини ифодалади. «Шайтон» деган шеърида иймон бутунлигини ҳимоя қиласди: «Заҳмат етказолмас Шайтон ва лекин, кимнинг бутун бўлса иймони», «Қиёмат» шеърида «дунёда инсоф, диёнат қолмаган ва кунинг нопок одамларга қолганда қиёмат бўлади», дейди.

Абдулла Орипов адабиётимиз равнақига катта улушини қўшаётган шоирдир. Ўзбек адабиётининг узоқ, мурак-

каб ва сермазмун тарихи шундан далолат бериб турибдинки, у одамлар орасида изчил равишда яхшилик уруғини сепиб, ёмонликка қарши курашиб келди. Унинг марказида инсон, уни баҳтиёр этиш истаги, чин инсонпарварлик ғояси турди, ватанга садоқат, фозил шаҳар, фозил мамлакат, одил ҳукмдор ва баркамол инсон орзу-армони турди. У доим зулм, золимларни, тенгсизликни, адолатсизликни, риёкорликни, мунофиқликни, ноҳақликни, жаҳолатни қоралаб, унга қарши курашиб келди. Мехнатсеварлик, поклик, сахийлик, илмсеварлик, ҳалоллик, дўстлик, тинчлик, вафо-садоқат, меҳр-оқибат, сабр-тоқат ғояларини олға сурди. Мазкур ғояларни ўтказишида Куръон ва ҳадислар ҳамда тасаввуф жуда катта ёрдам берди. Яссавийлик, айниқса нақшбандийлик тариқати, Ҳақ васлига этиш йўлларини кўрсатиш орқали инсонни ҳалол, пок яшашга, ўз меҳнати, ўз қўли кучи билан кун кечиришга, мол-дунёга ҳирс қўймасликка, ўз ватани ва инсонни севишга, тинч-тотув яшашга, сабр-тоқатли бўлишга даъват этди.

Ўзбек мумтоз адабиётининг ғоявий анъаналари, шеъриятда орттирган, йиқсан тажрибалари, бадиият мактаби XX аср ўзбек адабиётининг дунёга келишида мустаҳкам пойdevor бўлиб хизмат этди. Ҳозирги замон ўзбек адабиёти ўз бошидан бир-биридан мушкул кунларни кечирди: ҳақиқат, адолат, озодлик ва миллий мустақиллик ғоялари учун курашган, шеъриятимизнинг ҳалқ ҳаётига янада яқинлаштирган драматургия ва роман жанрларини яратган Беҳбудий, Ҳамза, Авлоний, Фитрат, А. Қодирий, Чўлпон каби ўнлаб ижодкорлар ноҳақлик қурбони бўлдилар. Ҳозирги замон ўзбек адабиёти етмиш йилча коммунистик партия мафкураси, социалистик реализм қонун-қоидалари исканжасида бўғилиб келди. Шунга қарамай, у ўнлаб ўзига хос, бетакрор қалам соҳибларини берди ва улар ҳалқимизга руҳий мададкор бўлдилар. Республикаиз миллий мустақилликка эришгач, ёзувчиларимиз эркин ижод этиш баҳтига эришдилар. Энди адабиётимиз ҳалқимизнинг ўзлигини танишига кўмаклашмоқда, ўз ўтмиши, ўз ватанига бўлган чексиз муҳаббатни эҳтирос

билин куйламоқда, баҳтиёр ҳаёт, баркамол инсон ва фозил мамлакат, одил жамият қуриш орзу-армонларини ишонч ва умид билан ифодаламоқда.

ТОҲИР МАЛИК

(1946 йилда туғилган)

Тоҳир Малик ҳозирги замон ўзбек адабиётининг ёрқин намояндаларидан бири. У ўзининг қатор асарлари билан ўзбек фантастик адабиёти тараққиётига сезиларли таъсир кўрсатди. Ҳар бир асари адабиётда воқеа сифатида кутиб олинди. «Заҳарли ғубор», «Сомон йўли элчилари», «Чорраҳадаги одамлар», «Фалак» ва бошқа фантастик асарлари ўзбек китобхонларининг севимли китобларига айланган. Тоҳир Малик ўз асарларида саргузашт унсурларидан бадииятнинг ажралмас қисми сифатида фойдаланади. Саргузашт унсурлари кўпроқ инсон руҳиятининг турли-туман товланишларини, қирраларини тасвирлаш учун хизмат қилади. У ўзининг дастлабки ҳикоялариданоқ инсон оламининг мураккабликларини синчковлик билан ўрганишга интилади.

Тоҳир Малик Тошкент Давлат Университети журналистика факультетининг кечки бўлимида таҳсил олар экан, кундузлари ўзининг бўлажак қаҳрамонлари билан қурилишда оддий қурувчи бўлиб ишлади, кейинчалик мактабда ўқитувчилик қилди. Ёзувчи газета-журнал таҳририятларида мухбирлик қиладими, мұхаррир бўлиб ишлайдими, қаерда бўлмасин, кишиларнинг руҳий олами билан хатти-ҳаракати ўртасидаги мантиқий боғлиқликни топишга ҳаракат қилди. Китобхонлар унинг ҳар бир асарини интиқлик билан кута бошладилар.

Герберт Уэллс, Жюль Верн, Алексей Толстой, Александр Беляев каби фантастик ёзувчиларнинг асарлари кишиларнинг маънавиятини шакллантиришда, жамиятнинг тараққиётини тезлатишида муҳим аҳамиятта моликлигидан ташқари илмий фикрларнинг ривожланишига ҳам таъсир кўрсатгани маълум.

Одатда, фантастика жанридаги асарларда адид илмнинг сўнгги ютуқларига таянган ҳолда унинг кейинги тараққиёти натижаларини тасаввур кучи билан кўрсатишга ҳаракат қилади. Лекин бундай асарларда ҳам образлар тасвирида уларнинг ҳаётий ва таъсиручан тасвирланиши муҳим аҳамият касб этади.

Тоҳир Маликнинг «Фалак» фантастик қиссасида профессор Жаҳонгир Алиев яратган элаллома ускунаси — ўликларнинг хотирасини тиклай оладиган электрон машина ёрдамида замондошларимизнинг бундан беш асрлар олдин ўтган аждодлар маънавиятига қилган сафари акс эттирилади. Мирзо Улуғбек, Абдулваҳоб, Қамариддин, муфти, Жамшид сингари мураккаб тақдирли шахсларнинг руҳий дунёси, Шамсибек ва Маҳфуза каби поқиза инсонларнинг ҳаёти акс эттирилган. Аслида, улар ўлик бўлса-да, маънавий оламининг беғуборлиги туфайли кўпчилик тирикларга қараганда ҳам китобхонлар қалбига жой олади. Шахсий манфаат ва худбинлик қонқонига сингиб кетган кимсалар билан эл-юрт манфаати учун куйиб-пишган олижаноб инсонлар ўртасидаги зиддият жонли лавҳаларда ўз ифодасини топган. Асардаги фантастик унсурлар ўқувчини дадил фаразлар сари етаклади.

Адибнинг «Чархпалак», «Алвидо, болалик», «Сўнгги ўқ» асарлари адабиётимизда муайян ўринни эгаллади. «Сўнгги ўқ» қиссаси асосида суратга олинган етти қисмли видеофильм кўпчиликда қизиқиш уйғотди. Асарда тасвирланган яқин кечмишимиздаги мураккаб ва мушкул воқеалар, оғир манзаралар тасвири китобхон қалбини ларзага солмай қўймайди. Туҳмат ва ноҳақлик қурбонларининг аянчли қисмати «Ов» қиссаси ва «Эркин» ҳикоясида ҳам мантиқан давом этади. «Халқ душмани» дея тухмат қилинган отасининг ҳақлигини ўн етти яшар Эркин яхши англайди. Қамоқхонанинг темир эшиклари ортида у мураккаб ўйлар исканжасида кечалари тўлғаниб чиқади. Ва ниҳоят «чарм курткали одам»нинг бир оҳангдаги бетиним саволларига, ашаддий қийноқларига унинг асаблари дош беролмай қолади... «Ақл-хушини йўқотган Эр-

кин билагини шартта-шартта тишлаб ташлади. Томиридан отилган илиқ қон юзига тегиб, кўнгли бехузур бўлди. Кўз олдидаги дарёда қон мавж урди. Мавжлар устида қамоқхона, қамоқхона ичидаги Эркин чайқалди. Чайқала-чайқала хушидан кетди».

Эркин жонидан кечиб бўлса-да, отасининг хотирасини пок сақлади, руҳини эъзозлади.

«Шайтанат» қиссасидаги тақдири бири-бирига ўхшамаган, қиёфаси-ю феълу атвори, дунёқарашлари бири-биридан тубдан фарқ қилувчи «Шайтанат» оламининг вакиллари тоҳ ошкора, тоҳ пинҳона ўзаро кураш олиб борадилар.

Ҳатто аламзадалик туфайли бешафқатлик кўчасига кирган Асадбек вақт-вақти билан энг оддий инсон, айниқса, хасталикка чалинганида эса ожиз бандада сифатида намоён бўлади. Ёзувчи ҳар бир образнинг энг нозик қирраларини топа билади. Шу боисдан ҳам 4 китобдан иборат «Шайтанат» қиссаси яқин ўтмишдаги воқелигимиз сифатида китобхонга кучли таъсир этади, қанча-қанча кишиларни турмушнинг «ўнқир-чўнқирлари»дан сақлашда сергаклантиради.

Қисса Тоҳир Малик истеъодининг серқирра йўналишларини ифода этувчи чинакам бадиий асар сифатида адабиётимиздан муносиб ўрин эгаллади.

Тоҳир Малик хайрли ишга кўл урган. У ўтмиш ҳаётимизнинг қат-қатларини варақлаб, ҳақиқат илдизларини топишга интилаётган ёзувчи. «Халқ ўзининг асл фарзандларини юракдан юлиб ташлашларига йўқ қўймайди. Қодирийни, Чўлпонни, Фитратни... душман деб ишонтиришга ҳаракат қилдилар. Халқ ишонмади бу туҳматга. Бу фарзандларига бўлган меҳр, ишонч авлоддан авлодга ўтди... Уларга ачиниш эмас, улар билан ФАХРЛАНИШИМИЗ зарур. Фақат ночор одамларгагина ачинадилар. Бечора, яъни чораси йўқ, чорасиз дейдилар. Улар бечора эмас, улар БУЮК эдилар. Биз уларнинг қамалганлари, отилганлари учунгина эъзоз этмаймиз. Қамалганлар, отилганлар кўп. Биз Чўлпон, Қодирий, Фитрат, Усмон Ноисир, Элбек, Фози Юнус... ларни буюк истеъодод эгалари

бўлганлари учун бошимизга кўтарамиз. Ана шу буюк истеъдодларни халқа, айниқса, ёшларга билдириш, тушунириш бизнинг бурчимиз», — деб ёзади адаб «Кундалиқдан саҳифалар»ида.

Чиндан ҳам, Тоҳир Малик замондошлар қалбига йўл топиб, уларнинг теран оламини забт этаётган ижодкордир.

МУНДАРИЖА

Муқаддима	3
<i>Биринчи бўлим</i>	
ЎЗБЕК ТИЛИ	
I боб. Тил — ижтимоий ҳодиса	6
1-§. Дунё тиллари	7
2-§. Ўзбекистондаги миллий тиллар	10
Адабиёт	12
II боб. Ўзбек ҳалқи ва тилининг шаклланиши ҳақида	12
Адабиёт	25
III боб. Ҳозирги ўзбек адабий тили — Ўзбекистон	
Республикасининг давлат тили	26
Адабиёт	41
IV боб. Ҳозирги ўзбек адабий тили. Сўзлашув нутқи ва шевалари	41
1-§. Ўзбек адабий тили	41
2-§. Шева нутқи	44
3-§. Ҳозирги ўзбек адабий тилининг бўлимлари	46
I.Фонетика	47
а) Нутқ аъзолари ва фонемалар	47
б) Фонетик қонуният ва ҳодисалар	48
в) Бўғин	51
г) Ургу	52
д) Ўзбек адабий тилининг талаффуз меъёрлари	53
е) Ёзувларни тарихи	56
ё) Лотин ёзувига асосланган ўзбек алифбоси	60
ж) Имло	62

Адабиёт	77
2. Лексикология ва лексикография	77
а) Ўзбек тили сўс бойлиги	77
б) Луғатшунослик	81
в) Атамашунослик муаммолари	83
Адабиёт	103
3. Грамматика	104
а) Морфология	104
б) Синтаксис ҳақида умумий тушунча	111
в) Тиниш белгиларининг қўллапиши	112
Адабиёт	121
V боб. Ҳозирги ўзбек адабий тилининг ёзма услуби ҳақида	122
1-§. Услуб ва унинг турлари	122
2-§. Ёзма нутқ услубини яратувчи воситалар	138
а) Лексик воситалар	140
б) Морфологик воситалар	147
в) Синтактик воситалар	148
г) Фонетик воситалар	154
д) Синонимия	157
е) Экстраграфистик воситалар	158
3-§. Ёзма нутқ услубининг меъёрлари	158
4-§. Ўзбек тили ёзма нутқ услубининг шаклланиши	161
Адабиёт	163
VI боб. Муншаот	164
Ўзбек тилида иш юритиш ҳужжатлари ҳақида	164
Ҳужжатларнинг мақсадга кўра турлари	167
Ҳужжатларга қўйилган талаблар	168
Ҳужжатларнинг тузилиши	169
Ҳужжатларнинг шакли	179
Ҳужжатларнинг тили ва услуби	179
Адабиёт	182

Иккинчи бўлим

ЎЗБЕК АДАБИЁТИ	183
I боб. Адабиёт — маънавият қўзгуси	183
1. Мумтоз ўзбек адабиёти	183
2. Ҳозирги замон ўзбек адабиёти	185
3. Мустақиллик даври адабиёти	191
II боб. Маърифат ва маънавият тарбиботчилари	193
Аҳмад Яссавий	193

Алишер Навоий	198
Заҳириддин Муҳаммад Бобур	210
Зокиржон Ҳолмуҳаммад ўғли Фурқат	216
Маҳмудхўжа Беҳбудий	224
Ҳамза Ҳакимзода Ниёзий	235
Фитрат	241
Абдулла Қодирий	256
Чўлпон	278
Ойбек	292
Faфур Ғулом	299
Абдулла Қаҳҳор	309
Эркин Воҳидов	319
Абдулла Орипов	332
Тоҳир Малик	344

Ғани Абдураҳмонов, Салоҳиддин Мамажонов

ЎЗБЕК ТИЛИ ВА АДАБИЁТИ

Муҳаррир *Г. Каримова*

Бадиий муҳаррир *Ҳ. Мехмонов*

Техник муҳаррир *У. Ким*

Мусаҳих *С. Абдувалиев*

Компьютерда саҳифаловчи *Л. Абкеримова*

Теришга берилди 30.11.2001. Босишга рухсат этилди 14.11.2002.

Бичими 84x108/32 «Таймс» гарнитурада оффсет босма усулида босилди. Шартли бос.т. 18,48. Нашр т. 18,20. 2000 нусхада чоп этилди.

Буюртма № 102. Баҳоси шартнома асосида.

«Ўзбекистон» нашриёти, 700129, Тошкент, Навоий қўчаси, 30.

Нашр № 196-2001.

Ўзбекистон Матбуот ва ахборот агентлигининг й-босмахонасида босилди. 700002, Тошкент, Сағбон қўчаси, 1-берк кўча, 2-уй.

Абдураҳмонов F., Мамажонов С.
A 15 **Ўзбек тили ва адабиёти: Олий ўқув юртларининг дарслар ўзбек тилида олиб бориладиган нофилологик гурӯҳ талабалари учун дарслик.— Т.: Ўзбекистон, 2002, 352 б.**
I. Автордош

ISBN 5-640-03005-4

Дарслиқда ҳозирги ўзбек адабий тилининг шаклланиши, янги ўзбек алифбоси, имлоси, тиниш белгиларини тўғри қўллаш қоидалари, ўзбек адабий тили талаффуз меъёрлари, шунингдек адабий тилнинг услуг бурлари, расмий хужжатларни тузиш қоидалари ва намуналар берилган.

Дарсликнинг адабиётга оид бўлимни биринчи қисмида мумтоз ва ҳозирги ўзбек адабиёти, миллӣ мустақиллик даври адабиётининг ўзига хос хусусиятлари, йўналишлари ва фоялари ҳақида маълумот берилган. Иккинчи қисмида эса мазкур даврларда яшаган ва ижод этган ёзувчи ва шоирларнинг ҳаёти ва ижоди таҳлил қилинган.

81. 2УЭ-923+83.3(5Ў)я 73

131-2002
Алишер Навоий номидаги
Ўзбекистон Республикасининг
Давлат кутубхонаси

A **4602000000 - 129**
M 351 (04) 2001 - 2002